


from the Edm^{de} Maus Leg (Geneva)



Digitized by the Internet Archive
in 2011 with funding from
Research Library, The Getty Research Institute

CHAMP FLEVRY.

Au quel est contenu Lart & Science
de la deue & vraye Proportiō des Let
tres Attiques, quō dit autremēt Let
tres Antiques, & vulgairement Let
tres Romaines proportionnees selon
le Corps & Visage humain,

Ce Liure est Priuilegie pour Dix Ans
Par Le Roy nostre Sire. & est a ven
dre a Paris sus Petit Pont a Lenseigne
du Pot Casse par Maistre Geofroy
Tory de Bourges / Libraire, & Au
teur du dict Liure. Et par Giles Gour
mont aussi Libraire demourant en la
Rue saint Iaquēs a Lenseigne des
Trois Coronnes.



PRIVILEGIE POVR DIX ANS.

Ce toutal Oeuvre/est diuise en Trois Liures.

Au Premier Liure/est contenue L'exhortation a mettre & ordonner la Lâgue Francoise par certaine Reigle de parler elegâment en bon & plussain Langage Francois,

Au Second est traicte de Linuention des Lettres Attiques, & de la conferencce proportionnalle dicelles au Corps & Visage naturel de L'homme parfait. Avec plusieurs belles inuentions & moralitez sus lesdittes Lettres Attiques.

Au Tiers & dernier Liure /sont deseignees & proportionnees toutes lesdittes Lettres Attiques selon leur Ordre Abecedaire en leur haulteur & largeur / chascune a part soy. en y enseignant leur deue facon & requise prononciation Latine & Francoise, tant a L'antique maniere/que a la Moderne.

En deux Caietz a la fin sont adiouxtees Treze diuerfes facôs de Lettres. Cest a scauoir, Lettres Hebraïques. Greques. Latines. Lettres Francoises. & icelles en Quatre facons, qui sont. Cadeaulx. Forme. Bastarde, & Torneure. Puis ensuyuant sont les Lettres Perssiennes. Arabiques. Africaines. Turques. & Tartariennes. qui sont toutes cinq en vne mesme Figure Dalphabet. En apres sont les Caldaïques. Les Goffes, quô dit autrement Imperiales & Bullatïques. Les Lettres Phantastiques, Les Vtopïques, quon peut dire Volontaires. Et finalement Les Lettres Floryes. Avec Linstruction & Maniere de faire Chifres de Lettres pour Bagues dor. pour Tapisseries. Vistres, Paintures / & autres chouses que bel & bon semblera.



Cy pres sensuyt le double du Priuilege donne par le Roy nostresire a Maistre Geofroy Tory de Bourges Libraire & Autheur de ce present Liure demoran a Paris. Pour ses Histoires, Vignettes, Frises, Bordeures. Corônemens. Entre las, & autres Figures seruans a faire imprimer ce Liure, & Heures en plusieurs vsages & grandeurs. Et est le dict Priuilege pour le temps & espace de Dix ans commenceans au iour de la darte de limpression desdits Liure & Heures,

PRIVILEGE DV ROY NOSTRE SIRÈ.



Rancois, par la grace de Dieu, Roy de Frâce, aux Preuost de Paris, Baillif de Rouë, & Seneschal de Lion: & a tous noz autres Iusticiers & Officiers, ou a leurs Lieux tenās, & a chascū deulx sicomme a luy apartiendra, salut.

Nostre cher & bième maistre Geofroy Tory de Bourges, libraire demourant a Paris, nous a faict dire & remonstrier cōme pour tousiours diuulguer, acroistre, & decorer la langue Latine & Francoise, il a puis certain temps enca faict & cōpose vng Liure en prose & lāgaige frācois, intitule. Lart & Sciēce de la deue & vraye proportion des Lettres Attiques: autremēt dictes Antiques, & vulgairemēt Lettres Romaines, proportionēes selō le corps & visaige humain Lequel Liure il nous a faict veoir & presenter, nous suppliāt & requerāt a ceste fin luy dōner & ottroyer Priuilege, permissiō & licēce dicelluy Liure imprimer ou faire imprimer: ensemble certaines Vignettes a Lantique & a la Moderne, Pareillement Frises, Bordeures, Coronemēs et Entrelas, pour faire imprimer Heures en telz vsages et grādeurs que bō luy semblera, durāt le temps et terme de Dix ans: cōmencās au iour de la date de limpressiō desditz Liure & Heures. Auec Prorogatiō de sēblable tēps pour aucunes Histoires et Vignettes a l'antique par luy cy deuāt faict imprimer. Sans ce q̄ pendant ledit tēps il soit loisible, ne permis a aucūs autres Libraires et Imprimeurs de noz Royaume, Pays et Seigneuries autre que icelluy Tory, ou ceulx q̄ pour ce il cōmettra de iceulx Liure et autres choses suscriptes, pouoir imprimer ou faire imprimer en aucune maniere. Sauoir vous faisons q̄ nous ce que dit est cōsidere, inclinās liberallement a la supplication et requeste dudit maistre Geofroy Tory: et ayāt regard et consideratiō aux peines, labeurs, fraiz, & despēs quil luy a cōueniū porter et soustenir, tāt a la cōposition dudit Liure, q̄ pour la taille desdites Histoires, Vignettes, Frises, Bordeures, Coronemēs et Entrelas, pour faire imprimer Heures, cōme dit est, en plusieurs vsages et grandeurs. A icelluy, pour ces causes et autres raisons a ce nous mouuans, Auons dōne et ottroye, donnons et ottroyons de grace especial par ces presentes Conge, Licence, Permission et Priuilege de pouoir unprimer ou faire imprimer par les gēs, facteurs et commis, lesditz Liure et Heures: en telles grādeurs et vsages q̄ bon luy semblera, durant le dit temps et terme de Dix ans cōmencans audit iour et date de limpression diculx, Auec laditte Prorogatiō de semblable tēps de Dix ans, pour lesdites Histoires et Vignettes, par luy cy deuāt faict imprimer. En vous mādāt et ordōnant respectiuemēt, par celsdites presentes, que de noz presens don et ottroy, licēce/permission & Priuilege/vous souffrez/& laissez ledit maistre Geofroy Tory iouyr & vser plainemēt & paisiblement: sans pour ce luy dōner ou faire dōner aucun empeschement au contraire. Et en oultre ne souffrir & permettre, en quelque maniere q̄ ce soit, q̄ aucūs autres Libraires ou Imprimeurs de nosditz Royaume, pays & seigneuries puissent imprimer ou faire imprimer pendant ledit temps, lesditz Liure & Heures, comme dit est: Sus peine de Cent Mars d'argent, a nous appliquer: & confiscation des Liures & Heures, esquelz ilz auront oultre nostre vouloir mespris. Car tel est nostre plaisir. Dōne a Chenōceau, le Cinquiesme iour de Septembre, Lan de grace Mil Cinq Cens Ving Six Et de nostre Regne, le Douxiesme,

Ainsi signe. Par le Roy. Breton. Et seelle de cire iaune en simple queue. Et en linterinement signe Lormier/seelle de cire verte, en double queue,

A.ij.

Geofroy Tory de Bourges, dict & donne humble Salut a tous
vrayz & deuotz Amateurs de bonnes Lettres.



Es Poetes; les Orateurs : & les autres Scauans en Lettres & Sciences : quant ilz ont faict & compile quelque Oeuure de leur studieuse diligence & main, ont de costume en faire present a quelque grant Seigneur de Court ou Desglise en le exalceât par Lettres & louanges enuers la cognoissance des autres hommes . & ce pour luy agreer, & afin quilz en puissent tousiours estre si bien venuz au tour deluy, quil semble estre oublige & tenu a leur donner quelque gros don, quelque Benefice, ou quelque Office en recompense des Labeurs & vigiles quilz ont mis a faire & composer, leurs dits Oeuures & Presens. Je porrois facilement ainsi faire de ce petit Liure, mais considerant que si ie le presentoyz plustost a quelcun que a vng autre, Il y porroit auoir quelque enuyeulx scrupule: Iay auise que ce seroit honnestement faict a moy de vous en faire a tous vng present O Deuotz Amateurs de bônes Lettres; sans preferer grant a petit, si non dautant quil ayme plus les Lettres, & quil est plus intine en vertus. Par ainsi les Prelats & grâs Seigneurs qui sont tous excellens en belles & bonnes vertus y auront part en sorte q vous nen perdres la vostre. Ie suis desplaisant que daucuns mont voulu demouuoir de manifester ce que ie vous escripz en ce Nostre toutal Oeuure . & quilz ont essaye faire de moy vng homme ingrat de ne vouloir enseigner chouse tresbelle & bonne. Ilz me font souuenir de plusieurs qui quant ilz ont vng Caiet ou quelque Liure incogneu quilz ne le cōmuniqueroient pas a leur Frere ne a leur Pere. Ie croy que teiz hōmes sont si meschâts & Auaricieux que si toute la flamme & le Feu du Monde estoient estainctz fors vne seule Chandle quilz auoient alumee; & quō ne peust auoir feu que de leur ditte seule Chandle, quilz ne voudroient pas que leur douce Mere y en alumast vne pour faire du feu a chauffer & nourir leur Petit Frere. Ilz sont de la Nature dune beste que Pline & Soline disent estre si meschante : que cognoissant que son vrine se fige & congele en vne pierre precieuse qui est ditte en Grec. *λυνκουριον* & qui est semblable a la pierre Dambre qui attise a soy les Fetuz, ne veult & desdeigne quelle viue ne es mains & vsage des hommes, tellement quelle la couure & mussé en terre le plus segrettement quelle peut. Ainsi feit le Noble Ourrier des vistres de la Sainte Chapelle de Bourges que le Duc de Berry nôme Iehan feit faire. Iceluy Ourrier fut si ingrat & glout de son scauoir quil ne le voulut oncques enseigner a homme, ne a son filz, se dict on. Les vistres quil fait sont de tel art, que le Soleil tant luy sant peut il estre, ne les peut de ses rayons aucunement penetrer qui est vne chose tresbelle & sans autre semblable. Sil eust voluntiers enseigné cela: Mille autres hommes eussent depuis luy faict maintes belles et bōnes Operations qui ne sont pas faictes; et ne serōt iamais. Pleust a Dieu que Lauthour de la pouldie a Canon eust ainsi faict, et quil fust mort sans mains et la bouche clouse. Cent Milliers dhommes eussent peu viure plus longuement / qui ont esté tuez tresmeschâtemēt. Ce sont les abomynables Sciēces quil ne fault pas enseigner, mais les bōnes et hōnestes il les fault publier afin q vng Chascū se y employe et euertue a biē faire. Albert Durer Noble Pairre Alemāt ē grādemēt a louer qui a si biē mis en lumiere son Art de Paiture en deseignāt Les Corps de Geometrie. Les Rāpards de Guerre, & les Proportiōs du Corps humain. Il est digne de qui on face immortelle memoire . Ne soyons don ques ingrats de ne seigner & dire honnestement ce qui peut proufiter, & faisons de bon cuer plaisir a tous viuans ainsi que voudrions quilz nous feissent. Vne Perle mussée en

Pline.
Soline.

λυνκουριον
giov.
Ambre.

Le Noble
Ourrier
Ingrat.

Iehan
Duc de
Berry.

Vistres
de la
Sainte
Chapelle
de
Bourges

Albert
Durer.

vng Fient est perdue / & inutile, mais quāt elle est assise en or seule / ou auēc au-
 tres Pierres precieues, elle est beaucoup plus excellemment & au gre des hō-
 mes qui l'ont deuant les yeulx. Ainsi ne voulant que noz Lettres Attiques fus-
 sent en leur Proportion du tout incogneues, Je vous les ay toutes desaignees
 par Nombre & Mesure afin quen puissiez vser a vostre bon plaisir, & en faire
 de tant Grandes & tant Petites que bel & bon vous semblera. & ce, en tenant
 tousiours le Nombre des Pointz & Tours de Compas a vne chascune delles re-
 quis. Je vous veulx icy prier & aduertir que quant vous voudrez vser de Let-
 tres Attiques, ou Grecques, ou autres en Deuises, en Sentences, ou autres-
 ment, que vous les logiez & escriuiez en Taulettes ou en lieux patens, afin
 que vne chascune Lettre soit veue & leue en droite Ligne, en plaine face, & en
 bon ordre. Je voy daucuns qui les logent en Raouleaux esquelz bien souuent
 vne Syllabe se treuue diuisee plus dune Aulne de long, qui est contre Lart de
 Grammaire. Item Les aucunes Lettres y sont quasi couchees de trauers, & les
 autres ont les piedz contre sus / qui est contre Raïson de Nature. La Nature
 des Lettres, Lesquelles sont faictes au Modele du Corps humain, est destre en
 sa requise & droite veue / sus bout / & en son entier. Mais qui me repliqueroit
 quen vne piece Dor, Dargēt, de Cuybure ou dautre matiere / ya des Lrēs des-
 quelles les vnes au regard des autres se treuuent le pie l de trauers / ou contre
 sus. Je respondrois honnestement / que cest bien faict. & que on peut torner en-
 tre ses doits la ditte piece Dor: ou autre piece: pour y veoir chascune Lettre en
 sa droite face: & en plant. Mais en Tableaux, en Vistres, en Tapisserie, en
 Murs, & en beaucoup dautres lieux on ne y peut torner les Lettres qui ne tor-
 neroit tout le lieu ou elles sont assises. parquoy conuient quelles y soyent tous-
 iours plantees & escriptes droittes les vnes apres les autres. Ilz se veulent ex-
 cuser & dire que Raouleaux seruent de remplissage. Saulue leur honneur Ilz
 ny seruent que depesche, & ce qui a este cause de cest abus, ce ont este liens de
 Chapeaulx & Coronnes de feuilles, Rameaulx, & Fleurs. que les Anciēs met-
 toient a leurs Festins pour voletter par cy & par la, & donner grace aux dits Fe-
 stins. Qui voudroit escrire en Raouleaux, Il ne y faudroit pas escrire en long,
 mais en trauers Car qui voudroit seulement escrire en long Trois ou Quatre
 Versetz, Il faudroit que le Raouleau fust plus long quil nya despace dicy
 aux Isles des Molucques, et principalement qui voudroit escrire en grosse
 Lettre. La Maniere descrire en Raouleaux est icy tresabusue en beaucoup de
 facons, & principalement en ce, que daucuns escriuent vng mesme Mot ou
 Syllabe a moitie au dedans du Raouleau & a moitie au dos dicelluy. Cest vne
 grande simpleesse de vouloir faire quelque chouse sans discerner la Raïson. Lin-
 uension descrire en Raouleaux vient de longue & quasi incogneue Anciē-
 nete, mais toutesfois ie la vous diray. Elle est venue des Anciēs Lacedemoniēs
 qui en tēps de Guerre auoiēt deux bastōs faictz p̄cisemēt dune mesme lōgueur
 & grosseur, & en bailloient lun au Prince qui alloit en Guerre puis gardoient
 lautre iusques a ce quilz luy vouloient mander quelque segret. Et quant ilz luy
 en mandoient ilz prenoient vng Parchemain ou Cuyr, ou autre chose sembla-
 ble / Long et estroit cōme vne sancture & lenuyronnoïēt bout a bout au tour
 & le Long de leur baston quilz auoiēt retenu, puis escripuoiēt sus leur Par-
 chemain le long & tout au tour de leur dict bastō en sorte que la plus grāde par-
 tie des Lrēs se trouuoit ou a demy, ou a tiers, ou a biē peu sus les bours & assen-
 bleures de leur dict Parchemain. puis le desployent & lenuoyent tout desploye
 a leur dict Prince qui incontinent qui lauoit receu le mettoit au tour de son ba-
 ston, & tantost pour la grace de la mesme Mesure des deux bastōs semblables,

Taulettes.

Raouleaux.

Nature des Lettres.

Linuēsiō descrire en Raouleaux.

Deux Bastons semblables.

toutes les Lettres se r  c  troi  t iustem  t en leur entier / c  me qu  t on les escrip-
uoit. Ilz faisoient ainsi entre eulx afin q   si dau  ture les Ennemyz eussent surpris
leurs Postes ou Messaigiers quilz neuss  t peu accorder les Lettres ainsi escrip-
tes au trauers du Parchemain. Et en memoire de cela les Anci  s Paintres feir  t
des Raouleaux es mains des Princes, puis es mains des Prophetes, semblable-
ment des Sibyles, & consequentement en plusieurs autres manieres & facons
tant que a la fin on en abuse en Mille endroits / & sans aucune Raison. Quil soit
vray que les susalleguez Anciens Lacedemoniens ayent iadis ainsi escript /
comme est dict cy dessus, Lisez au Dixseptiesme Liure / & Neuui  sme Chapi-
stre des Nuytz Attiques de Aule Gelle. Tout pareillem  t lisez au Premier Pro-
uerbe de la Segonde Centurie, Cest a dire, Centene, la quelle Centene est aus-
si en la Segonde Chiliade, Cest a dire Millier des Prouerbes de Erasme / ou est
en escript Tristis Scytale. Et vous y trouueres bi   aul  g tout ce q   ie vous en ay
dict. Laissez donques la ces Raouleaulx / & escriuez en belles & patentes Tau-
letes & autres choses semblables: afin que vostre lettre soit veue toute d  g fr  t
Et Notez que Lespace d  tre les Lignes veult tousiours estre aussi large que la
Lettre I, est haulte. Lespace dentre les Lettres veult estre de la largeur ou d  g
I. ou dung F. ou dung S. ou dung M. ou encores plus selon le lieu & Sentence
quon veult remplir & escrire. Bref. Lettre Attique est si noble quelle veult
estre en grande liberte. comme porrez veoir en ce present Oeuure que iay nom-
me Champ Fleury pour la grace & facilite du N  . & que iay intitule. LART
& Science de la deue & vraye Proportion des Lettres Attiques, quon dit au-
trement, Lettres Antiques, & vulgairement Lettres Romaines. Prenez don-
ques en gre si vous plaist O / Deuotz & bons Amateurs de Bonnes Lettres: &
pencez que ce que ien faiz / est de bon zele & entiere volonte. Priant nostre Sei-
gneur IESVS vous donner a tous accroissement de bonnes Lettres & belles
vertus avec toute pure sante de Corps & de Ames.

En Paris ce. XXVIII. Jour Dapril,
sus Petit Pont a L ensei-
gne du Pot
Casse.

LA TABLE.

Noms des Autheurs & hōnestes persōnages alleguez & māsionnez en tout cest Oeuure. Desq̄lz les aucūns sont en Latin, & les autres en Frācois selon q̄ la douceur de la pronūciation diceulx est amyable aux oreilles de plusieurs.

A.

Agrestius.
Alain Chartier.
Albert Durer.
Alde.
Alcman.
Alexandre de ville Dieu.
Albinus.
Andreas Cratandrus.
Antonius Orobius.
Appius Claudius.
Arnol Grabans.
Architrēnius
Arius.
Asconius Pedianus.
Astyages.
Aulus Gellius.
Aulus Albinus.
Aulus Antonius Orobius.
Auance.
Aufone.
Auguste Cesar.
Augustin Iustinian.

B.

Baptiste Mantuan.
Baptiste le piteyable.
Baptiste Albert.
Beda le venerable.
Beroal.
Boccace.
Bramant.
Bude.

C.

Cadmus.
Carinentis.
Caper Grammaticus.
M. Cato.
Martianus Capella.
Caelius Rhodiginus.
Catulle. Iules Cesar.
S. Cipryan.
Chastelain.
Chrestien de Troyes.
Charlemaigne.

Charles Bouillē.
Chrysoloras.
Cicero.
Cimenez de Cineros.
Cornele Tacite.
Codrus Vrceus.
Constantin Lascaris.

Cretin.
Q. Curse.

D.

Dantes.
Ma Dame Dentragues.
Dioscorides.
Diomedes Gram.
Didymus.
Donatus.
Donatel.

E.

Ennius.
Erasme.
Estiene de la Roche, autrement dict
de ville Franche.
Euclides.

F.

Festus.
Frere Rene Masse Chroniqueur du Roy
Frere Lucas Pacioli.
Frere Francois Cinenez de,
Cineros.
Francesco Petrarcha.
Fulgentius Placiades.

G.

Gaguin.
Galeotus Martius Narniensis.
George Chastelain.
Gellius.
Grecismus.
I. Groslier.

H.

Habrahami.
Hayeneufue.
Hercules.
Hesiodē.
Hieronyme Auance.
S. Hierosme.
Hieremias.
Higine.
Homere.
Horace.
Hugon de Mery.

LA TABLE.

I.

Iaques Faber.
Iehan Groslier.
Iehan Lineuelois.
Iehan Lemaire.
Iehan Pontan.
Iehan Boccace.
Iehan Perreal
autrement dict
Iehan de Paris.
Iehan Baptiste le piteyable.
Io, Grammaticus.
Iosephus.
Iuuenal.
Iules Cesar.

L.

Lactance.
Laurent Valle.
Lascaris.
Lapocalipse.
Leon Baptiste Albert.
Le Maire.
Leonard Vince.
Le Liure du ieu des Eschecqts.
Lineuelois.
Lucian.
F. Lucas Pacioli.
Lunettes des Princes.
Lucretius.

M.

Masse.
Ma Dame Dentragues.
Marcellus Virgilius.
Mecrobe.
Marcus Cato.
Maurus.
Maistre Simon du Mans.
Martianus Capella.
Martial.
Martius Narniensis.
Maistre Pierre Patelin.
S. Mathieu.
Mela.
Mesieres.
Michel Lempereur.
Michel Lange.
Morus Langlois.
Moyse.

N.

Narniensis.

Nesson.
Nicostrata.

O.

Orace.
Orobilus.
Orus Appollo.
Oscus & Volcus.
Ouide.

P.

Paisant de Mesieres.
Pacioli.
Patelin.
Petrarcha.
Persius.
Phocas.
Philippe Beroal.
Pierre de Saint Clost.
Pittacus.
Plaute.
Platon.
Placiades.
Pline.
Plutarche.
Pompone Mela.
Pontan.
Polyphile.
Probus Gram.
Prodicus.
Pythagoras.

Q.

Quintiliam.
Quinte Curse.

R.

Raoul.
Raphael Durbin
F. Rene Masse Chroniqueur du Roy.
Reuclin.
Rhodiginus.

S.

Saint Cipryan.
Saint Mathieu.
Saint Herosme.
Seruius Maurus.
Simon Grabans.
Simon Hayeneufue.
Sigismude Fante.
Soline.

T.

Terentian.
Terence.

LA TABLE.

Theocrite.
Theodose Gaza,
V.
Varro.
Vitruue.
Volsus & Ofsus.
Vrbau.
X.
Xenophon.
Z.
Zacharias Prophete.

Bacchus. xxix.
Bafiliscus ferpens. lxxiij.
Bafilic Serpent immortel. lxxiij.
Belle Fable. vij,xxv.
Beau segret en Virgile. xv.
Beatrice. xlvij.
Beotes. lvij.
Bourges. xlij,lv,lxxiij.
Bourguignons. xlix.
Breue Sentence. liij.
Bretons. lv,lviij.
Bruges. xlvij.

C.

Table des Dictions Latines, &
Francoises mäsionnees en cet ou
tal Oeuure, selon le nombre des
Feuillerts, & ordre Abecedaire.

A.
Aage en escripture des Egyptiens.
Feuil.lxxiij.
A,est lettre triangulaire. x.
A.Vocale, Syllabe,& Diction. xxxj.
A.Interiection. xxxij.
A,est mis pour cōmancement. xxxj.
A.alenuers xxxiiij.
A dung Compas. xxxiiij.
A.M.O. xxxij.
Ab aure reiuñti. ij.
Abreuiatures Francoises. L.
Acrisius. xxix.
Aeneas. xxvij.
Aeuum. lxxiij.
Africaines Lettres. lxxij,lxxvj.
Aha. xxxij,xlv.
Ah.& Vah. xlv.
Aiax. ix.
Alpha. xxxj.
Alemans. xlj,xlij,xlv,lx.
Amoureux. xlij.
Angelus. vj.
Anglois xxxix.
Apostrophus. lvj.
Apices. lxxvij.
Argus. vij,vij.
Arius excessif en laspiration. xlv.
Arabiques Lettres lxxij,lxxvj.
Atez par Loreille. ij.
Aurenges. xx.
Augeratus. xxxix.

B.

C,est Lettre Latine. xxxvj.
C,pour G. xlij.
Caqueteurs ont la lāgue percee. iij.
Canetieres en Romme. vij.
Carolus. xlvij.
Capadociens. xlvij.
Cappa. xlvij.
Cadeaulx. lxxij,lxxiij.
Ceres. xxix.
Ce.Syllabique adiection. xxxvij.
C T. lix.
Charon. ij.
Charlemaigne. v.
Chartres. v.
Cheopine & Pinte sont Dictions ti
rees du Grec. vj.
Chaine dor Homerique. xxv,xxvj.
Chancon ancienne. xxxvj.
CHRISTVS. xliij.
Chi. xlvij.
Chut. lvij.
Ciliciens. xlvij.
Cygnus. vj.
Corps. xj.
Corps de Lettre. xj.
Cōparaisō de Lhōme & dele l. xvij.
Compas & Reigle. xxxiiij.
Collisee en Rōme. li.
Confirmation de la presente Traditi
ue des Lettres Attiques. lxxij.
Cōferēce des Lettres Grecques aux
Latines. lxx.
Conclusion de ce present Liure, avec
belle Raisō. lxxvj.
Cretences. xlvij.
Croix. xxxj.

D

A.v.

LA TABLE.

D. est Lettre puremēt Latine. xxxviij	Flagcol de Virgile.	xv. xvj.
Dame Memoire.	Fontaine en Athenes a Neuf Tuy-	
Danaë.	aulx.	xliij.
Dames de Lion.	Forestiens.	xlix.
Dames de Paris.	Fruges.	xlvij.
Dactilus.		G.
Dagues.	G. pour C.	xlij.
Degrez & Montees des Anciēs. xix.	G/ grant A petit.	xlij.
Decorum.	Galcons.	xxxv. lviij.
Decem Nestores.	Gāma assis sus yng Gāma est yne F.	
Delta	xl.	
Deltoton.	Gerion.	ij.
Decies Centum.	Gladiolus.	ix.
Diuerſes opinions de Linuension des	Goute dor.	xxix.
Lettres.	Goffe Lettre.	lxxiiij. lxxviij.
Difference en la signification de Mi-	Grammairiens de village.	xlv.
nerue & Pallas.	Grecqz.	lj. lvj.
Diuiſion du viſage humain.		H.
Dix hōmes ſēblables a Nestor. xxvj.	Hercules Gallicus.	ij. vj.
Dix Corps de chascune Lettre. xxvj.	Hercules en adolescence.	lxij.
Diphthongue A E.	Hemitonium.	L.
Dittes Io. en ſigne de Ioye.	Homonem.	iiij.
Digāma æolicum.	Huit en Chifre.	lvj.
Diffinition du Point.	Hyacinthus.	ix. bis.
Diuiſion du Quarre equilateral. xxxij	Hyacinthiol.	ix. xxix.
Diuers Nōs des Lrēs d'impſſiō. lxxiiij.		I.
Doubles Lettres.	I. & O. ſōt le Modele de toutes les au-	
Dreux.	tres Lettres Attiques.	viiij. xlvj.
Droidte Ligne.	I. est Neufuicſme lre Abecedaire. xvj	
Druydes.	I. & Lhōme cōparez enſemble. xviij.	
Δγιδ' αλ.	Iapetus.	ij.
	Ieunes Amoureux.	xlij.
E.	IESVS CHRISTVS.	xliij.
Ecoſſois.	Ignorance.	xxviij. xxviiij.
Egyptiens.	Illatabilis Linea.	xj.
Elle est tornee a tort.	Imper Nombre.	x. xv. xviij. xxxj. lj.
Empſitem.	Interiections.	xl.
Enigme ſingulier & notable.	Ionia.	vij.
Eneas.	Iota.	xlvj.
Ephesiens.	ION.	vij. viij.
Epitaphe en Lāgage Picard. xxxviij.	Io pean.	viiij. ix.
Epitaphe Ancien trouue a Lion. xlj.	Io triumphe.	viiij. ix.
Eſcripture Antique.	Io en vſage de Prouerbe.	ix.
Eſcriptures faiçtes par Images furent	Italiens.	liij. lviij.
inuentees des Egyptiens.	Iuno.	viiij.
Ex. en Compoſition.	Iupiter.	xxix.
F.	H. IPIΣ.	ix.
F. pour Conſone.		K.
F. digamma æolicum.		
Fable.	Karolus.	xlvij.
Flamens.		L.

LA TABLE.

L. tornee de sus en foubz est yng Gā=		Lettre Canine.	lv.
ma.	xl.	Lettre Pythagorique.	lxij.
Langue percee.	ij.	Lettres Latines.	lxxj.
La lāgue a acointāce aux oreilles. iij.		Lettres Frācoises.	lxxj.
Langage Frācois est tresgratieux. iij.		Lettre de Forme.	lxxij. lxxiiij.
Lauarice des Romains.	vij.	Lettre Bastarde.	lxxij. lxxv.
Lair de Paris est neç, doux, & amya		Lettre de Torneure.	lxxij. lxxv.
ble.	viiij.	Lettres Perfiennes, Arabiques, Afri=	
Laspīration.	ix. xlv.	caines, Turques, & Tartariennes.	
La Ligne.	xj.	lxxij. lxxvj.	
Largeur dune chascune Lettre Atti=		Lettres Caldaïques.	lxxij. lxxvj.
que.	xij.	Lettres Goffes, Imperialles, & Bulla	
Largeur dele I.	xviij. xxj.	tiques.	lxxij. lxxvij.
La Teste de Lhōme a Sept cōduyts		Lettres Phantastiques.	lxxij. lxxvij.
desperit vital.	xxj.	Lettres Vtopiques, & Volontaires,	
Lāgage vulgaire en Italiē xxxv. lxxij		lxxij lxxvij.	
La lettre L. a trois sons en pronun=		Lettres Fleuries.	lxxij. lxxvij.
ciation.	xlviij. xlix.	Lettres sōt si nobles & Diuines quel=	
Laconiens.	lj. liiij.	les ne veullent estre aucunement Mu	
Laconifinus.	liiij.	tilees.	lxxix.
Lapocalypse.	lj.	Leuāgile du iour de la feste sainct De=	
Largeſſe.	xlj. lvij.	nis est chātee en Grec en leſglise ſaiçt	
La ſapience en Rōme.	lvij.	Denis en France.	vij.
La goutedor.	xxix.	Le Point.	xj.
Lambda.	lix.	Les Trois Graces chamberieres de	
La ſaincte Eſcripture est en trois Lan		Venus.	xxij.
gues reiglees.	lxvij.	Les mal prononceant S.	xxv.
Les premiers Hommes.	v.	Les non ſcauans la Meſure des Let=	
Lettres Hebraïques.	v. lxvij.	tres Attiques.	xxvj.
Lettres Attiques & raiſō dicelles. vij.		Le Monde est ſigne en Croix.	xxxj.
Lettres Attiques sōt toutes ſaiçtes de		Le Signe de la Croix.	xxxij.
trois Figures de Geometric.	x.	Le Picard pñce tresbiē le C.	xxxvij.
Lettres Attiques ſont Vingt & trois		Le Soleil au ſigne de Libra.	xlj.
en nombre.	xij. xxvj.	Linguae cum auribus cognatio.	ij.
Lettres Attiques ſont proportiōnees		Linfatiable Auarice des Romais.	vij.
ſelon le corps humain.	xvj. xvij.	Liffambe.	ix. xxix. xxx.
Lettres Attiques veullent ſentir Lar		Linea illatabilis.	xj.
chitecture.	xix.	Ligne Droïte.	xj. bis.
Lettres pour Plattes formes.	xx.	Ligne Perpendiculaire.	xj.
Lettres Maniables.	xxiiij.	Ligne Ronde, Parſaiçte / & Impar=	
Lettres Doubles.	xxv.	ſaiçte.	xj.
Lettres Hebraïques ſeruent de Nom		Ligne Triangulaire.	xj.
bres en Compte.	lxix.	Liquides.	xxiiij.
Lettres Abecedaires en Grec, ſeruēt		Lieux pour aſſeoir le Compas a faire	
pour Nombres.	xxxj. xlvj.	Lettres Attiques.	xxxv.
Lettre Dimpreſſion.	xxxiiij.	Lionnois.	lvij.
Lettres ſeruans en Abreuuiations.	l.	Lieu pour aſſeoir les Points.	lxv.
Lettres Grecques en General ſeſcri=		Litera longua.	xlj.
uent toutes entre deux lignes equidi=		Lympha.	xlviij.
ſtantes.	liij.	Lhomme de Vulcan.	I.

LA TABLE.

L'homme diuise en Dix parties. xvj.	Forestiens. xlix.
L'homme a Six grâdeurs de son pied xvij.	Mension des Grecqs. li lvj.
L'homme en Contéplation a le Chef au Ciel, & les pieds a terre. xvij.	Mension de la langue Francoise, liij. lvj.lxxj.
L'homme Lettre. xxiij.	Mension des Laconiens. liiij.
L'homme Parfaict. xxiij.	Mension de Paris lv.
L'homme est vng petit Monde. xxxj.	Mension des Manseaulx. lv.
Louanges de Paris. vj.	Mension des Bretons. lv.lviiij.
Lorains. lv.	Mension des Beotes. lvij.
M.	Mension des Tholosiens & Gascons lviiij.
M.a trois sons, L. M.auec N. lix.	Mension des Italiens. xxxiiij.xxxliiij.
Marquetis. xxiij.	xxxviij.xxxviij.liiij.lviiij.lx.lxj.
Manseaulx. lv.	Mension des Lionnois. lviiij.
Mapich. lxxviij.	Minerue. j.xviij.
Maniere de faire Syllabes en Hebreu de Lettres & Points. lxix.	Mille. xlvij.
Maniere de faire Chifres en Bagues dor/ou aultrement. lxxiiij.lxix.	Momus. j.
Mercuré. j.vij.viiij.	Moyse. v.lxxiiij.
Memoire est tousiours mobile. xv.	Moralite de la Fable de Io. viij.
Memoire & Atrempance sont Couz fines. xv.	Moralite de la Fable de Hyacith. ix.
Mension des Dames de Lion. xxxiiij. xxxix.	Moralite des Lignes Perpendiculai re & Trauerceante. xiiij.
Mension des Dames de Paris. xxxiiij. lvij.	Moralle representatiô du Flageol de Virg le, a le I. & a le O. xv.
Mension de la Lettre D'impression. xxxiiij.	Moralite du Pot Cassé. xliij.
Mension des Gascons. xxxv.	Montees & Degres des Anciës. xix.
Mension des Alemans. xxxv.xli.xliij. xlv.lx.	Mosaique. xxiiij.
Mension des Picards. xxxviij.xxxix. xliij.xlv.lviiij.	Moly. xxix.
Mension des Anciës Latins. xxxviij. xxxix.xl.xli.lx.	ΜΟΛΥΔΙΧΟΥ, lvj.
Mension des Anglois. xxxix.	N.
Mension des Normans. xxxix.l.	Ne. lvj.
Mension des Lorains. xxxix. lv.	Nature. j.lxxiiij.
Mension des Ecossois. xxxix.	Nestor. ij.xxviij.
Mension de Bourges. xliij.xlv.lxiiij.	Neptune. j.
Mension des Plaisanteurs. xliij.	Neuf Muses. xiiij.
Mension des Resbuz. xliij.	Neuf marches en la Lettre Zeta. lxx.
Mension des ieunes Amoureux. xliij.	Nile fleuee en Egypte. xxxviij.
Mension de la Deuise & Marque de ce present Liure. xliij.	Nympha. xlvij.
Mension des Flamens. xlvj.	Notable de Laspiration. ix.
Mension des Capadociens, des Cre tentes, & des Ciliciens. xlviiij.	Notable de la Lettre Q. xiij.
Mension des Bourguignons, et des	Notable contre les Commentateurs sus Virgile. xv.
	Notable de la Lettre Grecque appellee Phi. xxiij.
	Notable pour bien pnuncer. xxv.
	Notable du Compas & de la Reigle. xxxiiij.
	Notable pour Nombre de Centres. xxxvj.
	Notable segret, xlvij.

LA TABLE.

Notable en la Bible.	liij.	Parrhasiens.	vij.
Moms des Cheuaulx tirans le triumphant Char Dapollo.	xxix.	Paris & ses Louanges.	vij.
NON PLVS.	xliij.	Paris sans pareil.	viiij.
Nombre Imper porte bonheur.	lij.	Parrhisiens.	vij.
Nombre des Personnes requises a vng Conuy.	lvij.	Paradisus.	vij.
Noms des Points seruans de Vocale en la Langue Hebraique.	lxviij.	Pallas.	xviij.
Noms des Lettres Hebraiques.	lxviij.	Parler rondement.	li.
Noms des Lettres Grecques.	lxi.	Per & Imper.	x.xv.xvii.xxxi.
Noms des Lettres Caldaïques.	lxxiij.	Phi.	xxii.
O.		Pinte & Cheopine sont Vocables tirez du Grec.	vi.
O. en sens moral.	lij.	Picards.	lviii.
O. Auerbe Vocatif.	liij.	Pythagoras.	lxiii.
Ogmion.	ij.	Plaine.	xi.
Oratio.	ij.	Platte forme du Collisee de Rome.	xx.
Oraison.	iiij.	Plaisanteurs.	xliij.
Orthographe.	xli.	Point.	xi.lxvi.
Ordonnace des Neuf Muses & Apollo.	xliij.	Pot Casse, & sa signification.	xliii.
Ordonnace des Sept Ars Liberaulx et Apollo.	xliij.	Points Quarre, Crochu, & Triangulaire.	lxvi.
Ordonnace des Neuf Muses Apollo les Sept Ars Liberaulx, le I. & le O.		Points differens.	lxvi.
au Flageol de Virgile.	xvj.	Points en Hebreu sōt Vocales.	lxvii.
Ordonnance du Corps humain aux Sept Ars Liberaulx.	xviij.	Protinam.	liii.
Ordonnance de le O. a Lhōme pieds et mains equidistāment estādu.	xviij.	Premiers Hommes.	v.
Ordonnance du trauerceant traict au Corps humain.	xix.	Pronunciation des Lettres.	xlviij.
Ordonnace pour la Briseure des Lettres Attiques selon le Corps humain.	xix.	Pronunciation des Lettres Hebraïques.	lxvii.
Ordonnance de la Longueur & Largeur de le I. & de le O. au visage humain.	xxj.	πρεπov	xii.
Ordonnance & accord des Visages & Lettres en Perspectiue.	xxiiij.	Puncta.	lxvii.
Ordonnace de la Chaine dor Homérique a le I.	xxvj.	Q.	xli.
Ordonnance pour le triumphe Dapollo.	xxix.	Q. & V.	liii.
Ordonnance de le A. faict de trois Ius la Fleur du Lis flambe.	xxix.xxx.	Q. torne en C.	liii.
P.		Q. nest pas Lettre finallē.	liii.
P. est tire du B.	liij.	QVV. pour CV. & au contraire.	liii.
Parolle empanee.	iiij.	Quarre.	xi.li.
Parrhasia.	vij.	Quatre Vertus Cardinales.	xx.
		Quatre Lettres Hebraïques quasi semblables a aultres Quatre.	lxvii.
		R.	
		R. Lettre Canine.	lv.
		Raison de la Figure Ronde, & de la Quarree.	xviij.
		Raison du Traict trauerceāt en le A. accorde au Membre genital de Lhōme.	xviij.
		Raison de la Croix.	xxx.
		Raison pourquoy on escript trois A. au commencement des Lettres Abecedaires Latines & Frācoises.	xxxj.

LA TABLE.

Rameau dor de Virgile.	xxvij. xxvij.	Trois verges au Rameau dor.	xxvij.
Radius.	xxxij.	Triquetra.	xxxvij.
Raphe.	lxvij.	Tyrus.	v.
Reigle pour faire Lettres Attiques.		Tyflu de Venus.	I.
xxxj.		Θ, Φ, Χ, Ρ.	xlviij.
Reigle de Orthographe.	xlj.	Θ, Τ, Λ.	lvij.
Refbuz.	xlj.	V.	
Res.	lxvij.	V. pour E.	xxxix.
Rondement parler.	lj.	V. est prononce apres G. aucunes fois	
S.		et aucunes fois non.	xlj.
S.	xxv.	Vaha.	xxxij. xlv.
S. pour R.	lv.	Vau.	lix. lx.
S. ou. ST.	lvij.	Venus.	I.
ST.	lvij.	Vent Meridian est pestilentieux, et	
S. & D.	lxiiij.	Vent de Bize est sain.	xx.
S.	lvj.	Vertus.	lxij.
Sandail de Venus.	j.	Visages en Perspectiue.	xxiiij.
Sapience/eschole en Rōme.	lvij.	Virgile a Imagine vng Rameau dor	
Sanguem.	iiij.	en sens moral.	xxvj.
Sēs moral du Flageol de Virgile.	xv.	Voix florissante.	iiij.
Sens moral de ces Lettres L. M. N.		Volupe.	iiij.
et O.	lj.	Volupte.	lxij.
Sens moral de la Lettre Pythagoriz-		Vocales Latines.	xxvij.
que.	lxiiij.	Voye de Vertus.	lxij.
Science.	xxvij. xxvij.	Vreus.	lxiiij.
Signification des Quatre Vertus Car-		X.	
dinalles avec Lettres Attiques.	xxj.	X. vault C. & S. ou G. & S.	lx.
Signes d'aspiration & de Lettres non		Y.	
aspirees.	xlviij.	Ypsilon.	lxj.
Sicile.	xxxvij.	Y. & Z.	lxj.
Sigma.	lvj.	Z.	
Silence.	lvij.	Zeta pour deux S. & pour S. & D.	
Spondeus.	xlj.	lxiiij.	
Superfice.	xj.	Zeteta.	lxiiij.
T.			
TC.	lix.		
TL.	lix.		
TN.	lix.		
TR.	lix.		
Tau.	lvij.		
Teth.	lvij.		
Ternas scio.	xxxij.		
Tel signe + est pour asseoir le pied cē-			
trique du Compas.	xxxij.		
Thracicles.	xiiij.		
Thita.	lvij.		
Tholosiens.	lvij.		
Triangle.	xj.		
Triangle est vne des plus nobles Fi-			
gures de Geometrie.	xxxvij.		

Aux Lecteurs de ce Present Liure
humble Salut.

ON dict communement, & dit on vray, quil ya grande vertus naturelle en Herbes, en Pierres, & en Parolles. Den bailler Exēple/seroit superfluite/tant la Verite en est certaine. Mais ie voudrois quil pleust a Dieu me donner la grace que ie peusse tant faire par mes parolles & requestes, que ie peusse persuader a daulcuns, que silz ne vouloient faire hōneur a nostre Lāgue Francoise, au moings quilz ne la corruppisset point. Ie treuve quil ya Trois manieres dhommes qui sebastent & efforcent a la corrompre & difformer. Ce sont Escumeurs de Latin, Plaisanteurs, & Iargonneurs. Quāt Escumeurs de Latin disent Despumon la verbocination latiale, & transfreton la Sequane au dilucule & crepuscule, puis deābulon par les Quadriuiues & Platees de Lutece, & comme verisimiles amorabundes captioun la beniuolence de lomnigene & omniforme sexe feminin. me semble quilz ne se mouquent seulement de leurs semblables, mais de leur mesme Personne. Quant les Plaisanteurs, que ie puis hōnestemēt appeller, Dechiqueteurs de Langage, disent Monsieur du Page? si vous ne me baillez vne lesche du iour, ie me rue a Dieu, & vous dis du cas, vo⁹ aures nasarde sanguine. me semblent faire aussi grant dommage a nostre Langue, quilz font a leurs Habitz, en dechiquetant & consumant a oultrage ce qui vault myeulx entier que decise & mutile meschātement. Tout pareillemēt quāt Iargonneurs tiennent leurs Propos de leur malicieux Iargon/& meschant langage, me semblent quilz ne se monstrent seuillement estre dediez au Gibet, mais quil seroit bon quilz ne fussent oncques nez. Iacoit que Maistre François Villon en son temps y aye este grandement Ingenieux, si touteffois eust il myeulx faict dauoir entendu a faire aultre plus bōne chouse. Mais au fort. Fol qui ne folie/pert sa saison. I alleguerois quelque peu du dict Iargon, mais pour en euer la meschante cognoissance, ie passeray oultre, & dis que ie voudrois que telz Corrompeurs dhonneſte Langage fussent si auysez & sages, quilz pensassent que vng homme qui veult estre veritablement intime en pure Vertus, doibt tousiours & en tous lieux faire & dire chouse qui soit belle / bonne/& honneſte. On cognoist les hommes en faictz & en ditz. Faison doncques tant que noz ditz & parolles soient saines & receuables en toute Raïson et tout Hōneur. Acoustumon nous a biē parler & bien dire, En ce faisant trouueron que bien nous en prendra, & que noz parolles auront si grande vertus quelles persuaderont en mille beaulx propos. O Deuotz Amateurs de bonnes Lettres? Pleust a Dieu que quelque Noble cueur semploÿast a mettre & ordōner par Reigle nostre Lāgage Francois? Ce seroit moyen que maints Milliers dhommes se euerturoient a souuent vsfer de belles & bonnes parolles. Sil ny est mys & ordonne/on trouuera que de Cinquante Ans en Cinquante Ans la La langue Francoise, pour la plus grande part, sera changee & peruertie. Le Langage daujourdhy est change en mille facons du Langage qui estoit il ya Cinquante Ans ou enuiron. Lautheur du Liure des Escheqtz disoit en son temps Neantplus.& nous disons, Nō pl⁹. Il disoit, Bien est voir. & nous disōs Bien est vray. Tout pareillement il disoit, Tenroit, Ne volt pas, & Le voyeu. et nous disons, Tiēdroit. Ne veult pas.& La vocale. Il en disoit Mille aultres que ie laisse pour breuete. On porroit trouuer Dix Milliers de telz motz & vocables laissez & Changez/Desquelz Cent aultres Autheurs vsioient au temps passe. On vsioit au dict temps passe de dire Herper, pour Iouer de la Herpe. On disoit, Asembler a son Ennemy. pour/Commācer a cōbatre, Lance roid-

Escu-
meurs de
Latin.

Plaisan-
teurs.

Iargon-
neurs.

Lāgage
Escume.

Lāgage
Dechi-
quete.

Maistre
Fracois
Villon.

Lau-
theur du
Liure
des
Escheqtz

Lāgage
Ancien.

Forgeurs
de mots
nou-
ueaux.

Iuuenal,

de sus le faultre, estoit, Lance mise sus larrest. Et/ Sonner des Gresles a lassault
estoit, Sonner des Trompetes. Estre affesse, estoit a dire, Estre apoyfanty. Ne
vous deueille, estoit. Ne vous deplaise. Remettre son espee en son feurre, estoit
Remettre au fourreau. Forconseiller, estoit. Malcõseiller. Tourbillõner, estoit.
Faire grât vent. Et Mille aultres semblales quon porroit bien dire, & desquelz
on porroit faire vng grât & iuste Volume. Iaurois couleur de deplore la sterili-
te de noz mains, mais iespere q̃ au plaisir de Dieu quelque Noble Prisciã/ quel-
que Donat, ou quelque Quintilien Francois / naistra de Bref, sil nest desia tout
edifie. Ie treuue en oultre quil ya vne aultre maniere dhommes qui corrompt
encores pirement nostre lãgue. Ce sont Innouateurs & Forgeurs de motz nou-
ueaux. Si telz Forgeurs ne sõt Ruffiens, ie ne les estime gueres meilleurs. Pen-
cez quilz ont vne grande grace/ quant ilz disent apres boyre, quiz ont le Cera-
ueau tout encornimatibule, & emburelicoque dũg tas de mirilifiques & trique-
dondaines, dung tas de gringuenauldes, & guylleroches qui les fatrouillèt in-
cessammẽt? Ie neusse allege telles sottis parolles, se neust este, que le desdaing
de y pencer le ma faict faire. Si natura negat/ facit indignatio versum. Lindi-
gnation ma contrainct de monstrier la sottete. Ie croy quil nya ordre de pure-
ment agencer tel langage, car les Personnages qui le forgent sont incapables
de saine Raison. Toutelfois si nostre Langue estoit deuement Reiglee & Po-
lye, telles immundices en porroiẽt estre deietees. Parquoy ie vous prie donon-
nous tous courage les vngz aux aultres, & nous esueillon a la purifier? Toutes
choses ont eu commencement. Quãt lung traittera des Lettres, & laultre des
Vocales, vng Tiers viendra / qui declarera les Dictions. & puis encores vng
aultre suruiendra qui ordõnera la belle Oraison. Par ainsi on trouuera que peu
a peu on passera le chemin, si bien quon viẽdra aux grans Champs Poetiques
et Rhetoriques plains de belles/bonnes/ & odoriferẽtes fleurs de parler & dire
honnestement & facilement tout ce quon voudra.

En Paris

Dutout vostre Geofroy Tory de Bourges.

Tous les Caietz de ce present Liure sont Quatorze en Nombre, & vng chascun
diceulx est de Trois Feuilles, Excepte le Premier & le Dernier qui sont
chascun de Quatre.

LART ET SCIENCE DE LA DEVE ET VRAIE PROPORTION DES LETTRES ATT- QVES, QVON DICT AVTREMENT LETTRES ANTIQVES ET VVLGAIREMENT LETTRES ROMAINES.



E matin du iour dela feste aux Roys, apres auoir prins mon sōmeil & repos, & q̄ mon esto-
mac de sa legiere & ioyeuse viande auoit faict
la facile concoction. que lon comptoit M. D.
XXIII, me pris a fantasier en mō liēt, & mou-
uoir la roue de ma memoire/ pēsant a mille pe-
tites fantasies, tant serieuses que ioyeuses. en-
tre lesquelles me souuint de quelque lettre An-
tique que iauoys nagueres faicte pour la mai-
son de mō seigneur le tresorier des guerres mai-
stre Iehan groslier Cōseiller & Secretaire du
Roy nostre sire, amateur de bonnes lettres, &
de tous personnages sauans, desquelz aussi est

Iehan
Groslier
amateur
de bōnes
lettres &
ayme dis-
celles.

Cicero.

tresame & extime tant de la que deca les mons. Et en pensant a icelle lettre At-
tique me vint soudain en memoire vng sentencieux passage du premier liure &
huittiesme Chapitre des Offices de Cicero, ou est escript. Nō nobis solū nati su-
mus, ortusq; nostri, partem patria vendicat, partem amici. Qui est a dire en sub-
stance, que nous ne sommes pas nez en ce monde seulement pour nous, mais
pour faire seruice & plaisir a noz amys & a nostre pais. A ceste cause me volant
employer aucunement a lutilite du bien public, ay pēse de mōstrer & enseigner
en ce preient petit Oeuure la maniere de faire symmetriquement, Cest a dire,
par deue proportiō lettre Attique, de laquelle ie voy deca les mōs mains hom-
mes qui en veulent vsfer, estre foiblement expertz, en tant quilz ne scauēt de quel
le mesure & proportion elle doit estre, Je traicterois aussi de la lettre de Forne
& de la Bastarde, mais pour ceste fois, aidāt nostre seigneur ie designeray la dit-
te lettre Attique seulleinēt. Aucuns mont volu demouoir de ce faire disant que
ie ne la debuoye tāt manifester, mais garder en secret pour moy. Saulue leur hō-
neur me semble que non, & que ie ne doibs estre glout de sciēce hōneste & bon-
ne. Ien eusse traicte & escript en latin, comme ie porrois bien faire, se croy ie, &
cōme on peut cognoistre aux petitz oeuvres latins que iay faict iprinter & mis
deuant les yeulx des bons estudians tāt en metre quen prose. Mais volāt quel-
que peu decorer nostre langue Francoise, & afin que auec gens de bōnes lettres
le peuple cōmun en puisse vsfer, ien veulx escrire en Francois. Ie suis seur que tāt
toit suruiendra quelq̄ detracteur & enuyeulx qui dira que ie veulx faire du nou-
uel Autheur, & leforcera mordre mes institutions & enseignemēs. Mais iescay
selon les anciēs Poetes & Philosophes que Momus estoit vng paillard qui ne
sceut iamais rien faire sinon mocquer, comme quant il mocquoit le Sandail &
Tyssu de Venus disant quil y auoit trop de papillotes estyncellātes & clyque-
tantes, & quil faisoit trop de bruyt. Semblablement mocquoit dame Nature,
pource q̄lle auoit pluſtoit mis les cornes aux frōt des beufz & vaches quen les-
paule, pour en ferir pl⁹ ipetueusemēt. Il mocquoit aussi le taureau de Neptune
la maison de Minerue, & lhomme de Vulcan. Mais principalement mocquoit
icelluy hōme, pource que ledict Vulcan ne luy auoit point faict de fenestre ne
de guychet en lestomac, afin q̄ par iceulx on peult cognoistre ce quil pēseroit
& reuoluerait en son dict estomac qui est plain de lieux cōcaues & ambagineux

Momus.
Sādail &
Tyssu de
Venus.
Nature.
Neptune
Minerue
& leurs
chef deua-
ure.
Lhōme
de Vulcā

LE PREMIER LIVRE.

- Erasmus,**
Leon baptiste.
Albert.
- Decedit Momus on peut veoir & lire au. CCCLXXIIII. prouerbe de la premiere Chiliade des Prouerbes de Erasme, & en Vng liure q̄ Leon Baptiste Albert a fait & intitule, Momus.
- Entedes icy toutes manieres de moqueurs,**
- Erasmus.**
- Belle Deuise.**
- Vitruue fut iadis repris,**
- Erasmus.**
- Pline.**
- I** ne diray chose en cest Oeuure q̄ ie ne preuue par Autheurs dignes de foy, & par demonstration tant naturelle que euidente en Geometrie, comme on porra veoir es Figures cy apres faictes au Cōpas & a la Reigle, qui sont choses trescertaines en vraye mesure.
- I** ne seray mocque seullemēt du susdit Momus, mais de trois manieres dhōmes, Cest a scauoir, De non scauans, De moyenemēt scauans, Et de bien scauans. Les non scauans me morderont comme pouures ignorans, considere que Science na ennemy/quel ignorant. Les moyenement scauans aussi me moteront, nentendant pas ce que Iallegueray. Les bien scauans ne mespargneront pas, en voulāt & cuydāt acquerir gloire de taxer & corriger mes erreurs, si aucuns en ya, & si dauenture Il ny en a, si trouuerōt ilz cinq pieds de mou= ton pour quatre, disans que vne queue dung pied de long vault bien vng pied, mais cōme dit Erasme en sō. CLXXXII. Prouerbe, Carpet hæc citi⁹ aliquis quā Imitabitur. On me reprendra plustost quon ne me ressemblera. Contre les Mal disans vsferay dune belle deuise ancienne, & diray. Λεγουσιν α θελονσιν, λεγειτωσαν ου μειλει μοι. Dicūt quæ volūt, dicāt nō est curæ mihi. Cest a dire Ilz disent ce quilz veulēt, & bien, Ie ne men soucy. Susque deq; fero. Pour chose quilz puissent dire, Ie nelairray a escrire en Francois comme homme fran= cois, les auertissant que Vitruue fut iadis repris & mocque, pource que luy ne stāt Grec de natiuite, escriuoit en vocables grecs, cōme lon peut encores veoir en la plus grande partie des dictiōs & vocables des vtilz & autres choses darchi= tecture desquelz en son liure a fait mention.
- E**n enseignant icy fayre lessudiētes lettres Attiques Ie mesbatray aidant nostre seigneur, a dire par ordre selon leur acostumee situation de lune apres lautre la vertu dune chacune selō lart de Grammaire. Ie voy la derriere quelcū qui grumelerait voulūtiers, & seforcerait comme enuyex me nuyre sil pouuoit, ou sil osoit, mais luy craignant que sil se mōstroit, Ie le ferois taire soudain, luy perceant la langue de mon asseure Compas, & le batāt de ma certaine Reigle, se deportera se me semble.
- D**onques Iescripray en Francois selō mō petit stile & langage maternel, & nelairay, combien que ie soye de petitiz/ & humbles Parēs, & aussi que ie soye pouure de biens caduques, a faire plaisir aux deuots amateurs des bonnes lettres. Ie scay cōme est dict au Prouerbe ancien, du quel Erasme fait mention en sa pmiere Chiliade au Prouerbe, D. XVIII. Quod, sãpe est etiã olitor valde oportuna locutus. Et cōme disoit Pline, Nullū esse librū tā malū, vt non aliqua parte prodesse queat. Il nest si mechant Liure, qui ne puisse prouffiter en quelque chose, A ce propos Ie veulx dire q̄ alaide de Dieu, & de ce p̄sent Liure cy, on pourra faire & designer Lettre Attiq̄ en sa deue p̄portion tāt petite & tant grāde quon voudra, en tāt q̄ le Cōpas & la Reigle se pourrōt estandre.
- I** sembleray cy par auātūre estre nouuel hōme, pource quon na point encores veu ēseigner par escript en lāgage Frācois la facō & qualite des Lettres, mais desirant enluminer aucunement nostre langue, ie suis content estre le premier petit indice a exciter quelque noble esprit qui se euertura dauantage, cō= me firent les Grecs iadis & les Romains, mettre & ordonner la langue Fran= coise a certaine reigle de pronūcer & bien parler. Pleust a Dieu que quelque noble Seigneur volust p̄poser gages & beaux dōs a ceulx qui ce porroiet biē faire.
- I**l est certain que le stile de Parlement, & le langage de Court sont tresbōs, mais encores pourroit on enrichir nostredict langage par certaines belles Fi

gures & Fleurs de Retorique, tant en prose que autrement. Nous sommes de nostre nature entre toutes les autres Nations, cōmedit Pomponne Mela, facōds, car il dit au Troisiēme liure de sa cosmographie, ou il parle des meurs des François, Habent tamen & facundiam suam. Les François, dit il, sont faconds & beaux aux parleurs de leur nature. Semblablement le poete Satyrice dit en sa. XV. Satyre, Gallia caufidicos docuit facūda Britannos. France, dict il, a enseigne aux Anglois a playder & deument parler.

I Allegue icy Poetes & Orateurs latins pour monstrier quauons vng don de grace en nostre beau langage Fraucois, Ien veulx semblablement alleguer des Grecs, entre lesquelz seullemēt prendray vne petite prefation que Lucian Orateur & Philosophe Greca faicte De Hercule Gallico, Et icelle prefation trāslatee de Grec en Latin par Erasme, & ie la trāslateray puis apres de latin en Francois. Icelle est en latin comme il sensuyt.

Herculem Galli lingua gentis vernacula Ogmium vocant. Porro Deum ipsum noua quadam atq; inusitata figura depingūt. Decrepitus est apud illos, recaluaster, reliquis capillis, si qui reliqui sunt, plane canis, cute rugosa, et in aterimū exulta colorē, cuiusmodi sūt Nautæ isti. Charontē potius aut Iapetum quēpiā ex his qui apud inferos versantur, diceres. In summa, quiduis potius quam Herculem conijceres ex imagine. Atq; tali specie quum sit, tamen Hercules ornatum gerit, vt qui cū leonis exuiū indutus sit, tū clauā dextra teneat, tum pharetram humeris aptatā portet, tū arcum tensum læua prætendat. Denique modis omnibus hercules est. Hæc equidem arbitrabar in græcanicorū deorum contumeliā perperā facere Gallos, quū eiusmodi fingeret effigie, quo nimirum illū talibus picturis vlscerētur, quod olim in regione ipsorū incuriasset, predas agens id temporis quū Gerionis armēta vestigās occidentalū gentium pleraq; regiones peruastaret, At nondū etiam dixi id quod erat in imagine maxime nouū atq; mirandū. Siquidem Hercules ille senex ingentem admodū hominum multitudinem trahit, omnibus ab aure reuinctis. Porro vincula cathenu lætenuēs, auro/electroue confectæ, pulcherrimis istis monilibus affimiles. At qui cū vinculis vsq; adeo fragilibus ducantur, tamen neq; de fugiendo cogitant quū alioqui commode possint, neq; prorsus obnitūtur, aut pedibus aduersus trahentem obtendunt, sese resupinantes, verū alacres ac læti sequūtur, ducentem admirantes, Vltro festinantes oēs, & laxatis funiculis, etiam anteuertere studentes, perinde quasi grauitate laturi si soluerentur vinculis. Ne illud quidem pigebit referre, quod mihi videbatur omniū absurdissimū. Etenim quū nō inueniret pictor vnde cathenularū summas ansas neceret, videlicet dextera iā clauā, læua arcū tenēte, summā Dei linguā perterebrauit, atq; ex hac religatis cathenuis eos trahi fecit. Ipse nimirū ad eos qui ducebant, vultū & oculos conuertebat arridens. Hæc ego quū diutius assistēs essem cōtēplatus, admirās, hæsitās, indignans, Gallus qui propius astabat, nostratiū literarū nō indoctus, Id quod declarauit, quū græcanicā linguā absolute sonaret, philophs opinor ex eo genere philosophorū quod apud eos esse fertur, Ego tibi hospes, iquit, picturæ istius ænigma explicabo, nā videre vehemēter ad eā attonitus ac stupefactus. Oratio nem nos Galli nequaquā arbitramur esse Mercuriū, quē admodū vos Græci, verum Herculi illā tribuimus, ppter ea q; hic Mercurio longe robustior extiterit, Nā quod senex fingitur, nihil est quod mirere, Siquidē vna faciūdia cōsuevit in senectā demū absolutū vigorē ostendere, Si modo verū vestri dicūt poetæ, Obduci iuuenū densa caligine pectus. Contra, Senectā posse quiddā dicere rudi iuuenta melius ac preclari. Hinc videlicet apud vos & Nestoris lingua melle profluit, & troianorū concionatores liris essam edunt, videlicet floridam quandam

LE PREMIER LIVRE.

**Linguae
cū aurib⁹
cognatio** vocem. Nam liria, si satis commemini, flores appellantur: proinde quod ab auribus vinctos ad linguam trahit senex hic Hercules, qui non aliud quam ipse est sermo, ne id quidem debes admirari, qui quidem non ignores linguae cū auribus esse cognationem. Neq; vero ad contumeliam illius illud pertinet, quod ea per tusa est, Nam memini, inquit, & iambicos quosdē versiculos e comēdijs apud vos dicere, Siquidem viris locacibus extrema lingua perforata est omnibus. Quin de eodem hanc in summa habemus opinionē, vt quicquid egit, id oratione, facūdiaq; confecisse putemus, Vt pote virū sapientem, ac persuadendo ple-
**Hercules
vir sapiēs** raque sibi subegisse. Iam tela illius nimirū rationes sunt acutae, missiles, citae, atq; animū fauciātes, vnde pēnigera dicta. Hestē⁹ gallus.

L Exposition en Francois, & translation de ceste dite praeſation, est comme il sensuit.

**Hercules
le frācois
Ogmiū.** **L** Es Francois en leur lāgue maternelle appellent Hercules Ogmiū. & le figurēt en peinture dune facon nouuelle & inusitee. Ilz le figurent en vicillard chauue, nayant que vng bien peu de cheueux derriere, & Iceulx tous chanus & blācs. Sa peau est ridee, & toute noire brulee du chault au soleil, cōme on voit que sont coulorez ces vieulx mariniers, vo⁹ diriez quil seroit vng droit Charō, ou vng Iapetus, lesquelz frequentent aux enfers. En somme, vons pēseries plu-
Gerion. stost a le voir quil fust autre chose que vng Hercules. Toutefois en ceste figure & espece il porte laornemēt dudit Hercules, entēdu quil est vestu dune peau de Lion, & quen sa main dextre tiēt vne massue, & porte a son col en echarpe vne trouſſe, & en sa main senestre vng arc bēde. Finablement. Il est vng droit Hercules. Le pensoys ſeulement q̄ toutes ces choses fussent faictes par les Frācois en derision des Dieux grecaniques, veu & entendu quilz le saignoiēt en ceste faſſon & figure, pour eulx venger de ce que iadis au tēps quil alloit cherchant iusques en Occident les Beulz & autres aumailles du Roy Gerion, ſeit des courſes & rapines par leur pais de Frāce en degaſtāt beaucoup de contrées du pais dabas. Mais ie nay pas encores dit ce qui estoit treſſingulierement nouueau & admirable en cedit image, Certes cedit vieux Hercules tire apres luy vne merueilleusement grande multitude dhōmes & femmes tous ataches lung a part de lautre par loreille. Les liens estoient petites chaines dor & dambre bien faictes, & semblables a carquans. Et iacoit que de ces tāt fragiles chaines ilz ſoiēt tous tirez & menez, toutefois il ny en a pas vng qui ſen veille reculer, combien quilz le pouroient bien faire facilement/ si le vouloient. Ilz ne reculent point, ne ne retirent le pied en arriere en eulx repanchant, mais tous alegres & ioy eulx le ſuyuent en eulx emerueillant de luy. Tous de leur plain gre se hastent de le ſuyure, & en laſchant leurs liens ſeſtudiēt marcher pluſtoſt que luy quasi cōme filz estoiet marriz quilz fuſſēt deliez Et certes il ne me deplaira de dire encores ce qui me sembloit entre tout estre le plus mal a propos. Seurement quant le peintre ne trouuoit lieu pour atacher les bouts de toutes ces dites chaines, entendu quē la main dextre estoit la massue, & en la senestrel arc, il percea la langue du Dieu Hercules, a la quelle toutes ces chaines estā atachees, il ſeit tous ces ia ſuſdits hommes & femmes estre tirez apres icelluy Hercules. Hercules tournoit son viſage, & ſa veue vers ceulz quil menoit, en leur faiſāt gracieulx ſemblant & amyable cōtenence. Moy estant long tēps droit ſus mes pieds, ſe dict Lucian, en contemplant toutes ces choses, en men eſmerueillant, en doub-
**Langue
percee** tant, & en men indignant, vng certain Francois estant au pres de moy, qui ne ſoit pas ignare des lettres Grecques, dautant quil les pronuncoit treſbien & abſolument, Vng philosophe a mon aduis dela ſorte des philosophes qui ont de coſtume estre en France, me diſt, Mon amy ie te veulx declarer la difficulte de

ceste peinture, car tu me y sembles estre grandemēt esbay & estōne. Entre nous
 Francois nous natribuons point loraïson a Mercure cōme vous faictes en Grece, Mais nous l'appliquons a Hercules, pource quil est beaucoup plus robuste q̃
 nest Mercure. De tant quil est vieulx tu ne ten doibs esbayr, Car la facondite &
 le beau parler a costume de mōstrer sa parfaicte vigueur en vieillesse, au moins
 si voz poetes disent vray, quant ilz font dopinion que le sens de ieunesse est en-
 uuyronne de caligineuse obscurite. & au cōtraire, que vieillesse dit au net ce quel-
 le veult dire beaucoup myeulx & plus clerelement que la rude ieunesse. Et pource
 entre vous Grecs la langue de Nestor est comparee a myel fluent. Semblable-
 ment les Ambassadeurs des Troiens ont leur voix toute florissante, & leur Orai-
 son est dicte Lirioessa. Liria, en Crec, sil men souuient bien, sont fleurs. Et ce q̃
 tu voys que ce vieulx Hercules tire de sa langue tous ces hommes liez par loreil-
 le, ce nest autre chose en significatiō que langage aorne, & de ce ne te doibs es-
 bahir, quant tu ne ignores que la langue a certaine acoïtance aux oreilles. Et
 ce ne doibt estre a reproche que sa langue est percee. Car iay souuenance quen
 voz comedies ya des metres iambiques qui disent, que les hōmes qui sōt grās
 caqueteurs ont tous la langue percee. Et pource nous Francois auons ceste opi-
 nion en somme, que quelconque chose que Hercules face, il le faict par sa facō-
 dite & beau langage, Comme vng homme sage qui scaït persuader en soubz-
 metant aluy ce quil veult. Les fleches de la trouffe, signifiēt ses raisons, qui sōt
 agues penetrantes, & legieres, en transperceant noz courages & voluntés. Et
 pource entre vous Grecs dictes que la parolle est pennigera, Cest adire, empa-
 nee comme est vne fleche.

Oraison,
 Mercure
 Hercules
 Nestor,
 Voix flo-
 rissante.
 La lāgue
 a aconitā
 ce aux
 oreilles.
 Caque-
 teurs ont
 la langue
 percee.

A Msi acheua de dire le Francois Philosophe le quel pouuons entendre cle-
 remēt estre vng des Druydes desquelz maints bons Auteurs font belle
 mention.

Nous voyons doncques par les motz de Lucian soubz lescorce de ceste fi-
 ction, que nostre langage est si gracieulx, que sil est pronunce dung hom-
 me discret, sage, & aage, Il a si grande efficace, quil psuade plustost / & myeulx
 que le latin, ne que le Grec. Les latins & les Grecs le cōfessent quant ilz disent
 que cestuy Hercules, estoit, Gallicus, non pas Hercules Latinus, ne Hercules
 Græcus.

Lāgage
 Francois
 est tres
 gracieulx
 Notes ce
 cy & y en
 tēdes biē

I Ay veu ceste dicte fiction en riche peinture dedans Romme au pres de la
 tour Sanguine, non pas loing de leglise Saint Loys, qui estoit fort biē di-
 sponsee en ordonnance dudit Hercules, & de ceulx quil tire de sa langue par les
 oreilles, vng peu myeulx ordōnee que nest celle qui est au premier feuillet de
 Pōpone Mela commente, & a este imprime par vng nōme Andreas Cratan-
 drus Basiliensis. Cedit Andreas luy faict tenir de la main senestre vng arc de-
 lachant vne fleche tandis quil tiēt de sa dextre sa massue, ou il ne fault seulle-
 ment que larc tendu sans fleche, les fleches veullent estre en leur trouffe, & si
 Hercules en veult tirer, il doibt mettre la teste de sa massue a terre, & le man-
 che droit & debout cōtre son estomac. Et pour myeulx bailler la chose a loeil,
 Iē ay faict cy dessoubz vng deseing, qui est selō Lucian, & selō ledict pourtraict
 que iay veu en Romme, & aussi selon la Traduction de Grec en latin que mon
 seigneur Bude a mis en ses Annotations sus les Pandectes, au passage ou est
 escript en texte. Ex. L. pri, De ser, cor, §. Quod ait prætor,

Andreas
 Cratan-
 drus.
 Bude,

SENSVYT LE DESEING DE
 LHERCVLES FRANCOIS.

HRE=

CV=

LES

GAL=

LICVS



LE

HER,

CV=

LES

FRAN=

COIS,

Notes cy
la Reigle
de Gran
maire en
Francois

Lunetes
des prin-
ces.

Pierre de
sainct
Cloct.

Iehan
Lineue =
lois.

Iehan le
Maire.

Chrestie
de Tro =
yes.

Hugõ de
Mery.

Raoul
Payfant
de.

Mesieres

SI avec nostre facundite, estoit Reigle certaine, Il me semble soubz correction, que le langage seroit plus riche, & plus parfait. Et a ce ppos pour ce quil men souuient, & que ie puisse bailler quelque bone raison que Reigle se y pourroit tenir, pource que ie voy communement mains persõnages tât scauans que non scauans y faillir & commettre Barbarisme, & langage inepte, ie dis que pour les preterits parfaicts on peut assigner telle Reigle & dire.

Toutes & quantes fois que linfinitif se terminera en Re, le preterit entierce persone singuliere doit estre p fere en .it. cõme Batre, batit. Faire, fait. vaincre, vaiquit. Plaire & ses cõposez qui sõt Cõplaire & Deplaire en sõt exceptez, car il font leur preterit en eut, pleut, cõpleut, & despleut. Boyre aussi, & Croire, sout beut & creut. Semblablement Estre fait sõt dict. p. fut. Croistre Creut, & Paistre repeut. Et quãtefois celluy infinitif est termine en .Er, le preterit veult estre en .A. comme, Fraper, frapa. Denfer, denfa. Sauter, faulta, & non frapit, Denfit, ne Saultit comme disent plusieurs. Cognitoistre, & ses semblables en terminaison, en sont exceptez. car Ilz font leur prererit en Eut, comme font les infinitifz en Oir, Cogneut, Conceuoit, cõceut, A parceuoit, aparceut, infinitifz en .ir. ont leur preterit en .it. Faillir faillit. Cueillir, cueillit, & nõ cueilla, ne failla comme disent mainctz indiscrets.

IAy faict icy ceste petite demõstratiue digressiõ, affin que quelque studieux esperit preignelanse de la matiere que ie luy mets deuant les yeulx.

Qui se voudroit en ce biẽ fõder, a mõ aduis porroit vser des oeures de Pierre de saint Cloct. & des oeures de Iehan Lineuelois qui ont descript la vie Dalexandre le grãt, en lõgue ligne, q Lautheur qui a cõpose en p se le ieu des Eschecz, dit estre de douze syllabes, & appelee Rithme Alexãdri ne, pource que comme dict est, la vie Dalexandre en est descripte. Iceulx deux susdicts Autheurs ont en leur stile vne grande maieste de lãgagẽ ancien & croy que silz eussent eu le temps en fleur de bonnes lectres, comme il est aujourdhuy quilz eussẽt excedetous Autheurs Grecs & Latins. Ilz ont dis ie, en leurs cõpositions don acomply de toute grace en fleurs de Rhetorique & Poẽsie ancienne. Iacoit que iehan le Maire ne face aucune mension diceulx, touteffois si a il pris & emprunte de eulx la plus grande part de son bon langage. comme on porroit bien veoir en la lecture quon feroit attentiuement es oeures des vngz & des autres. On porroit aussi vser dez oeures de Chrestien de Troyes, & ce en son Cheualier a lespẽce, & en son Perseual quil dedia au Conte Phelippe de Flandres. On porroit vser pareillement de Hugon de Mery. en son Tornoy de Lentecrist. Tout pareillement aussi de Raoul en son Romant des Elles. Payfant de Mesieres nest pas a depriser, qui faict maintz beaux & bons petitiz coupletz, & entre les aultres, en sa Mule sans frein, Iay nagueres veu & tenu tous

ces susdictz reuerendz & anciens Autheurs escriptz en parchemin, que mon seigneur & bõ amy Frere Rene Masse de Védosme, Chroniqueur du Roy ma liberallement & de bon cuer monstre. Il en vse si bien a parfaire les Chroniques de France, que ie puis honnestement dire de luy,

Frere Re
ne Masse
Chroni-
queur du
Roy.

Cedite Romani scriptores, cedite Graij.

” Nescio quid maius nascitur Iliade.

” Arriere arriere Autheurs Grecz & Latins, de Rene masse naist chose plus belle & grande que le Iliade. On pourroit en oultre vser des oeuvres de Arnoul Graban, & de Simon Graban son frere. Dantes Aligerius Florentin, comme dict mon susdict bon amy frere Rene Masse, fait honorable mention dudict Arnoul Graban. Et dicelluy Arnoul ay veu en lesglise des Bernardins de Paris vng Tableau au quel ya vne Oraison a la vierge Marie, qui se commence En protestant, & les premieres lettres des versetz du dernier Couplect cõtienent son nom & surnom qui sont. Arnoldus Grabas me. Qui porroit finer des

Arnoul
Graban,
Simon
Graban,
Dantes;

” Oeuvres de Nesson, ce seroit vng grant plaisir pour vser du doux langage qui y est contenu. Je nen ay veu que vne Oraison a la vierge Marie qui se treuve imprimee dedens le Calendrier des Bergiers de premiere Impression. La derniere Impression ne la contient pas, & ne scay pour quoy. Alain Chartier, & George Chastellain Cheualier sont Autheurs dignes desquelz on face frequente lecture, car ilz sont tresplains de langage moult seignorial & heroique. Les Lunettes des princes pareillemet sont bonnes pour le doux langage qui y est contenu. On porroit semblablement bien vser des belles Chroniques de France que mon seigneur Cretin nagueres Chroniquer du Roy a si biẽ faictes, que Homere, ne Virgile, ne Dantes, neurent onques plus d'excellence en leur stile, quil a au sien. Et pour monstre que nostre dict langage Francois a grace quant il est bien ordonne, ien allegueray icy en passant vng Rondeau que vne femme d'excellence en vertus, ma Dame Détragues a fait & cõpose se dict on. Pareillement deux bõs petits enseignemẽs, desq̃lz ie ne cognois les Autheurs, & renuoyray les bons esperits aux autres bons oeuvres Francois, pour y faire ce que Virgile faisoit iadis en lisant es Oeuvres de Ennius, Extrahere aurum de stercore, Tirer lor de dedans vng fient. & de Homere, Extorquere clauam de manu Herculis. Oster & arracher la massue de la main Dhercules, Le susdict Rondeau est tel quil sensuyt,

Nesson,

Alain
Chartier
George
chastelain
Lunettes
des prin-
ces.

Cretin
est icy ex-
aulse en
louange.
Homere.
Virgile.
Dantes.
Ma Dame
Détragues.
Virgile.
Rondeau
tresbel &
notable.

Pour le meilleur, & plus seur chemin prandre,

Iete conseille a Dieu aymer aprandre,

Estre loyal de bouche, cuer, & mains.

Ne te vanter, peu moucquer, parler moings,

Plusque ne doibs scauoir ou entreprandre,

Fors tes subiectz ne te chaille reprandre.

Trop haultains faictz ne te amuse a comprendre,

Et cherche paix entre tous les humains.

Pour le meilleur,

VNg don promis ne fais iamais attendre,

Et a scauoir sans cesser doibz pretendre,

Peu de gens fays de ton vouloir certains,

A ton amy ne dissimule ou tains.

Bien me plaira si a ce veulx entendre,

LE PREMIER LIVRE.

Pour le meilleur.

Le premier susdict enseignement est tel quil sensuyt,

Deux be **S**I tu as maistre, sers le bien.
 aux ései- Dis bien de luy, garde le sien.
 gnemens Son secret scele, quoy quil face.
 Et soyex humble deuant sa face.

Laultre enseignement,

NE sceuffre a ta femme pour rien.
 Mettre son pied dessus le tien.
 Le lendemain la bonne beste.
 Le voudra mettre sus ta teste.

Entédez **S**Il est vray que toutes choses ont eu cōmancement, il est certain que la lan-
 icy biē at gue Grecque, semblablement la Latine ont este quelque temps incultes &
 tētiuecint. sans Reigle de Grammaire, comme est de present la nostre, mais les bons An-
 ciens vertueux & studieux ont prins peine, & mis diligēce a les reduyre & met-
 tre a certaine Reigle, pour en vser honnestement a escrire & rediger les bon-
 nes Sciences en memoire, au prouffit & honneur du bien public.

Ennius, **A**V temps du pere des Poetes latins Ennius qui disoit en son gros langage
 Lucreti⁹ Vulturis in syluis miserum mandebat hominem.
 Et au tēps du Poete Philosophe naturel Lucreti⁹, qui disoit en son p^mier liure

Plaute, Visceribus viscus gigni, sanguemq; creati.
 Semblablement au temps du Poete Comique Plaute reputé & appelle le de-
 lice des Muses, qui disoit en sa Comedie nommee Cassina. Non ergo istud ver-
 bum empfitē titiuitio. Et vng peu apres. Facite vobro animo volupe. Pareille
 Homonē ment, Hac dabo protinā, & fugiam. On ne parloit ne escripuoit encores regu-
 Sanguen lierement, ne grammatiquement, en tant que depuis on a si bien poly la dicte
 Empfitē, langue Latine, que se seroit auioirdhuy honte & asnerie de dire Homonē, Sā-
 Volupe. guen, Empfitem, Volupe, & Protinam. Semblablement mille aultres facons
 Protinā. de dire que Hieronyme Auance natif de Verone allegue au comancement des
 Hierony ses annotatiōs quil a trefdiligentemēt faictes sus les oeuvres du Poete ancian
 me auāce nomme Lucretius, que ie laisse aux curiculx & amateurs dantiquite, & de laq^{lle}
 Ofcus, & chose on peult amplement veoir & lire en vng Dialogue intitule, Ofci & volsci
 Volscus. Dialogus ludis Romanis actus.

Nōs dau **Q**uant Donatus, Seruius, Priscianus, Diomedes, Phocas, Agrestius, Ca-
 theurs an per, Probus, & les aultres bons Autheurs semblables furent venus, ilz la
 ciens en polyrent & mirent en si bōne ordre, que depuis a tousiours de bien en
 la langue myeulx augmente en sa perfection, si bien que les Romains qui ont eu domina-
 Latine. tion sus la plus grande partie du mōde, ont plus prospere, & plus obtenu de vi-
 toires par leur langue que par leur lance. Pleust a Dieu que peussions ainsi fai-
 re, non pas pour estre Tyrans & Roys sus tous, mais en ayant nostre langue bi-
 en reiglee, peussions rediger & mettre bonnes Sciences & Arts en memoire &
 par escript. Le voy que si nous voulons scauoir quelque Science, il la nous fault
 mandier & prendre quasi furtiuement des Grecz & des Latins, & eulx nont q̄
 faire de nous, ne de ce que pouuons scauoir. Nostre langue est aussi facile a re-
 gler et mettre en bon ordre, que fut iadis la langue Grecque, en la quelle

ya cinq diuerſites de lāgage, qui ſont la langue Attique, la Dorique, la Aeoli que, la Ionique, & la Comune, qui ont certaines differences entre elles en Declinaifons de noms, en Coniugatiōs de verbes, en Orthographe, en Acc centz & en Pronunciation. Cōmme yng Aurheur Grec nomme Ioānes Grā maticus, & pluſieurs autres traictent & enſeignent trefamplement. Tout ainſi pourrions nous bien faire, de la langue de Court & Parrhiſiene, de la lāgue Pi carde, de la Lionnoife, de la Lymofine, & de la Prouuenſalle. Ien dirois au cunes diffe.ences & accordances/ſe neſtoit que ie ne veulx icy eſtre trop long, et que ie laiſſe a plus expertz que moy eulx y employer,

En Grēc
yacinq di
uerſes lan
gues par
reigle.
Ioannes
Gramma
ticus.

IE ne fais doubte que aulcunes fois ne ſetreuve des motz nouueaulx en noſtre langage, & comme dict Horace en ſon Art poetic.

Horace.

multa renaiſcentur, quæ iam cecidere, cadentq;

Quæ nunc ſunt in honore vocabula, ſi volet uſus:

Beaucoup de Vocables renaiffent, qui ſont pieca delaiſſez, & ceulz qui ſōt au iourdhuy en cours, ſerōt de rechet aboliz ſi luſage le veult. Luſage & le temps apportent & emportent beaucoup de vocables vieulx & nouueaulx: & pource dit Pontan en ſon premier liure De aspiratione. Aetas enim ex Meſſana, Meſſa lam fecit. Ex vaſeſio valerium. ex fuſio furium. Ex ſclitibus lites, ex ſcloco locū. Ex remulibus lemures, ex fordeo ordeum. Ex caſſantra caſſandrā, Ex eo quod erat odyſſeus vlyſſem, ex lebero liberum. Ex here heri, ex ſibe ſibi. Ex coerauit curauit. Itemq; ex voloce velocē. Ex accuſatiuo mee me, ex duello bellum. Ex aiſo in quo duplicabatur l. aio. Ex cōperce cōpeſce, ex creduis credas. Ex duis des, ex heiprug heſpruginem, & mille talia.

IE laiſſe toutes ces choſes, & reuiens a noſtre ppos des lettres, mais il me ſem ble neſtre inutile, ſi premierement ieſcriptz icy de leur origine & inuention ſelon que ie puis lire en diuers Autheurs, tant Anciens que Modernes.

Diuerſes
opinions
de linuen
tion des
lettres.

Inuention des lettres a eſte diuerſe, ſelon diuerſes opinions. Priſcian dict, que les Chaldees en ont eſte premiers inuenteurs. Lactance dict en ſes Di uines inſtitutions, que les Egyptiens les ont premierement excogitees, & deſi gnees, comme toutes aultres bonnes choſes, tant mecaniques que ſpirituelles quilz ont inuentees, & ce pour la grace de la temperance de leur Ciel & Terre ou ilz habitent. Auſi ſe diſent ilz auoir eſte les premiers hommes. L'opinion de Platon eſt, que les lettres ont eſte eternelles, comme il cuydoit que le Monde fuſt eternel. Pline auſſi au. LVI. chapitre du ſeptieſme liure de ſon hiſtoire na turelle, eſt d'opinion quelles ont touſiours eſte Aſſyriennes, neaumoingz il en allegue diuerſes opinions. Iosephus, Pompouius Mela & le Poete hiſtorien Lucain, ſont d'opinion que les Pheniciens qui ſont en Syrie, ont inuenteles dictes lettres. Lucain dict.

Priſcian.
Lactāce.

Les pres
miers hō
mes.

Platon.

Pline.

Ioseph^s

Pōponi^s

Mela.

Lucain,

Phoenices primi, famæ ſi creditur, auſi

Manſuram rudibus vocem ſignare figuris.

Ceſt a dire, Les Pheniciens, ſil eſt vray ce qu'on dict, ont eſte les premiers qui ont voulu faire areſter la voix des hommes en figures deſcripture & en lettres. Le ſuſdict Iosephus a laiſſe par eſcript que les enfans de Adam inuen terent les figures & caractheres des lettres, & quilz les eſcripirent en deux co lomnes, en delaiſſant a cognoiſtre a leurs poſterieurs les innombrables maulx, grandes aduerſites & tribulations qui debuoiert aduenir. Habraam l'ancien Philoſophe, & le prince des ſouuerains Patriarches, ſelon l'opinion daulcuns

Habraā,

Moses. a este le premier inuenteur des lettres. Moses, selon les aultres opinions, bailla
 Cadmus. premier aux Iuifz la cognoissance dicelles. Desquelz Iuifz les Pheniciens en
 Cornele Tacite, & puis les Grecz desdictz Pheniciens. Cadmus, selon
 Tacite. Cornele Tacite, & selon Pline au susdit Chapistre & liure, les a bailles aux dictz
 Pline. Grecz. Quite Curse en s^o. IIII. liure dit que les habitans de la Cite de Tyrus les
 Q. Curse ont premiers sceues ou enseignees que nulz aultres, quant il dit.
 Tyrus. Tyrus, si famæ libet credere, literas prima aut docuit, aut didicit. Cest a dire.
 Hercules La Cite de Tyrus, si on veult croyre ce qu'on dit, a la premiere enseigne, ou a
 Cicero. pris les lettres. Hercules, cōme dit Cicero en son liure de la nature des Dieux,
 Nicostrata. les a bailles aux Phrygiens. Nicostrata, qui fut autremēt nommee Carmētis,
 Carmētis cōme dit Cornele Tacite, les aporta de Grece aux Latins. Sainct Cipryan mar
 S. cipryan tyr dit q̄ Saturne les aporta premier en Italie, & enseigna les estamper en mon
 Saturne. noye. Sainct Hierosime recite q̄ Esdras apres la Captiuite des Hebreux, pour
 S. Hiero. ce quelles estoient perdues, les inuēta, & les feit en aultres figures & caracte
 Esdras. res que lesditz Hebreuz ont encores aujourdhuy en vsage.

IE dirois volūtiers qui cest qui les inuēta ne aporta en Frāce, mais nous som
 mes si poures historiens & executeurs de bōnes lettres, q̄ ie ne puis cognois
 tre asses bon autheur qui en aye suffisammēt laisse memoire. Gaguin toutcōis
 a dit au. IIII. liure deses Chroniqs de France, q̄ au tēps du Roy & Empereur
 Charlemaigne, quatre disciples du venerable Beda, qui estoient nōmes Clau
 Beda le dius, Ioānes, Rabanus, & Alcuinus, vindrent cy en Paris, & comācerent a en
 venera= seigner lettres en sen faisant paier, & q̄ pour lors luniuersite y prit comācemēt
 ble, & ses Mais il ne repugne point quil ny eust par auāt exercice de lettres & descripture
 disciples. Long temps auant q̄ Iules Cēsar vint en Frāce, les Philosophes nommes les
 Iules Cēsar. Druydes, estoient au territoire de Chartres, en vng lieu qu'on appelle encores au
 Les Dru jourdhuy Dreux, & y enseignoient tous venās, en leur faisant apprendre par mes
 ydes esto moire innumerables milliers de metres. Je ne puis bōnemēt icy dire ne asseurer
 iēt au ter en q̄lle sorte de lettres ilz enseignoient; si en lettres Hebraïques, en Grecques,
 ritoire de Latīes, ou Frācoises; mais touteffois il ya apparēce q̄ cestoit en lres Grecques
 Chartres en tant q̄ Cēsar le tesmoigne au sixiesme liure de ses cōmētaires, & q̄ leur nom
 Dreux. aussi qui est Δεγιδαι, est grec, le nous mōstre. Je puis aussi faire cōiecture q̄ les
 Δεγιδαι lettres Hebraïques y ayent eu cours par auāt. Car iay veu vne grande pierre
 en lhostel de Fescamp situee en luniuersite de Paris, ou sont grauees maites bō
 nes lres Hebraïques. Pareillemēt ien ay veu deux aultres pierres aussi graue
 es en Hebreu, qui sont en la muraille de la court de la maison ou pend le seigne
 de trois boïttes, assize en la rue de la Harpe, droit deuant le bout de la rue du
 foing. Ien ay veu aussi vne autre pres les Cordeliers, qui fut trouuee en la pla
 ce ou est de present edifiee vne maison neufue qui est entre la porte de Luniuer
 site pour sortir a saint Germain des pres, & lesditz Cordeliers, & de p̄sent y est
 encores a demy escripte, pour autāt quō la retaillee. Et la fait on seruir soubz
 vng esgout. Ie ne doubte quil ny en aye beaucoup daultres semblables q̄ ie ne
 puis auoir veues, qui sont en maisons par cy & par la encores nussces en terre,

Les bonnes lettres Hebraïques & Grecques furent abolies par Iules Cēsar
 Car luy & les Rommains estoient si gormans & grans ambrasseurs de gloire,
 Lres He qu'ilz ne vouloient seulement vaincre les Royaulmes & Nations, mais en
 braïques destruyssant Loix, Costumes, Vsages, & toutes aultres bōnes choses, & en des
 abolies par Iules mōstrant Epitaphes, & Sepulchres. Ilz vouloient que leurs victoires & ar
 Cēsar. gances fussent mises en memoire par leurs lettres Latines, cuydant excéder
 la langue Grecque, la quelle chose ilz nont peu faire en tant que la dictelāgue

Grecque est de lettres myeulx ordonnées, en sorte quelle est sans comparaison plus fertile, abondante, & florissant que la leur Latine.

Les Grecz ont este Autheurs aux Latins en toute maniere de doctrine, tesmoig Priscian qui dict au premier liure de son art de Grammaire, au tiltre *De accidentibus literæ.* quant il dit. *Porro Greci quibus in omni doctrina authoribus utimur* Les Grecz, dit il, sont noz auteurs en toute sorte de discipline

Avant que le dit Cesar vint icy, & y traynast sa dicte langue Latine, les lettres Grecques y pouuoient estre, & de faict elles y estoient en cours, cōsiderer que long espace de temps, & grant nombre dans par auant, comme dit Baptiste Mantuan en vng de ses liures quil a faict en descriuāt la vie de saint Denis, quāt Hercules alla oultre Espaigne aux iardins des Hesperides, passa par ceste contree, & quant il fut en lisle de ceste cite de Paris, il print si grant plaisir a veoir le pais & la riuere de Seyne, quil y commenca a edifier, puis sen volant aller oultre a ses entreprinſes, y laissa vne bande & compaignie de ses gens darmes qui estoient appelez Parrhasians selon le nom de leur pais en Grece du coste Dacie, qui est nommee Parrhasia. Iceulx Parrhasians laisserēt leur nom icy et en mutation de A. en I les habitans de ceste dicte Cite ont este, & sont encores dictz & appelez Parrhisiens.

Doncques iceulx Parrhasians demourās icy, edifierent en la dicte isle, & commencerent soubz bon & prospere horoscope ceste noble cite de Paris qui est aujourdhuy myeulx que Athenes nestoit au temps passe, la fontaine de toutes sciēces. La monoye de toute vertu. Le theatre de nobles personages. L'excellence de bōs esperitz. Le sanctuaire de deuotes ames. & le tresor de tous biens. A lhōneur de la quelle ie veulz icy tresuoluntiers allēguer aucuns beaulx merres du poete Architrenius ainsi que Baptista plus le tesmoigne en ses Annotations au Chapitre. LXIII. quant il dict,

Altera regia phœbi
Parrhisius. Cyrrhea viris, Chrysca metallis.
Græca libris. Inda studijs. Romana poetis.
Attica terra fophis. Mundi rosa. Balsamus orbis.
Sidonis ornatu. Sua mensis, & sua potu.
Diues agris. Fœcunda mero. Mansueta colonis.
Messe ferax. Inoperta rubis. Nemorosa racemis.
Plena feris. Pisciosa lacu. Volucrosa fluentis.
Munda domo, Fortis domino. Pia regibus. Aura
Dulcis. Amœna situ. Bona quælibet. Omne venustum.
Omne bonum. Si sola bonis Fortuna faucret.

Cest a dire. Paris est vne admirable maison Royale, en la quelle ordinairement le beau soleil inspire son graticulx & diuin aspect, en y rendāt innumrables bons esperitz dedies aux Muses, cōme estoient iadis en la cite de Phocis en Grece, nommee Cyrrha. Paris abunde en toutes especes de nobles metaulx, & est vne droicte Grece en multitude de liures. vng vray pais Dinde en bōnes sciēces & estude. vne seconde Rōme en poetes. vnes Athenes en sauāshōmes Paris est la rose du mōde, & le baulme de luniuersel firmament. Paris est vne seconde cite de Sidon en tout aornemēt, abundāt en toute maniere de victualles & bōs breuages. Riche en chāps laborables. Fecunde en pur vin. Et douce en ses habitans. Tresfertile en toute qualite de bons bledz. sans runces, & sans inutiles buyſsons. Tresabondante en vignes, treilles, & resins. Plaine forest de bestes a venoison, & vraye source de tout bon poisson. Entrelacee de sa belle riuere Seyne, Nestee en son manoir, Fortee en son seignr, Reuerēte & amyable a

Priscian,

Baptiste
Mantuan.
Hercules

Seyne.

Parrhasians.

Parrhasia.

Parrhisiens.

Paris, &
ses louanges.

Architrenius.

Baptista
pius,Louāges
de paris,

LE PREMIER LIVRE.

ses Roys. Gracieuse en son bel & doulx air. Delectable en son assiette. Bref, en Paris est toute venerable honestete, & tresor de tout bien, si fortune y visoit tousiours bié.

Baptiste Mantuan **L**esudist Baptiste Mantuan introduyt saint Paol parlant a saint Denis, et disant au susdit lieu allegue.

Venies duce flumiu et tandem

Parrhisios gentem vestris quæ traxit ab oris

Et genus & nomen. sed primæ barbara non am

Lingua notam vitio fandi succedere fecit.

Cest a dire. Tu iras dit saint Paol a saint Denis, le lōg du beau fleuve nō-
me la Seyne iusques aux Parrhisiés, qui ont prins origine & nom d'une de
voz natiōs de Grece. Icelle nation estoit ditte Parrhasiane, mais l'usage de par-
ler a mue la premiere lettre Abecedaire qui est A, en la neuuesime qui est I, &
dit on Parrhasiane,

Confidez bien ce qui est icy dict. **L**e puis de rechief dire par bōne raison que lesdittes lettres Grecques ont icy
este auant que les Latines, quant encores au ioudhuy en auōs des vocables
et dictions en l'usage de nostre langage Frācois qui sont plus Grecques que La-
tines. Cōme sont Paradisus, Angelus, Cygnus, & mille autres au quelles peu
de gens prennent garde pour faulte que nostre langue n'est pas mise par reigle.

Paradis **Angelus** **N**ous appellons vng beau iardin Paradis terrestre, dōques cest Paradisus.
Vng ange n'est autre chose que vng messager qui est dit en latin Nuncius

Parquoy doncques Angelus ou totallemēt dict en Grec ἄγγελος, & Ange,
sont plus prouchains & iemblables que ne sont Nuncius & Ange. Pareillemēt

Cygnus. Cygnus, ou Κύνυς est plus prouchain de ceste diction Frācoise Cygne, que
de la Latine qui est Olor, Toutes fois qui ne me voudra croire de ce q'ien viés

de dire, si sen aille esbatre a lire au Cinquiesme liure De Asse, au comancement
du fueillet. CXCV. de l'pression de Venize qu'on dit Aldine, & il verra comēt

Bude. monseigneur Bude tesmoigne elegāment que les noms des mesures de ceste no-
ble cite de Paris pour la plus grant part ont encores leurs noms aupres du Grec

Cheopine & Pint cōme font, Cheopina, & Pinta. Cheopine, & Pinte. Melodia, est plus pres du
langage Frācois, Melodie, q' n'est Concentus. I'en porois alleguer vng millier

de semblables & pl⁹ euidens, mais aidāt n're seign^r ce sera pour vne autre fois.
rez du

Grec. **Gaguin.** **G**aguin a escript au. IIII. liure de ses Chroniques, q' les liures q' saint De-
nis fait de la Hierarchie celeste, & qui feurēt enuoyes de l'epereur de Cō-

Michael. stantinoble nōme Michael au Roy Loys le piteable filz & successeur de Char-
lemaigne, estoient escriptz en Grec. Parquoy dōques lettres Grecques ont icy

Lempe- eu cours auant que les Latines, entendu quelles estoient plus estimees, & q' les
reur. dictes Latines estoient en ce temps la encore en leur gros & rude stile cōme on

Loys le peult iuger cleremēt par les scripteurs & autheurs de ce dict tēps. Cōme estoiet
piteable. Grecifinus, Tardius, Alanus de parabolis, Floretus, Compotus, Alexander

Nōs dau- de villa dei, & mille aultres qui ne valent pas le rememorer pour la rudete & du
theurs ru- re langue quilz auoient en leur composition plus latineuse que latine, cest a di-

des & ari- re, sans elegance, & sans fleur de Rhetorique.
des en lā-

guelatie. **O**ltre plus, quant saint Denis, saint Rustic, & saint Eleuthere vindrēt
Dathenes en Paris enseigner la foy Crestiēne, cōme Grecz quilz estoiet

Leuāgile lenteignoient plustost en Grec quen latin, en memoire de quoy nous voyons
du iour encores au ioudhuy que le iour de la feste saint Denis, les Religieux de leigli-

de la feste se & conuent de Labbaye saint Denis en Frāce chantēt leuāgile de leur grā-

demesse en Grec. Parquoy repliche qui replicher voudra, me semble que les langues Hebraique & Grecque ont icy eu cours auant que la Latine, & que ce qui a tant augmente la dicte Latine, na este que larrogāce & insatiable auarice des Romains qui ont voulu totalement estaindre les susdictes bonnes/anciennes/& diuines langues, & inettre la leur au dessus, qui est beaucoup moins en toute sorte de perfection, comme peuuent bien iuger ceulx qui cognoissent que cest de toutes les trois, ou seulement de la Grecque & Latine. Mon seigneur Bude Diamant & Perle entre les scauans & bien letrez Parrisiens, a treslegamment escript de la conference des lettres Grecquez & Latines, au premier liure de son bel Oeuvre intitule De asse. & y peult abundamment conter les desirans scauoir plus amplement de cesdictes lettres Grecques,

sainct Denis ē chātee & dicte en Grec, a leglise saint Denis en France. Linfatiable auarice des Romais, Bude,

Si ieusse peu trouuer mention par escript de noz susdictes lettres de Forme et Bastarde, ou comme iay cy deuant dict, si ien eusse peu trouuer homme qui men eust volu & peu enseigner, ie les eusse mises en ordre selō leur due proportion, mais aidant nostre seigneur ce sera pour vne aultre fois. A ceste heure icy ie traicteray seulement des lettres Attiques, quon appelle vulgairement lettres Antiques, & abusiement lettres Romaines. Mais auāt ce ie prie aux bons estudians & vrays amoureux de bonnes lettres, quilz me pardonnent si iay este cy dessus vng peu long en faisant digression pour deplorer la sterilité de noz mains qui sont trop mal soigneuses a bien escrire,

Lres Attiques, & raison dicelles.

Les dictes lettres Attiques sont deuement nommees Attiques, & non Attiques, ne Romaines : pource que les Atheniens en ont vse auant que les Romains, ne homme de leur Italie, combien que lesdictz Romains & Italiens en ont fait leurs monstres en leurs sumptueux Palaix, & Arcs triumphans, cōme on peut encores veoir dedans Rōme aux ruynes quon voit par cy & par la enuyronnees de Canctieres en la plus grande partie de la dicte Romme,

Entēdez bien icy & retenes

Canctieres en Romme,

Ie veulx icy dire vne chose incogneue a beaucoup de gens destude, combien que ie scay quil y en ya dix milliers plus scauans que ie ne suis. Cest que ceste presente & dicte lettre Attique a este inuentee en vng país de Grece nomme Ionie, qui est comme dict Pomponne Mela en lextrēmité Dacie la mineur, entre Carie, & Eolie. Ioniens lont premieremēt inuentee, figuree, & proportionnee. Mais les Atheniēns qui ont este seigneurs & dominateurs de toute Grece, lont mise en vsage & honneur, si bien quelle en a & retient encores le nom. Qui soit vray que les Ioniens ayent inuente cesdictes lettres Attiques, & que les Atheniens nen ont seulement vse, mais toutes aultres Nations. Plinē dict a la fin du. VII. liure de son Histoire de la nature des choses, au. LVII. Chapitre. Gentiū consensus tacitus primus omniū conspirauit, vt Ionum literis vterentur. Cest a dire. Luniforme consentement de toutes nations, est condescendu que toutes gens vseroient des lettres des Ioniens. Linuention dicelle a este conuertie en fable, comme les Grecz auoient de coustume faire en toutes choses, comment on peut veoir assez amplamment en Boccace, au Liure de la Genealogie des Dieux,

Ionie. Pōpone Mela,

Plinē,

Il ont saint que Iupiter fut vne fois amoureux de la fille du Roy Inachus, en telle sorte que pour en auoir son singulier plaisir lenuyronna toute de tenebres, mais Iuno seur & femme du dict Iupiter voyant ces tenebres,

Plinē. Belle fable a biē cōsiderer

Argus,

Mercure
en forme
de Ber-
gier,

comme ialouſe q̃lle eſtoit, ſe doubta bien du cas, & deſcend delair en bas pour veoir que ſignifioient ces tenebres pour lors eſtans en plain iour. Parquoy Iu- piter la voyant venir, pour celer ſon faict, mua ſon amoureuse en forme dune belle ieune vache. Toutefois Iuno ne laiſſa ſon propos, & vient conuertemēt a louer la beaulte de ceſte vache, tāt quen fin la demande a ſon mary pour don. Iupiter ſe voyant bien empesche de ſexcuser, ne luy peut reſuſer, & luy donne. Quant elle la tient pour ſienne, elle len remercy. Et incontinent pour ſe ven- ger de ſon iniure elle la baille en garde a ſon Bergier nomme Argus, qui auoit au viſage, & par toute la teſte cent yeulx qui ne dormoient iamais tous enſem- ble, mais deux a deux tādifque les aultres veilloient. Iceluy Argus la traictoit durenēt en la battāt ſouuent de ſa groſſe maſſue, luy ruāt a la teſte, a la queue, et aux iambes pierres & cailloux, la pourmenant ca & la durant la grande chal- leur du Soleil, pour la faire poindre & mordre aux frelons & groſſes mouches. Puis la ramenat battant en ſon teſt, ne luy donnoit a manger q̃ des eſcorces ameires, & dures branches darbres. La pouurette euſt voluntiers dict ſes infor- tunes audict Argus, mais en lieu de vouloir parler elle mugifſoit, & le regar- doit plourant a groſſes lermes. Iupiter voyāt laduerſite de ſamy, & la peruer- ſite de Argus, vng iour conuertit ſon meſſager Mercure en forme de Bergier gardāt chieures & brebis, & leuoya vers iceluy Argus qui eſtoit aux champs & vallees ou il gardoit rigoureuſement ſa dictē vache. Mercure ſen vient tout bel- lement amenant ſon troupeau, & iouant de ſes chalemeaulx trefarmonyeuſe- ment, ſi bien que Argus lappelle pour ſen venir repouſer ſus lherbe au pres de luy en lumbre dune roche ou il eſtoit aſſis & eſtandu. Mercure vient & le ſalue, puis apres auoir vng peu parlemente, & demande lung a lautre de la bonne fortune, il ſe prent a iouer de ſes ſuſdictz Chalemeaulx encores myeux q̃ par auant, tellement q̃ Argus y prent grant plaifir. Toutefois Mercure pour my- eux venir a ſon entēte, ceſſe, & ſe prent a parler & deuifer de la louāge de Mu- ſique, ſi bien quil luy meſt en volute de ſcauoir iceluy Art, & iouer des Cha- lemeaulx. Alors Argus eſmeu des parolles de Mercure, le prie affectueuſemēt quil ioue de rechef de ſesdictz Chalemeaulx, laquelle choſe il faict incōtinēt, et ioue de ſi grant Art & ſi melodieuſemēt, qui le faict deſcendre en ſi grant ſō- meil, q̃ tous ſes yeulx, qui eſtoient, comme eſt ia dict, cent en nombre, ſe vont tous endormir trefarfondement, & tantost Mercure prent ſon Bracquemard et luy trenche la teſte

ΙΩ.
Ionia,

LA belle vache voyant quelle eſtoit deliuree de celuy qui tant la tourmen- toit, fut bien aise, & prent ſa cource, ſen allant au long & au large par cy par la, tant q̃lle vient en vng endroit ou ſon pere Inachus eſtoit mue en Dieu de fleue, quon dict aultrement, en Dieu Marin. Iceluy Inachus ne cognoiſ- ſant linfortune cas de ſa fille, mais pēſant que ce fuſt vn vraye vache, luy ten- doit plaines mains de doulces & odoriferentes herbes, & la ſadeyoit amyable- ment en luy touchant & la pariāt de ſes diuines mains par le front, par le dos, et par les coſtez, iuſques a ce que en allant & venant entour elle, il veit le nom de ſa fille eſcript au pas & en la place ou auoit preſſe le pied de celle belle vache qui eſt de deux lettres ſeulement Ι, & Ω, au nom de la quelle le pais a eſte nōme Ionia, & les habitans Ioniens.

Quant Inachus veit ainſi le nom de ſa fille, & cogneut q̃lle eſtoit muee en Vache, il ſe print a eſcrier. Ma fille/ & chere amye, ie tay, ia long temps a tant cherchee par mōs & par vallees, & iamais ie ne tay peu trouuer

mais ne pensant a ceste fortune/ ie tay rencontree, & sans y pincer aperceue. Ouide Nason vng peu deuât la fin de son premier liure de ses trãffiguratïõs et fables poetiques, intitulees Metamorphosis, descript trefelegãment toute ceste fable cõme il a de belle coustume. Ie lãleguerois icy volũtiers toute, pour ingeniosite dõt elle est plaine, mais ie serois trop lõg, toutesfois ien escripray cy vne partie, & diray ainsi.

- » Decerptas senior natæ porrexerat herbas,
 » Illa manus lambit, patrisq; dat oscula palmis.
 » Nec retinet lachrymas, & si modo verba supersint;
 » Oret opem, nomenq; suum, casusq; loquatur,
 » Littera pro verbis quam pes in puluere duxit,
 » Corporis indicium mutati triste pergit.
 » Me miserum exclamat pater Inachus, inq; gementis
 » Cornibus & niueæ pendens ceruice iuuentæ.
 » Me miserum ingeminat, tu ne es quæsitæ per omnes
 » Nata mihi terras: tu non inuenta reperta es.

Cest a dire. Inachus ia vieulx & ancien tendoit des herbes cuyllees/ a la belle ieune vache sa fille, la q̃lle luy lechoit & baisoit les mains en ne se pouuãt con tenir de lermoyer & plourer. Si elle eust peu parler, volũtiers eust demãde aide. et eust dict son nom, en recitant ses infortunes, mais lescripture q̃ son pied feit en marchant sus la pouldre, fut manifeste indice de la triste mutation de son beau corps de vierge en vache. Incontinent q̃ son pere Inachus aperceut la dictẽ escripture, il se prent a escrire en se pendãt & apuyãt sus les cornes de sa fille gemissant & estant en forme de ieune vache blanche. O miserable misera ble q̃ ie suis, dict Inachus, helas ma fille ie tay cherchee par innumerables lieux et places, & iamais ne tay peu trouuer, q̃ a ceste heure que ie tay rencontree.

IEhan Boccace hõme nagueres tresscauãt & studieux, a laisse p̃ escript bien au long toute ceste fable en sa Genealogie des dieux au. VII. liure, & Chapit. XXI. en lexpõsãt bien hõnestemẽt au sens moral, cõme pourrõt vcoir ceulx qui voudrõt visiter le lieu allegue. Mais en cest endroit, & a mon p̃posie la moraliseray cõme ie lentens, & croy quon y trouuera de la raison.

Ouide.

Iehan Boccace.

Moralite de la fa- ble de Io
Lair de Paris est neçt,
doulx, & amyable
Paris, sãs pareil

Doncques, nous entendrõs par Iupiter qui fut amoureux de la belle fille de Inachus, que cest lair & gracieux habitacle qui est au pais de Ionie, au quel bons esperits ont eu vigueur a inuẽter Ars, Lettres, & Sciẽces, cõme no⁹ voyons q̃ lair de Paris est beaucoup plus neçt, doulx & amyable quen nul aul tre lieu de Frãce, & q̃ toutes bõnes Sciẽces, & belles vertus depuis la fondatiõ y ont tousiours bien floury, p̃spere, & augmẽte en souueraine perfection. si biẽ que cest le lieu qui na son pareil en toute Crestiẽte. Et qui pour vng lieu clos de murs entre vnze portes ouurantes, vault plus q̃ ne vallent aucuns Royaulmes. Ie ne veulx pas blasmer les aultres lieux pour lexaulcer, mais il est dict en com mun Prouerbẽ, que Paris, est sans pareil.

IE reuiens a ma moralite, & dis que pour la belle fille de Inachus, ia dictẽ & nommee Io, nous entendrons Sciẽce, laquelle est baillẽe par Iuno, qui est entendue Richeffe. Peu de gens paruiennent a grande Science sans aide de deniers. Et pour ce nous voyons que pouures estudians voulantz venir a per fection, cherchent & sessorcent auoir quelque bon Mercenas, ou quelque C.ij.

Io. est cy entẽdue pour Sci ence.
Iuno,

LE PREMIER LIVRE.

Pollio. Cest a dire, quelque homme de bien qui leur aidera a estre entretenuz a l'escolle & estude.

Argus, & sa signification. **A**rgus disforme de tāt dhyeulx quauons dict, quil auoit, signifie ceulx qui de leur rusticite & meschant scauoir persecutent les bonnes Lettres & Sciences de leurs meschantes doctrines arides, & sans elegāce, & deprimēt les tref scauans en leur imposant nouueaulx cas pour les reculer & deprimer de toute leur puissance. Science entre les mains de telz hommes est en captiuite, & nest point repeue de doulces herbes de Grammaire, ne de fleurs de Rhetorique, mais de dure escorce de Barbarisine, & de ameres branches de Solecisme.

Mercure **M**ercure iouant de ses chalemeaulx, & coupant la teste au dict Argus, sera icy interprete & prins, pour lhomme diligent a enquerir la purue de toutes bonnes lettres & vraye Science en s'employāt a bien enseigner aultruy, tant de sa parolle/que de ses escriptures, & rescindant & mortifiant les inuenees barbaries des indoctes, comme nous voyōs aujourdhy faire trois nobles personnages, Erasme le Hollandois, Iaques le feueur Destaple en Picardie, et Bude diamant des nobles & studieux Pharrisiens, qui nuyēt & iour veillent et escripuent a lutilite du bien public, & exaulcement de parfaicte Science.

Erasme. Iaques Faber. Bude. **I**euens doncques a nosdictes lettres Attiques, & dis a propos de la susdictē fable de IΩ, que ces deux lettres cy. I. & O. sōt les deux lettres, desquelles toutes les aultres Attiques sont faictes & formees. Le A. est faict seulement de le I. Le B. est faict du dict I. & de le O, brise. Le C. est faict seulement de l' O. brise. Le D. dung I. & dung O, brise. Et semblablement toutes les aultres sont faictes de lune desdictes deux lettres, ou de toutes deux ensemble, cōme ie diray cy apres, & monstrey par figure & symetrie aidant nostre seigneur. On peult aussi dire que le O. est faict de le I. mais nous pouuons estimer que le O. est modele pour les panfes & arondissemens de aulcunes aultres lettres que de luy.

Bon notable. **N**orez en passant que IΩ, pour le nom de la belle fille de Inachus veult estre escript par Iota & Omega. Cest a dire, par vng I. vocale, & par Ω, qui est long en quantite de syllabe metricque. mais a mon propos IO. sera escript par Omicron. Cest a dire, par O. bref en quantite de syllabe, pource quil est simple lettre, & vniforme, & quil est plus conuenable a faire bonne demonstration pour proportionner les rotūdites des aultres lettres q̄ nest ledict Omega. Lequel Omega aussi est faict dudict Omicron en lescripuant deux fois adherent l'ung a l'autre pour la raison & reigle de Grammaire, qui veult que vne vocale longue en quātite metricque/ en vaille deux breues, & deux breues vne longue.

Io pæan. Io triumph. **I**e veulx icy encores dire & escrire quelque aultre petite chose de secret a propos que iay dict que nosdictes lettres Attiques sont toutes participantes en figure/ & faictes de le I. & de le O. Cest que en memoire de linuention et perfectiō dicelles, ce vocable IO, a este mis en vsage de Prouerbe, signifiāt toute exultation & triumphe. Cōme en disant Io pæan, Io triumphe. Ouide en son Art damours a laisse par escript.

Ouide. Dicite Io pæan: & Io bis dicite pæan.

Codrus Vircus. Item Codrus Virscus Poete & Orateur facetieux lisant nagueres publiquemēt en Bonoigne la grasse a faict vne Chācon latine pour se resiouyr en vng bācquet, & commence.

Io, Io, dicamus Io, Io, dulces Homeriaci.

Horace pareillement en ses Odes a dict.

Horace. Non semel dicemus Io, triumphe,

IE dis doncques que pour monstrier la ioye que lesdictz anciens Ionians eurent apres auoir inuente & proportionne ceidictes lettres Attiques, Io. vint en si grant vsage de Prouerbe denotant Ioye, quil est encores tous les iours en memoire & en son entier. Les Grecz de leur coustume en ont figure vne fable, voyre bien deux aultres que la cy deuant escripte, que ie laisse aux bons estudeus pour les veoir en la Metamorphose Ouide, en la Genealogie des Dieux de Boccace, & au. CCCXXXII. prouerbe de la seconde Cluade de Erasme.

Io. en vsa
ge de pro
uerbe.

Soubz lesorce de Fable la Verite est mussee, & ne peult estre bien cogneue qui ne la contemple & auise de bien pres. Il ya vne aultre fiction & Fable poetique du special inuenteur de ceste dicte lettre Attique, que ie escripray cy en bref. Cest que Apollo iadis ayma vng beau ieune filz nōme Hyacinthus et laymoit de si grant & bon amour qui le tenoit tousiours deuant ses yeulx & aupres deluy. Vng iour ledict Apollo iouoit & sefbatoit a iecter vng grāt Plat et vase en lair par plusieurs fois pour esprouuer sa force corporelle, & laugmenter par exercice. Vne fois tandilquil auoit iecte en sus son dict Plat, Hyacinthus passa par dessoubz en sorte quil fut tue. Apollo en fut si dolēt, pour la grāde beaulte dont il estoit plain, & pour le grant amour quil auoit en luy, que pour luy recompenser la vie, que par cas fortuit luy auoit ostee, le mua & transforma en vne fleur de Lis, qui est de couleur de pourpre, quō dict & apelle icy en Paris Lisslābe, & fait en la dicte fleur deux lettres. Y. & A. que nous y pouuons encores aparcevoir aulcunement, vng peu faictes de couleur quasi noire et iaulne sus les feuilles de la dicte fleur. La totalle herbe est apellee de aucuns Medecis **H IPIΣ**, des aultres Gladiolus. La racine est odoriferēte, & la mesle on auec bonnes senteurs & doulces choses a garder linge en cofres. Marcellus Virgilius, Secretaire Florentin, & Cōmētateur sus Discorides prent grāde peine au. LVIII. Chapitre, du. IIII. liure du dict Dioscorides, a descrire & bailler a entendre que Hyacinthus est le dict Lis que les Parhisiens appellēt Lisslābe, mais ie nen allegueray que vng peu pour ceste fois, & ce sera cōme il sensuyt. Siquidem parum defixa ab Hyacintho antiqua voce Irim Florentia adhuc passim Hyacintholum nominat. Certes, dit il, la langue Florentine dit & apelle encores lherbe quon dit aultrement Iris, Hyacinthiol, en changeant vng peu le vocable antique. Iay entendu aussi & sceu de Florentins & aultres Italiens scauans en bonnes lettres, que ce dict Lisslambe en Vulgar Italien est apelle Hyacinthiol. Parquoy, soubz correction me semble que Hyacinthus est Lisslambe. Qui en voudra veoir bien au long, si lize les Commentaires dudict Marcellus Virgilius, & il y en trouuera a suffisance. Ouide, fontaine de fluantes & doulces parolles latines & poetiques, descript la susdicte Fable tresabundamment & euidamment en ses Metamorphoses vng peu apres le cōmancement du. X. liure, mais ie nen allegueray pour ceste heure que vne partie, qui est comme il sensuyt.

Aultre fa
ble Poe
tique.

Hyacin
thus.

Lisslābe.

H IPIΣ.
Gladiol⁹
Marcell⁹
Virgilius
Diosco
rides.

Hyacin
thiol.
Ouide.

- ” Talia dum vero memorantur Apollinis ore.
- ” Ecce cruor qui fusus humi signauerat herbas
- ” Desinit esse cruor, tyrioq; nitentior ostro
- ” Flos oritur, formamq; capit, quam lilia, si non
- ” Purpureus color huius/argenteus esset in illis.
- ” Nou satis hoc Phœbo est, is enim fuit autor honoris,
- ” Ipse suos gemitus folijs inscribit, & hya
- ” Flos habet inscriptum, funestaq; littera ducta est,

Virgile. Cest a dire. Tandisque Apollo faisoit ses douloureuses lamentations, le sang du bel Hyacinthus, qui estoit espandu, coule sus les herbes, & qui estoit plus vermeil que belle escarlate, croist en vne fleur, & prend la forme de lis, si non que le Lis proprement est blanc & de couleur argentee, mais prend couleur de Lisslabe, qui a couleur de pourpre. La quelle chose ne fut encores assez au dict Apollo, qui est autrement apelle Phebus. Car luy voulât estre autheur dhonneur audiect Hyacinthus, escripuit ses gémissements es feuilles de la fleur dudict Lisslabe, en y laissât ces deux lres funebres & de couleur noire, Y. & A. Pour bailler a entendre plus euidâment les motz Douide, iay mis vng pourtraict icy pres de ladiete fleur de Lisslabe a la verite plus prochaine quil ma este possible en la forme qui sensuyt.

Seruius Maurus.
Hyacinthus.
Ajax,

Moralite
de la fa-
ble de
Hyacin-
tus,

Bon no-
table de
laspira-
tion,

Virgile aussi en la. III. Eclogue de ses Buccoliques, en a fait mētion tressinguliere soubz lescorce de Enigme et obscures parolles, quant il introduit Dametas & Menalcas pasteurs conten dans, & que Menalcas dict en son renc Dic quibus in terris inscripti noia regū Nascant flores, & Phyllida sol' hēto. Cest a dire. Dis moy en quel pais ou regions naissent & croissent fleurs escriptes de noms de Roys : & prens pour toy seul la gente pastoure nōmee Phyllis. Seruius Maurus cōmentateur sus le dict Virgile, dit q lenigme se peult entendre tant de Ajax q de Hyacinthus. Pource que Ajax aussi a este fainct, & dict en fable apres sa mort auoir este cōuertu en ceste dicte fleur de Lisslambe, aiant couleur de pourpre. Mais a mon proposiēme arressteray a Hyacinthus, et dis en moralite de la fable, q Apollo est fainct & apelle Dieu des neuf Muses. Qui sont a dire, Bonnes sciences. & qui est aussi entendu le Soleil qui nous inspire vigueur desperit & de corps, a tant ayme Hyacinthus, cest a dire le bon sens naturel, q apres luy auoir ostela vigueur de Jeunesse & de Intēperāce, la cōuertu en fleur de Prudēce & Saigesse si bien que les lettres, cest a dire la memoire de la mutation de Intemperāce en Atrempance en demeurēt escriptes et apparētes en la fleur de la dicte Prudence, & Sapience. Hyacinthus auioirdhuy est bien escript / quon dit autrement orthographie, par aspiration. h. Mais ancienement la figure de la dicte aspiration ne se escripuoit point. Toutefois les Grecz depuis la dicte fiction et fable faicte lont mise en vſage de leur langue reguliere sus leurs sept Vocales qui sont. A. E. H. I. O. Y. Ω. Et sus vne seule cōsone nōmee Rho. nō pas cōme lettres, mais cōme accēts, & lescripuoient seullemēt sus lesdictes vocales & cō



son hors la ligne des lettres. Les latis l'ont aultremēt vsurpee q̄ lesdictz Grecz & l'ont escripte en ligne, en la meslant par plusieurs de leurs lettres, tant quelle est quasi repuee pour vraye lettre.

I Ay dict que la lettre A. qui est la premiere de L'alphabet, qu'on dict aultre-
 ment Le. A. B. C. est faicte de la lettre I. & est chose vraye, en le figurant en
 triangle, qui est nombre imper. Les deux pattes dudit A. & la teste sont le dict
 triangle, mais ce triangle veult estre assis en vng quarre qui nous est signifie par
 la diction Hyacinthus qui est contenue en quatre syllabes, qui sont. Hy, a, cin,
 thus. Les anciēz voulāt mōstrer la singuliere perfection de leurs lettres, les ont
 formees & figurees par deue pportion des trois plus bōnes & parfaites figures
 de Geometrie, qui sont, la figure Rōde, la Quarree, & la Trigulaire. Et pource
 que le nombre imper a este tousiours entre les Anciens repue heureux, & l'ont
 eu en si grande reuerence quil a este mis iusques aux Cerimonies & sacrifices,
 comme nous voyōs encores que en noz eglises ya la glorieuse Trinite, & que
 a chanter grande messe ya Prestre, Diacre, & Soubzdiacre, & cōme Virgile a
 dict en sa. VIII. Eclogue. Numero De⁹ impar gaudet, Cest a dire, Dieu ayme
 le nombre imper, Ilz ont faict leur premiere lettre en nombre imper assise sus
 le quarre de nombre per pour donner bon comancement & heureux acces a
 ceulx qui aymeront & voudront estudier les bonnes lettres.

De le A.
 lettre triā
 gulaire.

Letres
 Attiques
 sont touz
 tes faictes
 de trois fi
 gures de
 Geome
 trie.
 Ronde,
 Quarree
 & Trian
 gulaire.
 Virgile,

I En nombre Imper, cōme dict Macrobe au premier liure. De Saturualibus,
 est prins pour le masle, & le nombre Per pour la femelle, qui est a dire, que
 par coniunction de masle & femelle l'homme est engēdre. Aussi par coniunction
 de lettres les syllabes sont faictes, & par coniunction de syllabes les dictionz. Et
 L'oraïson par assement de lettres, syllabes, & dictionz biē accordees setre u
 ue bonne, elegante, et bien coulant.

Macro
 be, du nō
 bre Per
 & Imper,

L Esditz Triangle & Quarre sont aussi compris en vng rond, qui est la figu
 re contenant plus que nulle autre figure, qui nous denote que la parfaite &
 ample cognoissance des Muses & bonnes Sciences est & gist en bonnes le
 ttes, par lesquelles on peut lire & estudier, escripre & assembler en li
 ures & memoire, comme ont faict iadis les bons Philosophes
 & autheurs anciens, & comme pouuons faire en
 nous exerceant iour & nuyt a li
 re & escripre les susdictes
 bonnes lettres &
 Sciences,

LA FIN DV PREMIER LIVRE,

SENSVYT LE SECOND,



Vant que ie commence a enseigner nostre première lettre A. deuoir estre faicte dele. I. Ie veulx cy prier le bon estudiēt quil sache premieremēt que cest que le Point, q̄ cest que la Ligne tant droite que nō droite, quō dit corbee en rond ou en angle. Que cest que Rond, Que Quarre, que Triangle. et cōsequamēt quil sache les figures plus generales de Geometrie. Car nosdittes lettres Attiques en sont toutes faictes & figurees comme ie le mōstreray aidāt nostre seigneur. Et afin quon naye cause d'ignorance, Ien escripray cy les diffinitōs de lune apres lautre, & les figureray selō

que Euclides les nous a iadis laisseees par escript.

Euclides

- » **P**unctus, dit Il, est cuius pars nō est. Cest a dire. Le point est vng signe qui ne peut estre diuise. Et cōme dit messire Charles Bouille en sa Geometrie en Francois. Le point ne sapelle ne quantite ne mesure, mais le terme de toute quantite, le quel na longueur ne largeur, ne parfond,

Charles
Bouille.
Le point

- » **L**inea. dit Euclides, est longitudo sine latitudine, cuius quidem extremitates sunt duo puncta. La Ligne est vne longueur sans largeur, de la quelle les extremités sont deux points. & comme dit Bouille. La ligne est la première / & la moindre quantite de toutes ayant seule longueur sans largeur ne parfond, ainsi comme est. A ————— B. Aulus Gellius au. XX. Chapitre de son premier liure, pareillement dit, Linea autem a nostris dicitur, quā ἡ ΓΡΑΜΜΗ, Græci vocāt. Eam. M. Varro ita definit. Linea, est Inquit, longitudo quædam sine latitudine, & altitudine. Εὐκλείδης, autem breuius, prætermissa altitudine. ΓΡΑΜΜΗ, est inquit, μήκος ἀπλάτεις. Id est longitudo illa tabilis. quod exprimere vno latine verbo non queas, nisi audeas dicere, Illatabilis. Cest a dire. Ce q̄ les Latins disent & appellent Linea. les Grecz la disent γραμμὴ. Marc⁹ Varro la diffinit & descript aisi. La ligne, dict il, est vne certaine longitudo sans latitude ne altitude. Euclides aussi la descript pl⁹ bref, en faisant l'altitude, quāt il dit, γραμμὴ ἐστὶ μήκος ἀπλάτεις. Cest a dire. La ligne, est vne longueur Illatable, & qui ne peut estre elargie, La quelle chose ne pouues bonnement dire en langage Latin, si vous ne vous hardiez de dire, Illatabilis.

La Li-
gne.

Aulus
Gellius.

Linea
Illatabi-
lis.

Varro.

Euclides

Ligne
droite.

- » **L**inea recta. dit Euclides, est ab vno puncto ad aliū breuissima extensio, in extremitates suas ea recipiens. Ligne Droite est vne petite extēsiō dūg point a lautre, Cest a dire, entre deux points, en les comprenant en ses extremités. Quant sus la Droite ligne, vne autre droite est pendante, & q̄ les deux angles dūg coste & d'autre sont esgaux & droits autant lung que lautre, la dite ligne estant dessus est appelée, Ligne perpendiculaire, en tant quelle pend droite sus lautre ligne trauesant. De ces deux lignes Droite / & Perpendiculaire, nous ferons vne figure, qui est ditte en Euclides. Superficies plana, quæ est ab vna linea ad aliam breuissima extensio in extremitates suas ea recipiens.

Ligne
Perpen-
diculaire
Euclides
Supfice,
Plaine,
Bouille.

LE SECOND LIVRE.


Nous la pouuons dire en Francois Superficie, ou Plaine, & est cōme dit Bouille, la seconde & moyenne quantite aiant lōgueur & largeur sans aucune profundite cōme est le prochain Quarreau ainsi ligne. a. b. c. d. Du quel la lōgueur sestand par la ligne. a. c. et la largeur par la ligne. a. b. a. b.

Ceste dicte Superficie, aiant les quatre lignes & angles esgaulx est vng Quarreau, mais en mō stile ie lappel leray vng Quarre. Le quel pour faire noz lettres ie diuise ray en vnz lignes droictes & trauerfātes, & en autres vnz lignes perpendiculaires qui cōtiendrōt en celluy Quar c. d. re cent petits Quarreaulx lesquelz iappelleray Corps, pource que la largeur de le. I, qui sera pportionaire de toutes les autres lettres, sera cōtenue en lung des dessusdētz petits Quarreaulx comme est demonstre en la figure qui sensuyt,



I Ay laisse quasi au mylieu de ceste presente figure vng Quarreau blāc qui est le corps de la dicte lettre. I. & q̄ iappelleray, comme iay dit, le corps de chascune lettre, en disāt, Ceste lettre cy, ou ceste la, a tant de corps de haulteur & tant de largeur.


I l y a deux manieres de lignes, car Il y a ligne Droicte, & Ligne Rōde. De la ligne Droicte auōs escript, & pouuons encores dire q̄ ligne Droicte en celle qui se maine la plus breue dun point a lautre. La ligne Ronde, dit Bouille est double, car il y a Ronde parfaicte, & imparfaicte. La Ronde parfaicte, est vne circūferēce qui reuiet a vngmesme point du quel ellest commencee a produyre comme la Ronde. a. b. c. d. laquelle est commencee a produyre par. a. & reuiet se terminer en. a. & est dicte



Euclides

Ligne
ronde im
parfaicte
Bouille.


par Euclides, Circulus, qui est figura plana, vna quidem linea contenta, quæ circunferentia vocatur. In cuius medio punctus est, a quo omnes lineæ recte & ad circūferentiam exeuntes sibi inuicē sunt æquales. La ligne Ronde imparfaicte, dit Bouille, est vne partie de la Rōde parfaicte, car elle ne vient point se terminer a son commencement, & cesteligne est appelee vng arc, pour cause quelle ressemble a vng arc comme est la ligne. a. b. c.




Ligne
Triangu
laire.

Bouille,


T Rois lignes droictes & equidistantes comprises en trois points font vne figure plaine nommee Triangulaire, pource quelle a trois angles equilatéraux, ou autrement. Vng Triangle yfopleure, dict Bouille, est celluy qui a les trois costes esgaulx, & est appelle Triangle regulier & parfaict, si comme. a. b. c.





NOtes qnen cest Oeuure cy ie parleray souuant de la ligne Cêtrique & Diametralle, & icelle sera entêdue celle qui sera tout au mylieu du Quarre au quel seront designeës toutes noz lettres Abecedaires & Attiques. Et pout lamyeulx entendre & cognoistre, ie la vous ay designée & escripte en la forme qui sensuyt,

b, Ligne Perpendiculaire.



a. Ligne, Centrique & Diametrale. Equilibree. Digression.

IL y a plusieurs autres manieres dangles & lignes que ie laisse pour ceste fois, en remettât le bon estudiant a Euclides, & ala Geometrie en francois de messire Charles Bouille, en la qlle il me semble auoir autant fructifie & acquis dimmortalite de son nom, quil a en tous ses autres Liures & oeuvres latins quil a faicts studieusement. Nous nauons point encores veu de tel Au

theur en langage Francois, Pleust a Dieu que beaucoup dautres feissent ainsi, non pas pour contemner les Langues Hebraique, Creq, & Latine, mais pour cheminer plus seurement en sa voye domestique, Cest a dire, escrire en Francois, comme Francois que nous sommes.

Estime grandement maistre Estienne de la Roche, dict de ville franche, natif de Lyon sus le Rosne, qui nous a escript & baille en beau Frâcois tout lart de larithmetique. Ie ne voy gueres de Grecs ne de Latins qui en escripuent ne parlent myeulx, plus seurement, ne plus amplement.

Ie voy qui veulent escrire en Grec & en latin, & ne scauent encores pas bien perler Francois. Quant Iuuenal Poete Satyric disoit, Omnia græce.

” Quum sit deterius multo nescire latine,

” Il reprenoit les Romains qui voloient plustost parler en Grec quen latin. Aulus Gellius au. VIII. Chapitre de Lunzielme liure de ses Nuyets Attiques, est elegant Auteurs que Marcus Cato mocqua iadis & reprint yng noble Romain nonme Aulus Albinus, qui par auant auoit este Consul, pource queluy estant Romain escripuit yne histoire en Grec / & aut commencement dycelle pria quon luy pardonnast sil erroit au lâge Grec. Il me semble soubz correctio quil seroit plus beau a yng Francois escrire en francois quen autre langage, tant pour la seurete de son dict langage Francois, que pour decorer sa Nation & enrichir sa langue domestique, qui est aussi belle & bone que yne autre, quâtelles est biê couchee par escript. Si no⁹ voulôs vsfer de Grec ou de Latin, Vsons en / en allegations dautres seulement, en faisant comme Aulus Gellius & Macrobius, pareillement mille autres bons auteurs Latins, qui en leur langage & textelatin alleguent souuant Grec, & faisons nostre principal texte en beau

Maistre Estienne de la Roche, dict de ville franche, natif de Lyon.

Iuuenal, Aulus Gellius. M. Cato Au. Albinus. Entendes cy, & consideres bien. Bone cōsideratio & auertissement.

LE SECOND LIVRE.

Similitude. François. Quant ie voy vng François escrire en Grec ou en latin. Il me semble que ie voy vng maïson veru dhabits de Philosophe ou de Roy qui veult reciter vne farce sus les chaux de la Baroche, ou en la Confrairie de la Trinite, & ne peut assez bien pronûcer, comme aiant la lague trop grace, ne ne peut faire bonne contenance, ne marcher a propos, en tant quil a les pieds & iambes inuïtees a marcher en Philosophie ou en Roy.

Autre Similitude. **Q**ui verroit vng François vestu de la robe domestique dun Lombard, laquelle est pour le plussouuât longue & estroïte de toille bleue ou de treillis, ie croy q̃ a paine celluy Frâçois plaisâteroit a son aïse sans la dechi queter biē tost, & luy oster la vraye forme de robe Lōbarde qui nest de costume guerres souuant dechiquetee. car Lombards ne degastent pas souuant leurs biens a outrage. Ie laisse toute fois cela a la bōne discretion des scauâs, & ne mēs pescheray de Grec ne de Latin, que pour alleguer en temps & lieu, ou pour en parler avec ceulx qui ne scaurōt parler Frâçois, ou si le scauent, quilz ne y voudront parler.

Lettres Attiques sont. **XXIII.** en nôbre
Entēdes cy la largeur dūe chacune lettre Attique.
Bōne, & breue de ſtrine.
Bon notable de la lettre.
Q.

IE reuiens doncques a mon ppos, & dis que entre noz lettres Attiques, qui sont en nombre vingt & trois, Cest a scauoir. A. B. C. D. E. F. G. H. I. K. L. M. N. O. P. Q. R. S. T. V. X. Y. & Z. En ya qui sont plus estandues en largeur que les autres, Car il y en ya qui sont estādues a vnze points qui sont dix corps comme sont. A. D. H. K. O. Q. en teste. R. V. X. & Y. & celles sont aussi larges que haultes. Cest a dire, quelles sont contenues & designees en vne superficie equilatérale, diuisee, comme iay dict cy de sus, en vnze lignes perpendiculaires, & en vnze autres lignes trauesersâtes & equilibrées. I. qui est nre Guydon & principale lettre proportionnaire a faire toutes les autres, est seulement de trois corps en teste, & en pied de trois entiers & deux demys. A. D. H. K. O. & le Q. en teste pareillemēt. R. V. X. Y. & Z. sont aussi larges que haultes. Cest a dire, de dix corps. M. est de. XIII. corps de largeur, qui est a dire, q̃lle est trois corps plus large que haulte. N. a. vnze corps de largeur. G. I. X. & demy. T. de huit entiers & deux demy. C. de neuf entiers. B. de sept. E. & L. de sept & demy. P. de sept entiers. F. de six entiers. S. de six moïgs vng quart. La queue du Q. a quatre corps de haulteur, & treze de longueur.

Cette dictē lettre Q. est la seule entre toutes les autres lettres qui sort hors de ligne par dessoubz, & iamais nay peu trouuer homme qui men aye scē dire la raisō, mais toute fois ie la diray cy & mettray p̃ escript. Iay tāt tourne, & rummy ne au tour de ces dictes lres Attiqs, que iay trouue q̃ le Q. sort hors de ligne pource quil ne se laisse escrire en dictiō entiere, sans son compaignon & bon frere. V. & pour monstrier qui le desire tousiours apres soy, Il le va embrasser de sa queue p̃ dessoubz cōe ie figureray cy apres en son renc. Q. est bien mis auueffois tout seul en abreuiature, quant il signifie Quintus, ou Quintius ou autre semblable nom propre dhomme, ou de femme, qui poroit estre Quinta, ou Quintia, & alors il veult pour nom de femme estre torne ainsi. Q. comme le C. ainsi, Q. quant il signifie Caia. mais comme iay dit, en escriuant dictiōs au long, & a lettres toutes entierement escriptes, Il demande tousiours & tire ioignant a luy le dict. V. comme on voit en ces dictiōs Quot, quotus, quoties, quādo aliquando, quatuor, quinque, quinquaginta, & dautres semblables vng millier tant en Latin quen Frâçois. comme qui diroit. Quant, qui esse, cest quelcū, cest Quentin de la rue de Quinquempoit. Priscian auheur iadis trefillustre, en son premier Liure ou il parle de la vertu des lres, dict bien q̃ Q. veult tousiours apres luy V. pour monstrier que le dit V. pert sa vertu & son/ son estant escript deuāt vne vocale en vne mesme syllabe, mais il na pas dit pour quoy il a queue

basse & hors de la ligne de toutes les autres lettres. Toutefois ie le excuse, car il ne sçait pas a escrire tellement quellement, ne par mesure, mais par deue situation de lettres qui doiuent ensuyure l'une lettre en ortographe. Les mots dudit Priscian sont telz quil sensuyt. Q. vero propter nihil aliud scribenda videtur esse, nisi vt ostendat sequens V. ante alteram vocalem in eadem syllaba positum perdere vim literæ in metro. Cest a dire. La lettre Q. ne veult aulcunement estre escripte, si non pour monstrer que la lettre V. sequente pert sa vertu en quantite de mettre quant elle est deuant vne autre vocale,

F Rere Lucas Pacioli du Bourg saint sepulchre, de l'ordre des freres mineurs et Theologien, qui a fait en vulgar Italien vng liure intitule, Diuina portione, & qui a voulu figurer lesdictes lettres Attiques, nen a point aussi parle, ne baille raison; & ie ne men esbahis point, car iay entendu par aucuns Italiens quil a desrobe lesdictes lettres, & princes de feu Messire Leonard Vince, qui est trespasse a Amboise, & estoit tres excellent Philosophe & admirable painctre, & quasi vng aultre Archimedes. Ce dict frere Lucas a fait imprimer ses lettres Attiques comme siennes. De vray, elles peuuent bien estre a luy, car il ne les a pas faites en leur deue proportion, comme ie monstrey cy apres au rene desdictes lettres. Sigismunde Fante noble Ferrarien, qui enseigne escrire maintes sortes de lettres, ne baille aussi point de raison. Pareillement ne fait Messire Ludouico Vincetino. Ie ne sçay si Albert Durer en baille bonne raison, mais toutefois si a il erre en la deue proportiõ des figures de beaucoup de lettres de son liure de Perspective.

Frere Lucas Pacioli.
Diuina portione.
Messire Leonard Vince.

C Ommes premierement au feuillet. XXXII. dicelluy liure, le A. ne a son trait d'equilibre & trauersant assez large, ne le summit deument fait en sa circonference. Car a lung de ses AA. il a fait le dict summit crochu en auant, a l'autre crochu en arriere. & a l'autre, pointee pyramidalle, qui nont tous aulcune raison, selon le vray antique. Toutefois au feuillet. XL. le premier A. est plus raisonnable que tous les precedens, ne que ses deux subsequens. comme pouront veoir ceulx qui ont, ou voudront auoir & veoir ce que iedicts de son dict liure preallegue.

A son. XXXIII. feuillet, le premier B. est meilleur que le second, en tant que le second a la panse de hault trop petite, & la basse trop grande. Les deux blancs au. XXXII. feuillet, & les quatre du. XL. feuillet, sont tous faulx aussi, par le trait de la dicte pãse basse.

Au mesme feuillet les quatre. CC. tant blancs que noirs, sont par trop ronds et fermes. Toutefois au. XL. feuillet, le troisieme C. noir est meilleur que tous les deux precedens, si non que le haul bout dudit C. veult estre coupe a perpendicule.

Au. XXXIII. feuillet les DD. blancs & les deux noirs sont trop mesgres au trait de dessoubz. Semblablement tous les quatre du. XL. feuillet.

Au. XXXIII. & XL. feuillet, Le E. blanc & le noir sont faulx au bras du my lieu qui veult estre assis sus la ligne diametralle.

En la quelle chose le F. aussi est faulx, Car la patte dudit F. est trop longue & trop mesgre,

LE SECOND LIVRE.

Semblablement de L, qui est tiree du dict E.

Aux di&z. XXXIIII. & XL. feuillets le G. est trop ferme, & le premier ha sa petite iambe trop courte. Le segond la trop longue, et les trois aultres aussi semblablement.

Aux. XXXV. & XL. feuillets la spiration a le traict equilibre trop mesgre.

Le I. ha sa patte trop petite dung corps.

Le premier K. en blanc & en noir ha sa briseure trop haulte, car elle veult estre precisement sus la ligne diametralle.

Le segond K. noir, est bon.

La lettre M. premiere, & la segonde tant blanche que noire sont faulses.

La tierce noire est bonne.

La derniere du. XLI. feuillet est moings bonne de toutes.

Toutes les lettres N. du. XXXVI. & du. XLI. feuillets sont faulses au premier bout denhaut. si non la troiesime & la sixiesme. Et veulent toutes auoir le talon coupe selon Bramant, comme il a monstre aux galeries du Pape Iules segond, entre le Palaix saint Pierre de Rome & Beluedere.

Touteffois les aucuns bien Anciens faisoient iceluy talon a pointe viue & esgue. Eaictes le ainsi quil vous semblera meilleur.

Tous les O O. generalmente sont faulx, car ilz veulent tous estre ronds par de hors en circonference yniforme, & non oualle ne meslongue.

Tous les P P. sont assez bons.

Tous les Q Q. sont entierement faulx, tant en teste comme ay dict de le O. que en leur queue qui est afamee & sans deue proportion.

Les R R. sont bonnes.

Les S S. sont faulses. car elles sont trop fermees, ou ouuertes en rond, tant en teste quen pied, & ont le corps mal torne.

Au. XXXVII. feuillet le. T. blanc & le noir sont faulx & irreguliers. car ilz ne doibuent sortir par le hault hors de leur ligne equidistante a la ligne dembas. Et le tiers T. qui ne y fault, nest coupe comme il doibt. car le premier bras veult estre coupe a plomb, & le dernier yng peu en bies, & il est tout au contraire

Le. V. est tresbon.

Le. X. est trop ouuert dessus.

Le. Y. est bon.

Le. Z. est faulx, car il veult le traict dembas plus long q le hault. Le dict traict

hault veult estre coupe au premier bout a plomb. Pareillement au dernier bout le space d'ung demy corps, & a plomb. Le trait dembas veult estre coupe en bies, comme aux trois derniers et au premier. On peult excuser le dict Albert Durer en tant que de sa vacation estoit Painctre, & quil n'aduient gueres souuent que painctres soient excellens Grammairiens pour entendre la qualite & deue proportion des bonnes lettres. Ie ne vis onc homme qui les feist ne enten dist mycux que maistre Simon Hayeneufue, aultrement dict maistre Simon du Mans. Il les faict si bien & de proportion competente, quil en contente loeil aussi bien & mycux que maistre Italien qui soit decza ne dela les Mons. Il est tres excellent en ordonnance d'architecture antique, come on peult veoir en mille beaulx & bons desenigs & pourtraictz quil a faictz en la noble Cite du Mans & a maintz estrangiers. Il est digne du quel on face bonne memoire tant pour son honnestie vie, que pour sa noble science. Et pource, ne faignons decōsecrer & dedier son nom a immortalite, en le disant estre vng segond Vitruue, saint homme, & bon Crestien. Ie scrips cecy voluntiers, pour les vertus, & grans biens, que iay ouy reciter deluy par plusieurs grans & moyens hommes de bien, & vrayz amateurs de toutes bones choses & honnestes. Pleust a dieu que France en eust dix semblables. Epypte, Grece, ne Italie, ne furent onques si excellentes en Architecture, quelle seroit en bref. Ie ne sache aultheur Grec, Latin, ne Francois, qui baille la raison des lettres telle que iay dicte, parquoy ie la puis tenir pour myenne, disant que ie lay excogitee & cogneue plustost par inspiratiō diuine, que par escript, ne par ouyr dire. Sil ya quelcun qui laye veu par escript, si le dye, & il me fera plaisir.

Louages
pour mai
stre Si
mon Ha
yeneufue
aultre
dict Ma
istre Si
mon du
Mans,

Toutes nosdictes lettres Attiques veuillent estre & sont d'une haulteur entre deux lignes equidistantes, aussi est le rond de la lettre Q. mais sa queue comme iay dict, sort hors de ligne pour embrasser son amy & cordial comme paignon. V.

Notable

Ie veulx encores icy dire du myen, cest la raison pourquoy ie veulx diuiser vng chacun Quarre au quel ferons noz vingt & trois lettres, en dix corps de haulteur, & pareillement en dix de largeur. Cest pour monstrer que les Anciens ont voulu signifier segretemēt, que les neuf Muses & Apollo qui faict le dixiesme, sont celebrez & frequentez par bonnes lettres qui consistent & sont innuees en deue proportion & bon accord. Lucian au Dialogue de Timon, pres la fin dicelluy Dialogue, moralement signifie ces neuf Muses, quant il introduyt le Philosophe Trasicles disant quil ne beuuoit que de la fontaine Dathenes vuydant a neuf tuyaulx & conduyts. Porro, dict il, potum fons Athenis nouem saliens venis suppeditat. Certes dict il, la fontaine vuydant a neuf tuyaulx fornist le boyre du Philosophe Thrasicles.

Lucian.
Fontaine
en Athenes
a neuf tuyaux.
Thrasicles,

Ie voys doncques icy pres de laultre coste de ceste feuille, figurer lesdictes neuf Muses & leur Appollo, avec la symmetrie de nostre guydon, & lettre proportionnaire. I. Et si on y treuve grace, ie prie qu'on me sache gre, & si nō. ie prie encores de rechief qu'on me pardonne. Car en estudiant, ie ne me puis tenir de imaginer tousiours quelque chose, pensant faire honneur & seruice aux aultres estudiens, & proffit au bien public. Ie laisse pēser les aultres a leurs plaisirs, & mesbatz avec les Muses & bonnes lettres.

D.ij.

LE SECOND LIVRE.

Ordonā-
ces
neuf Mu-
ses, &
Apollo.

Moralite
des lignes
Perpēdi-
culaire. &
Trauer-
sante.
Martia-
nus Ca-
pella,
Fulgen-
tius Pla-
ciades.



Liure du
ieu des
Escheqcs

Ordon-
nāce des
sept Ars
liberaulx
& Apol-
lo.

Considerez en ceste prochaine fi-
gure cōmant l'ordonnance est ob-
seruee par nombre & mesure, tant en
ligne trauersant quen ligne perpendi-
culaire: pour monstrier q̄ l'usage de tou-
tes Sciēces est & vient principallemēt
par lettres, soit par inspiration diuine,
qui est signifiee par la ligne perpendi-
culaire, ou par obstinee diligence, & la
borieuse estude, qui est entendue par
la ligne trauersante & equilibree. Iay
en la susdicte figure loge lesdictes neuf
Muses selon l'ordre que tient Martia-
nus Capella ne ignorant que Fulgen-
tius Placiades au. XIII. Capistre de
son Premier liure des Enarrations alle-

goriques les cōstitue & ordonne aultrement, comme porra veoir celuy qui sen
voudra aller esbastre pour le veoir sus le dict lieu allegue. Les neuf Muses es-
toient constituees des Anciens pour secretement signifier autant de manieres
qui sont requises en ceulx qui veulent acquerir Science. Cōme il est treselega-
ment & cleremēt escript au. XXXIX. Chapitre du liure du ieu des Escheqcs,
du quel les motz sont cōme il sensuit. Il ya donc tel ordre en acquerir Science.
Premieremēt il fault bonne volonte de acquerir la dicte Science. Secōdement
soy delecter en ce. Tiercemēt se y arrester & perseuerer constāment sans nota-
ble interualle. Quartement bien aprēdre les choses ou on se est arreste. Quinte-
ment retenir & auoir en memoire les choses entendues. Sextemēt ad ouxter de
sa Science, & trouuer de nouuel aulcunes choses. Septiesmemēt discerner & iu-
ger des sentēces trouuees & comprinses, & puis eslire les meilleures, & laisser le
surplus. Et apres ce finablement vser de sa Science, & enseigner les aultres par
beau langage & par bonne maniere.

IE nay encores oublie, Dieu mer-
cy, que iay dict cy deuānt que nos-
dictes lettres Attiques sōt toutes par-
ticipantes de le I. & de le O. qui aussi
est faict dudit I. Iay ordōne les neuf
Muses & Apollo étour le I. Je veulx
aussi ordōner les sept Ars liberaulx,
non pas entour le O. mais dedens,
comme pouuez veoir en la figure cy
pres designee. Je fais ces deux ordō-
nāces pour myeulx solider mes dictz
cy dessus escripts, & pour mōstrier cō-
mant les bons Anciens ont este si ver-
tueux, quilz ont volu loger en la pro-
portion de leurs lettres toute perfe-
ction & armonyeux accord tant de-
hors lesdictes lres q̄ dedans. Cest a di-
re. tant estant escriptes a part elles, q̄ estant en la memoire des bōs esperits hu-
mains. La rōdeur q̄ voyes en le O. & la couche quil a en son Quarre, signifie q̄



les Ars liberaulx inspirez en nre memoire, veulēt estre exercez par reuolutiō de liures & instrumens a ce conuenables. Nostre memoire est tousiours mobile cōme est vne roue de molin ou dorologe, & elle veult tousiours estre poussēe de leaue de dame Diligence, & aidee du contrepoix de Labeur. Par le Quarre, & figure cy deuant dicte Superficie ou plaine equilateralle, est entendu Atrēpence, en la quelle veult estre assize & situce nostre dicte memoire, qui ne desire de sa nature que soy exercer es sept Ars liberaulx, & aultres bonnes choses, pour ceste cause, iay escript aux quatre angles du Quarre les quatre syllabes de Atrēpence, mais toutelfois ie ne lairre cy a dire cōme les Anciēns par ce dict Quarre entendoient Dame Μνημοσύνη. Mnemosine, qui vault autaut a dire en latin que Memoria, & en francois Memoire. Icelle Dame selon Hesiodē est dictē la mere des neuf Muses. Cest a dire, quelles sont nourries par Memoire, comme sōt aussi les sept Ars liberaulx cy dess^{us} escriptz. Μνημοσύνη. est aussi escript en quatre syllabes, qui peuēt pareillemēt selon l'intētion des bons Anciēns, signifier les quatre angles dudict Quarre esquelz on porroit escrire aussi les dictes quatre syllabes, cōme iay faict de Atrēpēce. Et pour les accorder facilement ensemble, Memoire & Atrēpēce sont si cousines, q lune ne peut sās lautre. Vng hōme estourdy & sans Atrēpence, de sa costume na gueres de Memoire, cōme nous voyōs tous les iours par experiēce. Aussi au cōtraire, vng hōme froict & atrēpe est coustumement plus memoratif q vng aultre, & de plus belle apprehēsiō. Parquoy doncques la rotōdite & mouuemēt des dictes neuf Muses & sept Ars liberaulx consistent en memoire parfaicte, qui nous est diuinement figuree en la figure de le O. & en son Quarre cy deuant designez.

Nostre memoire est tousiours mobile. Sens moral,

Dame memoire Hesiodē.

Memoire et Atrēpēce sōt cousines.

Beau segret de Virgile,

IE ne veulx icy encores laisser a dire vng beau segret de Virgile qui est en la segōde Eglogue intitulee Alexis, pour mōstrer quen lettres & Sciēces est insinee Armōnye, laq̃lle est denotee es sept Ars liberaulx qui participent & accordent ensemble cōme font les voix de Musicque lune avec lautre cōsonātes. Le dict Virgile dit soubz personne de pasteur nomme Corydon,

- ” Est mihi disparibus septem compacta cicutis
” Fistula, Damoetas dono mihi quam dedit olim.

Sens moral du flageol de Virgile.

Iay, dict il, vng flageol qui a sept trous en nombre inegal, que Dametas me dōna iadis en pur don. Par ledict flageol qui est long & rond & faict au tour, peuuent estre entendues nosdictes deux lettres I. & O. & par les sept trous, les sept Ars liberaulx que ie y ay cy dessus figurez & ordōnez. Nous voyons communēmēt que sus le dos dung flageol ya sept trous ordōnez de mesure lung apres lautre, mais dessoubz en ya vng pour le poulce, qui represente avec les sept Ars liberaulx Apollo. Et dauantage pour plus grande armonye, nous voyons aussi au dict flageol vng aultre trou qui est au coste dempres le bout de derriere qui faict le neuiesime trou & represente la perfection & acōplicemēt des neuf Muses avec les sept Ars liberaulx. Et si avec cesdictes neuf Muses voules encores trouuer Apollo: le trou dempres la bouche, au quel le son de tous les aultres troux se faict / & accorde, signifiera le dict Apollo. Parquoy doncques voyes commant en bonnes lettres & Sciences les bons Anciēns ont vse de nombre Per & Imper, comme a faict le dict Virgile au premier liure de ses Eneides, quant il a dict.

Nombre Per & Imper. Virgile.

- ” O terq; quāterq; beati.

Ilz en vsoient, disie, les bons Anciēns en y entendant segretēmēt les sept Ars liberaulx, & les neuf Muses avec leur Apollo. Iay icy apres designe le dict flageol de Virgile, pour myeulx mettre deuant les yeulx la verite de mes dictz et raisons,

LE SECOND LIVRE.



Notable
singulier
côte les
Cōmen-
tateurs
sus Vir-
gile.


Repres-
tatiō mo-
rale du
flageol
de Virgi-
le a le I.
et a le O.

Vela le dict flageol que Virgile en-
tendoit, & ses Cōmētateurs n'ont
pas entēdu, au moingz si l'ont enten-
du, ilz n'en ont parle ne fait mention,
cōme on peut veoir sus le susdict lieu
allegue. Je ne le veulx dire pour mē-
ter, mais ie lay ainsi excogite, & studi-
eusement applique. car ie ne treuvey
onques homme qui me sceust dire ce
que i'en ay pense. Encores le vois ie cy
pres appliquer aux neuf Muses, afin
que ie cōtente, si ie puis, les vngs ou
les aultres, & la figure sera telle com-
me il sensuyt.

Ie veulx icy encores plus dire, & fai-
re que le diuin flageol de Virgile se-
ra representation morale de nostre sus-
dict lettre. I'a toutes aultres propor-
tionnaire, & pareillement a le O. & fe-
ray que noz susdicts mots de triumphe
IO. IO. y seront trouuez symmetri-
quement, & armonieusement.

La figure dudit I. & flageol, est
telle qui sensuyt, pour les sept Ars
liberaulx y contenus.


COgnoissez en ceste figure o nobles & deuots amateurs de bonnes lettres la verite de mes dits, & la diuine intelligence du Roy des bons Poetes & Philoſophes latin. Virgile. & que ce que iay cy deuāt allegue dudit Virgile, est segretement entēdu de la science & ſca Apollo uoit des bōnes lettres, lesqueiles prennent toutes leur proportion & forme de le. I. auquel ie vous ay figure le dit flageol a ſept trous, ceſt a dire, contenant en armonyeulx accord les ſept Ars liberaulx.



Grammatica
Dialectica,
Rhetorica,
Geometria,
Arithmetica,
Astronomia,
Musica,

Ordōnā
ce, & ſi
gnifica
tion du
flageol a
ſept
troux.

AVyſez cy endroit cōme iay auſſi deligne, & figure noſtre dit .I. & flageol cōtenāt les neuf Muſes, Vous en pouuez a ceste heure vſer biē a voſtre aise, & entendre moralement toutes les belles raiſons & bonnes choſes que ie vous ay eſcriptes cy deſſus. Ie ne ſuis encores Dieu mercy laz ne faſche voloit dire deuantage, pour myseulx ſolider mes dits & raiſons, par quoy pour venir a noſtre ſuſdite voix detriūphe. IO. Ie vous veulx trouuer le O. comme iay fait le I. au flageol de Virgile, & le figurer



Apollo,
Vrania.
Calliope.
Polymnia.
Melpomene,
Erato.
Terpsicore,
Thalia,

Ordōnā
ce, & ſi
gnifica
tion du
flageol a
neuf
troux.

au moins mal que ie porray Cōbien que ce ſoit choſe tresdifficile de designer en bonne perſpectiue le dernier bout dun flageol, qui eſt tout rond en le voyāt de front, & pouuoit diſcerner la longueur & largeur dicelluy ſi on le voit en droite ligne, touteſſois combien que ie ne ſoye bon painctre, ſi en ferayie aidāt noſtre ſeigneur, quelque petite choſe qui porra proufiter a ceulx qui ſont de bonne voluntē, & profonde eſtude. Mais auāt que ie procede oultre, ie veulx cy mōſtrer commant non ſans bonne cauſe Iay cy deuant adapte les neuf Muſes a la proportiō de le I. & ie diſ ainſi que les bons peres Anciēs tant Grecs que Latins pour ſignifier les raiſons que iay cy deuant eſcriptes du dit I, lont cōſtitue & loge la neuſmeſme lettre en lordre des autres lettres Abecedaires comme ou peut voir en diſāt Alpha, Vita, Gāma Delta, Epſilō, Zita, Ita, Thita, Iota, Ceſt a dire. A. B. Γ. Δ. E. Z. H. Θ. I. Et en latin. A. Be, Ce, De, E. Ef. Ge. Ah. I. ou dittes ainſi. A. B. C. D. E. F. G. H. I. Parquoy doncques il plaira aux bons liſans y prendre bien garde, & ne depriser la ſubtile & ſegrete fantaſie, pareillement la diſcrete opinion des bons Anciēns. Or doncques paſſons oultre, & venons a noſtre autre lettre quauons iā pluſieurs fois raiſonnablement appelee Triūphante. O.

Notable
pour
Gens de
bōne vo
luntē &
pſunde
eſtude.


Notez
cy pour
quoy I.
eſt la neu
ueſme
lettre abe
cedaire.
Ordōnā
ce de le
O. au fla
geol de
virgile.

Conſideriez & faignez queſtes aſſis en vng cōtoir & lieu deſtude, & que ſus la table daupres & deuant vous, vous voyez vng flageol couche, & le voyez par le bout de derriere quaſi en droite ligne, vous trouueres q̄ le dit bout

LE SECOND LIVRE.

vous figurera & représentera vng O. couche, cōme fil estoit cōmance a se mouoir & torner en tour de roue. La quelle chose pour la vous bailler plus facilement a entēdre, Je lay cy endroit figuree au moings mal que iay peu, & si vous plaist en prēdres linuention en gre. Je dis inuention, pource que ie nay point veu d'autheur Grec, Latin, ne Erancois qui aye escript ne figure ces choses comme iay de present. Je ne les fays que pour myculx declarer l'intention, le segret, & la moralite des bons Anciens, & pour bailler enseignement & voye aux modernes & amateurs de vrayes, pures, & bonnes lettres, Le desceing ia promis est tel qui sensuyt.

Ordōnā
ce des
neuf Mu
ses, Apol
lo, les
sept Ars
liberaulx
& le O.
an flage
ol de Vir
gile,



Lettres
Attiques
sont pro
portio
nees selō
le corps
humain.
Vitruui⁹.

Pour myculx encores perseuerer, Je veulx cy dire & monstrier que nosdictes lettres Attiques ont si bien este proportionnees des Anciens quelles ont en elles proportion de corps humain. L'homme bien forme & quadre de mesure, a en luy les neuf Muses & sept Ars liberaulx en proportion comme ay cy dessus dit de noz deux diuines lettres I. & O. Et pour le bailler plus cler a entendre, Iay cy dessous figure vng corps humain selō mō petit entendemēt. Je ne suis ignorant que Vitruuius prince des autheurs d'architecture & bastimens, naye moult bien compasse & proportionne ledit corps humain, comme on peut veoir au premier Chapitre, du. III. Liure de son architecture, ou il parle. De sacrarū ædium compositione, & symmetrijs, & corporis humani mensura. Cest a dire, De l'ordonance & facon des Eglises, & de la proportion & mesure du corps humain. mais cy endroit ie le proportioneray si bien que ie y trouueray logeis & place aux dittes sept Ars liberaulx, & aux neuf Muses avec leur Apollo, comme iay faict cy deuant en noz dittes deux lettres I. & O. Les bons peintres & grās Imageurs au temps passe proportionnoient L'homme & le diuifoient en dix parties, comme iay diuise cy dessus nosdictes lettres, & quil soit vray, Vitruuius dit au susdit lieu allegue. Corpus enim hominis ita Natura composuit, Vti os capitis a mento ad frontem summā & radices imas capilli effret decimæ partis. Nature, dit Il, a tellement compose le corps de L'homme, que le space du visage

L'home
diuise en
dix par
ties.
Vitruui⁹.


qui est depuis le menton iusques aux racines des cheueux, est la dixiesme partie du corps de l'homme. Le dit Vitruuius vng peu apres ce dit Lieu allegue, diuise encoures le corps humain en six parties de la grandeur de son pied, quant il dit.

» Pes vero est altitudinis corporis sextæ. Le pied de Lhōme, dit il, est la sixiesme partie de son corps. Martianus Capella en son septiesme liure, ou il parle, De eptade, diuise le corps de Lhōme en sept parties, quant il dit, Item septē corporis partes hominem perficiūt. Item, dit il, Lhōme est comprins en sept parties. Je lairray la diuision de six qui est vulgaire, & me aresteray a sept, & a dix qui est des sept Ars liberaulx, & des neuf Muses avec leur inspireteur Apollo.

Nous ferons doncques selon Vitruue vng Quarre qui fera diuise en la forme que cy deuant, Cest a dire, en dix corps de largeur, & autant de haulteur, Lesquelles largeur & haulteur de dix corps sont contenues chascune pour soy entre vnze lignes, & dedans ce dit Quarre fera designe vng homme aiant bras estandus, & pieds ioingts cōme il sensuyt,

Lhōme
a six grā-
deurs de
son pied;
Martia-
nus
Capella.
Lhōme
diuise en
sept par-
ties.

LA p̄sēte figure nous monstre euidāment comme nosdittes lettres Attiques & le corps humain sont tresacordans en proportion, en tant quen vng mesme quarre peuuent estre comprins & designez avec Apollo & ses neuf Muses qui sont logees dedās les dix corps contenuz en l'espace & egalle superficie du dit quarre. Il ya vng Enigme, cest a dire vng propos obscur, faict iadis en Latin par quelque bō esperit d'homme du quel le nō mest incogneu, qui nous signifie q̄ toutes choses naturelles sont faictes par nōbre & par mesure. celluy Enigme est tel qui sensuyt.



Apollo,
Vrania,
Calliope,
Polymnia.
Melpomene,
Clio,
Erato,
Terpsicore,
Euterpe,
Thalia.

Enigme
singulier,
& nota-
ble.

- » Confestum est numeris quicquid natura creauit,
- » Ter tria/sunt septem, septem/sex, sex quoque sunt tres.
- » Si numeres recte, sunt bis/tria, milia quinque.

IE lairois ce dit Enigme & propos obscur, a ronger aux curieux de scauoir les choses segretes, mais pour les garder de leur y rompre trop la teste, Je les solageray. Il sentent autrement quil ne monstre en face. Il sentend de Lorthographe & du nōbre des lettres cōtenues en ces mots cy. Ter. tria. septē. sex. bis. & milia. en disant, Ter tria sunt septem, cest a dire, que ces deux mots latins, Ter & tria, ya sept lettres en nombre. comme qui diroit, In his duabus dictionibus, Ter & tria, sunt septem, scilicet elementa. En ceste diction septem, sunt sex, scilicet elementa. En ceste diction septem, ya six lettres en nombre. Et semblablement, en la diction sex, ya trois lettres, & aussi en. bis. trois lettres, & en milia cinq lettres, qui est chose vraye & tres manifeste. Il ne sentēd pas que Ter tria, sint septem, cest a dire, que trois fois trois soient sept, car la chose seroit faulce, mais, comme iay dit, Il sentend du nombre desdittes lettres contenues es dictiones particulieres deuant escriptes. Prenons doncques le premier metre des

LE SECOND LIVRE.


Notable
singulier
pour le
nombre
Per &
Imper,

uant allegue pour reuenir a nostre propos & disons. *Confestū est numeris quicquid natura creauit.* Toute chose naturelle est, & consiste en nombre, & ce nombre est Per & Imper. comme nous pouuons cognoistre manifestement en la face de L'homme humain, & en ses membres, car il en ya aucuns en nombre Imper, comme est La teste, le nez, la bouche, le menton, le nombryl, le membre genital, & autres plusieurs que ie laisse pour breuete. Il en ya cōme iay dit, qui sont en nombre Per, comme les deux yeulx, les oreilles, les bras, les mains, esquelles mains ya encores nombre Per & Imper, comme sont les cinq doigts de lune, & les dix des deux. Toutes ces choses seroiēt longues a nōbrer lune apres lautre, parquoy en reuenant a mon propos ie dis que nosdites lettres sont naturellement bien proportiōnees que a la semblance du corps humain sont composees de membres, cest a dire, de nombre, de points, & de lignes consistans en esgalle partition & inesgalle. comme iay cy deuant ia monstre, & quil en ya de. XIII. corps de largeur, de X. de. VIII. de VII. de VI. & de III. & ce nous le verrons par figure cy apres aidant nostre seigneur.

AV Quarre estāt de la grādeur de nosdites lettres Attiques ay designe L'hōme ayant les bras estandus iusques aux deux lignes extremes dudit Quarre, & les pieds ioints & estandus iusques a la ligne & extremite du bas dudit Quarre, & en la proportiō diuisee dicelluy iay applique & situe Apollo & les neuf Muses, Il me semble en cest endroit cy estre bon, & non sans cause, que ie figure le dit corps humain accordāt avec le dit Apollo & les sept Ars liberaulx pour tousiours myeulx monstre la perfection tant dudit corps humain que de nos diuines lettres Attiques, La figure est telle quil sensuyt.

Ordon-
nance du
corps hu-
main aux
sept Ars
Liberaulx,

EN ceste figure voyez L'hōme estandu en proportion esgalle de pieds & maistouchans aux quatre angles du Quarre racourcy, pour la cause & raison de son estandue accordāt en rōd & quarre. Le cētre dudit homme ainsi figure est le nombryl, mais le




Notable
tres sin-
gulier.
Notezcy
& enten-
dez la bel-
le diferen-
ce entre
Pallas &
Minerua

centre de lautre homme estandu seulement des bras, & ayant les pieds ioints, est au mylieu du penyl droit sus le mēbre genital. La cause pour quoy iay plus tost applique les sept Ars liberaulx a L'homme equidistanment pieds & mains estandu, que les neuf Muses, est q̄ lesdits sept Ars liberaulx sont en plus grāde exercice de corps que ne sont les neuf Muses qui sont choses celestes & diuines esquelles choses lesperit trauaille plus que le corps. Et pour ceste cause ie treuue que les estudiens, & ceulx qui prennent garde plus au nect a la vertus & nature des choses, mettent differēce entre la Deesse Pallas & Minerua, disans que Pallas est la Deesse & Royne des Sciēces, & Minerua des Ars seulement, esquelz selon lethimologie, cest a dire la droite exposition, de Minerua, Quae dicitur a

minuendis neruis, noz membres & nerfz se diminuent par grant exercite qui y est requis.

Oltre plus le susdithōme ayāt les pieds ioints touche de la teste iusques a la haulte & extreme ligne de son quarre, pour nous signifier que les Muses & Sciences, comme iay dit, sont choses celestes qu'on ne peut attaindre sans haulte contemplation. L'homme racourcy par son equidistante estādue a la teste beaucoup plus basse que la susdite ligne extreme en summite du quarre, pour nous monstrier que les sept Arts liberaux ne sont de si haulte contemplation que les Muses & Sciēces, mais de moyēne, & plus facile apprehension.




Lhōme en contēplation a le Chef au ciel, & les pieds a terre,

IEneme puist enir de repeter encores nostre susdite voix de triūphe, qui est IO.IO. pour plus amplement solidier mes dits & raisons ia suscriptes, & pour monstrier que noz lettres Attiques, lesquelles, comme iay dit, sont toutes faictes de le I. & de le O. sont si bien proportionnees au naturel, quelles accordēt en mesure & proportion au corps humain, & pour ce myeux entendre, Je mets deuant les yeulx des beniuoles amateurs de Science la figure qui sensuyt, & sera de le I. premierement, puis de le O.

Lettres Attiques accordēt en proportion au corps humain,

On peut voir en ceste figure comment ce que iay cy dessus appelle & dit le corps, pour signifier le pesseur de la iambe de le I. est accordant a la grosseur de la teste du corps humain, La quelle est la dixiesme proportion & partie dicelluy, Iay dit pareillement cy deuant que le I. a trois corps de largeur en teste qui est a dire, vng corps pour sa largeur principale, & deux pour ses deux oreilles, qui sont trois corps. Au pied en ya trois & deux demyz pour ensuyure nature, qui dit que lhomme estant sus pieds droit plante, comprend plus despace des ses pieds que de sa teste. On peut assez entendre que vng homme se tenant droit sus ses pieds, les veult auoir vng peu espacez & eslargis, ou autrement il ne porroit arester seurement. Vne Pyramide par raisō euidēte se tient plus ferme quāt elle est assize sus le bout large de bas, que si elle estoit plantee au contraire. Aussi pareillement nostre dit I. veult estre plus large par ébas que par hault & ce, cōme iay dit, de lespace dun corps qui est party en deux, en mettant de chacun coste dudit pied vng demy corps.



Notez de cōbiē de corps est la largeur de le I.


Cōparaisō de lhōme & de le I. a vne Pyramide,

LE SECOND LIVRE.

IL reste maintenant designer le corps humain en le O. pour bailler cleremēt la entendre ce quauons cy dessus dit en son racourcissement. & pour monstrier que le centre dicelluy O. se trouuera tout droit au nombryl de Lhōme y figure. La quelle chose est en la forme qui sensuyt.

Ordōnā
cede le.
O. a lhō
me equi-
distāmet
pieds &
mains
estandu.
Raison
de la figu
re Rōde,
& de la
Quarree,

L Homme, piedz & mains equidistāmant estandu, & le O. en ceste figure, accordēt en quadrature, en rondeur, & en centre, qui nous signifie la perfection dudit corps humain, & dudit O. entēdu que la figure ronde est la plus parfaite de toutes les figures, & la plus capable. La figure quarree equi angulaire en quadrature est la plus stable & solide, mesinemēt quāt elle est Cube, cest a dire, Iustemēt quarree en six faces comme est vng der.




IE ne veulx laisser a mōstrier par figure accordant a nosdites lettres Attiques commāt Lhomme estandu sus ses pieds ioincts, & ayant son centre non pas au nombryl, comme le dernier naueres cy pres figure en le O, mais au penyl, nous est demonstration tres cuidēte a cognoistre le iuste lieu requis a faire le traict de trauers & la briseure es lettres qui en veulent & requerent auoir en elles. celles sont. A, B, E, F, H, K, P, R, X. Y. Je nen baille pas figure ne exēple de toutes lune apres lautre pour cause de breuete, mais seulement de trois qui seront A, H, & K, que nous figurerons cy apres,


Du traict
trauerce-
ant en le
A. accor-
de au mē
bre geni-
tal de
Lhōme.

Notahle
singulier.

LA ligne basse du trauerceant traict de la lettre A. cy pres designee & figuree, est iustement assize deffoubz la ligne diametralle de son quarre, & deffoubz le penyl de Lhōme aussi y figure Toutes les susdites autres lettres qui ont trauercant traict ou briseure, lont dessus la dicte ligne diametralle. Mais ceste lettre cy A, pource quelle est close par dessus, & faicte en Pyramide, requiert son dit trauercant traict plus bas que la ditte ligne diametralle. Celluy trauercant traict couure precifement le membre genital de lhomme, pour denoter q̄ Pudicite & Chastete auāt toutes choses, sont requises en ceulx qui demandent acces & entree aux bonnes lettres, desquelles le A, est lentre & la premiere de toutes les abecedaires,




L Aspiration a doncques son tra-
uerfant traict sus la ligne centri-
que & diametralle, iustement au des-
sus du penyl du corps humain, pour
nous monstrier que nosdictes lettres
Attiques veulent estre si raisõnable-
ment faictes, quelles desirent sentir
en elles avec naturelle raison, toute
conuenable proportion, & lart d'ar-
chitecture, qui requiert que le corps
dune maison ou dũg Palaix soit plus
esleue depuis son fondement iusques
a sa couuerture, que nest la dictẽ cou-
uerture, qui represente le chef de tou-
te la maison. Si la couuerture dune
maison est excessiuemẽt plus grande
que le corps, la chose est difforme, si non en Halles & Granches, desquelles la cou-
uerture commence pour la plus part bien pres de terre, pour euitier limpetuosĩ-
te des grans ventz, & tremblemens de la terre. Doncques noz lettres ne volũt
craindre le vent des enuyeux maldifans, veullent estre erigees solidemẽt en qua-
drature, & brisees, comme iay dict, au dessus de leur ligne centrique & diamẽ-
tralle. Excepte le dict A, qui a son traict trauefant iustement assiz soubz la di-
ctẽ ligne diametralle.



Ordon-
nance du
trauefant
traict au
corps hu-
main.

Notable
singulier.

O N peult veoir a la figure cy pres
designee commãt la briseure de
la lettre K, est assize sus le point de la li-
gne trauefant par le centre & penyl
du corps humain, ayãt les piedz ioints
lequel centre cõme iay tousiours dict,
est sus le penyl. La briseure des aultres
lettres que ie laisse pour ceste heure a
faire, les renuoyant en leur renc abece-
daire, sera tousiours aussi assize sus la
dictẽ ligne centrique & diametralle,



Ordon-
nance
pour la
briseure
des let-
tres au
corps hu-
main.

I Ay dict nagueres ou ie traictois de
laspiration, que noz lettres Atti-
ques veulent sentir larchitecture : & il
est vray, considere que A, represente vng pignon de maison, veu quil est figu-
re en pignon. Laspiration H. represente le corps dune maison, entendu que la
partie de dessoubz la ligne trauefante que iay dictẽ centrique & diametralle,
est pour soubz elle constituer Sales & Chambres basses. Et la partie de dessus
est pour faire pareillement Sales hautes, ou Chambres grandes, & Chambres
moyennes. Le K. a cause de sa briseure, nous signifie degrez a monter en
droicte ligne iusques a vng estage, & dicelluy pour mõter aussi en droicte li-
E.j.

Lettres
Attiques
veulent
sentir lar-
chitectu-
re.

LE SECOND LIVRE.

Montées
et degres
des Anci-
ciens,

gne en vng autre
estage. Les Anci-
ens pour la plus-
grande partie ,
ne faisoient leurs montées que en droicte ligne couchee , comme
on peult encores veoir en beaucoup de lieux, & comme iay conside-
re en Romme, & par Italie, semblablement en Languedoc, & beau-
coup dautres lieux, Si on veult entre noz lettres significatiō daultre

forte de montee &
degrez, qui sōt de
grez a viz, esquelz
on va tornant au
tour du cētre & nō
yau de la dicte viz
Le I, & le O, & le
S, en dōnerōt sin-
guliere apparen-
ce a cause de le I,
qui est en ligne per-
pēdiculaire & droi-
cte, qui represen-
tera le noyau de
la viz, & le O . la

rondeur, & le S. la montee
et la tortuosite des marches . la
quelle chose porra estre moult bien cō-
sideree, & entēdue facillemēt par la figure qui sensuyt,

S I on demã
doit plates
formes en nos
dictes lres At-
tiques, on y en
trouuera asses
pour galleries,
pour sales, &
pour theatres
quõ dit en Frã
ce Arenes, &
pour Colisees
Le I. peult es-
tre figure de
platte forme,
pour vne gale-
rie longue &
droicte vnifor-
me, la quelle
veult regarder
a la longue fa-




Lettres
pour plas-
tes for-
mes,

ce lorient, ou le septentrion. Le L. pour sales, & chambres qui doibnẽt estre si-
tues pour la pluslongue partie regardant en dos le mydy, & pour la petite par-
tie, quon dit la patte, regardant en front lorient, qui est la situation la plus fay-
ne de toutes, a cause du dict dos quon tourne au Vent meridian, qui est pesti-
ent tant aux corps humains que aux corps materielz & inanimez, & a cause de la fa-
ce longue qui recoit en elle le Vent de Byze qui est pur, nect, & agile. & a cause
de la face courte qui est au dedens de la patte de la dicte letre L. en la quelle le
beau soleil leu-nt regarde incontinent au point du iour, & y dure en y inspirãt
toute suauite, pour la pluspart dudiẽt iour, laquelle chose iay cy faicẽt en figure
et deseing pour le bailler myeux a entendre, & le mettre deuant les yeulz des
bons estudiens.

Le vent
meridian
est pesti-
lẽcieux,
et le vent
de Byze
sain,

I E dis cecy en passant, pource que
ie voy peu de gens qui basticẽt aux
champs, scauoir philosophiquement
cest a dire, scientemẽt & deument, as-
seoir leurs edifices, veu quilz ont pla-
ce ample & a cõmandement. En cites
ou souuẽt a cause des partages heredi-
taires quon y faicẽt de iour en iour, pla-
cẽs sont estroictes, fault edifier selõ la
rue & selon le lieu, mais aux champs
fault tenir raison accordant a nature
et a la sãte des corps humains. Qui en
voudra scauoir amplement, si lise en
Vitruue autheur en ce trefexpt, & en
Leõ Baptiste, Albert Philosophe en-
tre les modernes tressauãt. La figure
de L. seruant a platte forme, est telle qui sensuyt.



Vitruue.
Leon Ba-
ptiste.
Albert.


E.ij.

LE SECOND LIVRE.

Aurèges.


Plate forme du
Collisee
de Rôme

LA plate forme du Theatre, cōme
lien ay veu vng en vne Cite pres
Auignon sus le Roine dicte & nōmee
Aurenges, qui a le frōtispace, cest a di-
re, la face de deuāt en droiēte ligne, &
le derriere en circonferece ronde, peut
estre moult bien cōsideree, en la lettre
D. de la q̄lle la iambe droiēte sera pour
le diē frontispice & face anterieure,
qui regardera Septētrion, & le derrie-
re qui est rond tornera le dos au mydy.



La plate forme du Collisee q̄ iay veu
mille fois en Romme, est toute manife-
ste & tres appareēte en le O. entendu q̄
icelluy Collisee estoit iadis quāt il estoit
entier, tout rond par dehors, & par de-
dans en figure oualle. Je porrois dire a ce propos beaucoup daultres choses,
mais a cause de brefuete ie passeray oultre, & viēdray a mōstrer cōmant nosd̄s
l̄res Attiēs accordēt en nōbre des corps de leur largeur selō la quadrature
de p̄spectiue, cōmāt la figure Cube cy dessoubz designee, le nous manifestera.

IAy cy deuant dict̄
que A. est de dix
corps de haulteur, &
de dix de largeur. F.
de six de largeur, &
I. en chef de trois, les
quelz A. F. & I. iay
cōstitue en p̄specti-
ue & quadrature, en
sorte quon peult en
la presente figure co-
gnoistre la manifeste
perfection de noz let-
tres Attiques qui ac-
cordēt si biē les vnes
auec les aultres, q̄lles
obseruent & gardent
mesure symmetrique
I'accorderois ainsi tou-
tes les aultres, mais ie



les laisse pour les bons esperits, a eulx y exercer, si leur plaist y prendre esbat.

Quatre
vertus
Cardi-
nalles.
Diuision
du visage
humain.

LA grace a Dieu, au moigs mal q̄ iay peu, iay cy dess̄ accorde noz deux l̄res
pporcionaires & triūphalles I. & O. Sēblablemēt A. H. & K. au corps hu-
main. Je veulx dauātage en mēoire & moralite des. IIII. Vertus Cardinalles,
qui sōt Iustice, Force, Prudence, & Atrēpāce, les accorder au visage & teste du
dict̄ hōme humain, q̄ ie diuiseray en quatre corps seullemēt, pour tousiours p̄se-
uerer a plus āple demōstratiō de la diuine symmetrie de nosd̄s l̄res Attiēs.
Premieremēt dōc̄s noz prēdrōs vng quarrē equilateral, & le diuiserōs en qua-
tre p̄ties esgalles, puis āps y figurerōs vng visage hūain seullemēt pour la p̄mie-
re demōstration, & y escriprōs & logerons aux quatre angles en memoire des̄

dictes quatre pties, les quatre vertus Cardinalles pour mōstrer q̄ noz lres Atti-
ques cōsistēt pfaictēmēt en certaie quadrature qui gist en lōgitude & altitude.

Lettes Attiques, pour estre entie-
rement ordōnes & faictes, requie-
rēt pat Iustice, lobseruatiō de la haulteur & largeur delles selon leur facon.
Par Prudence, reigle & compas. Par Force, cōtinuelle & obstinee perseuerance a les diuiser, mesurer & deumēt proportioner. Par Atrēpence, certaine discretiō a les asseoir être deux lignes principales equidistātes, & a les y loger en deue espace pres ou loing lune de laultre, selō qui leur appartiēdra.

Considerez en la dictē figure diuisee en quatre parties, commāt la face humaine accorde a la diuision, et la diuision a icelle. La prunelle de loeuil assize sus la ligne centrique &

diametralle, nous monstre ce que iay dict cy dessus, que toute lettre ayant bri-
seure, la doibt auoir assize sus la dictē ligne centrique precifēmēt, & nō ailleurs.

Sus icelle face, entre les deux yeulz, tout au lōg du nes, & dessus la bouche
designerons nōstre lettre proportionnaire & triūphalle I. pour bailler tous-
iours myeulx a entendre noz raisons, ia par plusieurs fois cy dessus escriptes.

Les bons esperits peuuent icy en-
droit aparcevoir la diuine cōtem-
plation des Anciens qui ont volu fi-
gurer leur lettre proportionnaire lon-
gue depuis la supreme ligne du Quar-
re iusques a la plus basse, & depuis la
summite de la face humaine iusques
au bas du mēton, & lont imaginee en-
tre les deux yeulx, y prenāt deue pro-
portion ainsi cōme le nes en yng hō-
me bien forme, est la mesure de tout
son corps p dimētion faicte en nōbre
multiplie p certaine raison. Iedis en-
cores dauantage, q̄ le I. qui est droict
en ligne ppēdiculaire ainsi assiz entre
les deux yeulx, nous signifie q̄ nous


doibūōs auoir le visage esleue enuers le ciel pour recognoistre nre createur, &
pour cōtēpler les grās biēs & la sciēce quil nous dōne. Et quil soit vray q̄ Dieu
veult quayōs nre cōtēplatiō enuers le ciel, il no^r a dōne la teste eleuee en sus,
et aux bestes baissée en bas. Ouide Poete iadis nō Crestiē, & neaumoings grāt
Philosophe, auoit bien ceste opinion quant au Premier liure de ses Metamor-
phoses, apres auoir elegamment descript la Creation du monde, & volant en
son stile Poeticque aussi descrire la Creation de Lhomme, dit,

- 22 Sanctius his animal, mentisq; capacious altæ
22 Deerat adhuc, & quod dominari cætera posset,
22 Natus homo est, liue hunc diuino semine fecit

Iustice.

Prudence.

Significa-
tion des
quatre
vert⁹ car-
dinales,
auec let-
tres Atti-
ques,




Force.

Atrēpence.

Notable
regulier.

Ordon-
nance de
la lon-
gueur &
largeur
dele I.
au visage
humain,



Ouide,


Ouide,

Ille opifex rerum mundi melioris origo. Et vng peu apres,
Pronaq; cum spectent animalia cætera terram,
Os homini sublune dedit, cœlumq; videre
Iussit, & erectos ad sydera tollere vultus.

Cest a dire. Oultre ces choses, dit il, que iay dictes, la creation de Lhōme humain restoit encores, lequel Homme debuoit dominer sus toutes aultres choses crees. Doncques le grant Createur de luniuersel monde la fait naistre en sorte que toutes bestes brutes baïsseront leur teste & veue en terre, & luy, il aura la teste & visage eleue au ciel.

Ordon-
nance de
le O. au
visage
humain.

LA face humaine & le O. en la figure cy pres faicte, sont acordez en sorte quon y peut cognoistre comment les bons Anciens ont imagine q̄ ainsi que la figure ronde est la plus capable, & la plus parfaicte de toutes, la teste de Lhōme qui est quasi ronde est plus capable de raison & dimagination que tout le demorāt du corps naturel. Aussi la teste humaine a en elle plus de sensualite & defiacce que nulle aultre partie du corps, entendu quelle a en elle sept conduyts & origines despert vital, en signification des sept Ars liberaulx. Iceulx cōduyts sont les deux Oreilles, les deux Yeulx, les deux Narines, & la Bouche. Les Oreilles sont, pour conceuoir le nom des let-




Notable
singulier.

tres. Les Yeulx, pour les cognoistre & discerner. Les Narines pour armoniser la voix, & le son en les pferant. Et la Bonche pour les pnuncer selō leur accēt, leur ton, et leur distinction. Les chaperōs fourres des Recteurs & Docteurs en Vniuersitez, & Cōseillerz en Cites ont este ordō nez au tour de la teste aps & sus la figure & perfectiō de le O. pour denoter q̄ telz psonnages doibuent auoir leur teste absolūmēt parfaicte de toute Sciēce, & Vertus, qui cōsistēt principallemēt cōme iay pieca dict, en la vraye cognoissance de pures & bōnes lettres, lesquelles ne enrichissent seulement Lhomme, mais le anoblissent, & le produysent iusq̄s a immortalite de son nom.

Ordon-
nance de
le I. & de
le O. en-
semble,
au visage
humain.

LA figure cy prochaine a este faicte pour monstrier au doit & a loeil comināt non seulement le I. & le O. seacordent chacuue a part elle, a la face de Lhōme, mais encores bien toutes deux ensemble. Ie ne dōubte q̄ des traicteurs, & enuyeulx en iapperont, mais si nen lairay ie a escrire ma fantasie & speculation, pour faire plaisir et seruice aux bons estudiens. Iesçay, comme iay dict cy denant au Premier liure, que Science na enneimys que les nō scauās, qui ne vallēt qua reprēdre aultruy, & ne scauroient dire vng bon mot, ne faire vng iuste traict de plume,



Digres-
sion.

LEs Grecs de ces deux lettres I. & O. ainsi logees lune sus lautre comme les voyez en la ia dicte figure, ont fait vne autre lettre quilz appellent Phi. de la let-
la quelle Phi. vault autant que vng P. & vne aspiration. & la quelle Ilz ont en tre Grecs
vsage en lieu de F. qui nont pas entre leurs lettres. Il semble que nostre ditte fi- que ap-
gure soit vng Rebus & chose Hieroglyphique, & que ie laye faicte pour faire pellee
refuer & muer les mufards, mais tout bien confidere, non est. Car en memoire Phi.
des trois Graces, dites en Grec. χαριτες. desquelles la premiere est nommee. Les trois
Pasithea. La Seconde, Egiale. & la tierce Euphrosyne. come tesinoigne Boc- Graces
caceau. XXV. Chapistre de son cinquiesme liure de la Genealogie des Deux/ chambe-
chamberieres de Dame Venus, pour la q̃lle Venus, entendons toute hōneste rieres de
et chose decente, & pour seldites chamberieres, tout acoimplicement de cho- Venus.
se bien seyante & auenant. Iay faict lesdittes deux lettres I. & O. & la face hu- Boccace
maine ensemble, pour tousiours myeux venir a la cōsommee perfectiō de noz Sens mo
lettres Attiques, qui sont. XXIII. en nombre, Le quel nombre accorde aux ral,
neuf Muses, aux sept Ars liberaulx, aux quatre vertus Cardinales, & aux dit-
tes trois Graces. Lesquelles Muses, Ars liberaulx, Vertus Cardinales, & Gra-
ces, sont toutes en nombre. XXIII.

Puisque ie suis descendu si auant en contēplation des bonnes lettres, Il me
semble en cest endroit nestre inutile si ie monstre q̃ le nōbre des. XXIII.
lettres, pareillemēt des neuf Muses, des sept Ars liberaulx, des. IIII. vertus car-
dinales, & des. III. Graces a este segretement faict, constitue, & accorde au nō-
bre des conduyts vitaulx, & des plus nobles mēbres du corps humain, qui sont
en nombre aussi pareil de vingt & trois.

PRemierement pour les neuf Muses, & pour les neuf Mutes, prendrons les Notable
neuf cōduyts desperit vital, desquelz, comme iay cy dessus escript, les sept & belle
sont en la teste, & les autres deux au dessoubz du vētre. ceulx de la teste sōt Les cōferēce,
deux oreilles. Les deux yeulx, les deux narynes, & la bouche. Les autres deux
sont, le membre naturel a vriner, & le lieu de derriere pour descharger le ventre,
Pour les sept Ars liberaulx, & pour les sept Semiuocales, nous prendrons le Profuns
Cerueau, le Poulmon. le Foye, le Cueur, la Ratte, le Nombryl, & le Penyl. de l'pecu-
Pour les quatre vertus Cardinales, & pour les trois Graces, pareillement pour lation. &
les cinq vocales latines, pour le Y. psilon, & pour laspiratiō H. nous prendrōs accordan-
les deux mains, les deux pieds, les deux espaules, & le Croppiō. Par ainsi nous ce,
trouuerons armonyeusemēt le corps humain & homme parfaict estre le mode-
le & ordōnance au nombre des lettres. pareillement aux neuf Muses, aux sept
Ars liberaulx, aux. IIII. vertus cardinales, & aux trois Craces, ia toutes p plu-
sieurs fois a bon propos recensees. pour la quelle chose myeux cōfermer en ve-
rite, & pour la bailler plus apparente en sa raison, Iay cy dessoubz pourtraict
& designe deux figures dhomme, Lune pour le logis des lettres, & lautre pour
lesdites Muses & leur sequele,

LE SECOND LIVRE.


L'HOMME LETRE.

L'homme
me lettre

ON peut voir en la presente figure comme l'enſemble des. XXIII. lettres Attiques accorde, comme iay dit, aux membres & lieux plus nobles du corps humain, & non sans cause, Car nos bons peres Anciens on este si vertueux en leurs speculations quilz ont voulu secretement entendre que l'homme parfait est celluy en qui les bones lettres & sciences sont insinuees & itimees si bien que tous endroits & moüvements de son corps est garny du bon mot que Cicero au XXXV. Chapitre du premier liure de ses Offices, & au commencement De Oratore Ad Brutum, dict & appelle en Grec. Πρεπον. & en Latine Decorum, qui vault autant a dire en nostre langage Francois decet & convenable en toutes ses actions, & consequentement en tous ses faicts & dits homme vertueux.

Cicero,

Πρεπον.
Decorum,



Avant que ie face la nostre portraict que iay promis ie veulx cy bailler par escript toutes les lettres ainsi quelles se doibuent appliquer aux neuf Muses & leur sequelle, & aux dits lieux plus notables du corps humain, afin que plus facilement on puisse voir & cognoistre leur bon accord ensemble. Celluy accord est tel qui sensuyt,

Belle speculation,
& notable,

- B. Vrania. Loeuil dextre.
- C. Calliope. Loeuil senestre.
- D. Polymnia. Loreille dextre.
- F. Melpomene. Loreille senestre.
- G. Clio. La narine dextre.
- K. Erato. La narine senestre.
- P. Terpsicore. La bouche.
- Q. Euterpe. Le lieu pour decharger le ventre.
- T. Thalia. Le membre naturel a yriuer,


L. Musica. Le Cerveau.
M. Astronomia. Le poulmon.
N. Arithmetica. Le foye.
R. Geometria. Le cueur.
S. Rhetorica. La ratte.
X. Dialectica. Le nombryl.
Z. Grammatica. Le penyl.

A. Iusticia. La main dextre.
E. Fortitudo. La main senestre.
I. Prudentia. Le pied dextre.
O. Temperantia. Le pied senestre.

V. Pasythea. Lespaule dextre.
Y. Egiale. Lespaule senestre.
H. Euphrosyne. Le cropion.

Les lettres ainsi logees que voyes cy dessus, ne s'ot pas logees en leur ordre Abecedaire qu'on tient communement, mais tout a mon essient les ay mises & appliquees selon ma petite Philosophie, pour bailler a cognoistre que leur nature & vertus veult quelles soient meslees les vnes avec les autres. Pareillemēt les Sciēces avec les Ars. avec les quatre Vertus, & avec les Graces. Aussi les Graces avec les vertus, avec les Ars, pareillement avec les Sciences, ainsi comme nous voyons quē ouurage de Marquetis & de Mosaique les pieces tant de petites que grandes de diuerses couleurs sont appliquees & assemblees les vnes avec les autres en sorte quelles rendent & font vng oeuvre tresbel & parfait qui est dict en Latin. *Opus vermiculatum. Opus tessellatum, & Assarotum.* duquel Plin en sō Histoire naturelle, & Vitruue en son Liure Darchitecture parlent assez amplement pour ceulx qui en voudrōt lire & scauoit. Nous voyons au prim temps que la beaulte dun pre & dun iardin est en la diuersite & multitude de assemblee de diuerses belles herbes & fleurs, qui de leur odeur rendent vne suauite digne quasi destre appelee & ditte chose diuine & digne destre immortelle,

LE SECOND LIVRE. L'HOMME SCIENTIFIQUE.



Lhôme
parfaict,

EN la figure cy deuant faicte, on peut cognoistre commât les nobles & bôs peres Anciens ont inuêre les Sciences & Ars liberaulx selon lacord & organique conuenance des plus nobles membres du corps humain. & ce, comme iay dit, pour monst rer que Lhôme parfaict doibt tellement estre proportiône en Science & vertus, que a tous endroiçts & propos il soit decent & honnest.

IE suis seur que i'aure cy, comme en beaucoup dautres passages, des gloseurs & mordans, mais. Non pili facio. Ie ne les estime la valeur dun poil. Ie me dedie au seruice du bien public, pour induyre les non scauans a contemplation & apprehension des bonnes lettres.

Digres-
sion en
conclu-
sion.


ON peut cognoistre ma petite speculatiô auoir en soy quelque raison, entendu que iay accorde par Arithmetique & Geometrie toutes nosdites lettres Attiques pour monst rer leur diuine perfection. Ie supplie aux lisans que si iay bien specule, quilz men sachent gre, & si non, quilz facent myeulx filz peu-

uent, afin que leur scauoirne soit, Thesaurus absconditus. Cest a dire, Vngtre for mussé, & inutile. Je scay quil y a mains bons esperits qui escriroient volontiers beaucoup de bonnes choses silz pensoient les pouuoit bien faire en Grec ou Latin. & neaumoins Ilz sen deportent de paour de y faire incongruyte ou autre vice quilz doubtent. ou ilz ne veulent escrire en Francois pensant que la langue Francoise ne soit pas assez bonne ny elegante. Saulue leur hōneur elle est vne des plusbelles & gracieuses de toutes les lāgues humaines, comme iay tesmoigne au Premier Liure par autorites de nobles & anciens Autheurs Poetes & Orateurs tant Latins que Grecqs.

Nous auons veu la conference & accord de noz lettres au corps humain en general, & en especial a la teste dicelluy corps, mais ie veulx encores cy ensuyuant, les aucunes lettres accorder a la plaine face du visage, Les autres a la moitye, & les aucunes au tiers, & ce porra on cognoistre par demonstratiō figuree & designee en la figure qui sensuyt, en la quelle seullement seront figurez trois visages, & puis apres trois lettres avec lesdits trois visages.

Cōme ces trois visages cy pres designez sont q̄ lū est veu en frōt, lautre a demy ou enuyron, & le tiers encores plus racourcy tout aissi entre noz lettres Attiqs en ya quō voit en plaine superficie & quadrature. Cest a dire, autant larges que haultes. Les autres sont moins larges, & les autres encores plus estroictes de standue en largeur. & cest ce que iay a deuāt dit, quant i'escrpuoye de combiem de corps

de largeur est vne chacune de nosdites lettres. La haulteur en toutes & par toutes, excepte le Q, veult tousiours estre egalle entre deux lignes equidistantes cōtenans entre elles en espace dix corps, cest a dire, dix fois la grosseur de le. I. Encores icelle lettre Q. a sa teste de dix corps comme les autres lettres, & sa queue de quatre corps qui sōt oultre les susdit dix corps hors & dessoubz les dites deux lignes equidistantes.



Visages
en pers-
pectiue.

Ordōnā
ce & ac-
cord des
Visages
& lettres
en per-
spectiue.

Notable
singulier
& gene-
ral.

Notable
Des cinq
vocalles.

A.

E.

I.

Terence

O.


V.
Lettres
manie-
rables.

Lettres
Liqui-
des.

L. M.

N. R.

LA presente figure nous enseigne cō- mant ainsi cōme le vi- sage d'un hōme en gar- dant sa haulteur peut estre veu aucūe fois au- si large q̄ hault, & ce, en droict aspect, & aux autres fois moins lar- ge, selon quil est torne. Toutes noz lettres, cō me iay cy deuant dit, veulent tousiours estre toutes dune haulteur, mais de largeur non. & la raison vient encores en ensuyuant le natu- rel du corps humain, & pareillement du vi-



saige. Nous voyons quil ya des hommes plus gros de corps & de visaige que les autres & les vngs plus alegres, plus dextres, & plus portatifz. Les vngs pl^s sains, & les autres plus sages. Les vngs plus vertueux, & les autres moins. ain- si ya il des lettres qui sont plus nobles & plus vallant que les autres. Cōme sont les vocalles, sans lesquelles vraye syllabe Grecque, Latine, ne Francoise, ne peut estre. Car en chacune syllabe quon scauroit dire ya pour le moins vne vo- cale, Et bien souuant vne syllabe, pareillement vne diction, sans autre lettre, est faicte dune desdites vocalles, qui sont cinq en nombre, cest a scauoir. A. E. I. O. V. Exemple de A seul faisant vne syllabe. Amen. faisant vne diction. Ne discesseris a me. Exemple en françois dudit A. seul en syllabe & en diction. Aco- stumez a biē dire & bien faire. Exemple de le F. faisant syllab^e luy seul & dictiō Etiam. eia, e regione. Exemple en françois quant il est seullement en syllabe. Estienne est en esmoy. Exemple de le I. faisant syllabe & diction. Item. Ibo. I. Terentius in Andria. I. præ, sequar. Exemple en françois sera seullement quāt il est mis en syllabe & non en diction. car I. ne peut estre ne faire diction en no- stre langage, combien que en chifre & en conte est souuant mis pour vng. Dōs- ques exemple sera. Item qui est receu de latin en François, & issue de table. O. pareillement peut faire syllabe & diction. Syllabe, Olor, omen. O Mœlibæ^e Deus nobis hæc oia fecit. Exemple en françois, Ostier doit hōmage au cai- gnard. O quil est peu de bōs amys. Le V. nest vsite quen syllabe, car en Latin il ne faict point seul quelque diction. Donques exemple sera. Vfus vbique va- let. En françois pouuons dire, Vsage, & Vsfuuyt. Le Picard met bien le dit V. en diction quant il dit. V. est no sieux. V. est men baron.

IL ya dautres lettres qui sont maniables & si faciles en leur vertus quelles se- scoulent, & quasi comme inuisibles seauoissent en aucunes syllabes, ayant deuant elles vne Mute, & ne aident pas tousiours la quantite des vocalles mises deuant elles. & celles sont dittes en Latin. Liquidæ. quia liquecunt post Mus- tas positæ in eadem syllaba. Les Liquides, qui sont en nombre quatre cest a sa- uoir. L. M. N. R. sont en quantite metrique si fluentes, que aucunes fois sont position, cest a dire, produysent & font longue la vocale precedente, & aucu- nes fois la laissent breue, cōme en ces dictiōs Latines. Patris. Tenebræ. Stagna

La quelle chose on peut veoir amplement en Terentian la ou il dit,

Terētian

- ” Ecce stagna madent triplici sic syllaba pacto
 ” Temporis accessu non tantum est reddita longa,
 ” Sed dedit & vireis geminis augere Trocheum.

Alde aussi en sa trefelegante Grammaire enseigne tresscauāment de ceste ma-
 tiere en son. IIII. liure, au Chapitre De septem modis communium syllabarū.
 la ou il dit. M. & N. liquidas & cætera. Iusques la ou il ya. Duæ præterea Mutæ
 inueniuntur aliquando non producere antecedentem breuem: vt M. & N. liqui
 dæ. La quelle chose ie laisse aux bōs estudiens pour le veoir au long sus le lieu,
 et dis en similitude, que liquides sont comme aucuns hommes qui sont grans
 dissimuleurs, grans afronteurs, & scauent leurs eschapatoires myeux et plus
 promptement que mouuoir leurs doitz,

Alde.

Belle si-
 militude,

EN nostre langage Francois ne pouuons vser de la vertus de cefdīctes Li-
 quides si non en Orthographe seullement, par faulte q̄ nostre langue nest
 pas ordōnee par reigles de Grammaire, comme sont la Grecque & la Latine.

IL ya daultres lettres qui sont si vertueuses, que vne en vault deux, &
 pource elles sōt appellees en Latin Duplices. Cest a dire, Doubles lettres,
 et elles sont deux en nombre. X. & Z. Le X. est mis pour c. & s. ou pour g. & f.
 Le Z. pour double ff. ou si voules autrement dire, dictes pour deux ff. Pareille-
 ment pour f. & d. Les Latins ont ceste reigle, & nous ne la tenons q̄ bien loing
 apres eulx, car comme iay dict, nostre lāgue nest pas encores asseuree par Rei-
 gle comme la leur, mais elle le fera quelque fois si plaist a nostre seigneur.

X & Z.
 sont dou-
 bles lres.

LES Latins, comme iay dict, mettent X. pour c. & s. ou pour g. & s. quant en
 lieu descripre Regs regis, & Ducs ducis, il escripuent Rex regis, & Dux
 ducis. Semblablement en lieu descripre Patrisso, & Pitisso, ilz escripuent Pa-
 trizo, & Pitizo, comme font les Grecs. Et en lieu descripre Gasda, ilz escripuēt
 Gaza. Ces deux lettres Doubles X. & Z. sont bien aussi aucunesfois simples
 Consones en quantite de syllabe, comme tresscauāment Alde le tesmoigne au
 susdict. IIII. liure de sa Grammaire, au Chapistre, De septem modis commu-
 nium syllabarum. quant il dict. Quintus modus est, cum correptam vocalem su-
 scipit Z. & cætera.

Notez
 icy la bel
 le reigle.

Alde.

Comme il ya des hommes qui ne sont gueres vertueux, mais de petite effi-
 cace, si non en nombre, comme est le o. en Chiffre qui apart luy ne faict au-
 cun nombre, mais avec les aultres, il les multiplie en vaille. Ainsi est de la let-
 tre S. laquelle est aucunesfois comme liquide, faisant longue en quantite de syl-
 labe la vocale qui la precede, & aucunesfois non, & bien souuant seuanoist &
 se pert en quantite metrique. Comme dit Priscian, en son Premier liure, ou il

Notable
 singulier
 de la let-
 tre S:

Priscian.

- ” traicte. De literarum commutatione. quant il dit. S. in metro apud vetustissi-
 ” mos vim suam frequenter amittit. Virgilius in vndecimo Aeneidos,
 ” Ponite spes sibi quisq; sed hæc quam angusta videtis.
 ” Idem in Duodecimo.

Virgile.

- ” Inter se coisise viros & decernere ferro.

Ie baillerois daultres exemples commeant elle se pert en metre, mais ie renuoye
 le bon estudiant a Terentian authœur iadis trefgraue & solide en son Art. & au

Terētian
 Alde,

- ” bon Alde au. IIII. liure de sa dicte & ia susalleguee Grammaire, In tertio mo-
 ” do communium syllabarum,

LE SECOND LIVRE.

POur monstrier la mutabilite de la dicte lettre S. les Anciens l'ont figuree tortue & de moyenne largeur, comme nous verrons au renc de sa facon & figure, aidant nostre seigneur, & en dirons cōme des aultres, quelque bonne chose, en ensuyuant la doctrine des bons Auteurs.

Les mal
pronun-
ceāt le S.

Notable
pour biē
pnuncer

Nous nous aidons bien de le S. en escripture, mais en pronūciation ie treuve qu'il en ya qui s'en acquitent mal, car en lieu de dire. Deus deus meus Iustus & fortis Dominus. ilz begayent & mengent la queue disant. Deu, deu, meu, iustu, & forti. dominu. qui est vng tresgrant vice, & trop commun a beaucoup de simples gens. Vng homme qui veult qu'on le croye facilement, & qui despire qu'on adiouxte pleine foy a ses parolles, doit en bien disant pronūcer nettement & purement toutes les syllabes, tant a la fin des dictions que au commencement. Car quant on ne pronūce bien, il semble aux auditeurs qu'on les moque, ou qu'on ne sçait qu'on dit. Et eulx se faschant de tel langage, pensent incōtinēt ailleurs, ou s'endormēt, ou s'en vont du lieu on quel on parle si ineptement. ou, qui pis est, rompent le propos bien souuent en eulx corrouceant. I'en dirois asses d'exemples en Francois, mais il sembleroit a daulcuns que ie le ferois par moquerie, par quoy ie m'en deporteray pour ceste heure, & reuiendray de rechef & d'abundance a monstrier la diuine perfection de noz bonnes & diuines lettres Attiques.


Homere
Roy des
Poetes
Grecs.
Belle fa-
ble.
Lucian.
Macrobe

La chaî-
ne dor du
noble Po-
ete Grec
Homere,

Iene puis icy passer oultre sans monstrier que nosdictes lettres ont este inuen-
tees par inspiration diuine. Il est certain que le Roy des Poetes Grecz nom-
me Hoinere au commencement du. VIII. liure de son Iliade, a faind que ia-
dis Iupiter disoit que luy seul d'une chaine dor tireroit biē a luy, si vouloit, tous
les aultres Dieux, voire & auec eulx la terre, & la mer. Lucian entre les Dia-
logues des Dieux, introduyt Mars & Mercure monopolans & murmurans cō-
tre Iupiter a cause de celle dicte Chaine, & Macrobe lung de plusgrans Philo-
sophes Latins en a fait memoire au Premier liure. In somniū Scipionis. quāt
il dit. Cūq; omnia continuīs successiōibus se sequantur degenerantia, per or-
dinem ad imū meandī, inuenietur pressius intuenti, a summo Deo vsq; ad vl-
timum vna se mutuis vinculis reliḡās, & nusquam interrupta connexio. Et hec
est Homeri Cathena aurea/quam pendere de cōelo in terras Deum iussisse com-
memorat. Qui vouldra, dit il, bien speculer/ & contēpler, il trouuera vne Chaī-
ne & connexion qui sentretient de boucles entrelassees, & pend du Ciel iusques
en terre, qui est a dire, que toute infusion spirituelle & corporelle que pouons
auoir icy en bas, vient & procede du souuerain createur de tout le monde. Ima-
gynons doncques icy, & pensons que nous voyons ceste dicte Chaine dor pen-
dant du Ciel iusques a noz piedz, & que icelle Chaine est de la longueur & lar-
geur bien proportionnee & conuenable a la symmetrye de nostre lettre propor-
tionnaire I. & nous cognoissons que la fiction de Homere a intelligence a l'in-
spiration & a l'inuention des bonnes Lettres & Sciences lesquelles n'ont peu,
ne ne peuuent estre cogneues sans laide & inspiration diuine.

POur monstrier l'accord de noz lettres a icelle Chaine dor, ie lay cy pres fi-
guree & designee auec nostre dict I. afin que auec mes dictz on puisse mys-
eulx cognoistre a locueil la Philosophie qui gist & que iay contempee autour
de nosdictes lettres.

ON peult veoir en la figure. cy pres faicte & designee le diuin acord de nostre lre proportionnaire a la Chaine dor homerique. & cōmant ie lay proportionnee en sorte & raison quil ya iustement dix chainons & boucles acordās aux dix corps de la haulteur dudict I. & pareillemēt aux neuf Muses & leur Apollo, q̄ iay piecza cy dessus figurez et ordonnez ensemble. La raison pourquoy ien ay pluſtoſt assigne dix que pluſ ou moins, est clerement dicte, mais da uantage ie treuue que noz bons Peres Anciens ont volu entēdre conſommee et entiere perfection au nōbre dixiesme entendu quil est nombre Per, compose denōbre Per/ & Imper. Martianus Capella en son. VII. liure ou il parle De



Ordinance de la Chaine dor homerique ale l.

Raison notable pour les dix corps de chacune lettre.

Martianus Capella,

» Decade, nous en est bō tesmoing quāt
» il dict. Decas vero yltra omnes habēda

» quæ omnes numeros diuersæ virtutis ac perfectionis intra se habet. La dixene dict il, voirement est de passe & d'excellence, en tant quelle contient & a en soy tous les nombres de Per & Imper. Cest a dire de vertus & perfection.

» **I**E puis doncques bien dire, & soubstenir veritablement q̄ iay bonne raison
» dauoir proportionnee mes lettres en la haulteur de dix cors, qui est le plus notable & parfait de tous aultres nombres, entendu que les bons Peres Anciens ont volu situer tous les nombres & signes Darithmetique & Chiffre soubz luy, et que apres luy n'ya point de nombre qui aye nom particulier, mais nom repeté, comme on voit en disant, vnze, douze, treze, & ainsi consequentement des aultres nōbres qui signifient vng ou deux, ou trois, ou plus, apres & avec dix.

Notez bien icy & retenez.

» **L**E Roy des Poetes Grecz Homere, voulant monſtrer ſecretement q̄ l'homme parfait en conseil est celluy en qui tout bon ſcauoir est & habite, introduyt Agamenon au premier liure de son Iliade deſirant pouuoir auoir Decem Nestores, quant il dict. Ad quem respondens Agamenon. Enim vero, inquit, venerande ſenex Omnes ſine controuerſia Grecos Senatores vincis in diccenda ſentētia. Atq; vtinam feciſſes pater Iupiter; tuq; o Minerua: & tu Apollo; vt decem mihi ex omnibus Græcis forent tanto cōſilio viri. Breui profecto Troia noſtris manibus capta/ deleteretur.

Homere.

Decem Nestores

» Agamenon reſpondant a Nestor luy dict. O venerable homme Ancien: ſans faulte aucune tu ſurmontes en ſentence & bōne opinion tous les Senateurs de Grece. Ie voudrois Iupiter/ quil te pleuſt/ & toy Minerue, peillemēt toy Apollo: que de tous les hommes Grecz ien euſſe dix ſemblables a Nestor. Sans faulte, Troye prinſe de noz mains, ſeroit en brief destruyte.

Dix hommes ſemblables a Nestor,

» **I**E allegue icy ces belles choſes pour touſiours pluſ amplemēt mōſtrer la grāde & ſouueraine perfection de noz lettres. Elles ſont ſi bien cōpaſſees & ordonnees quelles ſ'accordent ensemble comme ſont les boucles & chainons d'une chaine dor, car les Letres & Sciences ſont ſi couſines & ſeurs ensemble que ſi vous aues cognoiſſance a lune, vous aues entree & acces aux aultres. Comme nous voyons par experience au temps deſte quant les Ceriſes ſont bōnes a

Belle ſiſmilitude,

LE SECOND LIVRE.

Horace. menger, & q̄ on en cuyde prendre vne au plat, on en tyre apres & avec la premiere quon cuyde prendre seulle, six, ou sept, neuf, ou dix. Horace aussi en son Art poetic, a ce ppos, Cest a dire, que le nōbre dixiesme est tresparfaict a dict Belle raison & cōclusion. Decies repetita placebunt. Les choses, dict il, repetees dix fois, seront bonnes et a plaisir, & avec ce plus parfaites. Iay dōcques a bōne raison diuise la haulteur & largeur superficialle de noz lettres en dix corps, & la chaine dor en dix boucles acordās a nostre lettire proportionnaire I. Il en ya aucuns qui, comme clerics parlent darmes, disent quelles veulent estre diuisees seullemēt en six. Les aultres en huit, & les aultres en neuf. Mais ie ne scay quelz six, quelz huit, ne quelz neuf ilz entendent, si se sont parties, ou corps, ou lignes. Mais ie croy quilz en parlent plus pour cuyder monstrier quilz y entendent quelque chose, que par vray scauoir ne experience, parquoy ie les laisse en leur opinion mal fondee en raison.

Attiques

PEu de gens eussent pense que nostre susdict Roy des Poetes Grecz Homere par sa chaine dor eust segretement, & soubz lescorche de fable poetique entendu linspiration diuine des lettres & Sciēces, & la cōnexion dicelles. mais en y auysant bien pres, si faisoit. combien quil semble de prime face que non. Et pour le bailler a rumyner & considerer aux deuors amateurs des bonnes lettres ie le allegueray icy afin quon le voye & entende bien,

Homere.

Γῶσ' εἴτ' ἐπειτ' ὅσον εἰμι θεῶν καρτίστοος ἀπ' αὐτ'
 Εἰδ' ἄγε πειρησάσθε θεοὶ ἵνα εἰδέτε πάντες,
 Σειρὴν χρυσεὶν ἔξ οὐρανοθεν κρεμάντες,
 Πάντες δ' ἐξάπτεσθε θεοὶ, πασάι τε θεαῖναι.
 Ἀλλ' οὐκ ἂν ἐρυσσάιτ' ἐξ οὐρανοθεν πεδίοιςδε
 ζῆν' ὑπατόν κηστόωρ' οὐδ' εἰ μάλα πολλὰ κακοίτε
 Ἀλλ' ὅτε δὴ καὶ ἐγὼν προφρων ἐβλοίμην ἐρυσσάι,
 Αὐτὴ κεν γαίῃ ἐρυσσάι μ' αὐτὴ τε θαλάσῃ.
 Σειρὴν κεν κεν ἐπειτὰ περὶ ρίων οὐλυπιοῖο
 Διοσαί μιν. τὰ δ' ἐκ' αὐτὴ μεθορᾷ πάντα γένοιτο.
 Τόσσον ἐγὼ πέριτ' εἰμι θεῶν, πέριτ' ἢ μ' ἀνθρώπων.

Cest a dire en Latin. ainsi que Laurent Valle nous la translate.

Laurent valle.

Agedum auream restim e caelo suspendite, eaq; cuncti Di ac Dee apprehēsa/me hinc detrahite in terram. Nullo id quantolibet nixu poteritis efficere. At cum inihī facere idem irato libuerit, in terras vos vniuersos, & in maria vsq; detraherem. quinetiam circumligata reste hac ad summitatem olympi omnia superne alleuarem, vt intelligatis quantum ego Deos simulatq; hoīes antecello.

La Chaine dorho merique.

SI vous voulez experimenter mes vertus & force, & voulez de moy certain senfeignemēt, despēches vous, & pendes au Ciel vne chaine dor, & si vous tous/ tant Dieux quē Deesses pouuez, tirez moy dicy en terre: ie scay que de toute vostre puissance ne le porrez faire. Mais quant ie seray courouce, sil me plaist, ie vous tireray tous & ruyneray ca & la par terre & par mer. Et si ya biē plus, que de ceste dictē Chaine dor/ ie porrois leuer luniuerselle terre & la mer iusques au plus hault du Ciel Olympique. Et porce entendez combien ie exce de & passe en puissance les Dieux/ & semblablement les humains.

Sens moral.

Doncqs a bō ppos ceste dictē Chaine dor quauōs appliquee a nre I. no^r signifi^rayn sens moral cōmāt la cognoissāce & linspiratiō des lres nous

vient du Ciel & de Dieu, que icelles lettres sont si affines & prochaines en connexion, quelles participent toutes lune de lautre, semblablement les Sciences, et consequentement les Vertus.

Virgile/grant imitateur Dhomere en lieu de ceste dicté chaine dor a imagine & fait vng Rameau dor a son Eneas, qui est a dire en sens moral, que tout hōme lettre & vertueux porte en sa main, Cest a dire, a son vſage, vng Rameau de Sapience qui est dor, cōme du plus precieux de tous les metaulx. La Sibyle, Cest a dire, Linspiration diuine, dit a Eneas, Cest a dire, au deuot amateur & contemplateur de vertus, la quelle principallemēt gist en lettres & bonne Science, ce qui sensuyt: & est escript au. VI. liure des Eneides dudit Virgile,

Virgile a imagine vng Rameau dor en sens moral.

- » Accipe quæ peragenda prius, latet arbore opaca
» Aureus & folijs & lento vimine ramus,
» Iunont infernæ dictus sacer, hunc tegit omnis
» Lucus, & obscuris claudunt conuallibus ymbræ,
» Sed non ante datur telluris operta subire,
» Auricomos quam quis decerpserit arbore foetus,
» Hoc sibi pulchra suum ferri Proserpina munus
» Instituit, primo auulso non deficit alter
» Aureus, & simili frondescit virga metallo,
» Ergo/alte vestiga oculis, & rite repertum
» Carpe manu, namq; ipse volens, facilisq; sequetur.

Virgile,

Imaginez icy que voyez vne dame nommee Inspiration diuine, qui dit au bon estudiant & vertueux ieune homme, ce qui sensuyt trāslate en Frācois. Inspiration diuine

EScoute, dit elle, ce quil te conuiēt faire auāt toutes choses. Il ya en ceste forest mondaine vng Rameau dor mussé en vne grande arbre fort branchue/et moult rallue. Ce Rameau a les Branches & ses feuilles souples & bien maniables, & est dedie a luno Deesse dembas. Iceluy est euuironne de grant nombre de vielles arbres, & de valles ymbrageuses. Et saches quil ny a hōme qui puisse entrer en la profundite de la terre, quil naye auant cueilly ce dict Rameau dor. Car la belle Deesse Proserpine a institue quon luy en face vng present. Aussitost que tu en auras cueilly vng, incontinent il y en naistra & sortira vng aultre dor & de semblable matiere. Et pource doncques cherche bien, & contemple de tes yeulx, & si tost que tu lauras rencōtre, cueille le de ta main. Tu le porras facilement auoir, en tant quil se lairra comme de soymesmes & a ton aise tirer de son lieu.

Doncques ce beau Rameau dor cōme la chaine dor Dhomere, est entendu du Science, du quel les feuilles qui sont. XXIII. en nōbre, sont les vingt et trois lettres Abecedaires. Et celluy qui le peult trouuer en la grāde forest des miseres & valles de ce monde, est vng Eneas. Cest a dire, vng hōme de vertus et digne de toute louange. Car Αἰνίας, en Grec vault autant a dire, que, hom melouable, & digne de tout hōneur. La cause pour quoy ie dis & allegue ces belles choses en passant, est pour tousiours myeulx exaulcer noz bōnes lettres, et pour plus honnestement persuader aux bons esperits mettre leur cuer & bō amour aux dictes Lettres & Science.

Declarātion du Rameau dor. Eneas. Notez icy & entēdez biē

IAy dicté que ce Rameau dor auoit vingt & trois feuilles en segrete signification de vingt & trois lettres Abecedaires. Et si on me demandoit comment ie le scay, ie dirois que le noble Poete Virgile le ma enseigne tandis que ie contemplois son Aeneas, voulāt trouer ce dict Rameau dor pour descendre es en-

LE SECOND LIVRE.

fers de profunde speculation des vices & vertus de ceste vie mortelle. Et si quel que noble cuer veult cognoistre au doyt & a loeuil le lieu ou il trouuera ce dict nombre de vingt & trois, si lise au Sixiesme liure des Eneides, la ou comme iay allegue Virgile introduyt la Sibylle cōseillāt a Eneas chercher ce Rameau dor et il trouuera que le Poete scientement & secretemēt la faict parler en. XXIII. metres, desquelz le premier est.

Virgile.

Notez icy le bes-
au secret
et son ex-
plication.

Tros anchisiade: facilis descensus auerni. Et en procedant le dernier metre est. Vincere nec duro poteris conuellere ferro. En comptant ces deux metres, & ceulx qui sont entre eulx, on y en trouuera. XXIII. metres. Et si on me repli- quoit que cesont metres & non pas lettres: ie dirois que pour la collocation & description de la chose, il a faict metres en nombre. XXIII. Pour lintelligence du quel nombre, il entendoit segretemēt lesdictes vingt & trois lettres Abece- daires, sans lesquelles on ne peult acquerir Science ne parfaicte Vertus. On ne trouuera pas ces choses dedans les Cōmentaires sus le lieu allegue, car les Cō- mentateurs sarrestēt a suyure leur stile de Commentateur, & ie me suis arreste a la contemplation, a la signification, & a la moralite des lettres. Il en ya qui di- sent que Virgile entendoit par ce Rameau dor, vng rameau de Guyst, qui est quasi de couleur dor, & qui a des petits gtains ronds & blancs comme Perles, mais saulue leur honneur, il entendoit, cōme iay dict, Science: de la quelle les feuilles sōt lettres. Si on oste les feuilles dung rameau, il nest plus rameau, mais vnebranche. Aussi si on oste les lettres de Science, ce nest plus Science, mais Ignorāce. Et pour bailler ce propos deuant les yeulx, ien figureray icy pres de chacūe vne figure & deseing. Cest a scauoir vng Rameau & vne Brāche. Mais auant ce/iescripray ici les dictz XXIII. metres tout au long, afin que les estu- diens soient solacez de neles aller querir en Virgille.

Belle si-
militude,
de Sciēce
et Igno-
rance.

Virgile.


Tros anchisiade/facilis descensus auerni,
Noctes/atq; dies patet atri ianua Ditis,
Sed reuocare gradum/superaſq; euadere ad auras.
Hoc opus, hic labor est. Pauci quos æquus amauit
Iuppiter, aut ardens euexit ad æthera virtus.
Dijs geniti potuere. tenent media omnia syluæ,
Cocytusq; sinu labens circumfluit atro.
Quod si tantus amor/menti si tanta cupido est
Bis stygios innare lacus, bis nigra videre
Tartara, & infano iuuat indulgere labori,
Accipe quæ peragenda prius. latet arbore opaca
Aureus/ & folijs/ & lento vimine ramus,
Iunoni infernæ dictus sacer. hunc tegit omnis
Lucus, & obscuris claudunt conuallibus ymbrae.
Sed non ante datur telluris operta subire,
Auricomos quam quis decerpserit arbore foetus
Hoc sibi pulchra suum ferri Proserpina munus
Instituit, primo auulso non deficit alter
Aureus, & simili frondescit virga metallo.
Ergo alte vestiga oculis, & rite repertum
Carpe manu, namq; ipse volens facilisq; sequetur.
Si te fata vocant/aliter non viribus vllis
Vincere/nec duro poteris conuellere ferro.

Vela les. XXIII. metres esq̃lz nre rameau dor est descript, & au q̃l pounōs ymaginer. XXIII. fueilles desquelles en chacūe aura vne lettre escripte,


” **Q**uant la Sibyle dit en oultre. *Præterea iacet examinum tibi corpus amici.* Notable
 ” Heu nescis, totâq; incestat fumere classem. singulier,
 Ce n'est plus du propos dudit Rameau dor, mais dun autre, parquoy
 donques celluy qui bien auysera le sens interieur de Virgile, trouuera estre vray
 tout ce queien ay ia cy dessus dit & escript selon ma petite apprehension.

LE RAMEAU DOR ET DE SCIENCE.

Iay designe le
 Rameau dor se-
 lon Virgile cydess,
 qui nous signifie cõ
 me iay dit, Science.
 & pareillement La
 Branche sans feuil-
 les, qui nous deuote
 Ignorâce. mais auy
 sez bien au dit Ra-
 meau dor, commât
 ie y ay ordone trois
 verges, être lesquel-
 les celle du mylieu
 qui est la plus lōgue
 & la principale, a
 neuf fueilles, dedâs
 lesquelles sont escri-
 ptes lune apart de
 lautre, les neuf Mu-
 ses. B. C. D. F. G. K.
 P. Q. T. qui nous re-
 présentent les neuf
 Muses. Puis en lau-
 tre verge qui é du co-
 ste senestre, ya sept
 fueilles esquelles pa-
 reillement sont escri-
 ptes lune a part de
 lautre les sept Semi-
 vocales. L. M. N. R.
 S. X. & Z. qui nous
 représentent aussi,
 Les sept Ars libe-
 raulx. Tout sembla-
 blemēt la dextre &
 tierce verge a en el-
 le sept fueilles, es-



LA BRANCHE DIGNORANCE

Science,
IgnorâceTrois ver-
ges au
Rameau
dor, &
leur signi-
fication.Notez &
entendez
bien icy.

quelles sont escriptes. Les cinq vocales Latines. A. E. I. O. V. & vne Greque.
 Y. & avec celles H. aspiration, laquelle pource quelle n'est du tout reputee vraye
 lettre, est escripte en la plus basse fueille. Pour lesquelles six Vocales, & H.
 aspiration, entendons les quatre vertus Cardinales & les trois Graces de venus

LE SECOND LIVRE.

Conclu-
sion pour
le Rame-
au dor.

Disposi-
tion a la
matiere
cy pres
ensuyuat

Ordonā
ce gene-
rale, &
tresbelle
en con-
clusion,

ste & decete honestete. Parquoy donques on dit Rameau de Virgile sont cō-
prises & entendues segretement lefdites neuf Muses, les sept Ars liberaulx. les
quatre vertus Cardinales, & les trois Graces qui acomplissent le nombre des.
XXIII. lettres Abecedaies.

AV moins mal que iay peu, la grace a Dieu, selon ma petite Theorique, &
speculatio philosophiq, iay appliq la Chaîne dor homeriq a nre lettre. p
portionnaire I. & le Rameau dor de Virgile aux neuf Muses & leur seqle. Mainte-
nāt au plaisir de nre seigneur, Ie veulx estādre la ditte Chaie dor homeriq q iay
faicte en le I. seullemēt de dix chainōs, qui rep̄sētēt les neuf Muses & leur Apol-
lo, en vīgt & trois chainōs pportionez iustemēt tout a lētour de lautre lettre p
portionnaire O. qui rep̄senterōt encores, cōme ont faicte les fueilles du Rameau
dor de Virgile, les. XXIII. lettres Abecedaies, & semblablemēt lefdittes neuf
Muses & leur seqle. La q̄lle totalle chose pour estre myeulx baillee a entendre,
Ielay cy pres & dessoubz figuree en vng deseing au moins mal que iay peu,
laissant myeulx faire a ceux qui le pourront & le voudront.

EN la prochaine
figure iay desig-
ne & constitue le.
O. en son quarre &
superficie equilate-
ral selon sa deue p-
portio de dix corps
de haulteur & dix
autres de largeur di-
uisez entre vnze li-
gnes tant dun coste
que dautre, Cestā
dire tāt de haulteur
que de largeur. com-
me on peut facile-
ment cognoistre a
loeuil & au cōpas,
pour monstret la-
cord des dits. XX-
III. chainons aux
XXIII. lettres que
iay escriptes dedās
les rayōs du Soleil,
chacune apart soy
lune apres lautre
au droit dun chascū
chainō, & par des-
hors entre lefdit ra-
yons de Soleil, iay
escript aussi & loge
les neuf Muses, les
sept Ars liberaulx,
les quatre vert^{es} Car-
dinales, & les trois



Graces se logeāt chacune lune apart de lautre. & tout au mylieu de le O. Ie y ay designe & pourtrait Apollo iouant de sa diuine harpe. Pour monstrier que la concathenation & ronde perfection des Lettres, Muses, Ars liberaulx, Vertus Card, & Graces nous sont inspirees & noriees par Apollo, cest a dire, par le Soleil, ou si vous voules myeulx dire, dictez, par nostre vray Dieu & createur qui est le vray Soleil, sans laide du quel, tout corps & tout esperit est tousiours ebete & inutile, & sans le quel ne pouuons auoir en nous aucune cognoissance de lettres, de Science, ne de vertus quelconque.

LA rotondite de le O. en sa quadrature, & aussi la rotondite de la chaine dor Reigle homerique appliquee au dit O, nous signifie la perfection & adherence de toutes vertus que doit auoir tout bon estudiant en soy. Il est certain en Geometrie, que figure ronde, tant solide que non, est la plus capable, & la plus parfaite de toutes. Quant Horace dit en son Art poetiq.

” Graius dedit ore rotundo

” Musa loqui,

Il nentendoit pas que les Grecs eussent la bouche ronde comme la quelle dū puy, ou comme vne boule, mais entendoit que leur Muse, leur Sciēce, & leur langue est tresparfaicte. A ceste cause doncques ceste rotondite nous signifiera, comme iay dit, toute entiere perfection qui gist en la vraye cognoissance des bones lettres & Sciences,

ON peut doncques a ceste heure suffisammēt veoir noz deux lettres proportionaires & triūphātes I. & O. estre deumēt proportionēes & appliquees a la Chaine dor homerique, & que a bō propos en nous esioyſſant pouuōs dire & reiterer. IO. IO. Dicam⁹ IO. IO. dulces homeriaci. Dicite IO. Pæā, & IO. bis dicite Pæan, Non semel dicemus IO, triumphē,

POUR monstrier que ceulx qui ont la cognoissance des bonnes lettres ont le superintendit & lexellence sus les ignorans, & pour eueiller & euertuer les bons elperits, ie feray cy pres ensuyuant vne figure & deseing ou Appollo en vng Char dor & de riche pierrerie sera mene triūphāmant par ses neuf Muses, les sept Ars liberaulx, les quatre vert⁹ Cardinales, & les trois Graces. Les quatre vertus Cardinales tiendront les quatre coings dudit Char, & les trois Graces conduyront les trois cheuaulx dicelluy Char, nommez Eous, Pyrous, & Aethon. En ce triumphe vne chacune desdites dames portera en lune des ses mains vng gerule & baston de festin, que les Romains appellent auioirdhuy vng Haulle compaire. & fera son office & contenance en iubilant & faisant grā de chere & feste triumpicante. Appollo sera assis en son Char iouant de sa diuine harpe, Apres le Char seront menez Bacchus & Ceres, pareillement Venus liez & prisonniers en captiuite, pour nous mōſtrer que pour triumpher aux lettres fault estre soubre en boire en mēger, & en sensualite charnelle. Toutes ces belles choses ia peintes en parolles & description seront faictes en deseing, afin que les non lettrez /encores en voyant lordonance y puissent prendre plaisir a loeuil corporel, pour en resiouyr loeuil spirituel, & pour les animer a la cognoissance des bonnes lettres & Sciences,

LE TRIUM
PHE DA
POLLO
ET DE SES
MVSES.



Trium=
phe Da=
pollo, &
sens mo=
ral dicel=
luy.
France=
sco Pe=
trarcha.

OR voyez doncques le beau triumphe D'apollo, avec ses Muses & autres dames compaignes qui nous monstrent a loeuil commant au moyen des bonnes lettres & Sciences tout homme en bien vsant peut paruenir a consomme hōneur & immortalite de son nom. Si a ce propos on desiroit en veoir plus a plain, quon sen aille esbatre a lire aux Triūphes de messer Erancesco Petrar cha, & on trouuera au Triūphe de Renōmee commāt les Poetes, les Philosophes, & les Orateurs par leur studieuse vertus, cōbien quilz soiēt piecza morts corporellement, viuent spirituellement, & viuront plus que nulz autres tant vertueulx ayent ilz peu estre,

La gou=
te dor.
Iupiter,
Acrisius,
Danae,
Moly.
Homere.

Lisflābe.
Dioscori
de, Mar=
cel Vir=
gile,
Hyacin=
thiol,

IE porrois cy adiouxter dauātage, & approprier, pareillement moraliser La goutte dor en la quelle, selon les Poetes & Philosophes anciens Iupiter se transmua pour descendre du Ciel en Terre en la tour de Acrisius Roy de Grece, & pere de la belle Danae. Semblablement ie porrois aussi escrire de lherbe & verge mercurialle nōmee en Grec Moly. De la quelle Homere faict mention en son Odissee, au dixiesme liure, mais laissant ces choses a rumynner aux bons esperits, ie passeray oultre, & viendray a proportionner & descrire toutes noz lettres Attiques & Abecedaires lune apres lautre selon leur ordre vulgaire. Et pour y commencer, avec laide de Dieu, Il me souuient que iay piecza dit cy dessus, que toutes nosdites lettres Attiques sont faictes & participantes de le I. & de le O. & que I. & A. auoient este fantasiez en la fleur dun lis ayant couleur de pourpre, quon dit en Paris Lisflamble, & que Dioscoride, semblablement son translateur Florentin nōme Marcel virgile, appellent Hyacinthus. que le langage vulgaire Italien nōme & dit Hyacintiol, ien fays cy presvng de seing au quel le A. est assis sus vng dit Lisflambe en quadrature & rotondite pareillement est faict de le I. multiplie en triangle, ou si voules autrement dire, dittez que le A, est faict de trois I, assis & logez lun sus lautre, en prenāt de chacun ce quil conuient a former vng A parfait, comme pouuez veoir au dit de seing ensuyuant, au quel iay faict le A, noir, & le reste des trois I, ie lay laisse en blanc comme chose superabundante du dit A, Le de seing est tel quil sensuyt,




^b
BACCHVS
CERES ET
VENVS
SONT ICY
MENEZ CA
PTIFZ.

VEladonques comme iay dit, commant le I, est le modele & proportion aux lettres Attiques, Cest a scauoir, a celles qui ont iambes droittes. Nous verrons de le O. ou nous ferons le B. qui est de le I. & de le O. entendu quil a iambe & pansé qui denote briseure,

EN cest endroit louuant nostre seigneur Dieu, Je feray fin a nostre Second liure, au quel auons selon nostre petit entendement demonstre lorigie des lettres Attiques & auõs voulu suader & prier, la quelle chose encores prions, que quelques bons esperits seuertuassent a mettre nostre langue françoise par reigle, afin quen peussions yser honnestement & seurement a coucher par escript les bonnes Sciences, quil nous fault mendier des Hebreux, des Grecs, & des Latins, & que ne pouuons auoir sans grans cousts / fraiz / & despens de temps & dargent,

LA FIN DV SECOND
LIVRE.



Ordônã
ce de le
A, faict
de trois
I. sus la
fleur du
Lisflabe,

Notez
bien icy,
& enten
dez,



V cōmancement du petit Liure que les bons Peres baillent a leurs petits enfans pour commancer a aller a l'escole, et aprēdre le Pater noster. Aue maria. Credo in deū. & les aultres petites bonnes choses de nostre creance, ya communement vne Croix, & trois A. Mais peu de gens prennent garde a scauoir & cognoistre que cest a dire, ne a q̃lle cause ya plustost vne Croix q̃ vne Estoile, vne Lune, ou vng Soleil, qui sōt significatifz de quelque indice & demōstration, cōme il est notoire en beaucoup de choses, Ne pourquoy ya plustost trois A. q̃ deux, ou quatre? Mais en cest en-

Notez icy & entendez vng beau segret nouveau

droict, aidant nostre seigneur, ien escripray ce quil men semble, selō ma petite Theorique & apprehension.

LA Croix non seulement selon nostre foy, pource quen elle fut nostre redemption, signifie bon heur, mais aussi selon les Anciens Philosophes, est indice & signe de quelque felicitē, qui est requise a ceulx qui commencent a cognoistre & apprendre les bonnes lettres. Daultre part, la Croix est faicte de deux lignes, desquelles toutes noz lettres Attiques sont formees. Cest de la ligne perpendiculaire, & de la ligne trauesante equilibree, faisant angle droict & esgal en quadrature, desquelles iay escript au Second Liure en plusieurs passages. Oultre plus, quant les Ephesiens vouloiēt vier de leurs lettres magiques, lesquelles ilz escripuoient en certains lieux sus leur corps pour obtenir victoires, et pour venir a fin de leurs negoces, comme Herafme le tesmoigne en sa Segonde Chiliade au. LXXIX. Prouerbe, ou est en tiltre. Ephesiæ literæ. Ilz y faisoient le signe de la Croix pensant, quilz en obtiēdroient plustost ce quilz pre-
 ” tendoient. Ilz vsoient de la Croix pource quilz voyent que le Monde est signe en Croix. Cest a scauoir, en Orient, en Occident, en Mydy, & en Septētrion.
 ” Et que aussi Lhomme, qui est comme disent aucuns Philosophes, & est clere-
 ” ment demōstre au. XXX. Chapistre du Liure du ieu des Eschecqs. ΜΥΓΟΧΟΟΣ
 ” μος, Vng petit monde, a en foy, & porte figure de la Croix. Et ce quāt il a les
 ” pieds iointz, & les bras estandus. Celius Rhodiginus au. VIII. Chapistre du
 ” VI. liure de ses leçons antiques, baille beaucoup daultres bonnes & belles rai-
 ” sons de la Croix, que ie laisse pour cause de breuete, y adressant les bons estu-
 ” diens qui se y voudront aller esbatre.

Raisō de la Croix.

Ephesiens vsoiēt de la Croix en Art magique Le Monde est signe en Croix. Lhōme est vng petit Mōde.

Celius Rhodiginus.

IE me aresteray a la raison que iay dicte, que la Croix dautant quelle est de ligne perpendiculaire & de trauesante, est le fondement a faire & designer toutes nosdictes lettres Attiques comme ie le monstrey par exemple & figure cy apres aidant nostre seigneur.

LA cause pourquoy on escript plustost trois A, que deux, ou quatre, est encores signification de felicitē, car le nombre de Trinite est non per, & entre tous les aultres nombres le plus noble & parfait. Il est compose de nombre Per & Imper, & luy total est Imper. Virgile a dict en ses Buccoliques. Numero Deus impare gaudet. Choses diuines, dict il, veulēt estre en nombre Imper. Aussi auons nous en nostre bonne & saincte foy, le Pere, le Filz, & le Saint esprit. Lesquelz tous trois ensemble croyons estre vne Deite, & esgalle puissance, Ainsi noz trois A. nont que vne Vertus en Syllabe, & Diction.

Raison pourquoy on escript trois A. Virgile. Du nombre Imper.

LE TIERS LIVRE.

Hieremi-
as. Pour nous monstrier ceste heureuse Trinite/& felice repetition, le bon Prophe te Hieremias en son premier Chapistre nous a laisse exemple par escript, quāt il a dict, A.A.A. domie Deus, ecce, nescio loqui, quia puer ego sum. A.A.A. “
dit il, mō seigneur Dieu: tu vois que ie ne puis parler, pource que ie ne suis que vng enfant. Quant vng enfant naist, la premiere voix quil faict contiē en elle, se dit on, ceste lettre A. & a ceste cause noz bons peres Anciēs lont plustost mis se la premiere au renc des lettres, quilz nont mis ou M. ou S. ou quelque aultre de toutes les lettres. On porroit encores bailler beaucoup daultres bonnes rai-
Plutar-
che. sons a ce propos, mais qui en desirera scauoir a plain, sien life en Plutarche, In Symposiaciis. Decade nona, & il y porra cōtenter son esperit, fil est facile a “

A. est mis
pour co-
mācemēt
Lapoca-
lipse, **A.** est appelle en Grec Alpha, & est souuanteffois, tant en la saincte Escris-
pture, que es Poetes, mis pour commencement. Il ya au. XXI. & penulti-
me Chapistre de Lapocalipse. Ego sum Alpha & ω. Cest a dire en Latin. Ego “
sum initium & finis. Et en Francois. Je suis le commencement & la fin. Pareille “
ment au dernier Chapistre. Ego sum Alpha & ω. primus & nouissimus, princi- “
pium & finis. Je suis, dit il, Alpha & ω, cest a dire, ie suis le premier & le dernier “
ie suis le commencement & la fin. Alpha doncques est mis pour commence-
ment, & pource A, est mis le premier, en lordre des lettres Abecedaires, de la
Platon. quelle chose on peut veoir en Platon qui en dispute.

Lres abe-
cedaires
en Grec
seruent
pour si-
gnes de
nōbres, **I**l ya encores vne aultre raison segrete pour quoy Alpha signifie comman-
cemant. Et celle est que les Grecs content & font leurs nombres par leurs
lettres. Leurs dictes lettres, cōme aussi est faict en Hebreu, leur seruent de Chia-
fres, & signes de nombres a compter. Alpha. A. est mis pour le premier nom-
bre, & pour vng. Vita. B. est mis pour deux. Gamma. Γ. pour trois. Delta. Δ.
pour quatre. Epsilon. Ε. pour cinq, mais apres le dict Epsilon. ΣΤ. Cest a dire,
Sigma. Τα. ensemble sont interposez, & signifient six. Et puis Zita. Ζ. est mis
pour sept. Ita. Η. pour huit. Thita. Θ. pour neuf. Iota. Ι. pour dix. Apres
ce, Iota & Alpha. ΙΑ. ensemble, sont mis pour vnze. Iota & Vita. ΙΒ. pour
douze. Et consequamment ainsi des aultres lettres & certaines interpositions
que ielaisse pour breuete.

Alpha.
Martial. **A**lpha au Segond liure des Epigrammes de Martial est mis aussi, comme
est dict du nombre des lettres Grecques, pour principal & premier, ou il
ya en escript.

Quem non lacernis Publius meus vincit,
Non ipse Codrus. Alpha penulatorum.

Aufone. Aufone pareillement en ses Epigrammes, ou il escript, Ad Eunum pædago- “
gum Liguritorem, faict mention de Alpha, mais ie le lairray pource que ses pa- “
rolles sont impudiques, & viens a dire, que A. qui est autant que Alpha, & qui
est escript de mesme & semblable figure, est mis & loge le premier en lordre
Abecedaire, plustost & myculx que nulle aultre lettre.

A. vocale
Martia-
nus Ca-
pella. **A.** faict vne voix, & pource il est appelle vocale, & veult estre pronunce, cō-
me dit Martianus Capella en son Segond liure, De nuptijs Philologiæ,
Sub hiatu oris congruo solo spiritu. Il veult estre pronunce a bouche ouuerte,
avec vng esperit cōgru. Il peult estre syllabe, & aucunesfois diction, tant en La-
A. syllab-
be. tin quen Francois. Comme en disant en Latin. Nō auertas faciem tuam a me.
A. dictiō Et en Francois, On dit que llomme a vingt ans beau peult estre, Il doit aussi
a trente, fort aparostre,

A, aucunes fois est interiection & demōstrāce de l'affection que nous auons apres et auec luy la note d'aspiration, comme en disant auec Virgile.

A. interiection. Virgile.

» Hic inter densas corylos, modo namq; gemellos
» Spem gerens, ah, filice in nuda connixa reliquit,
Et en Francois.

» Ah fringans yeulx volages & mondains
» Voz fins regards vous font de ioye plains.

» Priscian en son Premier liure, ou il traicte, De accidentibus literæ. baille raison pour quoy l'aspiration est plustost mise apres la vocale A. en l'interiection Ah, que deuant: disant que l'enriere escripture est Aha, comme de Vaha Ses parol les par escript font comme il sensuyt. Queritur cur in Vah & Ah post vocales ponitur aspiratio: & dicimus quod apocopa facta est extremæ vocalis cui præponebatur aspiratio, nam perfecta Vaha & Aha sunt. Ideo abscissione facta extremæ vocalis, tamen aspiratio mansit ex superiore pendens vocali. Quia sumum est interiectionis voce abscondita proferri. Cest a dire. On demande, dit il, pour quoy en Vah & en Ah l'aspiration est mise apres la vocale / entendu que Vaha & Aha sont les vocables parfaicts: et a ce disons quil se y faict vne apocope, cest a dire, finale concision de la derniere vocale, en laissant pendre l'aspiration a la precedente. Car la propriete & nature de l'interiection est destre prononcee d'une voix absconse & stomaqueuse. Plaute, en sa Comedie nommee Mercator, a mis A, materiellement & pour vne lettre prinse en nombre, quant il a introduyt Demipho disant ainsi quil sensuyt. Hodie ire in ludum occæpi literarium Lysimache: ternas scio iam. A. M. O. Cest a dire. Lysimache, iay aujourdhuy commence a aller a l'escole, ie scay desia trois lettres. A. M. O.

Priscian.

Aha, & Vaha,

Plaute,

Ternas scio.

A. M. O.

LE A. assemble auec vne aultre vocale, faict vne Diphthongue. Cest a dire, vne syllabe contenant en soy deux vocales, & ce tāt en Grec quen Latin, mais en François ie treuve plus de deux vocales enſemble en vne syllabe & Diphthongue, cōme ie porrois facilement prouuer, si ie ne voulois passer oultre pour estre plus bref.

Auant touteſſois que ie procede plus oultre, ie veulx icy tresuoluntiers aduertir Imprimeurs & Eſcripuains sus ceste Diphthongue AE, & dire quelle veult estre escripte en maniere & facon que le A, & le E, soient separez par le chef, & adherens par la pointe dembas. Quant cest en lettre courante & nō maiuſcule, comme iay cy deuant dict, elles veullent bien estre ensemble & adheretes lune a laultre. En la quelle chose Forbenius, & quasi tous aultres Imprimeurs ont erre iusques a ce tēps cy, quāt ilz mettent A. & E. adherens & assemble en ceste facon, Æ, ou lung ne peult auec laultre ſās estre corrompu de ſa vraye forme & figure. Entendu que si le A, est droit assis, le E estant adherent au dict A, ſera renuerſe. Ou si le E. est droit assis, le A, pareillemēt adherent a le E. ſera auſſi reuerſe, & aura ſa premiere iābe hors deligne equilibree, qui est chose cōtre lart de la facon de lettre Attique, qui veult tousiours estre entiere & a la ligne perpendiculaire, sus ligne trauerſante & equilibree,


Entēdez icy nobles escriptuains & bons Imprimeurs

Raison tresmanifeste,




G.ij.

Quant le E. est droict assis en ligne equilibree, & que le A. luy est adherent en summit, le dict A. se treuve hors de la dicteligne equilibree, en la facon que voyez icy pres en des seing.



Doncques si vous voules bien escrire, & faire icelle Diphtongue de le A. & de le E. faites les en la forme et facon quil sensuit, & vous trouueres la raison estre bonne sans doubte aucune. Et si on vous replique que les aultres lettres veulent estre ainsi assises & situees lune ioignant a lautre, dites que non veulent, mais requerēt estre en grandeliberte loing a loing lune de lautre, le space dūg I. por le moigns entre les deux, & le A, estant en diphtongue avec le E. ne veult aucune espace intermise par la pointe de son pied, au quel le E. veult, comme iay dict, estre adherent.



Iereuiens a noz lettres, & les vois designer, escrire, & figurer toutes lune apres lautre, avec la bonne grace de nostre seigneur Dieu.

Le signe
de la
Croix.

Diuisiō
du Quar-
re equilat-
teral.

Bōnerai-
gle pour
faire lres,

Nous ferons doncques en la bonne heure, & au nom de Dieu, tout premierement vne Croix, qui sera, comme iay cy deuant dict, de deux lignes. Lune perpendiculaire, & lautre ligne diametrale & trauerfante equilibree, pour nous donner bon heur & commencement a entrer en noz lettres, & pour aider a les designer cōme y leur est requis selon Reigle & Cōpas. Icelle Croix veult estre aussi haulte que large, & aussi large que haulte, pour la loger en vng Quarre equilatral, dedans le quel ferons & designerons vne chascune lettre en son renc luy estant diuise iustement & precisement en vnze lignes perpendiculaires,

et aultres vnze lignes trauerfantes & equilibrees en Croix, qui rēdront en nombre cent petits Quarreaux equilatéraux, & dune grandeur, desquelz la largeur de lung, & du quel quon voudra, sera le modele & la certaine mesure de la largeur de la iam-


be en la lettre que voudrons faire entre deux lignes equidistantes & equilibrees selon le space entremise que nous y voudrons,

Car en gardāt nostre proportion & nombre des vnzelignes, nous pouons fai-

relse Attique tant
grande & tant pe-
tite quil nous
plaira. La
dictē croix
et le dict

Quarre veult estre en la forme qui sensuyt.

CROIX DE LIGNE LARENE ET PLACE
PERPENDICVLAIRE EXERCITATIVE A
ET EQVILIBREE EN FAIRE LETTRES AT-
TRAVERS EQVIAN- TIQUES DE NOMBRE
GVLAIRE. ET MESVRE.



I Eusse bien commence au point & a la ligne, qui sont comme iay dict cy de-
uant au commencement du Second liure, le fondement de toute figure en
commenluration, mais iay voulu commēcer la Croix, pour les causes que iay
dictes cy deuant. Le Quarre que voyez apres la dicte Croix, est larene & pla-
ce exercitatieue de nre studieuse designation a faire vne chacune de noz lettres
Attiques. Vous y voyez vnze lignes perpendiculaires, & autant de trauerfan-
tes en Croix, qui vous rendent dix fois dix petits Quarreaux, qui viennent en
nombre total a Cent. La largeur de lung, comme iay dict, est pour la largeur
de la iambe de la lettre que youldres faire. Et notez, que quant vous viendra
a plaisir vouloir faire lettre Attique, debuez auant toute chose, constituer vng
Quarre selon la haulteur que la pretendez faire, puis y signer vne croix au my-
lieu, & consequemment les aultres lignes tant dung coste que daultre en equi-
distante mesure, en sorte que ledict Quarre soit esgallement diuise, comme iay
dict, en vnze lignes perpendiculaires, & autant de trauerfantes. Ou si vous vou-
les myeulx faire: faictes vostre Croix, & puis autour d'elle vostre dict Quarre
diuise proportionnement comme iay ia plusieurs fois dict.


Norable
singulier
et tresbel
enseigne-
ment.

A Insi doncques sus vng Quarre, diuise comme dessus, ferons no-
stre premiere lettre, A. mais pour accorder a ce que iay escript
cy deuant, nous le ferons en trois sortes, qui seront trois
A. lung sera noir, & a lendroit, lautre sera blanc, &
a lenuers, & le tiers sera dung Compas & dune
reigle, qui est dicte en Latin Radius, pour
monstrer que toute lettre Atti-
que veult estre faicte au Cō-
pas, et a la Reigle.

Radius,

G.ij,

LE TIERS LIVRE.



Tel signe +.
est pour
asseoir le
pied cen-
trique du
Compas

A. est en
forme de
Cōpas.

Martia-
nus Ca-
pella.

Mention
des Ita-
liens.


Mention
des Da-
mes de
Lion.

Mention
des Da-
mes de
Paris.

LA lettre A, cy pres deux fois designée en son Quarre, & faicte de le I. seullement, est aussi large que haulte, Cest a scauoir de dix corps de largeur, & dix aultres de haulteur, contenus entre les vnze lignes tant perpendiculaires que trauesantes. A la bien faire, sont requis cinq tours de Compas, pour lesquels faire iay signe les lieux & centres de tel signe. +. ou le pied Centrique du Compas veult estre assis pour faire sa circūference. Oultre ce, notez que ie fais aussi icelluy signe +. hors du Quarre sus la ligne perpēdiculaire & mediane de laspiration H. de le I. de le O. de le S. de le X. & du .Z. non pour y asseoir le pied dudit Compas, mais pour monstrier que cest lendroit du summit dicelles dictes lettres qui sont quasi semblables en pied & en teste. Toutefois, il ya et doibt auoir differēce, excepte en le O. qui est tout vniforme en exterieuſe circunference. A. est en figure pyramidale & triangulaire ensuyuant raison naturelle. Nous voyons que choses edifiees en Pointe, sont plus constantes & durables que celles qui sont aussi larges en hault quen bas. Daultre part A. est aucunement en forme de Compas. Les deux pattes representent les deux pieds, & la sumite est pour la teste. Le trauesant trait dudit A. nous signifie vne reigle en segrete demōstration que a bien faire & designer lettres Attiques, le Cōpas et la Reigle y sont necessairement requis. Oultre plus A. a les iambes elargies et epattees, comme vng homme a ses pieds & iambes en marchant & passant oultre; pour nous signifier segretement que de luy qui est le premier en lordre abecedaire, fault proceder au B. au C. & a toutes les aultres lettres selon leur disposition & ordre. A. veult estre prononce apertement, & comme iay cy dessus dict, ou est allegue Martianus Capella. Sub hiatu oris cōgruo solo spiritu. La quelle chose les Italiens obseruent tresbien, tant en Latin quen leur vulgaire, au quel la pluspart de leurs dictions est terminee en A. Comme quāt ilz disent vna charita, vna bella dona, mya forella, & daultres vng millier. A la cause de quoy, pour la frequentation des dicts Italiens, qui est aux ferez & banquez de Lion, les dames Lionnoises prononcent gracieusement souuent A. pour E. quant elles disent. Choma vous choma chat affeta. & mille aultres motz semblables, que ie laisse pour breuete. Au contraire les Dames de Paris, en lieu de A prononcent E. bien souuent, quant elles disent. Mon mery est a la porte de Peris, ou il se faict peier. En lieu de dire. Mon mary est a la porte de Paris ou il se faict paier. Telle maniere de parler vient daconſtumece de ieunesse,

Les Anglois ont aussi ce vice de prononcer E. pour A. aumoings quāt ilz parlent en Latin, quant ilz disent. Domine kenis intreu t kemerem, & comedit totes kernes quæerent in erke. Iesus Merie. quid fecimus. En lieu de dire. Domine canis intrauit cameram, & comedit totas carnes quæerant in archa, Iesus Maria, quid facimus. Tel vice leur est excusable pour la difficulte de leur prononciation qui vient la pluspart du profond de leur gouzier en sortant a lestroit entre leurs dens. Qui voudra bien scauoir pronücer A. quil sefbate vng peu a lire au Second Liure dun Autheur nôme Galeotus Martius Narniensis, en son Liure intitule. De Homine, au lieu ou il parle. De literis. & il y trouuera bien a cler, & au long de sa deue pronüciation. quant il dit. A. ex duabus lineis constat, quæ suo contactu angulum constituūt acutum, spiritum ab vtraque parte palati emanantem indicant. Quæ vero per transuersum posita est, certam mensuram hiatus ostendit, quanto opus est in huius elementi enunciatione. Cest a dire. A. est faict de deux lignes qui sentretouchent par le bout den haut, & font vng angle agu. Et pource sont indice de la voix sortant dentre lune & lautre partie du pales & concauite superieure de la bouche. La ligne aussi qui est posee en trauers, monstre la certaine mesure de lhiation qui est requise a prononcer ceste lettre & vocale A. Donques le traict qui est en trauers dudict A. nous signifie quil veult estre prononce de la bouche nestant trop ouuerte, ne trop close.

LE Second A. que iay cy deuant promis, & faict a lenuers, comme le voyez en la figure cy pres designee, est faict en tout & par tout semblable au precedent, si non que la grosse iambe est en cestuy la premiere, & a lautre elle est la derniere. Gardes vous destre legiers decuyder quil ne soit a lenuers, car iay veu mains hōmes qui le faisoient ainsi a lenuers pour le precedent, qui est a lendroit. Cestuy cy est faict pour aider & bailler esperita Orfeüres & Graueurs, qui de leur burin, echope, ou aultre vtil grauent & taillēt lettre Attique a lenuers / & quō



Le A, a lenuers. pour Imprimeurs, Orfeüres, & Graueurs.

Bon notable.

dit a gauche, afin quelle se rencontre adroit quant elle sera imprimee & mise a sa droite & seine veue. Je lay faict tout a mon essient blanc, & son quarre noir au contraire de celluy qui est a droit, afin quon ne se y treuue abuse. Car comme iay dit, ien ay veu, & voy mains qui se y abusent. Auant que la lettre dimpression soit parachuteuee, elle est faicte deux fois a lenuers, & deux autres fois a lendroit. En la premiere fois a lenuers / sont les poincōs dacier, esquelz la lettre est toute a gauche. Les matrices ont la lettre a droit. La lettre destaing fondu / est comme les ia dits poincons, toute a lenuers. Puis finalement au papier imprime toute la lettre se rencontre a lendroit, & en sa veue requise a lire traictiement. Iauois oublie dire que la grosse iambe de le A. est de lun des dix corps de son quarre en largeur, & lautre iambe dun tiers. Le traict qui est trauerceāt / veult estre large des trois pars de la dicte grosse iambe comme pouuez veoir aux desseings cy deuant faicts & proportionnez.

Mension de la lettre dimpression,


Notable

LE TIERS LIVRE.

Le A. dū
Compas
& dune
Reigle.

Notable
du Com-
pas & de
la Reig-
le.

EN ensuyuāt mes dits, iay cy pres
designe & proportionne vng A. au
quel par bon accord vng Compas &
vne Reigle sōt figurez. ou si vous vou-
les autremēt dire, dittes que iay faict
dun Compas & dune Reigle vng A.
selon la secrecte doctrine des bōs An-
ciens, qui pour nous induyre a bien
faire lettre Attique, nous ont consti-
tue la premiere de leurs lettres en figu-
re & representatiō des deux vtilz tre-
scertais qui sont necessaires & requis
a bien faire non seulement lettre At-
tique, mais aussi bien lettre de forme
& toute autre. Entre tous les vtilz ma-
nuelz Le Compas est le Roy, & la
Reigle la Roynes. Cest a dire, les deux plus nobles & souuerains, & soubz les-
quelz, tous les autres vtilz, & toutes choses bien ordōnees / & deument faictes,
sont raisonnables.



Bon con-
seil,

Mention
des Ita-
liens.

Leonard
vince.
Donatel
Raphael
durbin,
Michel
Lange

IAurois icy couleur de dire & descrire les louanges & perfections du dict Cō-
pas & de la Reigle, mais ie le lairray pour quelque aultre plus studieux que
ie ne suis a y passer le temps. Ie nen diray pour ceste fois autre chose, si non que
iamais homme nescripura bien en lettre Attique/ ny en autre lettre, sans Cō-
pas ne sans reigle. & que en toutes choses ou il ny a deue proportion, qui
consiste soubz Compas & Reigle, Il ny a ordre ne raison. Parquoy doncques
seigneurs / & deuots amateurs de Sciēce aymes le Cōpas & la reigle, en vous
y recreant & exerçant pour cognoistre la raison & verite des bonnes choses.
Les italiens souuerains en Perspective, Painture, & Imagerie, ont tousiours le
Cōpas & la Reigle en la main, aussi sont ilz les pl^r parfaicts a reduyre au poit,
a representer le naturel, & a bien faire les ymbres quon sache en Chrestiente.
Ilz ont dauantage vne grace, quilz sont froids & studieux avec soubriete de
boyre, de menger, de parler legierement, & de ne eulx trop tost trouuer en com-
paignye, en quoy faisant ilz aprēnent plus seurement, & myeux, & se donnēt
reputation, quilz nestiment pas petite chose. Nous nauons pas tant de telles
belles vertus en cest endroit quilz ont, aussi nen voyons nous par deſſa qui so-
ient a cōparer a feu Messire Leonard Vice, a Donatel, a Raphael durbin, ny a
Michel lange. Ie ne veulx pas dire quil ny aye entre nous de beaulx & bons
esperits, mais encores ya Il faulte de continuer le Compas & la Reigle.

Recapi-
tulation,

IE reuiens a mon A. faict dū Compas & dune reigle, & prie les lisans en ce
petit Oeuure quilz ne pencent point que ie laye ainsi excogite & faict pour
leur en faire vng resbus / & les y faire resuer, mais pour les cōseiller par dits rai-
sonables, & pour leur mōstrer au doit & a loeil que la vraye lettre Attique, cō-
me iay dit, veult estre necessairement faicte a la Reigle & au Compas.

AVant que ie procede a venir descrire & faire la Segōde lettre Abecedai-
re, qui est le B. Ie veulx icy conclure & dire, comme iay dit desia cy deuant,
que A. estant bien faict en son art, veulx auoir sa iambe droite / grosse de la di-
xieme partie de sa haulteur, qui est la largeur dun des dix corps contenus entre

les vnzelignes faictes & proportionnees en son Quarre, & nō pas de la neuuiesme partie de sa haulteur, comme dit frere Lucas Paciulus du bourg saint Se- pulchre en la Diuina proportionne quil dict auoir faicte. Ses ppres paroles sont en vulgar Italien comme il sensuyt.

Frere Lucas Paciulus.

Q Vesta letera A. si caua del tondo, e del suo quadro. La gamba da man dritta vol esser grossa de le noue parti luna de la teza.

Lāgage Vulgaire en Italiē.


C Est a dire en francois. Ceste lettre A. se tire de son rond & de son quarre. La iābe de la main droite veult estre grosse de lune des neufz parties de sa haulteur Il ne deuise son quarre quen neuf parties. & nen baille encores point de raison. parquoy soubz correction me semble quil en parle comme clerc darmes, en errant tout a la premiere lettre, & par ainsi aussi a toutes les autres. Iay entendu que tout ce quil en a faict il a prins secretemēt de feu Messire Leonard Vince, qui estoit grāt Mathematicien, Paintre, & Imageur. Sigismunde Fante noble Ferrarien qui comme iay dit cy deuant sefforce enseigner escripre diuerses sortes de lettres, ne baille point de raison de la proportion de sesditez diuerses sortes de lettres, & mesinement de la lettre Antique. Aussi a il erre en le A. en le E, en le L. Au. Q. S. T. & en le X. qui ne sont faicts de mesure ne de facon comme ilz requerent. Le bon oeil du scauant & studieux homme le porra facilement cognoistre au liure que le dit Sigismūde a faict imprimer, & intitule, **T H E S A V R O D E S C R I T T O R I.**

Leonard Vince. Sigismūde de Fante Ferrariē.

I Ay diuise mon dict Quarre en dix parties que iappelle Corps cōtenuz entre vnze lignes tant perpendiculaires que trauerceantes, & en ay assigne les raisons ia pieſsa au Second Liure en plusieurs passages, quant ie parlois des neuf Muses & leur Apollo qui faict le dixiesme. Si iay bien dit ou non, Ie men raporte aux bons estudiens & Philosophes tant naturelz que poetiques. Ie ne me veulx pas preferer aux Italiēs. mais ien ay dit ce quil men semble pour esueiller bons esperits a myeux faire si leur plaist & silz peuuent. Oultre tout ce que iay dit du myen, Notez que pour les arondicemens des bouts des iambes tant en sūmit quē bas, & pour faire les pāses des lettres ie fays vng tel signe +, pour monstrier le lieu ou doit estre assis le pied centrique du Compas a faire les dits arondissemens & penſes, & ce tant par dedans que par dehors les lettres. comme iay signe au premier A. abecedaire de cetrouisiesme liure, qui en a vng en teste, & quarre aux deux pattes. Lesudit Paciulus nē a dit mot, ny autre autheur que iaye veu ne ouy. Quant ie diray cy apres. Ceste lettre cy est faicte de tāt de centres, ou de tant, ce sera a dire quil y fauldra autant de fois asseoir le Cōpas a y faire circonférence interieure ou exterieure accordās & adherens aux lignes droites ou brisees qui y escherront debuoir estre faictes,

Raīson, trescertaine,

Notable repete, pour les lieux a asseoir le Compas a faire lettre Attiques. Autre notable,



Martianus
Capella,
B. Vita.

Mention
des Gascons,

Mi, ante
Pi.

P. en B.
B. en V.
consone.
Mention
des Gascons.


Mention
des Alemans,

LA lettre B. cy pres designée, & faicte de le I. & de le O, est de dix corps de haulteur, & de sept de largeur arondye tant dedás que dehors par sept circonférences, & pource y ay ie signe sept petites telles croix + pour y asseoir au centre le pied du Compas a les faire. Lapense dembas veult estre plus grande que la haulte dun corps, & la briseure veult estre assize sus la ligne diametrale du quarre, comme a toutes les autres lettres ensuyuantes. Aucuns Anciens faisoient le B. de six tours de Compas seulement, comme ie vous ay faict cy pres le B. Noir, en le ayant laisse au bas de la iambe en la grande panse, sans arondissement & tour de compas. Faictes le y rond ou quarre comme il vous plaira. B. dit Martian⁹ Capella en son troisieme liure. De nuptijs Philologia, Labris per spiritus impetū reclusis dicimus. Nous pronūceōs, ou debuons pronūcer le B. de noz leſres sentreouurans de la force de lyssue de nostre alaine. B. en Grec, est dict vita, & y est pnūce cōme vng V. cōsone. quāt ilz disent. ΒΑΡΒΑΡΟΣ. Varuāros. ΒΑΒΑΙ. Vauæ. La quelle pronūciation les Gascons tiennent en leur langage en beaucoup de dictions. comme quant ilz veulent dire. Iay beu de bon vin, Ilz disent. Iay veu de von bin. Pareillement en Latin. Nō in solo pane bibit homo, pour, viuīt homo. Et en ce disant le sens est bien souuāt peruerſy selon le bon francois, & selon le Latin, comme voyez aux dits exemples alleguez, ou il ya pour iay beu, iay veu, & pour viuīt, bibīt. Ilz font beaucoup dautres incongruytes, comme quāt ilz disent, Vng veau bieillard, pour, vng beau vieillard. En lieu de le V. consone ilz disent. B, & en lieu de B, V. cōsone. Quāt My en grec, cest a dire, M, est deuant Pi. cest a dire deuant. P, le Pi. est pronūce cōme les Latins & nous pnūceōs le B. Iceulx Grecs escripuēt. ΛΑΜΠΑΣ. & ΠΕΜΠΩ. par Pi. & pronūcent Lambas, & Penbo. Les Gascons ne pronūcent seulement B. pour V, consone, en francois, mais pareillement en Latin, comme quant ilz disent. Vona dies. pour. Bona dies.. Bibat Faustus, pour Viuat Faustus. Beni ad me & viues, pour, Veni ad me/ & bibes. a loccalion de ce quilz ont le V. consone en si frequēte locution. Il semble que les Latins les appellent plustost vascones par V. que Gascones, pour en dōner secretemēt quelque intelligence.

I Ay veu des Alemans aussi qui pronuncoient P, pour B. quāt ilz parloient en francois. comme voulār dire. Vela yne bien belle & bonne beste, Ilz disoient, Vela yne pien pelle & ponne peste. Ce yicela leur est ordinaire.

IE passeoultre, & viens a vouloir tenir ma promesse, en la quelle ay dit a la fin du Segond liure, que pour mōstrer que toutes noz lettres Attiques, sont faictes de le I, & de le O. Je designerois vng B, en sorte quon les y porroit cognoistre. La figure sera telle quil sensuyt,


ON peut veoir en ceste presente figure & descing commant ainsi que iay dit par plusieurs fois cy dessus, le I, & le O. & principalement le I. sont le modele, & les deux lettres desqueles toutes les autres Attiques sont faictes & formees, En ce B, cy pres, voyez que la iambe droicte est vng I. que iay laisse en blanc, pour le monstrier plus clerement. & pareillement le O, en la panse dembas est blanc, le reste du B, est noir tellement que si vous lons amplier le I, & le O. blās, de noir, Ilz rendront le B, entier & parfaict, en laissant vng peu de la panse de le O qui est interieure adherete au pied du dict I. blanc.




A Faire ceste ditte figure & descing, fault vnze cētres pour asseoir le pied du Compas a y faire les circonferences, lesquelz centres iay signez aux lieux ou ilz doibuent estre faicts en leurs quarre. Au B. noir que iay faict cy deuant, nen ya que six, qui luy sont requis, mais en cestuy cy, en ya dauantage, a cause de le dit I, & de le O, qui y ont leur tour & figure entiere sans preiudice du B, qui en est faict & forme. Et pource doncques que a ceste heure voyons le dit I, & le O, estre modele des autres lettres, en signe de ioye. Dicite Io Pæan, & Io bis dicite Pæan. Nō semel dicatis Io triumpho. Io Io, dicatis Io Io dulces honores meriaci.

Tandis que la ioyeuse chanson resonnera, ie men viendray a la lettre C, & la designeray en la forme qui sensuyt,

Notable pour nōs bre de cēs tres.
Dittez Io, en signe de ioye.
Belle chanson,



LA lettre C. cy pres faicte en son quarre & proportion estant de la haulteur de le A, & B. deuât faicts, est faicte de le O. brise, & a seullemēt neuf corps de largeur. Le Compas y requiert six centres pour la rendre faicte en sa totale circonference, Notez quil est seulement faict des ia dictz six tours de Compas & deux traicts. le traict de dessus a perpendicule & a plomb, le traict dembas, en oublique, & angle finissant en agu. Aucuns le font a pointe ague en bas, & pour icelle faire conuient asseoir le Compas sus le summit de la septiesme ligne & le estandre iusques au bas du rond interieur en circonference, comme pouuez veoir en la figure cy pres faicte & deseignee,



Le C. est
lettre la-
tine.
Priscian.
Martianus
Capella,

LE C, est lettre purement Latine, car les Grecs en lieu du C. ont Cappa. k. Le quel Cappa. K. les Latins ont vsurpe, & Priscian dit que les dictz Latins lont comme leltre superuacue & dabundance, quant il dit en son premier liure ou il traite. De literarum potestate. K. superuacua est, vt supra dixim⁹, quæ quanuis scribatur nullam aliam vim habet quam C. Cest a dire. K. est leltre superuacue, comme auons dit cy dessus, la quelle, combien quelle soit escripte, si na elle autre vertus que C. Les Grecs escriuent. ΚΑΚΟΣ, & ΚΩΚΥΤΟΣ. & les Latins Cacus & Cocytus, C. Comme dit Martianus Capella super molaribus

linguae extrema appulsis exprimitur. Elle veult estre pronũcée, & exprimee en heurtant des deux costes de la lãgue contre les grosses dents, qu'on dit mäsche-
 lieres. Les Anciẽs Latins bien souuent en lieu de C. escripuoient Q. comme en
 escripuät QVVR, & QVOI. pour Cur, & Cui. Ilz escripuoient aussi aucunes
 fois ceste syllabe CE, a la fin de tous les Cas des Pronoms demonstratifz com-
 mancẽs par aspiratiõ. cõme en HICCE. HAECCE, HOCCE, & les Poẽs
 tes en ostoient le E, final, & nescripuoient que HICC, HAEC, HOC, QVOI.
 comme Virgile a faict, quant il a dict. Hocer erat alma parens quod me per tela
 per hostes Eripis. Hocer, audiẽt lieu allegue, est mis cõme si le O. estoit long en
 quãtite de syllabe par la position de deux CC estans apres luy. Priscian en est
 tesmoing en son. XII. liure, ou il traicte De figura pronominu. quãt il dit. Ce,
 quõq; solebant per oẽs casus vetustissimi addere articularibus/vel demonstrati-
 uis Pronominibus, hoc est ab aspiratione incipiẽtibus. vt hicce, hæcce, hocce,
 vnde hoc quasi duabus consonantibus CC. sequẽtibus Poetæ solent producere.
 vt Hoc erat alma parẽs, quod me per tela per hostes Eripis. Et sic in antiquissi-
 mis codicibus inueniẽt bis c; scriptũ. quomodo & apud Terentium in Andria.
 Hoccine est credibile, aut memorabile.

Escriptus
 re atique
 QVVR.
 CE, sylla
 bique, ad
 iection
 antique.
 Priscian,

Virgile.
 Terence.

Les Italiens de leur bonne costume prononcent le C. mol, & quasi comme
 si la syllabe ou il est, estoit escripte avec aspiration H. tant en Latin quen
 leur vulgar. Et ce seulement deuant deux vocales E. & I. & deuant la Diphtõ-
 gue AE, en Latin. Ilz escriuent. Ma done Felice a vna cicatrice, & ilz pronũ-
 cent. Ma done Feliche a vna chicatrice. En latin ilz escripuẽt. Cæsar, Celius,
 et Cicero. & pronũcent. Chæsar, Chelius, & Chichero. La quelle chose nous
 negardons pas en nostre prononciation de lãgage Frãcois, ne de Latin. Tou-
 tesfois les Picards y sont fort bien vñtez en beaucoup de vocables de leur langa-
 ge. Comme quant ilz veulent dire Cela, Cecy. ilz prononcẽt Chela, & Che-
 chy, comme syl y auoit en lorthographe vne aspiration. H. deuant la vocale E.
 et deuant I. Au contraire, la ou le bon Frãcois escript & prononce la dicte aspi-
 ration H. deuant C. & O. comme en disant Chanoine, & Chose. le Picard dit,
 Canoine, & Cose. Le Francois dit, vng Chien, vng Chat, & vne Mouche,
 et le Picard prononce, vng Quien, vng Cat, & vne Mouque. Le dict Picard
 prononce le C. deuant V, comme nous. en disant. Cuydez vous q̃ ie soye Cra-
 pot deauẽ sans y faire signe daspiration. Toutefois il dit De chu monde, en
 escriuant & prononceant laspiration H. deuant le dict V. En latin il prononce
 le C. myeulx que ne faisons, car il le pronũce gras/ & comme aspire, mais il ne
 lescript pas aspire. Il dit Amiche, & Sochie, Chichero erat pater eloquentiæ.
 mais il escript bien Amice, & socie, Cicero erat pater eloquentiæ. Entre toutes
 les nations de France, le Picard pronũce tresbien le C. Et pour en tesmoigner
 myeulx, pour la singularite du langage, & de sa prononciation, aussi pour la di-
 uine voyne du factiste & Poete Picard qui la faict, ie veulx icy alleguer & escri-
 re vng Epitaphe en langage Picard, ou ie croy quon trouuera de la grace.

Mension
 des Ita-
 liens.
 Notable
 singulier,

Mension
 des Pi-
 cards,

Le Pi-
 card pro-
 nũce tres-
 biẽle C,

Epitaphe antique en langage Picard, quõ voit escript, se ma on dict,
 au grant Semetire sainct Denis, a la noble Cite de Amyens.

Soubz moy pierre
 Chigist Pierre
 De Machy
 Quon a chi
 Mort bonte
 Se bonte
 Dieu luy fache

Epita-
 phe en lã-
 gage Pi-
 card,

LE TIERS LIVRE.

Veoir en fache
 Selpouſee
 Eſtpoſee
 Chi empres
 Qui apres
 Trefpaſſa
 Et paſſa
 De chu monde
 Dieu la monde.
 Tant veſquirent
 Quilz acquirent
 Vnze enfans,
 Bruns, blondz, blancs.
 Or ſont morts
 Tous ches corps
 Qui poriffent
 Vers noriffent
 Et attendent
 Quilz reprennent
 Soubz chez lames
 Corps & ames
 Pour aller
 Et voler
 Es ſaincts chieux
 Che doit Dieux,
 Amen.

I Ay eſcript laſpiration h. aux lieux de ce dict Epitaphe, pour monſtrer com-
 mant le Picard pronunce le C, mol deuant E, & I, cōme font les Italiens.


Reigle
 de Grain
 maire.
 Virgile.

Ca ceſte vertus entre toutes les aultres Mutes, quelle fait la Vocale qui la
 precede en Syllabe Latine eſtre longue en quantite Metrique, comme en
 Hoc, hac, ſic, & hic quant il eſt aduerbe. Car quant il eſt Pronom, il peult eſtre
 bref, cōme il y a a la fin du Sixieſme liure des Eneides de Virgile, ou il ē eſcript
 Hic vir hic eſt, tibi quem promitti ſæpius audis.

C, deuant O. en pronunciation & langage Francois, aucuneſſois eſt ſolide,
 cōme en diſant Coquin, coquard, coq, coquillard. Aucuneſſois eſt exile,
 comme en diſant Garcon, macon, facon, francois, & aultres ſemblables.

Notable
 ſingulier,

A Vlcuns deſignent & font le C. comme ſi ceſtoit le O. cou-
 ape par la paſſe de la main droite ſans lentre ouvrir, mais
 comme ien ay veu en Rōme de bien Antique,
 ie lentreouure par embas, en luy rendant
 vne queue ſubtile qui luy donne
 grace et eſperit.



LA lettre D, cy pres designée, & faicte de le I. & de le O, a cinq centres cōmunemēt, & selon aucuns Anciens a quatre seulement, & ce en faisant le bas de la iambe au dedens en angle equilateral. cōme ont voit cy pres en la lettre D. qui est noire. D, est aussi large que haulte touchant de ses extremities aux quatre lignes extremes de son quarre. Je dis de rechef quelle est faicte de le I, et de le O. cōme ie porrois bien designer, mais ce sera pour y exercer ceulx qui y voudront prendre esbat. Je lay monstre cy dessus au B. pour ouvrir la voye a ceulx qui sont de bonne volonte. Il suffira dicy en auant quant ie diray. Ceste lettre, ou ceste la, est faicte de le I, & de le O, ensemble, ou de le I, seulement, ou de le O. Les Latins l'ont figuree a leur plaisir, cōme leur C. Car en Grec elle est iustement triangulaire, & appelee Delta. Les Grecs ont eu ce dict Delta en si grande extime quilz l'ont faict triangulaire, pour memoire de l'excellence de Lisle aussi triāgulaire que le Nile fleuve miraculeux Degype faict au lieu ou est Memphis: & pour la figure de Sicile, qui est dicte des Grecs Triquetra. cest a dire, aiant trois mōts faisant trois coings & angles. Pareillemēt pour le par-taige du Mōde qui fut diuise des tres Anciēns en trois parties. Asie, Afrique, & Europe. Ilz l'ont, disie, heue en si grande reuerence, quilz l'ont colloquee entre les signes celestes, & l'ont appelee, Deltoton, cōme Higine le mōstre bien en son liure Dastronomie poetique, quāt il dit. Deltoton est sidus velut litera græca in triāgulo posita. Itaq; sic appellat. Mercurius supra caput Arietis statuisset, & Iouis noie, græce Διοσ. primā literā deformaret. Nōnulli Aegypti positionem, Alij qua Nilus terminaret Aethiopiā esse & Aegyptū dixerūt. Alij Siciliam figuratā putauerūt. Alij quod Orbē terrarū superiores trifariā diuiserūt, tres angulos esse cōstitutos dixerūt. Ilz ont faicte triangulaire, pour secretemēt denoter q̄ sa figure est vne des plus nobles & notables de Geometrie & cōmen-suration, & qui est tres requisite a designer & faire les lettres. Les Latins l'ont figuree droite par deuāt comme vng I. & ronde par derriere cōme vng O. pour monstre q̄lle veult estre pronūcee en frapāt de la langue contre les dens de deuant, & ce Martianus Capella le tesmoigne quāt il dit. D. appulsu linguæ circa superiores dētes innascit. Iay veu en Rōme, a la Sapience, cest a dire a l'escole publique, & en beaucoup d'autres lieux par l'Italie, maints scauāns personages la prononcer comme si elle auoit vng E. escript apres elle, quāt ilz vouloient dire Quid, quod, aliquid, ilz pronuncoient, Quidē, quodē, aliquidē. Et cela est a di-

Notable

D. est let-
tre pure-
ment La-
tine.
Delta.
Le Nile,
Sicile.
Triātra.
Deltotō.
Higine.

Le trian-
gle ē vne
des plus no-
bles figu-
res de Ge-
ometrie.
Martian-
us Cap-
ella.
Mention
des Ita-
liens,

H.ij.


LE TIERS LIVRE.

re que la debuons prononcer de l'impetuofite de nostre langue faspant contre
noz dens de deuant. Ilz prononcent le **T**. auffi comme fil auoit **E**. eſcript a ſa
queue, en diſant: Capute, Sincipute. pour Caput, & Sinciput. Amaute, do-
cuite. pour Amauit, & docuit. Pareillemēt mille aultres ſéblales. Je voudrois q̃
fuſſions auffi diligens a acouſtumer noz enfans a bien prononcer, que ſont les

Menſion
des An-
ciens La-
tins.
Terèce.
Prüſcian.

dictz Italiens, ce nous ſeroit vng grant plaifir, & honneur. Les Anciē
Latins eſcipoient **V**. pour **E**. deuant **ND**, es Gerundifz & Partici-
pes venans de la Tierce Coniugation. quant ilz diſoient, Scri-
bundis, & Legundis. pour Scribendis, & Legendis. Teren-
ce a dict. In ſcribundis fabulis operam abutitur. Pri-
ſcian en eſt téſmoing en ſon premier liure, quant
il dict. Apud antiquiſſimos quoties **ND**. ſe-
quantur in his quæ a Tertia Couiuga-
tione naſcuntur loco **E**, **V**, ſcriptū
inuenimus. Vt faciundum, le-
gundum, dicundū, ver-
tundū. pro faciēdū,
legendū, dicen-
dum, ver-
tendū.

“
“
“
“
“
“
“



LA lettre E. cy pres designée, faicte de le I. seullement, & de la quelle le F. & le L. peuuent estre tirez, est la seconde vocale en lordre Abecedaire Greque & Latine, de semblable figure & proportion tât audict Grec quen Latin. En lettre de Forme, ou Bastarde, elle veult estre autrement faicte. Les Latins l'ont vsurpee des Grecs, comme quasi toutes les aultres lettres. Elle est de sept corps & demy de largeur, & veult auoir sept cêtres pour estre faicte en son entier. comme ie les ay signez en leur lieu pour y asseoir le pied du Cōpas. Aucuns Anciens la designent, & font en bas au dedans de la patte sans arondissement, & a la ligne equiangulaire : comme ie lay figuree cy dessus & pres, en la lettre E. noire. Martianus Capella dit. E, spirit⁹ facit lingua paululū pressiore. E. dit il, est pronunce en tenant nostre langue libree entre nostre palaix & concanuite superieure, & le fons de nostre bouche, en faisant sortir nostre voix tout doucement. Iay escript cy dessus commant les Dames Lionnoises prononcēt souuant A. pour E. Pareillement les Normans E. pour O Y. & en ay baille exemple, ie treuue en oultre que le Picard dit V. pour E. et le pronūce cōme aspiere, en disant. Chu garchon. pour Ce garchon. Les Lorains, & les Ecossois en parlant en langage Francois, au moins en y cuidāt parler, laissent quasi tousiours a prononcer le E, quant il est a la fin des dictions. Les Lorains disent. Sus lherbet, De ma muset, Vne chansonet, Ay dict mon comper, Ma comer, Ioliet, Et frisque, quen dictes vous? en lieu de dire. Sus lherbere, de ma musete, vne chanssonete, Ay dict mon compere, Ma comere ioliete, Et frisque, Quen dictes vous? Item si veulent dire Simone, ilz prononcēt Simon. Lionne, Lion. Bone, Bon. qui est vice en Frācois, selō lart du Latin, qui ne veult quon mette ne dye le genre masculin pour le femynin. ou on commettrait le vice de Barbarisme, qui n'est receuable en bon langage. Les Ecossois disent. Mon per et ma mer, & mes deux seurs Robin & Caterin mont escript vng pair de letr. En lieu de debuoir dire. Mon pere, & ma mere, & mes deux seurs Robine & Caterine mōt escript vne paire de lettres. Mais tel vice leur est a excuser, pour lignorāce quilz ont du lāgage Frācois, & pour la difficulte de leur acostumee pnunciatiō en leur langage maternel. Il peult estre beaucoup de telles abusives pnūciatiōs q̄ ie laisse a plus scauās q̄ moy, pour les rediger par escript & bōne memoire, & viens aux Latins qui disoient ancienement, non pas du tout cōme le Picard, E, pour V, quāt ilz disoient & escripuoient Auger & Augerat⁹,

Martianus Capella.
Mensior des Lionnoises.
Anglois.
Normans.
& Picards.
V. pour E.
Mensior des Lorains & des Ecois.
Mensior des anciens Latins

LE TIERS LIVRE.

Auger. pour, Augur, & Auguratus. Priscian en est trefmoing en son premier liure, au
Augeras Chapitres De literarum commutatione, quant il dit. In E. transit V. vt P ondu
tus. ponderis. Deierat, Peierat. pro Deiurat, Peiurat. Labrum, Labellum. Sacru,
Priscian. Sacellum. Antiqui Auger, & Augeratus. pro Augur, & Auguratus dicebant.

Lau-
theur du
Liure du
ieu des
Eschetz,
E. a trois diuers sons en pronuntiatiō & Rithme Francoise, cōme L auteur
du liure du ieu des Escheatz lenseigne trefelegamment au Chapitre ou il
traicte de la qualite des Rithmes, quant il dict ainsi quil sensuyt. Nous debuōs
scauoir que ce voyeu qui est appelle E. peult varier son son, ou estre prononce
en trois manieres, combien que nous auons vne seule figure, ou vne seule
lettre qui nous presente toutes ces trois manieres. La pmiere maniere est quant
on le prononce en son droit son parfait principal & premier comme nous le
nommons communement, cōme quant nous disons beaulte, ou loyaulte. La
segondemaniere est, quant en le prononceant on lesonge sus coste du droit
son dessusdict, Si comme quant nous disons Matinee, ou Robine, & telz sem-
blables motz. Et en ces deux cas cy, le voyeu dessusdict fait varier le nombre
et la mesure de la Rithme, pource que le son est en soy plain & parfait. Et par
ainsi il tient & occupe le lieu dune syllabe entiere. Et la tierce maniere est, quāt
en prononceant le voyeu dessusdict, il ne sonne pas bien le voyeu ains flue,
& pert aussi comme son son. Comme quant nous disons Nature, Creatu-
re, Villennie, ou Felonnie. & ainsi en moult de diuerses manieres. Et en ce cas
le voyeu dessusdict ainsi prononce, ne fait point varier le nombre des syllabes
de deuant, ne la mesure. Et toutes ces trois manieres de ptoferer E. aucunelfois
se monstrent en vng mot seulement, si comme, si on disoit. Le ciel est bien estel
le. Cest fin or esmere. Et plusieurs aultres semblables motz.

E. bien proportionne & escript, contient en soy F. & L. Si vous
voules faire vne F. de le E. ostes le traict de la patte dembas de
vostre E. & la dicte F. demorera faicte. Si en voles faire le L.
ostes dudiect E. les deux traicts denhaut, & elle demorera
comme il luy appartient a son naturel vray Art. Vous
porres cognoistre cecy en vous y exerçant & en
traictant le Compas & la Reigle, cōme il est
requis a ceulx qui ayment les bōnes Sci-
ences. Toutefois pour vous sola-
cer de peine, ie vous en ay fait
vng deseing icy pres, afin q
puissies myeulx cognoi-
stre mes dictz estre
cōme ie les vous
ay signifiez et
baillez p
escript.



Quant Virgile dist en ses Priapees.
E D, si iungas, temonein; insuper addas,
 Qui medium D, vult scindere/pictus erit.


Virgile,

Il nentédoit pas selon sa fantasie, & selon son propos & intelligence que E. deüst estre faict de le I, comme iay dit & enseigne, mais bien autrement que ie scay bien, & toutefois ie me deporteray le declarer, pource que la chose y entendue/est impudique, le laissant scauoir a ceulx qui le scauēt. & fantasier ou de prifer aux non chalans de le scauoir. Ien ay bien voulu toucher vng mot en passant, pource quil semble que le dit Virgile veille enseigner a escrire & faire le E, & le D, quant il dit, E D, si iungas, mais non faict, & pourtant ne vous y arefiez.

NOtez en passant que la plus grande part des dictions françoises contiennent en elles plus souuant la vocale E. que nulle autre vocale ne lettre, comme il est manifeste en escriuant ou en lisant liures en langage françois.

E, Ayant deuant luy vne aspiration. h. peut estre indice & interiection de quelque affection de nostre volunte. & ce tant en Latin quen nostre françois. Priscian est tesmoing pour le Latin quant il dit a la fin du quinzième liure, ou il traite. De Interiectione. Inter has ponunt etiā sonituum illiteratōrū imitationes, Vt risus. Haha, hehe, & Phi, Hae, & hoe, & hau. Pour exemple en françois. Je remets le bon estudiant a Maître Pierre Patelin, & aux autres bons auteurs en françois.

Priscian.
 Mention
 des inter
 iections.



LA lettre F, cy pres designée, faicte de le I. & tirée de le E, est de six corps de largeur précisément, & veult auoir six centres pour estre bien faicte, lesquelz iay signez en leurs lieux en les faisant a ce requis. Iescrips raisonnablement en ce Liure par plusieurs passages, q̄ toute lettre Attique veult estre plus large en chief que en pied, mais on me porroit alleguer & dire que le F. le P. le T. le V. & le ypsilon. sont contre ma raison. a quoy ie responds, que iay bien fonde mes dits. considere & entendu que celsdictes lettres F. P. T. V. & Y. ne sōt pas lettres primitives ne delles mesmes. mais lettres tirees daultre lettres. cōme le F. de le E, Le P. du B. le T. de laspiratiō, le V. du lambda lettre Grecq̄ torne de dessus en soubz & le Y. est tire de le X. cōme porrezvoir sil vous plaist vous y exercer. F. est ditte Digamma æolicum au Premier liure de Priscian en braucop de lieux, pource quelle a este figuree & faicte de deux Gamma. lettre Grecque mis & escript lun sus lautre en ceste facon Γ . Digamma est a dire deux Gāma, ou deux fois Gamma. Gāma en Grec est la lettre pour & au lieu de la quelle Les Latins & nous auons G, mais il ya difference en la figure de lune lettre a lautre. Car le Gamma veult estre faict comme vne L, ayant sa patte dembas tournée en hault, en ceste facon. Γ . Le G. est tout autrement faict, & pource est il purement lettre Latine. Donques quant il ya vng Gamma droit assis sus vng autre Gamma, ce sera nostre lettre F. qui est comme iay dit, appelee en Priscian & autres bons auteurs, Digamma. Dauantage, elle est ditte Digamma æolicum, pource que les Eoliens qui estoient vne des plus nobles nations de Grece lauoiēt en frequent vsage, mesmement les Poetes, comme le dit Priscian le tesmoigne en son dit premier liure quant il allegue le poete Alcman. disant. $\kappa\alpha\iota\ \chi\epsilon\iota\mu\alpha\ \pi\upsilon\gamma\tau\epsilon\ \delta\alpha\gamma\mu\alpha$. & quant il allegue Lepigramme quil veit & leut en vne table de la seiche vallee pres Cōstātinoble, La q̄lle seiche vallee, il appelle en Grec. $\chi\epsilon\rho\omicron\lambda\omicron\phi\omicron\nu$. En lepitaube estoit ainsi. $\omicron\gamma\upsilon\alpha\gamma\omicron\nu\ \delta\eta\mu\alpha\gamma\omicron\nu\ \sigma\alpha\gamma\alpha\chi\alpha\gamma\omicron\nu$. Ietreuue queles bien Anciēs Latins escriuoient souuant F, en lieu de le V. estant consone. Comme en disant, Folfo, & Fifo, pour Voluo, & viuo. Cōme on peut voir. En lancien Epitaphe trouuee a Lion, sub vincis.

Priscian,
Digāma
æolicum.

L, tor-
nee est
vng Gā-
ma.
Gamma
assis sus
vng au-
tre Gam-
ma est
vne F.
Priscian.
Alcman.
Mension
des La-
tins.
F. pour
consone.

LE DICT EPITAPHE, COM-
ME ON MA DICT, EST
TEL QVIL S ENSVIT.


ALIARTOS .F. GELIDVS OPTVMVS
 INSVLANVS QVOI MAXVMA VIRTVS.
 HAIC LABOR BACCHICOLAI
 QVAE CASTOR APVD ME CYMNERIIS
 IN TENEBRIS CONDITA IACENT,
 CAECVTIENTEIS OMNEIS
 NOSTRATEIS
 PRAITEREVNT. AGEDVM SAXA
 LABORE FOLFITE HERCVLEO.
 COMMVNIS EST MERCVRIVS, ET
 DEXTRO HERCVLE IVPPITERIS
 SENISSIMI CEREBRVN EFFODIETIS,
 NIHIL SACRVN, CVLMOS
 EXCVTIETIS
 NAVCIFACIENDOS QVOM APYNAE
 SINT ET TRICAE. AT AEDEPOL
 KOINA φΙΛΩΝ ΠΑΝΤΑ.
 ANNO MILLENO SEPTENO,
 NEOMENIIS ROMANIS.

Epitaphes Ancien trouuea Lió.

Il ya ace propos Folfite .quant il dit . Agedum, saxa labore folfite herculeo.
 On en peut veoir beaucoup dautres exemples au liure des Epitaphes de Lanciene Róme. Que iay veu imprimer au temps que iestoye en la dicte Romme,

„ **L** Es Alemans ont ceste coustume de pronunciation, & non en escripture, de dire, & profeter F, pour V. consone, aumoings quant ilz parlent en Latin. des Alemans,
 „ Silz voloient dire. Ego bibi vinum vetus. Ilz pronunceroient. Eio bibi finum mans, fetus. & ceste maniere de pronuncer leur est propre & commune, car les Latins quilz doibuent ensuyure, ne le pronuncent pas ainsi. Il semble que lesdits Alemans maintiennent telle pronunciation, pource que Priscian a laissé par escript Priscian, en son premier liure. Habet autem hæc F, litera hunc sonum quem nunc habet V, loco consonantis posita,

„ **A** Bien pronuncer. F. Martianus Capella nous lenseigne quant il dit. F. den Martias
 „ tes labrum inferius deprimentes lingua palatoq; dulcescit F. dit il est doul nus Cas
 cement proferee de la langue touchant contre le palais, & que les dents depris pella,
 ment vt peu la lefure de dessus,



Maistre
Simon
Hayene-
fue.

LA lettre G. cy pres delignée, & faicte de le O. & de le I, trancõne, est de neuf corps & demy de largeur. & requiert a sa facõ huit tours de Compas, parquoy y ay signe huit centres es lieux qui leur appartient. Maistre Simon Hayene fue quon appelle vulgairement, Maistre Simõ du Mans, faict au bas de la courte iambe du G vng petit demy rond qui luy donne tresbonne grace. Toussefois ie lay veu aux Galeries du Pape Iules segond entre le palaix saint Pierre & Belvedere, coupe a perpendicule & pource faictez le ainsi quil vous plaira. Le dict Maistre Simon est le plus grant & excellent ouurier en Architecture antique, que ie sache viuât. Il est homme desglise & de bonne vie, amyable & seruiable a tous en deseings & pourtraicts au vray antique. lesquelz il faict si bons que si Vitruue & Lion Baptiste Albert viuoient ilz luy donneroient la palme par dessus tous ceulx de decza les monts. G, en Grec est dicte Gamma. mais comme iay cy deuant dit, celluy Gamma est different en figure, car il est faict comme si vne L. estoit tornee en sorte que ce qui est au bas fust mis au hault, en ceste facon. Γ. G. & Gamma ont semblable vertus en syllabe, si nõ que Gamma estant escript deuant vng autre Gamma, ou deuant Chi. X. ou deuant Cappa, K. ou deuant, Z. est prononce par Gni. cest a dire, pour vne. N.

Reigle
de ortho-
graphe.

Exemple. αγγελοσ. Angelus, αγγελος. Ancora. αγγελος. Anchises. σφινξ. Sphinx. Et la raison de ceste prononciation Greque, est pource que Gni. N. ne se treuve point en grec escripte deuant. Γ. K. X. ξ. Les Anciẽs Latins escriuoient a la facon des Grecs Aggelus & Diphthoggus, en y metât G. pour N. & pronuncoient Angelus & Diphthongus. maintenant Les Latins & nous escriuons N. deuant G. & disons comme escriuons Angelus & Diphthongus.

Menslon
des An-
ciens La-
tins.

Priscian,

Priscian nous est tesmoing de la dicte antique prononciation, en son premier liure ou il parle & traicte, De literarum cominutatione, quant il dit. Et quidam tamen vetustissimi authores Romanorum euphomiæ causa G. pro N. scribebât vt Agchises. Agceps. Aggulus. Aggens. quod ostendit Varro primo de origine linguæ latinæ his verbis. Aggulus. Aggens. Agguilla. Iggerūt. G, en nostre langage françois, comme en Latin, veult aucunesfois V. apres luy, aucunesfois nõ Anguilla, & Anguille, Imaginari, & imaginer, corriger. Conge, Plonge, abregue, Rogue, Morgue, Rigueur, Lagueur, Regard, Guisarmes, Guise, & aultres semblables en sont exemple. Ie treuve que quant V. est interpose entre G. & Y. le V. & le Y. sont diuisez en deux syllabes. & quant en lieu de Y. ya vng I. G. V. & I. ne font que vne syllabe, Comme en disant, Monseigneur de Guyse, vit a sa

Varro,
V. est p-
nunce
apres
G. aucu-
nesfois &
aucunes-
fois non.


“
“
“
“
“
“

bonne guise. La prononciation du G. se dit Martianus Capella, Est spiritus cū palato. Il veult estre prononce de nostre voix issant par la concauite superieure de nostre bouche. Les Alemans le prononcent deuant A, deuant O, & deuant V. bien differēment des Italiens & de nous, car ilz le sonnent en I. consone. cō me silz vouloiet dire. Ego gaudeo Gabrielem gobiones Gandau comparasse. Ilz prononceroient. Eio iadeo Iabrielem iobiones Iādaui comparasse. la quel le prononciation me semble bien estrange pour la grande mutation qui se treuve. Silz voloient dire. Gaudeamus omnes in Domino. Nodus gordius erat infolubilis. Et Gutturnium est vas guttatim stilans. Ilz diroient. Iadeamus. Iordi⁹. Iutturnium & Iutratim, qui sembleroient vocables hors de vraye latinite. Deuant E, & deuant I, Ilz le prononcent bien en disant. Germinauit radix Iesse. Gigis anulus erat fatalis. Mais, comme iay dit, deuant A, O, & V, Ilz ny prononcent pas assez latinement. G, a grande afinite avec C. tellement que bien souuant il est pronūce la ou le C, est escript. comme nous voyons en ces dictiōs Cneus, & Caius. qui sont escriptes par C. & pronūcees par G. Dautres dictiōs ya esuelles le G. est escript & prononce en lieu du C. comme sont. Quadringēta, & Quingenta, pour quadringenta. & quingenta. L'affinite du G. au C. & du C. au G. est vng peu trop obseruee a Bourges dou ie suis natif, car il y en a qui prononcent. Ignem, Lignum, & autres semblables dictiōs, comme si en lieu du G, estoit escript vng C. en prononçant Icnem. & licnū La quelle chose ne veult ainsi estre prononcee selon la langue Latine, car les Italiens prononcent le G. bien mol quant il est entre I. & N. Les picards au cōtraire dessusdits Alemans qui prononcent I. consone pour G. en lieu de le I. cōsone / prononcent le G. en aucunes dictiōs. comme en lieu de dire. Ma iambe sefst rompue en nostre iardin, & y ay perdu mon chapeau iaulne. Ilz disent. Me gambe sefst rompue en noz gardin, & y ay perdu men capiau gaulne. Ilz en disent beaucoup dautres que ie laisse a escrire pour cause de breuete.

Les plaisanteurs & ieunes amoureux qui sebatent a inuenter diuises, ou a les vsurper comme silz les auoient inuentees, font de ceste lettre G, & dun A. vne diuile refuseuse en faisant le A, plus petit que le G. & le mettant dedans ledit G. puis disent que cest a dire. Iay grant appetit. En la quelle chose ne lorthographe, ne la prononciation ne conuiennent du tout, mais ie leur pardonne en les laissant plaister en leurs ieunes amours. Le dit G. grant & le A. petit veulent estre en la facon quil sensuyt,

ILz en font beaucoup dautres de diuerses lettres comme sont. K. V. K. A. B. & ten va. L. XX. L. X. NA. L. fut. *¶* L. sen alla. G. sus L. mō cuer a. V. I. Quaten dez vous, natendez pl⁹ Elle est tornee a tort Vng asne y mord droit. Pareillement. Paix vng I. vert selle, qui est fait dune paix dū I. vert & dune selle. Et mille autres q̄ ie leur laisse.

EN telles sottises choses la bōne Orthographe & vraye pronūciation sont peruerties bien souuant, & causent vng abus qui souuant empesche les bons esperits en deue escripture,



Diuers
Resbuz,

Martianus Capella.
Mention des Alemans,

G. pour.
C. & C.
pour, G.

Mention de Bourges,

Mention des Picards.

Mention des plaisanteurs.

Mention des Resbuz.

G. grant
A. petit.

LE TIERS LIVRE.

ENtre tous ceulx qui iamais resueirent ou feirent deuises de lettres, Celluy qui premierement feit la sienne dune. S. fut le plus parfait en francois, au moins si lentendoit bien, & croy que si feroit il, veu qui ne la feit dune S. Attique, ne Greque, mais dune lettre françoise, qu'on appelle Lettre de forme en la quelle le. S. est large, & a bon propos mise en signification de largesse, en la forme qui sensuyt.


Largesse

**Notable
en Res-
buz.**

**Resbuz
trelingü
lier & bié
faict.**

LEs Deuises qui ne sont faictes par lettres significatiues, sont faictes d'images qui signifient la fantasie de son Autheur. & cela est appelle vng Resbuz au quel on a resue, & faict on resuer les autres. Telz Images sont ou hommes, ou femmes, bestes, oyseaux, poissōs & autres choses corporelles & materielles, desquelles choses ie voy vng Resbuz de quatre versets & lignes en francois estre moult bien inuente, car toutes les dictions desdites quatre lignes sont peintes en diuers Images, & ya en substance.

On metient fol, faisant folle folye.
Ainsi ie vis, puis ainsi ie folye.
Fol entre folz, coquard entre mains vis,
On me maintient, car follement ie vis.



**Beaulx
& bons
Resbuz**

**Mention
de leu-
nes amou-
reux.
Ouide,**

**Esriptu-
res fai-
ctes par
Images
furent in-
uentees
par les
Egyptiē**

Pareillement le Resbuz des Trois mors, & des Trois vifz, est dassez bon ne inuension. Ien treuve est vocables latins qui se font & pronuncent en Images & vocables francois, comme sont. Habe mortem præ oculis. Et. Non habebat mortem ante oculos. Semblablement Cras habebote. Ien voy vng en Grec qui est moult bon, & de seules lettres, mais il sexpose en vulgar Italiē, & ya. M. φ. Δ. M. Α. qui est a dire en vulgar Italien. Mi fidelta mi lauda. En francois le sens y est bon, mais le langage n'accorde pas aux dictes lettres, ny au vulgar. car il ya. Ma fidelite me loue. Celluy qui est du Diamāt est bon, & celluy ou ya. Iay mis mō estat au derriere. nest pas mauuais, entēdu quil est paint & faict dun Gay, & dun Mymoner. Cest a dire de Picard en Francois, dū Singe qui tate de sa main a son derriere. Pareillement celluy ou ya. A Befan son sept femmes a, est bien ingenyeux que ie laisse pour ceste fois a declarer.

In porrois beaucoup alleguer d'autres, & en faire vng iuste liure, mais pour ceste fois ie passeray oultre & dōneray espace aux Plaisans & Jeunes Amoureux qui se batent voluntiers a telles gentes petites choses. Lesquelles toutes fois ne leur viennent en lesperit sans infusion celeste. De la quelle les Philosophes Anciens ont souuant dispute, & les Poetes chante, entre lequelz Ouide au commencement du Sixiesme des ses Fastes a dit pour culx & pour les Poetes. Est Deus in nobis, agitante calefimis illo,

Impetus hic sacræ semina mentis habet.

Cest a dire. Entre nous Poetes & Fantastiques auons inspiration diuine en nous, qui nous esineut a plaisantes inuētōs, & les mettre a gracieuse executiō.

Telle facon de Resuerie, Cest a dire descripture faictes par Images, fut premierement inuētée des Egyptiens qui en auoient toutes leurs Cerimonies escriptes, afin que le vulgaire, & les ignares ne peussent entendre / ne facilement scauoir leurs secrets & mysteres. Celles escriptures estoient appelees en Grec.

» Hieroglyphica. Cest a dire. Sacra scripta, Saintes escriptures, que nul ne pouuoit entendre sans estre grant Philosophe, & qui peult cognoistre la raison et vertus des choses naturelles. Quant ilz vouloiēt signifier Lan, ilz deseignoient et faisoient en pourtraict ou peinture, vng Dragon semordant la queue. Pour signifier Liberalite, ilz faisoient la main dextre ouuerte. Et pour Chichete, la main close. Ilz faisoient mille aultres bonnes choses semblables par Images, q vous porrez lire & cognoistre au. XXV. Chapistre des lecons antiques de Cælius Rhodiginus, & plus aplain en Orus Apollo, qui les a redigees par escript, en vng volume que porres trouuer en Grec, si le y volez, & en latin aussi, & le quel iay trāssate en Frācois, & fait vng p̄sent a vng myen seign̄r & bon amy.

P Visque ie suis deicendu en propos de Deuises, Resbuz, & escriptures Hieroglyphiques: ie veulx icy declarer ma Deuise & Marque, pource que ie y voy maintz personages estre desirans de lentendre.

P Remicrement en icelle ya vng vase antique qui est casse, par le quel passe vng Toret. Ce dict vase & Pot casse, signifie nostre corps, qui est vng pot de terre. Le Toret signifie Fatū, qui perce & passe foible & fort. Soubz icelluy Pot casse ya vng Liure clos a trois chaines & Cathenats, qui signifie q apres que nostre corps est casse par mort, sa vie est close des trois Deesses fatales. Cestuy liure est si bien clos, quil ny a celluy qui y sceust rien veoir, sil ne scaict les segrets des Cathenats, & principalement du Cathenat rond, qui est clos & signe a lettres. Aussi apresque le liure de nostre vie est clos, il ny a plus homme qui y puisse rien ouuir, si non celluy qui scaict les segrets. Et celluy est Dieu, qui seul scaict & cognoist auant & apres nostre mort, quil a este, quil est, & quil fera de nous. Le feuillage & les fleurs qui sont au dict Pot, signifient les vertus que nostre corps pouuoit auoir en foy durant sa vie. Les Rayons de Soleil qui sont au dessus & au pres du Toret / & du Pot, signifient linpiration que Dieu nous donne en nous exerçant a vertus & bonnes operations. Au pres dudict

» Pot casse, ya en escript. NON PLVS. qui sont deux dictions monosyllabes / tant en Francois / quen Latin, qui signifient ce que Pittacus disoit iadis en son
» Grec, Μὴδὲν ἄγαν. Nihil nimis. Ne disons / ne ne faisons chose sans mesure, ne sans raison, si non en extreme necessite. Aduersus quā nec Dīj quidē pugnāt.
» Mais disons & faisons. SIC VT. VEL VT. Cest a dire. ainsi cōme nous deb-
» uons, ou au moins mal que pouuons. Si nous voulons bien faire, Dieu nous
» aidera, & pource ay ie escript tout au dessus. MENTI BONAE DEVS
» OCCVRRIT. Cest a dire. Dieu vient au deuant de la bonne volonte, & luy aide.

A Ldele Romain, Imprimeur a Venize, auoit sa marque Hieroglyphique, mais il ne lauoit pas inuentee, en tant quil lauoit empruntée de la deuise
» de Auguste Cesar, la quelle estoit en Grec. Σπευδὲ βραδύωσ. qui est a dire en
» Latin. Festina lēte. Ou encores en Latin tout en vng mot, Matura. Et en Frā-
» cois, Hastte toy a tō aise. Icelle Deuise estoit peinte & deseeignee par vne ancre de nauyre, & autour dicelle vng Daulphin. Lancre signifioit tardiuete, & le Daulphin hastiuete. qui estoit a dire, quen ses affaires fault estre modere, en forte quon ne soit trop hastif, ne trop lōg / ou tardif. Virgile no^r est segret tesmoig
» que le dict Auguste Cæsar auoit la dicte ancre & daulphin en sa Deuise, quant pour luy en faire memoire en ses Eneides, il a dict au cōmancemēt du Premier
» liure. Maturate fugā, Regiq; hæc dicite v̄ro. Qui en vouldra veoir & lire bien a a plain, si sen aille esbatre a veoir le premier Prouerbe de la Segonde Chiliade de Erasme, il y en trouuera se me semble a suffisance. Ma susdicte Deuise / &
» Marque, est telle quil sensuyt,

Cælius
Rhodig-
inus.
Orus
Apollo,

Mension
de la De-
uise / &
Marque,
du p̄sent
Auteur

Moralite
du Pot
casse,

Nō plus,
Pittacus,

Alde,
Auguste,

Virgile,

Erasme


LE TIERS LIVRE,

MENTI BONAE
DEVS OCCVRRIT.



SIC, VT. VEL, VT.
NON PLUS.

VEla ma susdeclaree Deuise & Marque faicte comme ie lay
pensee & imaginee, en y speculant sens moral, pour en
donner aucun bon amonestement aux imprimeurs
et libraires de par deza, a eulx exercer & em
ployer en bonnes inuentions, & plaisan
tes executions, pour monstret q leur
esperit naye tousiours este inutile.
mais adonne a faire seruice
au bien public en y be-
soignant & viuant
honnestemet.



LA figure cy pres designee & faicte de le I. avec huit cêtres, est de dix corps en Quarre. Cest a dire, aussi large que haulte. Les Grammairiens, & mesmement selon Priscian en son Premier liure ou il traite De literarum potestate, disent quelle nest pas lettre, mais la note & enseigne pour monstrier quant quelque vocale, ou lune de ses quatre consones, C. P. R. T. doit estre prononcée grasse & a plaine voix venant du profond de lestomac. Iceluy Priscian dit. H. autem aspirationis est nota, & nihil aliud habet literæ, nisi figuram, & quod in vsu scribitur inter alias lras. Cest a dire. H. est la note de laspiration, & na aultre chose deficace de lettre, si non la figure, & aussi que par vsage elle est escripte.

Priscian.

Ha si peu de vertus avec les vocales, q si on len oste, le sens ne sera point diminue. mais ouy bien dauec lessusdictes quatre consones. C. P. R. T. Exemple des vocales. Errennius. Oratius. Exemple desdictes consones. Cremes pour Chremes. Et a ceste cause comme dit Priscian au susdict lieu allegue, les Grecs ont faict ces susdictes consones aspirees. Car pour Th. ilz ont faict Θ. pour Ph. φ. pour Ch. χ. Le Rho na point este mue de sa figure, mais il prêt sus luy vne demye croix en lettres maiuscules, ou vng point corbe en lettre courât qui denote la dicte aspiration. cōme on peult cleremēt veoir es impressions du feu bon imprimeur Aldé, que Dieu aboille.

Θ. φ. χ. ρ.

Aldé.
Aulus
Gellius.

AVlus Gellius au. III. Chapistre du Segōd liure de ses nuyts Attiques dit, que H. a este mise des Anciens & inferée es dictions pour leur bailler vng son plus ferme & vigoureux quant il dit. H. litera, siue illam spiritū magis quam literam dici oportet, inferebant eam veteres nostri plerisq; vocibus verborū firmandis roborādisq; vt sonus earum esset viridior vegetiorq; Atq; id videntur fecisse studio & exemplo linguæ Atticæ. Satis notum est Atticos ἰχθυὶν ἡγοῦν. Multa itidē alia citra morē gentiū Græciæ cæterarū inspirātis primæ literæ dixisse sic, lachrymas, sic speculū, sic ahenū, sic vehemēs, sic ichoare, sic hallucinari, sic hallucinari, sic honera, sic honustū dixerūt. In his verbis oibus literæ seu spūs isti⁹ nulla ratio visa est, nisi vt firmitas & vigor vocis quasi quibusdā neruis additis iurēderet. Cest a dire. La lre H. ou fil conuiēt myeulx la dire lesperit vocal, estoit souuāt iserée des Anciēs Latins en beaucoup de dictiōs pour les firmer & roborer, afin q leur son fust pl⁹ vertueux & vigoureux. Iceulx Anciēs le faisoient a limitatiō des Atheniēs, au lāgage desq̄lz ἰχθυὶν ἡγοῦν. & beaucoup de semblables dictions estoient aspirees hors la costume des aultres Nations de Grece. Aisi furent aspirez Lachrymæ, speculū, ahenū, vehemēs, ichoare, hallucinari honera, & honust⁹. En ces vocables suscripts laspiration na este veue raisonna

LE TIERS LIVRE.

Notable
singulier.

†. †.
Signes
d'aspira-
tiō, & de
lettrenō
aspīree,

ble, si nō pour y dōner fermeté & vigueur, cōe si elles estoiet ēforcées de nerfz.
LEs Romains ont figure ceste dictē note D'aspiration totalement a la figu-
re & forme dune vocale Grecque nommee Ita. H. Les Grecs ont faict de
leur dictē vocale Ita. H. deux notes passīues, & comme accents, pour monstrier
quant vne Vocale inceptīue, & la Consonne Rho, aussi inceptīue & gemīnee en
composition de Nom, ou de Verbe, doibuent estre aspīrees ou non. car en cou-
pant iustement la dictē vocale Ita, par le mylieu & en deux parties perpendicu-
laires, la premiere partie est & sert pour monstrier la Vocale aspīree, ou la dictē
Consonne Rho, & l'autre partie pour la vocale, ou Rho. non aspīree. La dictē
vocale Grecque Ita, se diuise ainsi, †.†. & ses parties sont escriptes sus lettres
maiuscules, comme iay dict, sus les vocales inceptīues & sus Rho, quant il est
inceptif, & quant il est double en la dictiō par composition de vocables, ou
aultrement.

Entēdez
icy bons
et deuots
Crestīens

Iesus,
Christus.

LA ressemblance de ceste dictē aspiration Latine, & de la vocale Grecque
Ita, aeste cause que mille modernes ignorans la langue Grecque ont erre,
et errent tous les iours en l'orthographe, cest a dire, en la deue escripture de ces
deux souuerains & precieux noms. IESVS. & CHRISTVS. Car en les escri-
uant en abrege, il escripuēt IHESVS, avec vne aspiratiō latine, & XPΣ, avec
vng X. & vng P. Latins. Quāt en Grec. IHΣ. veult estre escript par la dictē vo-
cale Ita. H. & XPΣ. par Chi. & par Rho. L'erreur leur est venue, cōme iay dict,
pource que Ita, & l'aspiration Latine sont de semblable figure. & que Chi. &
Rho. aussi ressemblent quasi a vng X. & a vng P. latins. Parquoy en cest en-
droict cy, ie prie tous bons esperits q̄ dycy en auant quāt ilz voudront escrire
les tressaincts & glorieux nō & surnom de nre Saulueur, filz le veulēt escrire
en Latin, quilz tiennent ceste orthographe. IESVS, CHRISTVS, sans y
mettre ne escrire lettres qui ne y soient deument requises. Et filz le veulent
escrire en abrege, quilz les escripuent plustost en Grec que aultrement, & ce
sera bien faict ainsi, IHΣ, XPΣ. ou il ny a que lettres Grecques purement y re-
quises. La vocale Grecque Ita. H. quant elle est conuertie en Latin, elle se trāf-
late en E. lōg pour quātite de syllabe, comme en ce glorieux nom, IHΣ O YΣ.
IESVS. & en mille autres semblables. Parquoy doncqs fault escrire IESVS
sans aspiration quelconque, & CHRISTVS, sans X. & sans P. Quāt au
Grec du quel est tire le Latin, nen ya point,

IHΣ XPΣ

Alde,

SI vous volez veoir plus amplement de l'orthographe de ces deux noms pre-
cieux Iesus & Christus, & la vraye substance de tout ce q̄ ien ay cy escript,
prenez esbat a aller veoir & lire vng petit traictē que Alde a faict & intitule, De
potestate literarum Græcarū, au Chapitre, Quemadmodū Literæ, ac Diph-
thongi græcæ in latinum trāsserantur. Vous y porrez contenter vostre bon de-
sir, si vous plaist vous y esbatre,

L Aspiration Latine est escripte des Alemans simple note de lettre, mais ilz la prononcent double, plustque ne font les Latins/& Italiens, car silz vouloient prononcer en Latin. Heus heri habui herum hospitē. Ilz diroient comme sil y auoit double aspiration, ainsi. Hheus, hheri hhabui hherum hhospitē. Et melbahis quilz ne lescripuēt aussi biē quilz font deux VV. des quelz ilz vsent tressouuant es vocables de leur langage maternel. Ilz me font souuenir dung ia dis nomme Arius, qui auoit laspiration tant a sa main, & si acostumee, quil la prononceoit, ou il nestoit pas a propos. Parquoy le noble Poete Catulle, fait contre luy cest Epigramme.

- Chommoda dicebat, si quando commoda vellet
Dicere, & hinsfidias Arius insidias.
Et tamen mirifice sperabat se esse locutum.
Cum quantum poterat dixerat hinsfidias,
Credo sic mater, si liber auunculus eius
Sic maternus auus dixerat, atque auia.
Hoc misso in Syriam/requierant omnibus aures,
Audibant eadem hæc leniter & leuiter,
Nec sibi post illa metuebant talia verba,
Cum subito affertur nuncius horribilis.
Ionios fluctus postquam illuc Arius isset,
Iam non Ionios esse, sed hionios.

Catulle.
Arius excessif en la spiration Latine,

I Celluy Arius dōcques disoit. Chommoda, Hinsfidias, & Hionios, par aspiration: & il ny en fault point. Ainsi font lessusdicts Alemans dacostumance quilz ont de parler & prononcer du fons de leur poulmon & estomac. Les Picards, comme iay cy dessus dict, la prononcent moult bien avec le C. & sans icelluy C. Et ie ne cognois Nation en France qui aye la langue plus apte & diserte a bien prononcer Grec, Latin, & Francois, que Picards.

Mention
des Picards.

I Celle Aspiration est tresmal prononcee de ie ne scay quelz Grammairiens de village, en ces deux Interiections Ah, & Vah, quāt ilz prononcēt Ache, et Vache, comme si laspiration estoit ou debuoit estre terminee en E. la quelle chose ne veult estre, car elle nest ne Vocale, ne Consone, ne Mute, ne Liquide, & par consequent la lettre aulcune. Parquoy doncques veult estre pronūcee sans auoir propre son, mais seulement ensuyure la vocale avec qui ellest adiouxtee. Oultre plus Ah, & Vah, ne peuuent ne ne doibuent estre terminees en E. car se sont Interiections coupees au derriere, entēdu que les entieres sont Aha et Vaha. De la quelle chose, comme iay cy deuant dict, Priscian nous est tesmoing quant il dict en son Premier liure, on il traicte, De accidentibus litteræ, Quæritur cur in Vah, & Ah, post vocales ponitur aspiratio? & dicimus quod Apocopa facta est extreme vocalis cui præponebatur aspiratio, nam perfecta Aha & Vaha sunt. Pontan en son Premier liure, De aspiratione. y adiouxte Oha, qui veult aussi laisser son A. final: & demorer Oh. Je dis volontiers cecy, pource que ie voy plusieurs y errer: & leur erreur est cause de corrompre la quantite de syllabe, & la maieste de metre Poetic. Comme qui diroit en la premiere Eglogue de Virgile.

Grammairiens de village.
Ah. & Vah.
Reigle pour Laspiration

Priscian,

Pontan,


Virgile,

- Spem gregis, ache, scilice in nuda connixa reliquit.
Et en la Segonde.
Ache Corydon Coridon: quæte dementia cœpit?
Item en la Sixiēme.
Ache virgo infelix: quæte dementia cœpit?

LE TIERS LIVRE.

Ce seroit tout gaste le stile, & quantite metrique du Roy des Poetes Latins, & pource fault prononcer Ah, & Vah, quasi en A, vocale venant dune abundante voix yssant du profond de lestomac.

- L** Aspiration, comme iay dict, nest pas lettre, mais neumoings elle se treuve par licence poetique mise pour lettre, & comme Double cōsone faisant position & production de la vocale qui la precede. Comme il ya en Virgile au Premier liure des Eneides.
- Virgile. Posthabita cōluisse Samo, hic illius arma.
Hic currus fuit.
- Spōdeus mo hic, est vng Spondeus. Cest a dire, vng pied & proportiō de metre Poetic, contenant deux syllabes longues. parquoy. mo. en ce lieu la est long: non seule ment de sa nature, mais comme si h. estoit Double consone. & quelle ne se pert point avec la vocale, comme elle a souuant de costume. Elle se treuve bien com me Simple consone en L art poetic Dhorace ou il ya.
- Horace. Cogitat, vt speciosa dehinc miracula promat.
- Dactilus La syllabe de deuant laspiration est breue, & tierce syllabe dung Dactilus, & le susdict. de. ne se collide point avec le. I. sequēt, & apres la dicte aspiration. Qui voudra veoir bien amplement & trefelegamment de la grande vertu de laspiration tant au commencement des dictions, que au mylieu, & que a la fin,
- Pontan. Pontan en est tres suffisant Autheur, en Deux beaulx & bons Liures quil en a diligentemēt faictz & intitulez, De aspiratione. Pour bien faire & designer nostre dicte aspiration, fault que les deux iambes soyent totalement faictes comme I. & le traict tendant en trauers au dessus de la ligne diametrale, veult estre gros de lune des trois pars de la grosseur de le dict I. La quelle chose Frere Lucas Paciulus na faict ny obserue es lettres de son Liure intitule,
- Frere Lucas Paciulus, le, Diuina proportione. comme porront veoir ceulx qui y voudront bien prendre garde. Car en le A. en le E. en le F. & en Laspiratiō, il faict le dict traict trauerfant trop menu, et trop bas, veu qui les a faictz dessus & dessoubz la ligne diametrale de son Quarre.



LA lettre I. cy pres designée & faite de dix hauteurs de sa largeur, contene nue entre quatre centres, est de trois corps de largeur en teste, & de quatre en pied. Cest a dire de trois étiers, cōme en la teste, & de deux demys aux deux costez pour luy bailler patte, siege, & fondement a myeux soubstenir sa dite teste. Et la raison est prise au naturel du corps humain, qui quant il est sus pieds, seldits pieds sont plus epattes, & plus au large que ne contient en espace & largeur sa teste. Vng homme se tient plus ferme ayant ses pieds moyennement au large, que les ayant ioinctz lun contre lautre. Ainsi dōques nostre I, veult estre plus large en pied quen chef.

Belle, &
bonne
raison,

I. Comme iay souuant dit au segōd liure, est le Modele, La reigle, & le Guydon de toutes les autres lettres, car a la hauteur & largeur deluy, toutes les iambes tant droites que bricees de toutes les dites autres lettres, sont mesurees & proportionnees. Les iambes arondyes ensuyuent le O, mais encores celluy O. grade le pesser de le I, en ses deux panfes,

Le I. est
le mode-
le de tou-
tes les
tres,

- „ **I**. Veult estre prononce, comme dit Martianus Capella, Spiritu prope den-
 „ tibus pressis. Cest a dire. Dune alayne & esperit yssant entre les dents vng
 „ peu serrees. Les Flamens en abulent en Latin, quant apres E. vient vne autre
 „ vocale. Car ilz pronūcent le dit E. en E. & Y. Comme en disant. Deyus Deyus
 „ meys ad te deluce vigilo. En Grec, Il est appelle Iota, & nest iamais autre que
 „ vocale, mais en Latin & en Francois il est aucunesfois Vocale & aucunesfois
 „ Consone. Et quant il est Cōsone, encores est il aucunesfois Simple consone, &
 „ aux autres fois Double consone. Exemple en Latin. Ibo iussus in maiorum adiu-
 „ torium. Exemple en Francois. Item, Iehan le ieune sera ieudi adiourne. Ce vo-
 „ cable cy Iota, est bien vsurpe des Latins, & pour I. Vocale. & pour yng en nō-
 „ bre. Martialis a dit a la fin du Segond liure de ses Epigrammes,
 „ Vnum detitulo demere Iota potes.
 „ Semblablement Saint Mathieu a en son cinquieme Chapitre. Amen quippe
 „ dico vobis, donec transeat cœlum & terra, Iota vnum, aux apex vnus, non præ-
 „ teribit a lege, donec omnia fiant. Ce Iota la se prent & sentent pour yng I, qui
 „ en nombre est mis par les Latins & Francois pour yng.

Martia-
nus Ca-
pella.
Mensien
des Fla-
mens,
Iota,

Martia-
lis.
Saint
Mathieu

LE TIERS LIVRE.

D Ele I, toutes les autres lettres, cōme iay dit, prēnēt & ont cōancemāt a estre faictes & escriptes. Cest a scauoir, ou en estant garde en sa droitteligne, ou en estant reflecte & courbe, ou en estāt brise. Et luy seul entre toutes les lettres garde sa droicteligne perpendiculaire, a limitation du corps humain, qui luy estāt sus ses pieds tout droit la represēte. En luy ouurāt les bras & iambes peu ou plus monstre la ditte briseure, comme il peut estre facilement entendu en la sequente figure q̄ iay faicte apres celle que vng myen seigneur & bō amy Iehan Perreal, autrement dict Iehan de Paris. Varlet de chambre & excellent Paintre des Roys, Charles huitiesme, Loys douziesme, & Frācois Premier dece nō, ma comunicee & baillee moult bien pourtraicte de sa main,




Iehan
Perreal,
autremēt
dict Iehā
de Paris,

I.V.L.
M.C.D.
Q.X.
Lettres
seruant a
nombres

Pource que a lais-
de de Dieuie su-
is venu a propos de
dire cōmmant nostre
dit I, est souuant mis
en nōbre, il me sem-
ble nestre inutile dire
aussi quelles autres
lres sont prises pour
nombre, tant en La-
tin quen Francois.

D Onques ie dis
quil ya huit let-
tres qui seruent a nō-
bre, Cest a scauoir,
Deux vocales, I. & V.
Deux Semi-uocales,
L. & M. Trois Mutes,
C. D. & Q. Et vne double
Consonne, X. Le I. seul est
mis pour vng. Quāt
il est double, Il en
vaut deux. Quant il
ē triple, Il faict trois.
Et quant il est qua-
druple, Il signifie
quatre. Et notez quil
ne se multiplie plus
oultre avec soy mes-
mes, Il se multiplie
auec les autres dittes



lettres, & ce seullement iusques a quatre fois.

Le V. est mis pour cinq. pource quil est la ciquiesme vocale. Sil ya vng I. apres V. ce fôt Six. Sil y en a deux. ce sont Sept. Si trois, ce sont Huit. Et si quatre. ce sont Neuf, comme on peut veoir aux nombres qui sensuyuent. VI, VII, VIII, VIII.

LE X. est mis pour Dix. pource que si nous considerons bien ce que nous en dit Priscian au Chapitre. De accidentibus literæ, & au Liure. De Numeris & ponderibus. Il est la Dixiesme lettre en lordre abecedaire. en prenant C. G. & Q. pour vne lettre, entendu quelles se passent lune en lautre, Et pareillement B. & F. aussi pour vne, pource quelles estoient iadis mises en vsage lune pour lautre, en disant. Bruges & Fruges. Et oultre plus en ne contant point S. pour lettre. Car ancienement elle nestoit escripte ne prise que pour denoter quel que siflement. Comme aidant Nostre seigneur Iediray cy pres en son réc abecedaire. Quant il ya vng I. deuant X. celluy X. est diminué d'ung, & ne signifie que Neuf. Quant le I. Vient apres X. cest Vnze. & ainsi cōsequantement iusq's a quatre I. reiterez apres ledit X. qui font XI. XII. XIII. XIII. puis pour Quinze on escript. X. & V. pour Seize, X. V. & I. & ainsi des autres nōbres en multipliant & adiouxant les I. les V. & les X. Iusques a Cinquāte, pour le quel nombre. L. est mise. & ce a limitation des Grecs qui ont Gni, cest a dire N. seruuant au dit nombre de Cinquante. L. & N. se dit Prisciā, en son Premier liure, au Chapitre De accidētibus literæ, & en son Liure, De Numeris & Pond. Inuicem sibi cedūt. Cest a dire. L. & N. sont mises & sont prises souuant lune pour lautre, comme en disant Lympha & Nympha.

C. Vault Cent, pource quil est la premiere lettre en ceste diction Latine Centum.

D. Vault Cinq cēs, pource que entre le D. & le M. en lordre abecedaire ya cinq lettres interposees, qui sont E. F. G. I. & L. le K. qui est lettre Greque, & de la quelle nauons que faire, Semblablement laspiration H. qui nest pas lettre proprement, mais note de lettre, ne y sont pas contees.


Oultre plus. M. est mise pour Mille, pource que en ceste diction Latine, Mille, elle est escripte la premiere. Au dessoubz du nōbre Mille ya deux fois cinq cēs, parquoy dōques D. est pris pour Cinq cēs, & deux fois cinq cens se dit en Latin. Decies centum. & en vng mot Mille. Qui voudra veoir a plain de ceste matiere, sen aille esbatre a lire au liure des Abreuiatures antiques que fait iadis Probus Grammaticus, & en Priscian ou il traicte, comme iay dit, De numeris & pond, Pareillement au liure que Galeotus Narniensis a fait & intitule. De Homine interiori. Semblablement au commencement du troisieme Liure que monseigneur Bude a intitule De Asse & partibus eius, ou il ya. Mille per. M. scribebant & cætera.

X.
Priscian,
Notable
segret.
C. G. Q.
B. F.
Bruges.
Fruges,
S,

L. N,
Priscian,
Lympha
Nympha,
C.

D.
Notable

M.
Mille.
Decies
centum.
Probus
Grammaticus.
Priscian,
Galeotus,
Bude,



LA lettre K, cy pres designee, & faicte de le I, tant entier que brise, est autāt large que haulte, Cest a dire de dix corps en sus, & dix en trauerſceant, & requiert huit tours de Compas, pour le centre desquelz iay signe le lieu ou le pied dudit Compas veult estre assis.

Martianus.
Capella.

Priscian.

K. Dit Martianus Capella, veult estre pronunce de lyſſue du gouzier & du palais ſans mouuement de la langue. K. neſt pas lettre Latine, mais purement Grecque, & pource ſemble elle estre inutile & ſuperuacue en la ditte lāgue Latine, car en lieu delle C. & Q. ſont en vſage, desquelz les Grecs nont figure ne deſeing. Priscian dit en ſon premier Liure, ou il traite. De acci-
dentibus literæ. K. enim & Q. quāuis figura & nomine videantur aliquam habere differentiam cum C. tamen eandem tam in ſono vocom, quam in metro continent poſteſtatem. Et K. quidem penitus ſuperuacua eſt. Cest a dire. K. Voirement & Q. combien quen figure & nom ilz ſemblent auoir aucune difference avec le C. toutefois ſi ont ilz ſemblable verius & puiſſance au ſon des voix & en mettre. Et pource K. eſt lettre ſuperuacue. K. donques eſt lettre Grecque appellee en ſon propre nom Grec Cappa, ΚΑΠΠΑ.

Karolus.


Notable
ſingulier
Greciſmus.
Magiſter
Alexander
de vil
la Dei.

IAy dict & preuue cy deuāt au Premier liure q̄ les lettres Greques ont cy eſte en vſage auant que les Latines. mais a ce propos ie le puis de rechef conſermer, en tant que K. nous eſt encores en vſage en ce nom cy. Karolus. & en la figure de la piece d'argent vallant dix deniers tournois que nous appellons auſſi vng Karolus. Si alors que le premier coing & eſtampe du Karolus fut faict, les lettres Latines euſſēt eſte icy en grāt & puiſſāt cours duſage, on euſt eſcript Carolus qui eſt dictiō Latine, par vng. C. mais comme iay dit ſelon luſage des lettres Grecques qui eſtoient en cours, on leſcriuit par K. comme le voyons encores en la ditte monoye. Il ny a pas long temps que la langue Latine a eſte puriſſie & ſeulement vſitee par deca. & quil ſoit vray, Ie men raporte au viellard Greciſme, au bon magiſter Alexander de Villa Dei. & mille autres Autheurs modernes, qui voulant enſeigner la langue Latine y eſtoient bien peut ſcauās, tellement que ceulx qui ont auioirdhuy loreille neſte, ſont treſſaſches quant ilz oyent reciter leurs vers Leoniques, & compositions arides,

22

IE dis cecy en passant, pour monstrer que K. veult estre pronunce sec, & pur, & le C. vng peu mol, quasi comme fil estoit aspire.

LEs Grecs naspirent iamais leur Cappa. K. mais ilz ont vne aultre lettre en lieu, qui porte son aspiration, & est nommee Chi. & vault autant que C. & H. tellement que silz vouloiēt efcire. Cha. che. chi. cho. ou Chu. Ilz efceroient. χα. χε. χι. χο. & χου. La quelle chose ie laiffe aux bons esperits a eulx y exercer & esbarre.



La lettre **L**. cy pres designée, est de dix corps de haulteur, & de sept & demy de largeur. pour la perfection de la quelle cinq tours de Compas y sont requis, & a ceulx faire ay signe cinq croix es lieux quil appartient asseoir le pied dudit Compas.

A Vlcuns Anciens comme iay dit cy deuant ou ie parlois de la lettre **E**. la faisoient de quatre centres seulement en faisant le bas de sa iambe au dedans & sus sa patte en angle equilateral. comme ie la vous ay faicte cy pres ou elle est figuree sans lignes & noire.

L. Comme iay cy deuant, au Chapitre, de la lettre **E**, dit & monstre, est tiree du dit **E**. en ostant les deux traicts trauerceans de dessus. **L**. dit Martianus Capella. lingua palatoq; dulcescit. Cest a dire. **L**. veult estre prononcee de la langue & du palaix, qui est cōcauite superieure de la bouche, avec vng doulx esprit de voix, en la quelle chose est entendue sa figure, qui est dune ligne perpendiculaire faisant a son talon vng angle sus le quel elle est assize. Priscian en son premier Liure, au Chapistre. De literarum commutatione, dit que Pline estoit dopinion que **L**. contenoit trois sons en pronūciation. Les mots dudit Prisciā sont telz quil sensuyt. **L**. triplicem, vt Plinio videtur, sonum habet, Exilē, quādo geminatur secundo loco posita, vt. Ille, Metellus. Plenum, quando finit nomina vel syllabas, & quando habet ante se in eadem syllaba aliquam consonātem. vt Sol, sylua, flauus, clarus. Medium autem in alijs. Vt lectus lecta lectum. Cest a dire. **L**. a trois manieres de sons comme il semble a Pline. Le premier son est exile & simple en doulceur, & ce est quant elle est double & geminee, comme en disant. Ille, & Metellus. Le Segond son est dit plain son. & ce quant elle finist & termine les dictions ou syllabas, & quant elle a deuāt soy en mesme syllabe vne Consonne comme en disant. Sol, sylua, flauus, clarus. Le troiesiesme & dernier son, est moyen. & ce est quant elle setreuve aultrement mise en syllabas ou dictions qui nest dict aux deux premieres manieres de sons. Qui la voudra bien pronūcer, Il la doibt proferer comme sil vouloit dire ceste syllabe cy, **EL**. Et a ce propos ie veulx bien en cest endroit enseigner la iuste & deue pronūciation de toutes les lettres Abecedaires, en la quelle chose ie voy mille personnes errer, quant ilz disent. A. boy. coy, doy. ou il fault dire. A. be. che. de. comme si leur nom, excepte des Vocales, sescruiot en facon de syllabe. La quelle chose pour le bailler myeulx a entendre & persuader, Iescriray leurs dits noms

Martianus
Capella.

Priscian.

Pline.

Priscian.

La lettre
L. a trois
sons en
pronun-
ciation.


Notable
singulier
pour la
pronun-
ciation
des let-
tres.

et prononciations par syllabes en la forme qui sensuyt. A.be. Che.de. E.ef.ge. ha.I.Ka.el.en.en.O.pe.quu.er.es.te.ix.ypsilon. ou si vous voules autrement dire, dictes y Grec. Et puis la dernière qui est Zita, sera prononcee esd. Leurreur de la susdicte sottie prononciation, est venue de ie ne scay quelz maistres descole tant de Ville que de Village, qui se meslent de vouloir enseigner aultruy, & eulx mesmes ne le font cōme ilz deburoient estre. Cest vne grande honte sentre mettre faire vne chose sans bon fondement & parfaicte science,

Pour monstrer au doyt & a loeuil que L. veult estre pronūcee comme ceste syllabe cy el, ie dis quelle est faicte de le E. & que sa prononciation en participe entendu quelle est tiree dudit E. Laquelle chose ia soit que ie laye ia mōstre au Chapitre dudit E. neaumoings si le monstreray ie de rechef, afin quon puisse facilmēt cognoistremes dits estre vrayz. & ce tesmoing la figure cy presreiteree, designee, & assize, ou iay vng peu separe les deux haults bras & traicts trauerceans dudit E. en laissant la dicte L. entiere & parfaicte,

De la
deue pro
nūciatiō
de le L,

Vela euidement cōmant le L. est tiree de le E. & quelle veult estre prononcee, comme iay dict, el. non pas Ellē. en quoy mille ignorans errent tous les iours, & celluy qui inuenta & feit premieremēt le Resbuz qui se dict, Elle est tornee a tort. Le quel Resbuz se paint & escript dune L. a lenuers, & dung A. tortu, y abusfa de la vraye prononciation: mais il luy est a pardonner, pour la licēce qui est permise & cōcedee a telz plaifans imagineurs & resueurs en Amours,



Resbuz,

Elle est
tornee a
tort,

Menslon
des Bour
guynons
et Fores
tiens,


Lest mal pronūcee en dictions Latines au pais de Bourgoigne & de Forest, quāt pour la dicte lettre L. on y prononce le R. comme iay veu & ouy dire a maints ieunes escoliers desdicts pais quant ilz venoiēt icy en Luniuersite de Paris au College, ou pour lors ie regentoye. En lieu de dire Mel, Fel, Animal, Aldus, ou Albus, & maintes aultres semblables dictions: ilz pronuncoient Mer, Fer, Animar, Ar dus, & Arbus, qui est abuse de la deue & iuste prononciation: & qui cause souuant non seulement sens confus, mais sens contraire. Parquoy ie prie les Peres & Regents de y mettre ordre, et acoustumer leurs enfās & disciples a bien prononcer. Cest vne des plusbelles vertus qui soit requise a vng hōneste homme & bon Orateur, que bien prononcer,

Beautio
table,

Considé-
rez bien
icy ceste
figure,

I Ay dict cy. deuant
au Segōd Liure en
plusieurs passages, q̄
noz bonnes l̄res Atti-
ques ont participatiō
avec les Neuf Muses,
et sept Ars liberaulx.
Ie veulx icy mōstrer p
figure & deseing Da-
strologie qui ē vne des-
dictes sept Ars libe-
raulx, la raisō de la pat-
te de le L. presente let-
tre, & cea propos q̄lle
est le mylieu & nōbryl
des l̄res Abecedaires.

L A lettre L. fust ia-
dis faicte & figuree
des bōs Anciēns en per-
spectiue & cōsideratiō



Le Soleil
au signe
de Libra,

Plaute,
Litera
longa.
Phillipes
Beroal,
Iehā Ba-
ptiste le
piteable,


Rhodi-
ginus,

Prouer-
be anciē.

du corps humain & de son vmbre au regard de laspect du Soleil estant au signe de la Balāce, quon dit, au signe de Libra, au mois de Septēbre vng hōme nud estant pieds ioincts aux rayz du Soleil quāt il est au dict signe de Libra, repre- sente & faicte la figure de la dictē l̄re L. en menāt vne ligne oublique du dernier bout & angle agu de la patte, au p̄mier bout & angle aussi agu de la sūmite de la dictē l̄re L. Pour quoy monstrier a loueil, ien ay faicte vne figure & deseing cōc le voyez cy pres iprime. Et pource q̄ iay cy cōtemple ceste figure doctrinale & demōstratiue, il me sēble estre hōneste alleguer icy vng passage plain desperit, q̄ fait iadis le pl̄ plaifāt de to⁹ les bōs Poetes Anciēns nōme Plaute, qui appel la ceste dictē l̄re L. Literā longa. L̄re lōgue, en voulāt signifier q̄ vng hōme ou vne femme estāt pēdu p le col, rep̄sente de son corps & de ses pieds le L. cō- me lexposent tresingenieusement & elegātemēt Philippes Beroal, & Iehan ba- ptiste le piteable, q̄ iay veuz & ouyz lire publiqueēt il ya. XX. ans, en Bonois- gne la grace, tous Cōmentateurs sus le dict Plaute. & ce au lieu de la Comedie intitulee Aulularia, ou la vieille fēme nōmee Staphyla, dit. Nec quicquā meli⁹ est mihi, vt opinor, quā ex me vt vnā faciā l̄ram longā, laq̄o collū qñ obstrin- xero. Cest a dire. Et il ny a chose qui me soit meilleure, cōc ie cuyde, si non q̄ ie face de moy vne lettre lōgue, en me pendāt & estranglāt dune corde par le col. Rhodigin⁹ au. VI. liure de ses lecons antiqs au Cha. VIII. est contre lopinion des dess⁹ alleguez Cōmētateurs Beroal, & Iehā Baptiste le piteable. & dit que L. nest pas L̄ra lōga, mais dit q̄ cest la l̄re T. qui doibt estre dictē & entēdue en Plaute, L̄ra lōga. ou il me semble estre de petite raison. Celle desdicts Cōmen- tateurs me semble meilleure, & ie allegueroy les mots dudict Rhodigi⁹, se ne- stoit q̄ ie ne y veulx adherer, & q̄ ie seroy trop lōg, & porrois sortir les limites de mō ppos. Ie ne veulx toutesfois blasmer le dit Rhodigin⁹, ne ne puis, pour la grāde excellēce de sō scauoir & des Oeures quil a faicts. Syl ya este ebete, ien laisse le iugemēt a plusgrās & pl̄ scauās q̄ ie ne suis, & dis pour luy, Qñq; bon⁹ dormitat Homer⁹. qui est a dire. Quil ny a si bon qui ne erre aucune fois, aussi bien quō dit q̄ Homere erra a daucūs passages des ses Oeures poetiques,

LA lettre M. cy pres deſei-
gne, eſt faiſte de le I. ſeul
lemēt. & eſt de treize corps de
largeur, ceſt a dire, trois corps
plus large q̄ haulte. & requiert
a bien eſtre faiſte ſix tours de
Compas, pour leſquelz faire/
iay ſigne les lieux ou le pied du
dict Compas veult eſtre aſſis.

CEſte lettre M. eſt comme
ſont aucus hommes, qui
ſōt ſigros que leur ſainture eſt
plus longue que la haulteur de
leur corps, & ſachez a ce pro-
pos, que toutes noz lettres At-
tiques ont eſte iadis faiſtes des
Anciens, les vnes quarrées,
les aultres plus larges q̄ haultes,
& les aultres plus haultes
que larges, a la ſecrete ſignifi-
cation des corps des hommes,
entre leſquelz les pl⁹ parfaits
et beaulx, ſont les corps de bō
ne quadrature, la q̄lle quadra-
ture ſe peult figurer en angle
equilateral, en ligne perpendi-
culaire, ayant tous ſes angles
equilateraux, & en ligne tra-
uerſe, ayant auſſi tous ſes
angles equilateraux, De la quelle choſe pouuez lire amplement au Premier
liure de Euclides,



Notable
ſingulier,

Enclides

” **M**.dit Martianus Capella, labris imprimatur. Ceſt a dire, M. doit eſtre
pronūcee en ſorte que en la prouferāt, & que le ſon dicelle eſt en effect,
fault imprimer, ceſt a dire, ſerrer les deux leures lune avec laultre, ſans que la
langue ſoit remuee, ne quelle touche aux dēts de deuant, ne de quelque coſte
que ce ſoit.

Martia-
nus Ca-
pella,

” **L**A figure de le M. eſt toute vne tant aux Grecs que aux Latins, & eſt nom-
mee en Grec, Mi. qui eſt autāt a dire que M. qui veult eſtre pronūcee dung
ſon imparfait, & quaſi retire au dedās de la bouche, cōme en diſant, em, a la
raiſon de quoy aucuns Anciēſ iadis la diſoiēt Hemitoniū. Ceſt a dire, lettre a
demy ſon. De la q̄lle choſe Galeotus Martius Narnienſis eſt teſmoing en ſon
Segond liure intitule, De hoie interiori. Priscian au lieu ou il traite De literarū
cōmutatioue, dit q̄ M. a trois manieres de ſons. Obscur, Apert, & Moyen. Ses
mots ſōt telz quil ſenſuyt. M. obſcurū in extremitate dictionū ſonat, vt Tēplū.
Apertum in principio, vt Magnus. Mediocre in medijs, vt Vmbra. M. dit il. en
l'extremite & a la fin des dictions ſonne obſcuremēt, cōme en ceſte diction Tē-
plū. Elle a ſon auſſi au comācemēt qui eſt apert, cōe en ceſte diction Magnus,
Pareillement elle a ſon moyen au mylieu, cōme en ceſte diction Vmbra,

M.
Hemito-
nium.
Galeotus

Priscian.

M. a trois
ſons,

LE TIERS LIVRE.

Mention des Normans, **L**Es Normans sabusent en la deue pronunciation de ceste lettre M. quāt elle est finalle es dictions Latines, car pour Templum, ilz disent Templun. en prononceant N. pour M. & Patren, pour Patrem. qui nest obserue la raison de Grammaire Latine,

Bon Notable, **A**Ce propos pource que ie voy maints parlans, & maints escripuans errer en ceste dicte lettre M. Cest a scauoir en mettāt bien souuant N. pour M. et M. pour N. Je veulx icy tresuoluntiers escrire les lettres deuant les quelles nostre dicte M. semue & change en N. & ce selon la doctrine du bon auheur

Priscian, Pline, Priscian. incontinent apres le lieu cy dessus allegue, du quel les mots sont telz quil sensuyt. M. transit in N. & maxime D. vel T. vel C. vel Q. sequentibus. Vt Tam, tandem. Tantum, tantundē. Idem, itenditem. Num, nuncubi. Et, vt Plinio placet, Nunquis, nunquam. Anceps, pro amceps. M. dit il, se passe & se mue en N. & mesinemant quant D. ou T. ou C. ou Q. lensuyuēt, comme en ces dictions Latines. Tam, tandem. Tantum, tantundē. Idem, identidem. Num, nuncubi. Er cōne il semble a Pline. Nunquis, nunquā. Anceps, pour amceps.

Notable tressingulier pour lettres seruans en Abreuiations. S. X. & Z, **I**Ay dict cy deuant au Chapistre de le I, que M. en nombre Latin signifie Mille, & est vray, mais encores quant elle est seule escripte auec vng point la suyuant, elle signifie & vault autant que ceste diction Marcus. Comme A. si signifie Aulus. BR. Brutus. C. Caius. & quāt il est torne ainsi J. il signifie Caia. D. Decius. & torne ainsi Q. Decia. FA. Fabius. GN. Gneus. IV. Iunius. K. en nostre vsage, Carolus. en Latin Calende. L. Lucius. NL. Non liquet. OPT. Optimus. P. Publius. Q. Quintus. & ainsi torne D. Quinta. R. Roma. ou Romanus. RP. Respublica. SEX, Sextus. S. Sestertium. VAL. Valerius. X. Decimus. Y. & Z. nont point este vsitez en Latin pour telles significatiōs & abreuiatures de noms Latins, pource quelles sont lettres puremēt Grecques. Tou tefois Z. en Chifre, Latin, & Frācois, est bien mis pour Deux, & escript aussi. Les susdictes Abreuiations dune lettre, de deux, ou de trois, cōme ien ay bail le exemple, ont este ordonnees par les Grecs & Inuēteurs des lettres Attiques lesq̄lles pour leur quadrature requierent estre escriptes loing a loing, & en grande liberte, en la quelle chose & liberte, ne peut estre comprise gueres grāde substance ne sens de langage escript, si on ny vse dabreuiation.



Abreuiatures Frācoises p̄lēs seules. **A**Limitation des Grecs & Latins nous ysons aussi Dabreuiatures par seules lettres en Noms propres, & ce en noz signs manuelz. Comme en voulant signifier Andre, Antoine, Anseaulme, Alexandre, Anne, Agnes, & mille autres semblables, nous escripuons vng A. Et pareillement en toutes les autres lettres, mais noz Surnoms nous les escripuons tout a long & entiers. La quelle chose les Latins nont pas obseruee en tous les leurs, comme on peut veoir par les Histoires anciennes des Rōmains. Qui aura desir scauoir biē lire en Abreuiatures anciennes quō peut veoir en Medalles & en Epitaphes: si sādresse au petit & bon liure que Probus Grammaticus fait iadis. Il y en ya a suffisance & abundance par lordre de toutes les lettres Abecedaires,

Notable **I**E ne veulx passer oultre sans dire que a bien faire vne M. fault premieremēt faire vng V. puis les deux iambes selon le nombre des lignes & points cy deuant mansionnez.

LA lettre N. cy pres designee, est vng corps plus large que haulte. & veult auoir a sa deue facon cinq tours de Cōpas, cōe iay signe les lieux ou doibuent estre les cētres pour asseoir le pied du dit Cōpas. Aulcuns Anciens luy faisoient le bas de la Segonde iābe a pointe viue & ague, mais ie lay coupe en ésluyāt Brasmāt qui la aīsi faicte aux galleries du Pape Iule, entre le Palais sainct Pierre de Romme, & Beluedere.

N. veult estre pnūcee de la lāgue venant toucher cōtre les dēts de dessus, & cōtre la partie du palais prouchaine aux dictes dēts de dess^{us}. ainsi cōe lenseigne tressubtilement le bon Auteurs Ancien Martian^{us} Capella, quāt il dit. N. lingua dētib^{us} appulsa collidit. Cest a dire. N. est pronūcee sec & neēt de la iāgue poncee cōtre les dēts. les quelles dents sont entendues les superieures.

DE toutes les autres lres Attiques ny a que le M. & le N. qui sortēt hors de leur Quarre equilatral. Cest a dire, qui soiet pl^{us} larges q^{ue} haultes. Cōme iay dict, M. est pl^{us} large q^{ue} haulte de deux corps, & N. dung qui sont trois corps pour les deux lres, leq^{uel} nōbre de trois, est Imper: cōpose de Per/ & Imper, qui sont vng & deux. La q^{uelle} chose secretemēt signifie bon heur, comme iay cy dessus dict amblemēt au Second Liure: & pareillemēt au cōmancemēt de ce present Troisieme/ & dernier. Et ce secret bon heur est icy des Anciēsentēdu, pour mōstrer q^{ue} cest grāde felicite aux hōmes depouuoir auoir cognoissance des bonnes lres iusques a plus de la moitie. Iay dict q^{ue} le L. faict le mylieu du nōbre des lres: & doncqs M. & N. viennent apres icelle L. pour secretemēt offrir signe de bon heur & felicite a ceulx qui perseuerent en la cognoissance des bonnes Lettres & Sciences. En ce quel les passent & excedent leur Quarre equilatral, cest signe dabundance, qui signifie que ceulx qui abudent en cognoissance desdictes bonnes lettres, abudent en tous biens & excellēce de perfection & vertus. La quelle chose les bōs Anciens ont aussi signifie en logeant apres lesdictes M. & N. le O. qui est faict rond en vng Quarre equilatral, qui monstre la totale perfection des hommes bien lettres, entendu que le Rond & le Quarre sont les deux plus parfaites et plus capables de toutes les aultres figures designees par Symmetrie & Commensuration, en la quelle Commensuration & deue proportion consiste la forme & figure de toutes noz bonnes & diuines lettres Attiques.



Martianus Capella,

Notable singulier.


Mention du nōbre Imper portants bon heur

Sens moral, de le L. M. N. et O.

Mention du Rond et du Quarre,

IE porrois ainsi adapter & moraliser toutes les aultres lettres, mais ce seroit assez pour faire vng volume plus gros que vne Bible, laquelle chose ie ne puis a ceste heure, pour le tēps qui requiert que ie soye plus bref, & que ie passe oultre.

LE TIERS LIVRE.



Mention
du Colli-
see de
Romme.

Parler rō-
dement.
Mention
des grecs
et Laco-
niens.

Martia-
nus Ca-
pella.

Notable
singulier.

Mention
de Lapo-
calypse.

Notez
icy, & en-
tendez biē

LA lettre O. cy pres deseignee, est aussi large que haulte, & rōde par dehors yniformement en vng Quarre equilateral. Par dedans, elle est rōde en forme de fons de cuue, Cest a dire rond vng peu estandu, & faisant deux coustez vng peu lōguets, a la quelle forme interieure & exterieure le Collisee de Rōme fut iadis edifie, cōme on peult veoir encores aux ruynes qui en restent dedans la dicte Rōme. A faire celsdicts deux ronds, differens, sont requis cinq centres, que iay signes aux lieux ou le pied du Cōpas veult estre assis. Sa rotōdite assize sus le Quarre, signifie toute perfection, cōme iay dict nagueres cy deuāt, a propos de quoy auons en nostre langage Frācois, que parler rondemēt, est a dire/ et signifie parler perfectemēt & amplement, en cōprenant beaucoup de sens en peu des parolles. La quelle chose est peculiēre & commune aux Grecs, & principalement en la lāgue Laconique. desquelz Horace a dict en son Art poetic. Graijs ingenium, Graijs dedit, ore rotundo, Musa loqui. Et est a dire, que les Grecs, de leur nature ont vng moyen musie quilz parlent & escripuent rondemēt & amplement.

O.dit Martianus Capella, rotundi oris spiritu cōparať. Cest a dire. Le O. veult estre pronunce dung esperit & son, sortant rondemēt de la bouche, cōme sa figure & deseing le mōstre. O, en langue Latine est aucunesfois bref en quantite de syllabe, & aucunesfois long, & tout ce en vne mesme figure de scripture. Mais en Grec il ya Omicron, & Omega. Cest a dire. O, breue; & O, longum. O, bref: & O, produyt/en deux faczons de scripture. Le Omicron est tout rond par dehors yniformemēt, & les Latins lōt vsurpe sans corrompre sa figure. Le Omega en lre maiuscule, est rond par dessus, & ouuert par dessoubz. Du quel la forme & vray deseing nest gueres biē obseruee de aucuns qui escriuēt & pronuncēt ce passage du XXI. & penultime Chapitre de Lapocalypse, ou est dict. Ego sum Alpha & Ω. au quel passage, en lieu de Omega, qui veult estre ainsi fait. Ω. escripuēt O. tout roud, qui est vng Omicron. & le sens veult q̄ ce soit Omega, qui est la derniere lettre Abecedaire en Grec, car il se y prêt pour acōplicemēt & fin, en disāt. Ego sum Alpha, & Ω. Cest a dire. Je suis, dit Dieu, cōmancemēt & acōplissement de toutes bonnes choses. Omicron ne signifie pas acomplissement, parquoy doncqs me semble soubz humble correctiō quil y fault myeulx Ω. q̄ O. Daultre part, puisquil ya en escript. Alpha. tout au long & entierement, ie voldrois scauoir sil ne seroit pas bon escrire et dire aussi Omega: ainsi. Ego sum Alpha & Omega, Puis que Alpha est escript

et prononce au long, il me semble vray semblable que Omega le doibue estre aussi, ou dire & escrire. Ego sum A. & Ω. afin que A. ne soit emplus escript ne prononce au lōg que Ω. Je ne veulx cy toutefois corriger la saincte Escrip-
ture, ne ne porrois aussi, mais comme Grammarien, & que ma presente matie-
re est de enseigner a bien escrire & prononcer les lettres Abecedaires, Ien dispu-
te pour en auertir ceulx qui prenēt plaisir a bien dire, & bien faire, & qui ayment
la purite de toutes lettres. Au texte de la Bible en Grec. ya. Εγω ειμι το. α. και
το. ω. seulement par A. & Ω. simples lettres. O. en Grec, en Latin, & en Fran-
cois est vng Auerbe vocatif. le quel est prononce des Grecs par Accent circun-
flect, & par vng ton non aspire quon dit exile & sec, mais en Latin Alde en ses
impressions lescript en aucuns lieux avec accent agu, En nostre langage Fran-
cois nauons point d'accent figure en escripture, & ce pour le default que nostre
langue nest encores mise ne ordonnee a certaines Reigles comme les Hebrai-
que, Greque, & Latine. Je voudrois quelle y fust ainsi que on le porroit bien
faire. Exemple en Grec de Ω. vocatif. Theocritus in Thyrside. Theocrite en sa
p̄miere Eclogue nōmee Thyrsis. Ω ^ λυκοι ω ^ θωις. Et vng peu ap̄s. Ω ^ Π α υ
P α υ. Exemple en Latin. Virgile en sa premiere Eclogue. O ^ Melibæe De ^ no-
bis hæc ocia fecit. En Francois, comme iay dit, ne scriuons point l'accent sus le.
O. vocatif. mais le prononceons bien comme en disant O. pain du Ciel angeli-
que. Tu es nostre salut vnique. En ce passage d'accent, nous auons imperfectiō
a la quelle doiburons remedier en purifiant & mettant a Reigle & Art certain
nostre lāgue qui est la plus gracieuse quon sache. O. aucune fois en Latin est si-
gnificatif de xclamation, & alors est prononce & escript avec accent graue, &
aucune fois aussi avec accent agu comme on peut veoir en Iuuenal quant il dit
O ^ fortunatam natam me Consule Romam. Et Bude au premier liure De asse,
feuille seiesime en impression aldine. O ^ a cre iudicium hominum, quib ^ tamē
ipsis inter classica recitanteis Italos exaudire tantum vacauit. Exemple quant.
O. est agu. Bude au susdit Liure. O ^ tempora. ^ Omores. O tant en Grec, quen
Latin, & en Francois aussi, au moins es Poetes & Orateurs est tousiours vni-
que & seul en quelque signification quil aye, mais ie le treuve multiplie iusques
au nombre de trois au Segond Chapitre, du Prophete Zacharias, ou il ya.
O ^ O ^ O ^ fugite de terra Aquilonis, dicit dominus. Mais encores ie treuve que
le texte latin n'accorde pas au texte Grec. car au Latin ya trois O. & au Grec
deux. Ω. La quelle chose ie veulx tresuoluntiers cy dire pour en auertir ceulx
qui lisent en la Bible afin quilz preignēt garde a la verite delū & de laultre. Au
texte Grec ya. ω ^ ω ^ φευγετε απο της βορρα λεγει Κυριος. Si ie voulois di-
sputer sus ce passage, Ie porrois dire par auāture qlque chose de bō, mais ien la
irray faire & dire aux Theologiens a qui il apartiēt accorder La saincte escrip-
ture, & la rendre en son entier. Je, qui en ce liure traite des lettres, men passe
oultre, & viens a ma lettre Abecedaire ensuyuante, qui est P.


Bons, &
deuots
esperits,
entendez
bien icy.

O. Ad-
uerbe vo-
catif.
Alde,
Mension
de la lan-
gue Fran-
coise.
Theocri-
tus.

Virgile.
Entēdez
Icy de-
uots ama-
teurs de
bonnes
lettres.

Iuuenal,
Bude,

Zacha-
rias Pro-
phete.
Notable
tres sin-
gulier en
la Bible.



P. est tire
du B.

LA lettre P. cy pres faicte & desaignee de le I. & de le O, est de sept corps de largeur, & tiree du B. en ostant la pansse basse dicelluy B. & coupât le bout dembas de la pansse dicelluy. P. a deux corps loing de sa iambe droite, comme pouuez veoir cy pres en la figure. A biē faire le P. sont requis cinq tours de Cōpas, pour lesquelz faire iay signe les lieux ou le pied dudit Compas veult estre assis.

Notable

P. Est pl^r hault que large de trois corps entiers, & comme iay dit, le bout de sa pansse que iay appellee le trait du mylieu veult estre coupe a deux corps loing de sa iambe. Je dis cecy scientement, pource que ie y voy quasi tousiours errer ceulx qui se meslent descrire en lettre Attique. Ilz font la ditte pansse adherente par dessoubz comme par dessus, la quelle chose ne se doit faire.

Martianus.
Capella.

Priscian.

Alde,

P. Dit Martianus Capella, labris spiritus erumpit. Le P. est pronunce de la voix sortant des leſures ioinctes, la quelle chose peut estre entendue en la figure dudit P. Celluy P. est si bien tire du B. quil y auoit iadis si grande affinite de lung avec lautre, que bien souuant B. estoit escript & dit pour P. comme on peut veoir en ces dictions. *τρίαυρος*. & *Triūphus*. *βυγγοσ*. & *Pyrhus*. *βυξοσ* & *Pyxos*. & inde *Pixides*. De la quelle chose on peut veoir amplement en Priscian & aultres bons Autheurs Grammairiens, & singulierement en vng grantieux petit traicte que Alde a faict de la vailleure & commutation des lettres Greques avec les Latines.



Priscian.

LEs Latins a limitation des Grecs aspirent aucunes fois le P. pour vsfer des dictions Greques qui s'escripuent avec Phi. φ. qui vault autant que P. & H & les bien Anciens Latins, comme le tesmoigne Priscian en son premier Liure, au Chapitre. De accidentibus literæ, vsoient dudit PH. pour F. auant que ledit F. fust en vsage. mais en fin, es dictions Latines F. fut obseruee. Les mots dudit Priscian sont telz quil sensuyt. *F. æolicum digamma quod apud antiquissimos Latinorum eandem vim quam apud Aeoles habuit, eum autem prope sonum quam nunc habet F, significabat P, cum aspiratione, Sicut etiam apud ye*

22 teres Græcos pro φ, P. & H. Vnde nunc quoq; In græcis nominibus antiquā
 22 scripturam seruamus. pro φ. P. & H. ponentes. Vt Orpheus, Phaeton. Postea
 22 vero i Latinis placuit verbis pro P. & H. F scribi. Vt Fama, Filius Facio. Cest F. digam
 a dire. F, lettre inuentee des Eoliens, & qui est faicte de deux Gamma. la quelle ma Aeos
 F, en l'usage des Anciens Latins auoit telle vertu quelle auoit en la langue des licum,
 dicts Eoliens, a quasi le mesme son qua maintenant le F & signifie: t'vng P.
 avec aspiration. comme semblablement entre les anciens Grecs en lieu de φ. P.
 & H. estoient mis. A la cause de quoy maintenant es dictions grecques gardōs
 l'antique escripture, en mettant pour φ. P. & H. comme en disant Orpheus
 Phaeton. Mais puis apres es dictions Latines en lieu de P. & H. F. fut escripte
 comme en disant Fama. Filius. Facio. En nostre langage Francois nous naspi-
 rons point le P. si non es dictions tirees du Grec ou du Latin aussi tire du Grec,
 comme en disant Philibert. Philosophe, Philippe, Phantastique & dau-
 tres vng cent. P. en abreuiature Latine, signifie autant que Publius.
 Quant il est gemine, Il signifie Petrus Paulus, ou, Pater pa-
 triæ, & quant il est trois fois de suytte escript, Il signi-
 fie, Prius pater patriæ. En Francois il est mis en
 abrege seulement pour Noms Pro-
 pres, & ce, en seings manuelz de
 Scedules, Quitances, &
 lettres de Finances
 & Præctique.

LE TIERS LIVRE.

LA lettre Q. cyps designee, & faicte de le. O. en teste, & de le I, couche en queue est en la dite teste aussi large que haulte & en la queue est haulte de quatre corps, & l'ongue de XIII. A faire la dite teste, s'ont requis cinq Centres, & a la queue deux, que i'ay tous signez es lieux ou ilz requerront estre faicts.



Martianus.
Capella.
Notable singulier Q V.
Toutes les. XXIII. lettres Greques seferuent tousiours estre deux lignes equidistantes.
Exemple en Dialogue,

LA prononciation de ceste lettre Q. veut estre en frapant de la langue contre sus, & en estroicissant sa bouche, comme lenseigne Martianus Capella quant il dict. Q. appulsu palati ore restricto. Q. dit il, est prononce de latouchement de la langue au palais, & de la bouche retroicte.

Ay dit cy deuant au Second liure que Q. est la seule lettre entre toutes les autres qui sort hors de ligne, & la raison est que iamais nest escripte en diction avec aultres lettres sans auoir incontinent & ioignant apres soy vng. V. quelle va querir & embrasser par dessoubz comme son ordinaire compaignon, & se al amy. Q. est bien aucunes fois mis en abreuiation tout seul avec vng poit, & signifie autant que Quintus. Mais en dictions entierement escriptes. Il veut tousiours V. pour compaignon. comme en ces dictions. Quis. Quia, Quando. Quidam, Quanquam, & vng cent dantres. Semblablement en Francois. Qui esse, Qui cest? Cest Quentin. Que veut il? Il quiert la rue de Quiquempoit, A

quoy faire, Pour y trouuer quelcun pour aller iouer aux Quilles,

Q, & C. sont quasi esgaulx en figure & vertus, si non que Q. est tout rond en teste, & le C. est ouuert. Il ya si grande affinite entre eulx se dit Priscian en son p^mier liure, q^u bien souuāt en dictiōs Latines Q. se cōuertist en C. Les mots du dit Priscian sont telz quil sensuyt. De Q. quoq; sufficienter tractatum est, quenisi eandem vim haberet quam C. nunquam in principiis Infinitorum, vel Interrogatiuorum quorundam nominum posita per obliquos casus, in illam transiret. Vt Quis cuius, cui, Similiter a verbis Q. habentibus in quibusdam Participijs in C. transfertur. Vt Sequor, secutus. Loquor, locutus. Cest a dire. Nous auōs, dit il, suffisamment traitē de ceste lettre Q. la quelle si elle n'auoit semblable vertus que a le C. Iamais ne se conuertiroit on dit C. aux commandemens des obliques de aucuns noms Infinitifz, ou Interrogatifz. comme en disant. Quis. cuius, cui. Semblablement celluy Q. est transmue en C. es Participes venans des verbes ayant Q. comme en ceulx cy. Loquor, locutus. Sequor, secutus. Les Anciens pour monst^rer ceste grande affinite de Q. en C. biē souuāt escriuoient QVV. pour CV. & au contraire CV. pour QVV. comme tesmoigne le dit Priscian au dit lieu allegue, quant il dit. QVV. ponebatur. & econtrario. vt Arquus. Coquus, Oquulus, pro Arcus, Cocus. & Oculus. Quum pro Cum. Quur, pro Cur.

Nous gardons celle ditte affinite & mutatioz de Q. en C. en nostre langage Francois. en disant Quelque persone, & quelconque persone. Quel que yng, & quelcung & anciennement Quelquum. Au prim temps chante le Coquu, & Au prim temps chante le Cocu.

La lettre Q. a si grāde authorite de tirer & auoir apres soy le V. que le ayāt tire, Il luy faict perdre vne grande partie de son son. la quelle chose est bien obseruee en la prononciation des Italiens qui apres G. & Q. prononcent beaucoup myeux celluy V. que ne font les Francois. excepte ceulx qui ont frequente en Italie, & sefforcent imiter lesdits Italiens.

Pour monst^rer ce que iay dit, que Q. tire & embrasse de sa queue le V. Iē ay faict cy pres yng deſeing au quel on peut veoir que le bout de la ditte queue s'accorde a la pointe du bout dembas de le V. & monst^re secretement l'espace qui est requise entre vne chacune des lettres estans escriptes en quelque Sentence, mettre, propos, ou diction. L'espace que verres estre entre la lettre Q. & le V. cest celle qui est communement requise entre les lettres, si non en Impression de lures. Toutefois elle n'est pas tousiours obseruee. car selō le lieu & l'escripture qu'on y veult faire aucune fois celle espace est de la largeur d'ung. I. aucune fois d'ung F. aux autres fois d'ung E. & aux autres fois de plus ou moins selon que la matiere & le lieu le requierent, & selon que l'escriuain a bonne discretion. Mais en tout & par tout notez que toute lettre Attique veult estre escripte au large, & en grande liberte, par quoy la substance qu'on y veult escrire, requiert estre la pl^us breue quil est possible, Comme celle quō dit en Grec. Αακωνισμοσ. & en Latin. Breuiloquentia, & en Francois. Breue sentence. En la quelle chose les Laconiens iadis en Grece auoient tresgrande grace, pource que de leur costume ilz comprenoient grant sens en peu de parolles, comme on peut veoir en leurs Apophthegmes, cest a dire Dittons sententieux, que Plutarque a redigez par memoire & escript. De ceste Breueloquence Erasme parle en sa. II. Childe, au Prouerbe X M L V I I I.


Le deſeing de la lettre Q. & de le V. est tel quil sensuyt,

Priscian,

Q. en C,

QVV.
pour CV
& au con
traire.
Priscian.Bon no
table,Mention
des Ita
liens,Belle do
ctrine.
Notable
singulier.
Laconisa
mus.Breue
sentence.
Mention
des Laco
niens.
Plutar
che,
Erasme,

Vela le defeing des deux nobles compaignons Q. & V. selon leur espace, requise es syllabes des dictions esquelles se treuvent bien escriptes, ou a bié escrire. Et notez encores sus ce passage. Q. nest iamais lre finalle en syllabe ne diction,



Q. nest point Lettre finalle.

Notable

Oultre plus, notez les centres seruans a faire la queue de nostre presente lettre Q. que iay signe de A. & B. Et sachez que le pied du Compas veult estre assis sus A. ou sus B. qui sont dedäs le V. & chascune des deux lettres sadresse a sa semblable pour faire le tour du Compas. Les autres centres non signez de lettres, seruent a faire la teste de la lettre Q. & le V. comme porrez veoir par experience & bon exercice.

Aultre notable,

Sens moral,

NOtez encores dabūdance que la lettre Q. est lettre Latine faicte de Omicron lettre greque, ou si vous voules dittes quelle est faicte de le O. & yng trait par dessoubz. qui denote q̄ apres la perfectiō que a le O. denote en la capacite de sa rotundite, & le propos de Prosperite que le P. subsequent a le O. signifie, ceulx qui perseuerent es bōnes lettres, oultre leur perfectiō de Sciēce, font queue a leur scauoir. Cest a dire. acquerent des biens par leur vertus. que le V. qui est la premiere lettre, de ce nom vert⁹, nous enseigne & monstre secretement, comme peuuent iuger ceulx qui en ont la studieuse / & bonne cognoissance,

LA lettre R, cy pres deseignee & faicte de le I. & de le O, est aussi large que haulte, & requiert a estre bien faicte sept centres que iay signes es lieux ou le pied du Compas veult estre assis,

” **R**. Selon que dit Martianus Capella, In spiritū lingua crispate corraditur. R, est prononcee de la langue faisant strideur & son ronflant apertement. Quāt les chiens se despitēt lung contre laultre, auant quilz sentremordent, en renfroignant leur geulle/ & retraignāt leurs dents, ilz semblent quilz prononcent le R. a la cause de quoy le Poete Perse, être les Satyriqs & Mor dans le plus gentil, la dicte estre Littera canina, Lettre canine, & celle q̄ les chiens prononcent, quant il a dict en sa premiere Satyre.


” Sonat hic de nare canina, Littera. Cest a dire. La lettre canine, resone en cest endroit cy, dung coste du nez. Quāt vng homme est en ire, ou rechingne, ou courouce, on dit quil est de q̄lq̄ deplaisir irrité. Cest a dire, exaspere. et ce, pource quil ne scauroit dire vne douce parolle, mais toute aspre, grieve, & plaine des lettres faisant strideur lesquelles lettres sont RR. repetees/ &

asprement prononcees. Et pour euiter ceste rude asperite, les Anciens Latins escripuoient & pronuncoient bien souuāt S. pour R. en telz noms comme sont Valerius, & Furius, disant, Valesius, & Fufius. Quintilian en est tesmoing au Premier liure de ses Institutiōs d'art Doratoire, quāt il dit. Sed & quæ rectis quoq; casib⁹ ætate trāsierūt. Nā vt Valesij & Fufij in Valerios Furiosq; venerunt. Ita Arbos, Labos, Vapos, etiā Clamos ætatis fuerunt. Festus en est aussi tesmoing disant ainsi. S. quoq; pro R. sæpe antiqui posuerūt. vt Maiosib⁹, Meliosibus, Lasibus, Fesijs. pro Maiorib⁹, Meliorib⁹, Laribus, Ferijs La quelle mode de pnuncer est aujourd'hui en abustant en Bourges, dou ie suis natif, quen cest noble Cite de Paris, quāt pour R. bien souuāt y est pronunce S. & pour S. R. Car en lieu de dire IESVS, MARIA. ilz pnuncēt IERVS MA SIA. Et en lieu de dire au cōmācemēt du Premier liure de Eneides de Virgile. Musa mihi causas memora quo numine læso, Ilz prononcent abusiuement, Mura mihi cauras memosa quo numine læro.


Ie ne dis cecy pour les blasmer, car il y en ya qui pronuncēt tresbien. mais ie le dis pour en auertir ceulx qui ne prenēt garde ne plaisir a bien prononcer.

Ietreuee dauantage trois aultres Nations qui prononcent le R. tresmal. Les Manseaulx, les Bretons, & les Lorains. Les Manseaulx adiouxtent S. avec R, car si vouloient dire Pater noster, ou Tu es Magister noster, Ilz

Lij.



Martianus Capella,



Perse.
R. lettre Canine,

S. pour
R.
Quintiliā


Festus.

Mensior
de Bourges,
& de Paris.
Virgile,


LE TIERS LIVRE.

<p>Mention des Bretons, et Loraïs</p> <p>Erasme.</p> <p>prouerbe</p> <p>Notable singulier.</p>	<p>pronunceroient Paters nosters, Tu es magisters nosters. Les Bretons ne pronuncent que vne R. ou il en ya deux escriptes. Comme en disant, Homo currit. pour Homo currit. Au contraire les Lorains en pronuncent deux/ ou il ny en a que vne. Car silz veulent dire, Sainte Marie, vecy grandemoquerie, & dure dyablerie, Ilz pronuncent. Sainte Marrie, vecy grã de mocquerie, & durre dyablerrie. Ce sont les Lorains contre lesquelz le Prouerbe. Sept cents cinquante & trois de la Seconde Chiliade Derasme peult estre allegue, ou il ya. Eretrienſium Rho. non pas contre les Picards, comme escript au dict Lieu le dict Erasme, & mesbahis comme il se y est abuse, veu quil est si scauant, & quil na entendu que les Picards pronuncent beaucoup myculx le R. que les Loraïs. & aussi quil ne cognoist quil nya Nation en France qui pronũce myculx que lesdictz Picards. Peult estre quil entent que Picards & Loraïs pource quilz parlent Frãcois sont tous vne Nation.</p>
--	--

LA lettre S, cy pres desaignee, est plus haulte q̄ large. Sa largeur n'est q̄ de six corps moins deux tiers de corps. Lesquelz deux tiers se laissent l'un au Premier corps, & l'autre au Sixiesme. Et ce pour la largeur de la panse dembas, car celle denhaut n'est q̄ de trois corps & deux demyz, comme on peut clerement veoir cy en son dict desceing, ou iay signe huit centres es lieux ou le pied du Cōpas veult estre assis a la bien faire. Frere Lucas Paciolo la desaigne aultremēt et plus confusēmēt en sa Diuine proportion, en y faisant plusieurs Rōds et Lignes droictes perpēdiculaires, mais ie ny mets tant de peine, car cōme on peut veoir a loueil, ma tradition est plus breue & aisee, & avec ce plus seure. Ie ne le dis pour me venter, mais la veue en decouure le fait. Le S. selon le dict Paciulus, est la plus difficile a faire de toutes les lettres, mais en mon Art ie la treuve aussi facile que vne aultre. Elle veult estre plus large en bas quen hault, par raison naturelle, pource quelle est faicte de rond sus rōd, desq̄lz si l'un veult tenir stable & demorer sus l'autre, cōuiēt quil soit plus petit. Et a ceste raisonnable cause le nombre. 8. en chiffre est escript de deux o. l'un sus l'autre, & celluy qui est dessus, est plus petit que celluy qui est dessous. Daultre part, nous voyons que L'homme naturel se tenant tout droict sus ses pieds, comprend plus en largeur, & est plus espalte par les pieds/que par sa teste.



Frere Lucas Paciulus,



8. en chiffre.

Notable singulier,

Martianus Capella.

Sigma.

Mention des grecs

IE fais volontiers icy ceste demonstration, pource que ien voy vng millier qui inscientement escripuent la dicte lettre S. plus large par le hault / que par le bas.

- „ **S**. dit Martianus Capella, Sibillū facit dentib⁹ verberatis. Cest a dire. Le S. est pnuncce en faisant vng sifflement entre les dents serrees. En Grec, elle est appelee Σιγμα. & est differēte en figure, car les Grecs le scripuēt quasi cōe vne M. couchee, ainsi Σ. & la pnuncēt forte & solide, quasi aussi valide q̄ quāt nous pnuncceōs deux S. S. Quāt ilz disent Μουσα, ilz pnuncēt Mussa. Ne ias mais ne la font exile ne adoulcyer entre deux vocales, cōme nous faisons. Silz voloient dire Musa, ou Philosophia, ilz pronunceroient Mussa, & Philosophia. Et ainsi par tout ou elle se treuve entre deux Vocales.

„ **L**E S. est dicte desdicts Grecs αἰτιον σιγμα. Cest a dire, L'ē inceptiue, pource q̄lle peut estre mise tant en Grec quen Latin deuāt toutes les Mutes, & deuant le M. en syllabe/ou dictiō dune syllabe, comme ces dictiōs cy,

L ij,

LE TIERS LIVRE.

- Σβεννω . Σπαρθη . Σκηπτρον . Στεμμα . Σθεινοσ . Σφινξ . Σχημα . Σμαραγδος . Et en Latin, Scutum, Spatium, Stamen, Scribo, Strues, Stlembus, Splēdidus. Elle peult aussi estre adiouxtee en la fin des syllabes & dictions a beaucoup d'autres lettres, comme en ces dictions Latines, Scrobs, Frons, Hyems, Ars, Puls, Stirps, Lans, Theseus. En nostre langage Francois elle peult estre premise, & soubzmise en beaucoup de facons a beaucoup de diuerfes lettres, que ie lairay pour ceste fois a dire, pour cause de breuete, & pour y laisser esbatre & employer quelque noble esperit qui voudra aider a ordonner & mettre la noble langue Françoise par certaine reigle a deumēt parler & escrire selon la vertu des lettres, syllabes, & dictions parfaites en la dicte langue Françoise.
- Menfion de la langue Françoise.** Le S. dauantage est dicte des Grecs, μοναδικον. Cest a dire, solitaire, pource que la diuision des Semiuocales, du nombre desquelles elle est, elle demore toute feulle en sa vertu. Car toutes les autres sont diuisees en quatre Liquides, qui sōt L. M. N. & R. et en deux Semiuocales appelees Doubles en leur vertu, qui sont X. & Z. Elle est de telle vertu en prononciation, & en quantite de metre, quelle est aucunes fois stable, & aucunes fois elle se uanoyst & se pert, tant en elle a peu deficace. A la cause de quoy elle est surnommee des Grecs, Ασχημον. Cest a dire. Non noble, & sans efficace. Elle se pert non seulement feulle, mais encores faict euanoyr sa prochaine Vocale, & bien souuent faict muer la quantite de la Vocale qui la precede, comme on peult clerement veoir en beaucoup de passages es Poetes Latins, dentre lesquelz ien allegueray quelques metres du Pere Ancien des Poetes Latins nomme Ennius, que Aulus Gellius a au. II. III. Cha. du. XII. Liure de ses Nuyts Attiques, quāt il dit, Doctus, fidelis, suavis homo, facundus, suoque Contentus, atq; beatus, scitus, secunda loquens in Tempore comodus, & verborum vir paucorum.
- Ennius.** Lesquelz metres se mesurent en leur quantite, en sorte que le S. se y pert en la facon quil sensuyt.
- Doctu' fi, delis, sauis ho, mofa, cundu' fu, oque
Conten, t' atq; be, atus, scitu' se, cunda lo, quens in.
- Beau notable,** I E dis & allegue ces choses icy afin que sil auenoit quon deust escrire en lettre Attique telz metres ou le S. se doiburoit euanoyr, on les porroit escrire honnestemēt & scientemēt sans y mettre la dicte lettre S. au lieu ou elle se porroit perdre, & escrire vng point crochu au dessus du lieu ou elle deburoit estre. Le quel point crochu estant au dessus des lignes en fin des dictions, signifie quil ya quelque Vocale ou le S. ostez par vertu de la quantite du metre, ou de la Vocale qui sensuyt en la sequente syllabe ou diction. Priscian nous est bon tesmoing au Chapistre, De literarum cōmutatione, q̄ le S. pert bien souuāt sa vertu quant il dit. S. in metro apud vetustissimos vim suam frequenter amittit. Virgilius in Vndecimo Aeneidos.
- Priscian.** Ponite' pes sibi quisque, sed hæc quam angusta videtis. Idem in Duodecimo. Inter se coisise vir' & decernere ferro.
- Virgile.** Ne, Ne autē Cōiunctione sequēte, cū Apostropho penit' tollit. vt Viden, Satin, Vin. Pro videtne, satisfne, & visne. Cest a dire. S. en metre des Poetes Anciens bien souuāt pert sa vertu. cōe en. XI. liure des Encides de Virgile, ou il ya. Ponite' pes sibi quisq; sed hæc quā angusta videtis. Et au. XII. liure ensuyuāt, ou il ya. Inter se coisise vir' & decernere ferro. Semblablement quāt ceste Cōiunction Latine, Ne, ensuyt le Sicelle S. est du tout ostee, & y signe on au dessus, cōme iay dict, vng point crochu quon appelle Apostrophus. Cōme en disant
- Apostrophus.** Viden' Satin' Vin' pour & en Lieu de dire, Videtne, Satisfne, & Visne.

Les Dames de Paris pour la plus grande partie obseruent bien ceste figure poetique, en laissant le S. finale de beaucoup de dictions: quant en lieu de dire, Nous auons disne en vng Iardin/ & y auons menge des Prunes blanches et noires, des Amendes doulces & ameres, des Figues molles, des Pomes, des Poires, & des Grufelles. Elles disent & pronuncient. Nous auon disne en vng Iardin: & y auon menge des prune blanche & noire, des amende doulce & amere, des figue molle, des pome, des poyre, & des grufelle. Ce vice leur seroit excusable, se nestoit quil vient de femme a hōme, & quil se y treuue entier abus de parfaictement prononcer en parlant.

Mention
des Daa
mes de
Paris,

Il nest de merueilles que. S. perde aulcunes fois sa vertus, quant dauantage bien souuant les Bœotes qui sont vne Nation de Grece, mettēt en son lieu vne aspiration/ en disant Muha, pour Musa. Ainsī cōme tout au contraire aussi elle est souuāt trouuee mise pour icelle aspiratiō, en disant Semis, Sex, Septē, Se, Si, Sal. qui sont escripts en Grec par Δασίλα. Cest a dire, par vng poit crochu qui signifie la dicte aspiration, & veult estre escripte au dessus des vocales Grecques & de Rho, comme Priscian en est Autheur en son Premier liure ou il traicte, De literarum commutatione, quant il dit, Sæpe vero pro aspiratione S. ponitur in his dictionibus quas a Græcis sumpsimus. vt Semis, Sex, Septē, Se, Si, Sal. Nam hemis, hex, hepta, he, hi, hals apud illos aspirationem habent in principio. Adeo autem cognatio est huius literæ, id est S. cum aspiratio ne, quod pro ea in quibusdam dictionibus solebāt Bœotes idem pro. S. h. scribere. Muha pro Musa dicentes.

Mention
des Bœo
tes,

Priscian,

Qui voudra veoir & scauoir a plain de la diuerse nature & vertus de cestre lettre S. il en porra veoir assez & trefelegammant au. IIII. Liure de la Grammaire Dalde, au Troisieme article du Chapistre, De septem modis comunium syllabarum, Alde,

Ceste lettre S. cōme iay nagueres dict, est dicte en Grec Σιγμα, παρὰ τὸ σιγῆν. Cest a dire, faire sifflement, & telle strideur que faict vng fer chauit et rouge quant on le trempe en leaue. Sigma doncques signifie & denote Silence, a la cause de quoy les Anciens bien souuant lescripuoiēt toute seulle au dessus de lhuis du lieu au quel on mengeoit & beuuoit acompaigne de ses bons amys. Pour mettre deuant les yeulx que les parolles & propos quon tient a table doibuent estre fobres & gardees en silence. La quelle chose ne peut estre faicte/ sil ya excès de trop boyre & menger, qui sont choses impertinentes a hō nestete de table, & a compaignye gracieuse. A propos de quoy Martial en ses ingenieux Epigrammes a dict,

Notez
icy la bel
le mode
antique,

Martial,

- ” Accedent sine felle ioci, nec mane timenda
- ” Libertas, & nil quod tacuisse velis.
- ” De Præsino conuiua me, Venetoq; loquatur,
- ” Nec faciant quenquam pocula nostra reum.

A Mon banquet, dit il, serōt mots ioyeux sans amertume, en liberte de parler cōme a iun, avec lāgage de propos q tu ne voudrois laisser a bien dire. Bref que mon amy de table parle dune chose & daultre, en sorte que mon vin ne luy trouble ses parolles.

Sigma doncques estoit indice & note pour le lieu ou on banquetoit honnestement/ sans grande effusion des parolles. & icelluy lieu nestoit capable que de sept personnes qui est vng nombre de Per & Imper, & a propos du quel nōbre Imper, Virgile a dit au Premier liure de ses Eneides, O ter quaterq; bti, Virgile,

L. iij,

LE TIERS LIVRE.

pour monſtrer quen tel nombre de ſept pouuoit eſtre tenu propos & langage ſans conſuſion. Le dict Martial a dict.

Septem Sigma capit, ſex ſumus adde Lupum.

Aule Gelle.

Nombre des perſo
nes requi
ſes a vng
Conuy.

Martial.

Celius
Rhodigi
nus.

Plaute
ST.

Terence.

ST.

Chut.

Largeſſe
Silence.

Aule
Gelle.
Heſiode.

S. ou ST

IL dict en aultre paſſage, que ce dict lieu pouuoit auſſi eſtre capable de huit perſones qui neſt encores hors du nombre des neuf Muſes, leſquelles Aule Gelle en lunzieme Chapitre du. XIII. liure de ſes Nuyts Attiques, dit eſtre le pluſ grant nombre de perſones requiſes a vng conuy, quāt il tient propos, que tout honneſte conuy en nombre de perſones doit comancer aux Trois Gra-

ces, & finir a Neuf Muſes.

Martial de rechef dit du dict Sigma,

Accipe lunata ſcirpum teſtudine Sigma,

Octo capit, veniat quiſquis amicus erit

PRENS, dit il, le Sigma eſcript en la voulte corbee, il y peult huit perſones, et pource y vienge quiconque me ſera bon amy.

Qui voudra veoir de cecy a ſuffiſance, il en trouuera au Septieſme liure des lecons Antiques de Celius, au. XVIII. Chapitre, ou il eſt traicte du dict Sigma, & daultres bonnes choſes.

LA lettre S. doncques ancienement eſtoit tant ſignificatiue de ſilence, que les Poetes Comiques en ont uſe & fait vne ſyllabe iprope, ceſt a dire ſyllabe ſans vocale, en y adiouxant vng T. ſeulement pour impoſer ſilence a quelcun parlant. & leſcripuient ainſi. ST. Plaute en ſa Comedie nōmee Truculentus, en Laſte qui commence. Rus mane me hinc ire iuſſit Pater, introduyt vng perſonage nōme Strabax, qui dit en ſoy meſmes,

Hodie efferam ad hanc argentū quam mage amo quam Matrem meā. ST. ce= quis? nulla eſt, ecquis aperit hoc oſtium? Semblablemēt Terence en a uſe en ſa Commedie nommee Phormio, ou il ya. Non is obſecro es, quem te ſemper dicunt, ST. quid has metuis fores?

NOUS vſons bien auſſi de ceſte ſyllabe imprope ST. quant nous voulons faire taire quelcun / & luy impoſer ſilence, mais aulcuns leſcripuent par Chut, qui eſt ſyllabe parfaite. Ceſt a dire ſyllabe ayant en ſoy vne Vocale, Nous en porrions uſer en diſant,

Eſcoutez ST. eſcoutez, voyez ou vous vous boutes.

Des lieux a en ce monde, ou ſouuant mal on ſe fonde.

IAy dict cy deuāt ou ie traictois de la lettre G. & des Reſbuz q̄ Plaiſanteurs font des lres, q̄ celluy qui inuēta le Reſbuz de le S. large, quon dit lettre de forme, & en ſeit ſa deuſe pour en ſignifier ſecretemēt & en entendre Largeſſe, eut bon eſperit a linuēſion dudiēt Reſbuz, mais ſil en euſt entēdu Silēce cōme les bons Peres Anciens entēdoient, il euſt eucores myculx fait. Silence & Largeſſe ſont deux belles vertus; mais Silēce a plus deſicace, cōme on peult veoir au. XV. Chapitre du Premier liure des Nuyts Attiques de Aule Gelle, ou il ya en ſentence du Poete Heſiode,

Optimus eſt homini linguæ theſaurus, & ingens

Gratia, quæ parcis menſurat ſingula verbis.

Ceſt a dire, La langue qui ſe reſtraind, & meſure ſes parolles, eſt treſgrant treſor, & ſouueraine grace.

IE voudrois a ce propos, que les ſeigneurs qui prenēt plaſir a edifier Palais et Maisons, & qui ayment Paintures & Deuiſes, ſeiſſent eſcrire, paindre, grauer, ou tailler vne. S. ou ST. aux huys de leurs ſales & cuſynes, pour ſecretement & manifeftement impoſer Silence a vng tas de Caqueteurs faiſant plus de bruyt apres boyre, que vng cent deſtorneaux au temps de Vendeges.


Ceseroit enseignement & occasion a petits & grans destre modere en parolles,
& se abstenir de dire chose qui ne fust belle, bonne, honneste, & necessaire.

” **I**E reuiens a la doctrine de nostre S. & treuve que les Tholosiens & Gascons
” y comettent abus, a la prononcer, car ilz y preposent vng E. en sorte que silz
” vouloient dire. Schola, ou Scribe, ou semblable diction commanceant par
” S. Ilz diroient, Eschola, & Escribere. qui est vn grant vice en la langue Latine,
” Iene say si cedit vice leur est venu pource que disons en nostre langage Fran-
cois escrire & escole, & que en aucunes dictions preposons E, deuant S. a limi-
tation des Grecs qui escriuent & pronuncient Epsilon deuant Sigma, cest a
dire, E. deuant Σ. es Preterits imparfaits des verbes commanceans par Sigma,
Semblablement des verbes comanceans par Zita, Ζι. & Psi, qui cōprenent en
elles la ditte lettre, Σ. en disāt. Σπειρω εσπειρων. εσπαρχα. Στρεφω εστρεφον
” εστραφα. Ζαω, εζων, εζηκα. Ξεω, εξεον. εξεκα. φαλλω εφαλλον. εφαλκα
” Les Bretons bretonans la pronuncient fort bien, & comme les Grecs, car entre
” deux vocales ilz la proferent solide. & nous comme les Latins la debilitons &
faisons molle aucunement. Si ceulx Bretons vouloient dire. Nisi Mu-
sa desiderium amiserit. Ilz pronunceroient le. S. si so-
lide, quil sembleroit que pour vne, y en
eust deux, en disant Nissi
Mussa desiderium
amiserit,

Mention
des Tho-
losiens. &
Gascons

Mention
des Bre-
tons bre-
tonans,

LE TIERS LIVRE.



LA lettre **T**. cy pres designée & faicte de le **I**. est de dix corps de haulteur, cōme toutes les autres, & de huit & deux demys de largeur en teste, & les pointes de ses bras & pied sont arondyes de quatre tours de Cōpas, pour lesquelz faire iay signe les lieux pour les Centres a y asseoir le pied dudict Compas.

Martianus Capella.
Mention des Italiens.
La Sapien-
ce, en Rōme
Mention des Lion-
nois.
Mention des Pic-
cards.

T. Dit Martianus Capella, appulsu linguæ, dentibus impulsis excuditur. Cest a dire. **T**. veult estre prononce en frapant de la langue contre les dēts serrees, Les Italiens le pronuncēt si bien & si resonēt, quil semble quilz y adiouxtent vng **E**. quant pour & en lieu de dire. Caput vertigine laborat. Ilz pronuncēt. Capute vertigine laborate. Je lay ainsi veu & ouy prononcer en Rome aux escolles q̄ lon appelle La Sapien-
ce, & en beaucoup dautres nobles lieux en Italie. La quelle prononciation n'est aucunement tenue ne vsitee des Lion-
nois qui laissent le dict. **T**. & ne le pronuncēt en facon que ce soit a la fin de la Tierce persone plurielle des verbes Actifz & Neutres en disant Amauerun, & Arauerun. pour Amauerunt & Arauerunt. Pareillement aucuns Piccards laissent celluy **T**. a la fin de aucunes dictions en Francois. comme quant ilz veulēt dire. Comant cela comant? Monsieur cest vne iument. Ilz pronuncēt. Comanchela comant? Monsieur ch'est vne iumen,

66

T. en Grec & en Latin est dune mesme figure & deseing, & est appellee on dit Grec **Taf**. qui denote quil est sans aspiratiō. Les Latins & nous lauōs aucunes fois seul & sans aspiration sequente, & aucunes fois luy adiouxtons celle aspiration, mais les Grecs ont pour le dit **T**. & **H**. vne seule lettre quilz appellent ΘΗΤΑ. Les Hebreux aussi ont **T**. exile en vne lettre quilz appellent Teth, & pareillement, **T**. aspire aussi en vne autre lettre qui nonment Thau.

Thita,
Teth,
Thau.

Asconius Pedianus
Mode de iuger an-
cienmēt
Θ, T, Λ.

Taf, cest a dire ceste lettre **T**, cōme dit Asconius Pedianus, estoit vne des trois lettres desquelles les Anciens ysoiēt en leurs causes criminelles & iugemens, qui, quant ilz vouloient iuger quelcun & le condamner coupable, Ilz iectoient en vng vaisseau a ce faict expres la lettre. Θ. escripte en vng petit papier, ou en vng parchemin, ou en autre semblable chose cōuenante a estre escripte. Quant ilz vouloient absoudre, Ilz iectoient au dit vaisseau la ditte lettre **Taf**, aussi escripte. Et quant ilz doubtoient de la cause & matiere pendente, Ilz

ie estoient Lambda qui signifoit quilz nauoient encores asses bonne cognoissance de la ditte cause. Vous trouueres de ce propos au. LVI. Prouerbe de la premiere Chiliade. de Erasme, ou est en tiltre. Θ . præfigere,

Erasme.

T. a le C. pour compaignon precedent & adherent tousiours en vne mesme syllabe, comme en ces dictions Pectus, Actus, & en mille autres semblables. a la cause & raison de quoy les Modernes escriuains ensuyuant les Anciens escriuent encores en lettre courant c, & t, en vne lettre qu'on dit Abreuiature, ainsi escripte. ct. & elles deux comme iay dit, se asssemblent tousiours avec la vocale sequete en vne mesme syllabe, comme en disant, Pe, ctus. A, ctus. Ne, ctus. M. avec, N. Le, ctus. Pi, ctus. comme il est de le M. deuant N, qui veult tousiours estre escripte & prouferee avec la ditte N. en vne mesme syllabe ou est la vocale qui les suit comme en ces dictions. Mne, stheus. A, mnis, O, mnis. Sa, innis, & autres semblables. Je dis cecy notamment pour aucuns qui les separent ignorant lassinite & lialiance perpetuelle quelles ont ensemble.

TC, CT

M. avec, N.

T. Veult aussi estre premis en mesme syllabe deuant N. comme on voit en ces dictions. Tle, ptolemus. & Ae, tna. Semblablement deuant R. comme on peut veoir en mille dictions,

TL.

TN.


TR.

Iene veulx oublier a dire que Bramant nagueres grant maistre Architecte du Pape Iules Sixiesme, du quel Bramant iay veu la sepulture & Epitaphe en leglise de la Minerue a Romme, a fait le T. aux galleries dudit Pape Iules qui sont entre leglise Saint Pierre & Beluedere, pour le premier bras coupe a ligne perpendiculaire, & pour lautre & dernier bras vng peu en biez & comme coupe par deisoubz descendant du point denhault vers le premier point de sa patte dembas que iay ensuyuy en mes deseings, ne ignorant que es Arcs triuans le T. a les deux bras coupes a ligne perpendiculaire.

Bramant

LE dit Bramant estoit le plus excellent Architecte, Cest a dire Maistre Macon, de son temps. Il estoit celluy qui fit le proiect & modele au susdit Pape Iules pour faire neuue Lefglise de Saint Pierre en Romme, & croy que son opinion na pas este sans cause, qui est pour vouloir ce faire, a doner grace a laditte lettre. T. Faictes la ainsi quil vous plaira, le vous en laisse vostre bon choix,

Louages
de Bramant,



LA lettre V. cy pres designée & faite de le I, seullemēt & aussi large q̄ haul-
te, a en sa facon quatre tours de Compas, pour lesquelz faire iay signez les
Centres es lieux ou le pied dudit Compas veult estre assis.

Martia-
nus
Capella.

Lambda
Priscian.

ƒ, digam-
ma æoli-
cum.

Vau.
Varro,
Didym⁹
Cæsar.
ƒ.
Aſtya-
ges,

Acman.

V. Dit Martianus Capella, ore conſtricto, labrisq; prominulis exhibetur. “
Cest a dire. V. veult estre pronūce dune voix eſtroicte au commencement, “
& bouche ſerree, puis celle voix veult amplement yſſir par les leſures vng peu “
eſtandues & ouuertes comme ſa figure le demonſtre. La figure & deſcẽg de ceſ- “
te lettre cy, V, eſt totallemēt ſemblable a la lettre Grecque nommee Lambda, “
qui eſt a dire L. Grecq̄, mais il ya differēce, car le V. a cōme voyez la poite en “
bas, & eſt ouuert en ſus. & Lābda au cōtraire eſt en pyramide, ceſt a dire epate “
te deſſoubz & agu en ſus. V. dit Prisciā en ſon premier liure ou il traite. De ac- “
cidentibus literæ, eſt de ſa premiere nature & vertus, vocale, mais bien ſouuant “
eſt Cōſone, & ce aucunesſois, Cōſone ſimple, pareillement aux autres ſois, Cō “
ſone double en eſtant des Anciēſ uſurpe en la facon queſtoit. ƒ. digamma æo- “
licum. Les mots dudit Priscian ſont telz quil ſenſuyt. V. Vero conſonantis po- “
ſita, eandem proſus in omnibus vim habuit apud Latinos quam apud Aeoles “
digamma F. Vnde a plerisque ei nomen hoc datur quod apud Aeoles habuit “
olim ƒ. Digamma, Id eſt Vau. ab ipſius voce proſectum, teſte Varrone & Di- “
dymo, quid id ei nomen eſſe oſtendunt. pro quo Cæſar. hanc figuram ƒ. ſcribe- “
re voluit, quod quamuis illi recte viſum eſt, tamen conſuetudo antiqua ſupera- “
uit. A deo autem hoc verum, quod pro Aeolico ƒ. digamma, V. ponitur, quod “
ſicut illi ſolebāt accipere digāma F, modo pro conſonante ſimplici teſte Aſtya- “
ge, qui diuerſis hoc oſtendit verſibus, vt in hoc verſu. ορχομενοσ ƒελεη ην ελι- “
κωπιδα. Sic nos quoq; pro conſonante plerunque ſimplici habemus. V. loco, “
ƒ. digamma poſitum. Vt. At venus haud animo nequaquam exterrita mater. “
Eſt tamen quando Iidem Aeoles inueniuntur pro duplici quoq; conſonante di- “
gamma poſuiſſe. Vt. Νεστορα δε ƒου παιδοσ. Nos quoq; videmur hoc ſequi “
in præterito perfecto Tertie & Quarie coniugationis in quibus I. ante. V. con- “
ſonantem poſita producit, eademq; ſubſtracta corripitur. Vt Cupiui cupij. “
Cupiueram, cupieram. Audiui, audij. Audiueram, audieram, Inueniuntur etiā “
pro vocali correctæ hoc digamma illi uſi, Vt Alcma. και χειμα πνυτε δα ƒιου. “
Eſt enim dimetrum iambicum, & ſic eſt proferendum F. Vt faciat breuem ſylla- “

- bam. Nostri quoq; hoc ipsum fecisse inueniuntur, & pro consonante V. Vocas-
 lem breuem accēpisse. Vt Horatius Syluæ trissyllabum protulit in Epodo hoc
 versu. Niuesq; deducunt iouem, nunc mare, nunc syluæ. Est enim dimetrū iam-
 bicum coniunctum pentimētri hæroicæ quod aliter stare non potest, nisi Syluæ
 trissyllabum accipiatur. Cest a dire. Pour vray ceste lettre cy V. estant nūc en
 lieu dune Consonne a eu iadis en la langue des Latins en tout & partout sembla-
 ble vertus quauoit le ϕ . digamma en la langue Eolique. a la cause de quoy cel-
 luy V, a este dit de plusieurs & appelle comme le dit ϕ . digamma estoit appelle
 des Eoliens qui le appellent Vau. selon sa prononciation, comme l'ont telmoi-
 gne Varro & Didymus qui ont dit que celluy estoit nomme Vau, Pour le quel
 Vau, Cæsar volut escrire & figurer ceste figure cy ϕ . La quelle figure combien
 quelle luy semblaist bonne pour le dit Vau, neaumoins la costume ancienne le
 surmonta en le figurant & escriuant ainsi. V. Le dit V, a este si au vray mis en
 vſage pour le ϕ . digamma Eolique. que tout ainsi que les Eoliens mettoient au-
 cunes fois le dit ϕ . digamma pour vne consonne simple ainsi que Astyages la tes-
 moigne en diuerses allegatiōs de metres cōme en cestuy cy. Ορχομενος ϕελει
 ην ελιωπιδα . tout ainsi Les Latins ont souuant pour simple consonne mis V.
 en lieu de le ϕ . digamma comme en ce metre cy. At venus haud animo nequa-
 quam exterrita mater. Il se reueue aussi que les Eoliens ont mis leur dict ϕ . di-
 gamma pour double cōsonne, cōme en cest exēple cy. $\text{Νεστοραδεϕον παιδος}$.
 La quelle chose les Latins semblent enſuyure es Preterits parfaicts des verbes
 de la Tierce & de la Quarte Coniugations, esquelz le I, estant mis deuant le V.
 consonne, est produyt en quantite de metre, & quant le dit V. en est subſtrait cel-
 luy I, demore bref, comme en disant. Cupiui, cupij, Cupiueram, cupierā. Au-
 diui, audij. Audiueram, audieram. Les Eoliens ont aussi vſite leur ϕ . digamma
 laissant la Vocale precedente breue, tesmoing le Poete Grec Alcman. ϕειμα πνετεδαϕει .
 Cest exemple en Grec est vng metre iambique qui veult
 estre proufere, en sorte que le ϕ . laisse la Vocale precedente, qui est, Alpha, bre-
 ue. Les Latins ont faict tout semblablement en laissant la Vocale breue deuant
 le V. comme Horace, a faict quant il a mis Syluæ en trois syllabes. Sy, lu, æ. en
 ses Epodes, quant il a dit, Niuesq; deducunt iouem, nunc mare, nunc sy, lu, æ.
 Cest exemple est vng metre iambique de deux mesures, cōiointes par vne Pē-
 timētre heroique qui ne peut estre faicte si laditte dictiō Syluæ nest mise en
 trois syllabes.


Horati⁹.Vau,
Varro,
Didym⁹
Cæsar.Astya-
ges,

Alcman,

Horace,

- I** Ay voluntiers allegue Priscian bien au long pour amplement monſtrer la
 bonne prononciatiō, & autre toralle vertus de le V. afin quō en puiſſe vſer
 comme il appartient, & pour monſtrer que les Alemans le prononcent en conſo-
 ne myeulx que nulle autre Nation que ie ſache par deſſa. qui quant ilz veulent
 dire, Fiuat in æternum fundens mihi dulce falernum. Semblablement. Fi Fo,
 pour viuō. Firtus pour virtus. Finum pour vinum, & mille autres semblables.
 Les Italiens le prononcent quaſi Vocale expreſſe apres le G. & apres Q. quāt
 ilz diſent Lingu/a, Aqu/a, & le diuiſent quaſi de le A, & le ſont quaſi en o,
 comme ſeroit Linguo/a. Aquo/a, Nous ne le prononceons pas comme eulx,
 qui nous est vng vice contraire a lart de Grammaire comme il ſemble a dau-
 cuns.

Menſion
des Ale-
mans,Menſion
des Ita-
liens,



LA lettre X. cy pres deſeignee & faiſte de le I, ſeulement compriſe en Huit centres & tours de Compas qui ſont ſignez es lieux de leur deſeing a ce requis & conuenables, eſt par embas plus large que haulte, car en chef neſt que de Huit corps & deux demys de largeur. comme clerement on le peut veoir au dit deſeing.

Galeot^s,

X. Vault
C, & S,
ou G. &
S.
Martia-
nus
Capella,

IAy dit quel'e eſt faiſte voirement de le I, & eſt vray ſelon ma tradiſtiue, cōbien que Galeotus Martius Narnienſis aye dit quelle eſt faiſte dun C. retor ne & dū Sigma grec, & la cauſe qui la a ce meū a eſte que X. vault autant en ſa vertus que C, & S. telinoing l'ancien & bon Autheur nōme Martianus Capella, qui dit. X. quicquid C. & S. formauit exhibilat. Ceſt a dire. X. vault en vertus & en pronounciation autant que C. & S. Prenez bien garde quant la deſignez & leſcrīez, de ne luy faire ſon ouuerture ſi large en teſte quen pied, ou de luy mettre le bas en ſus: cōme ien voy vng millier y errer car ſe ſeroit peruertī la lettre.

Priscian,

Oltre la bonne doctrine du bon Autheur Martianus ia allegue, X, ſelon Priscian en ſon premier liure ou il parle. De accidetibus literæ, vault autant que G, & S. quant il dit. X. duplex, modo pro, C. S. modo pro G. S. accipitur. vt Apex apicis, Grex gregis. X. dit il, lettre double, ceſt a dire vallāt deux lettres, vault aucunes fois C. & S. & aucunes fois G. & S. cōme on voit en la declinaison de ces noms & leurs ſemblables, Apex apicis. & Grex gregis. Au tēps paſſe Les Latins auant quilz euſſent pris des Grecs la lettre X. La quelle toutes fois eſt differente en figure, car elle reſemble a Chi. & non pas a ξi. Ilz eſcriuoient pour le dit X. leſdittes lettres. C S. & G S. en ceſte facon. Apecs apicis. Regs regis, Nucs nucis, & Gregs gregis. comme iay veu en Romme en dāuncuns Epitaphes Anciens, & peut on encores veoir au Liure des Epitaphes de l'ancienne Romme nagueres imprime en la dicte Romme ou pour lors ieſtois habitant.

Mention
des An-
ciēs La-
tins,

Ex en cō
position.

Priscian,

Quant ceſte monosyllabe prepoſition, EX. eſt compoſee avec diſtions cōmanceans par S. le dit S. ne veult point eſtre eſcript, ne ne veult eſtre pronunce, pource que trois Conſones ne peuuent eſtre enſemble, comme en diſant, EX & ſequor, exequor, Priscian en eſt teſmoing au ſuſſallegue premier liure & lieu, quant il dit. Nunquam enim S. nec alia conſonans geminari poteſt alia antecedente conſonante, Iamais, dit il, ny S. ny autre Conſone ne

peult estre geminee apres vne aultre Consone. Parquoy doncques X. estant double Consone ne peult souffrir S. lenfuyuant. La quelle chose mains escriptuains nobseruent pas, pour faulte de y prendre bien garde.

Escriuaîs
entendez
icy.


” **I**E voy maints hommes, qui errent en la deue pronuciacion de le X. quant
” en ces vocables Exaro, Exerceo, Ezequor, & en mille aultres escripts par
” ceste Preposition Ex. Ilz disent yeux, en pronunçant yeuxaro, yeuxcerceo,
” yeuxquor, qui est vng grant vice en la langue Latine. Silz veulent apren-
” dre a bien pronuncer en enfuyuant les reigles des bons Autheurs susnommez,
” ilz doibuent dire comme sil y auoit escript Esaro, Eserceo, & Essequor, & ilz
pronunceront tresbien.

IL ne leur deplaira, & a toutes les aultres Nations, si ie dis leurs vicieuses pronuciacions: mais penseront que ce que ien fais est pour faire seruice au bien public, & pour les auertir de eulx acostumer a bien pronuncer, qui est vne des choses plus honnestes, quon peult veoir en tout langage, & en tout homme parlant.

Acueil
de beni-
uolence,

” **L**Es Italiens aussi, soubz correction, me semblent y errer, car ilz
” le pronuncent si exile & mol, qui semble quilz pronuncent
” vne S. entre deux Vocales, qui na si grande vigueur que
” a Sigma aussi entre deux Vocales. Silz veulent
” dire, Vxor mea sicut vitis abundans, ou
” Exequias patris exequar, ilz pronun-
” cent cōme syl y auoit en escript,
” Vxor mea, et Esequias
” patris esequar.

Mention
des Ita-
liens,



Ypsilon,

Υ ἰσον.
Martianus
Capella.

Notez
icy & en-
tendez bie

Priscian.

Y, et Z.

LA lettre Ypsilon cy pres desaignee, & faicte de le I, seullement, est en chef
aussi large que haulte, & en pied de la iuste largeur du pied dudit I. Et a
estre bien faicte requiert six tours de Compas, pour lesquelz faire iay signe les
centres ou le pied dudit Compas veult estre assis. Ceste lettre cy Y. est dicte
en Grec, Υ ἰσον. Cest a dire en Latin y. tenue, & en Francois Y. qui doit estre
pronunce mol & doulx, & cōme dit Martianus Capella, appressis labris spiri-
tuq; pcedēs Cest a dire, en pcedant & yssant entre les lefures, auec vng doulx
esperit de son. Elle est lre proprement Grecque, & les Latins l'ont vsurpee pour
escripre les dictions Grecques seullemēt, esquelles elle requiert estre elcripte &
pronunce. Nous lauons en vsage/ non seullemēt pour dictions quauōs tirees
du Grec, comme sont Ypocrite, Ypocrisie. Physique, Metaphysique, & mille
aultres semblables, mais lauons en noz dictions Francoises comme en disant,
Enfans sans soucy, En esmoy ne sont iamais. Et pourquoy? Bon tēps les meye-
ne, A tout ioyeux soulas. Soucy, Esmoy, Quoy, Meyne, Pourmeyne, & ioy-
eux. Pareillement innumerables aultres semblables dictions Francoises sont
escriptes par Ypsilon, qui nous peult estre vng manifeste argument que les let-
tres Grecques ont eu icy vigueur auant que les Latines. Les Latins, comme
iay dict, n'ont vse dudit Ypsilon, ne pareillement du Zeta, ne ne vsent enco-
res, si non es dictions quilz vsurpent des Grecs, Tesmoing Priscian qui dit a
la fin du Chapistre, De literarū cōmutatione, en son Premier liure. Ypsilon &
Zeta tantūmodo ponunt in Græcis dictionibus, quāuis in multis veteres hæc
quoq; mutasse inueniunt, & pro Y, V, Pro Z. vero quod pro ff. cōiunctis acci-
pitur, vel pro S. & D. posuisse Vt Fuga, Murra, pro φυγη, Μυρρα. Saguthus
Massa, pro Ζακυνθος & Μαζα. Odor quoq; απο του οζην. Sethus pro Ζηθος
dicentes, & Medētius pro Mezentius. Ergo Corylus & Lympha ex ipsa scrip-
tura a Græcis sumpta nō est dubiū, cū per Ypsilon scribant απο του κορυ-
λου, και της λυμφης. Cest a dire. Ces deux lettres cy. Y, & Z. sont mises tāt
seullemēt es dictions Grecques, cōbien quelles sont trouuees souuāt muez en
aultres lettres, comme en mettant V pour Y. & deux ff. conioinctes, ou S. & D.
pour Z. cōme en ces dictions, Fuga, Murra, pour φυγη & Μυρρα. Sagunthus
et Massa, pour Ζακυνθος & Μαζα. Odor aussi est dit απο του οζην. Pareille-
ment ilz disoient Sethus, pour Ζηθος, & Medentius, pour Mezentius. Doncqs
ces deux dictions Corylus & Lympha selon lescripture prise des Grecs, sans
doubte veulent estre escriptes par y. quant en Grec elles sont dictes απο του
κορυλιν, και της λυμφης, ou il ya vng ypsilon.

A V commencement que les Anciens Latins eurent receu & pris en vſage le dict Ypsilon, les aucuns leſcripuoient, & les aultres non, & ceulx qui ne le vouloient eſcripre/mettoient en lieu de luy vng V.vocale, comme en ces dictions Cymex, Cumex. Cypreſſus, Cupreſſus. Inclytus, & Inclutus. cōme on peult veoir es Oeuures du Poete Ancien nomme Lucretius, du quel nous prēsons ſeulement ceſt exemple qui eſt au commencement du Tiers Liure, Lucretius

Tu pater es rerum inuentor, tu patria nobis
Suppeditas præcepta, tuis quæ ex INCLUTE chartis
Floriferis vt apes in saltibus omnia libant.

E N ceſte facon beaucoup de dictions Latines tirées du Grec ont mue icelluy Ypsilon en V. comme on peult cognoître en ces ſequentes dictions Ρωκυλλος, Rhomulus. Πυξος, Buxus. πορφυρεος, Purpureus. Συσ, Sus. Μυς, Mus. Γονυ, Genu. & en mille aultres ſemblables, mais pour la plusgrande partie il demore en ſon entier.

I E ne veulx icy oublier a dire que Ypsilon fut iadis inuente du noble Philoſophe natif de Liſle de Samos nôme Pythagoras, en la quelle lettre il figura laage Dadoleſcēce eſtant au chemin pour tendre a Volupte / ou a Vertus, moralisant que Hercules, ceſt a dire Lhomme diſpoſe a Vertus, au temps quil eſtoit en ſon ieune aage de la dictē adoleſcence, allant vng iour penſif par les champs a leſcard / vint a vng grant chemin qui forcheoit & ſe diuiſoit en deux aultres chemins, deſquelz lung eſtoit moult large / & laultre bien eſtroit, & au large veit vne femme nommee Volupte, qui luy tendoit la main pour le y faire entrer. Au chemin eſtroit eſtoit vne Dame nommee Vertus, qui pareillemēt le vouloit faire entrer & cheminer en ſa voye. De la quelle choſe ainſi moralifēe, Pythagoras,
Hercules
en adoleſcence.

Volupte,
Vertus,

Cicero en ſon Premier Liure des Offices, ou il traicte De Temperantia, nous en a laiſſe memoire par eſcript, quant il a dict en allegant Xenophon & diſant ainſi. Nāq; Herculem Prodicus dicit, vt eſt apud Xenophontem, cum primum pubeſceret, quod tempus a natura ad deligendum quam quilibetq; viam viuēdi ſit ingreſſurus, datum eſt exiſſe in ſolitudinem, atq; ibi ſedentem diu ſecum multumq; dubitaſſe, cum duas cerneret vias, vnam Voluptatis, alteram Virtutis, vtram ingredi melius eſſet. Ceſt a dire, Lancien Grec nomme Prodicus, comme il eſt eſcript es Oeuures dung autheur auſſi Grec, nomme Xenophon, dict iadis que Hercules en ſon ieune aage Dadoleſcence ſen alla vng iour a leſcard tout ſeul par les champs iuſques a ce quil vint penſant penſif, & du ſens paſſif, en vng chemin ſe diuiſant en deux voyes. Lune de Volupte, & laultre de Vertus, & la, doubta long temps en ſoy meſmes / la quelle voye ſeroit meilleure de prendre. Les Philoſophes & Poetes Anciens, ont auſe & conclud quil print la voye de Vertus qui eſtoit la plus eſtroicte, quāt ilz luy ont chante a ſa louāge & deſcript tant de proueſſes & difficultes quil endura pour ſurmōter & vaincre les Monſtres quil trouua en la dictē voye de Vertus. Cicero,
Xenophon,

Prodicus

La voye
de vertus

A Propos de ceſte lettre Pythagorique diuiſee, comme eſt dict, en deux voyes, Lune de Volupte, & laultre de Vertus, Le noble Poete Mantuan nomme Virgile, nous en a fait vne belle deſcription & demonſtrance, quant il a dict en ſes petits Oeuures. Virgile
cy edroit
deſcript
la liſe Pythagoriciq.

Littera Pythagoræ diſcrimine ſecta bicorni,
Humanæ vitæ ſpeciem præferre videtur.


LE TIERS LIVRE,

Nam via virtutis dextrum petit ardua callem,
 Difficilemque aditum primum spectatibus offert,
 Sed requiem præbet fessis in vertice summo.
 Molle ostentat iter via lata, sed vltima meta
 Præcipitat capros, voluitque per ardua faxa.
 Quisquis enim duros casus virtutis amore
 Vicerit, ille sibi laudemque decusque parabit,
 At qui desidiam/luxumque sequetur inertem/
 Dum fugit oppositos incauta mente labores,
 Turpis/inopique simul miserabile trāfiget æuū.

Cest a dire. La lettre de Pythagoras qui est diuisee en deux cornes, nous de-
 montre en figure la forme de nostre vie humaine, entendu que la noble
 voye de vertus tent au coste dextre, en sorte que au commencement elle est
 estroicte & moult difficile, mais en fin, & au dessus, elle se elargist & baille espa-
 ce en repos. L'autre voye qui est large, presente vng chemyn bien aise, mais
 au bout & en la parfin il ya trebuchemens par diuerses pierres cornues, par
 gros cailloux, & par aspres roches. Certes quicōques endurera chault & froit,
 et semblables choses pour paruenir a vertus, icelluy acquerra toute louange et
 tout honneur. Mais celluy qui comme ignare suyura toute oysiuete, & toute
 bobance, tandis que sans y penser il fuyt endurer trauaulz & laborer, il est tout
 esbahy quil demore infame, pouurre, & meschant, & quil a miserablement pas-
 se & mal employe son temps. Prenez doncques bien garde O vous Ieunes en-
 fans en celicu cy, & ne laissez au derriere la cognoissance des bōnes lettres qui
 sont le vray bouclier pour surmonter aduersite & tous vices, & pour paruenir
 a la souueraine felicite de ceste vie humaine, qui est parfaite vertus. La quelle
 en fin nous donne le pris dhonneur, la Couronne, & la Palme, en laissant au
 derriere les paresseux & vicieux perir meschamment en leur ordure / & vie
 abominable.

Ieunes
 enfās En
 tendez
 bien icy.

Pour vous bailler myeulx a cognoistre ceste Pythagorique / & di-
 uine lettre Ypsilon, ie la vous ay figuree encores cy dessoubz
 et Imagineres que la iambe droicte & plus large est la voye
 de Adolēscēce, Le bras de la dicte Lettre qui est pl⁹
 large, la voye de volupte. & le bras plus estroit/
 la voye de vertus / afin quen facez vng Fe-
 stin pendu en l'estude & contoir de vo-
 stre bonne memoire, & vertueus
 se contemplation.



Contemplez icy le gracieulx & beau Festi que ie vous ay faict, o ieunes & bons amateurs de Vertus, & y prenez bien garde comment a la pante de la voye de volupte ie ay figure & atache vne espee, vng foit, des verges, vng gibet, & vng feu. pour monstrier quen fin de Volupte dependent & sensuyuent tous miserables maulx & griefz torments. Du costé de la voye de Vertus, ie y ay faict vne aultre pante, ou iay mis & atache en desceing & figure, vng chapeau de Laurier, des Palmes, des Sceptres, & vne Coróne, pour bailler a cognoistre & a entendre, que de Vertus vient toute gloire pure, tout pris, tout honneur, & toute royalle domination.

Sens moral de la lettre Pythagoris que,

IE vous ay aussi desaigne cy pres ensuyuant, vne aultre figure moralisee a la maniere Antique, vous en ferez vostre proufit ainsi que voudrez, prenant en gre ma petite diligence a vous faire plaisir & honneste seruice.

M.iiij,




Inuidia.

Superbia.

Libido.

Frere Lu
cas Pa
ciolus.

I En porrois dire beaucoup daultres belles choses, mais pour ceste heure ie passeray outre, venant a deseigner & descrire nostre derniere lettre Abecedaire & Attique Zeta. Laquel le Frere Lucas Paciulus na pas mise en sa Diuina proportionne, et la cause pour quoy il a omise, ie ne le puis entendre, ne ne me soucy.



LA lettre Zeta cy pres designée, & faicte de le I, seullemēt, est en pied aussi si large que haulte, & en chef de huit & deux demys corps seulement, & na que deux tours de Compas, pour lesquelz faire iay signe le lieu du centre pour asseoir le dit Compas.

- „ **Z**eta, comme dit Galeotus Martius en son. II. liure De Homine interiori. Galeot.
 „ non est litera, sed duplex sibilus, Id est, duplex SS. & hoc eius figura bis
 „ intorta indicat. Cest a dire, Zeta n'est pas lettre, mais est vng sifflement double, Priscian.
 „ qui vault deux. SS. comme sa figure ayant deux tours le demōstre. Zeta voire-
 „ mēt n'est pas lettre Latine, mais Greque, Toutefois les Latins l'ont vsurpee cō-
 „ me le Ypsilō. pour en escrire les Vocables tirez du Grec & quilz ont pris en leur
 „ langue, tesmoing Priscia que iay allegue cy deuant ou ie tractoye du dit Ypsi-
 „ lōn. ou il ya. Ypsilon & Zeta tantūmodo ponuntur in Græcis dictionibus. Ze-
 „ ta est ditte lettre double en sa vertus comme le. X. en la sienne, Car tesmoing
 „ le dit Priscia a la fin de son premier liure, & pareillement vng peu plus auant,
 „ Il estoit mis des Anciens Latins, pour deux SS. & pour S. & D. quant il dit. Zeta,
 „ Zeta vero pro SS. coniunctis accipitur, vel pro S. & D. Vt Massa pro Mα{α}, pour
 „ & Medentius pro, Mε{ε}VTIOσ. Et vng peu au dessus de la fin du dit premier li-
 „ ure & lieu allegue, Quin etiam S. simplex habet aliquam cū supradictis cognat-
 „ tionem, vnde s'ape pro Zeta eam solem^o geminatam ponere. Vt Patrisso, pro S. & D.
 „ Πατρω{ω}. Massa, pro Mα{α}. Cest a dire, Et semblablement S. a quelque affi-
 „ nite & cognation avec les dessus dictes lettres X. & Zeta. parquoy souuant de
 „ nostre coustume geminons la dicte S. pour Zeta comme en ces dictions Patris-
 „ so, pour Πατρω{ω}, & Massa pour Mα{α}. Martia^o Capella ne dit point quel-
 „ le soit lettre Latine, ne Greque, ne n'enseigne point comme elle doit estre pro-
 „ nunciee, si non quil dit seulement que Appius Claudius lauait en detestation
 „ pource que quant elle est exprimee en prononciation, elle ressemble aux dents
 „ d'ung homme mort, qui a de coustume les auoir de trauers. Il dit donques. Zeta
 „ vero iccirco Appius Claudius detestatur, quod dentes mortui dum exprimitur, Appius
 „ imitatur. Elle veult estre pronunciee, comme qui voudroit exprimer S. & D. ou
 „ deux. SS. La quelle chose semble estre bien obseruee a Bourges au quel lieu,
 „ quant ilz la veulent prononcer, Ilz disent Esd, & aprochent fort des Anciens
 „ qui en Lieu de dire Gaza, prononceoient, & bien souuant escriuoient Gasda. de Bour-
 „ Celius Rhodiginus au. XVIII. Chapitre du. VII. liure de ses lecons antiques ges,
 „ M.iiij.

LE TIERS LIVRE.

Celius
Rhodius,
Zeta,
Zeteta.

escript que Zeta nest seulement le nom dune lettre, mais est / & signifie le lieu des Iuges & maistres de la chambre aux Comptes iadis en Athenes, quāt il dit Sicut Zeta dici valet locus in quo Zeteta obuerfantur, erant enim eo nomine Athenis Magistratus quidam ad quos referebantur qui Reip. aliquid deberent / nec soluerent. Cest a dire, Ainsi, dit il, que Zeta signifie le lieu au quel les maistres & iuges des deniers publics estoient iadis en Athenes, deuant lesquels estoient appelez & contraincts a venir ceulx qui estoient en reste, & ne tenoient compte entier.

Sens moral.

Raison
tres notable pour
la confirmation de
la Tradition de ce
present
Ouure de Lettres
Attiques,

D Onques a ce beau propos ie puis dire que les bons Peres Anciens secretement & scientemēt l'ont logee & constituee la derniere lettre en lordre Abecedaire, pour denoter que ceulx qui ont lacomplicement & parfaicte cognoissance des bonnes lettres, sont inquisiteurs & souverains iuges du reuenu & du scauoir des Sept Ars liberaulx, & des Neuf Muses, sans la cognoissance desquelles hōme ne peut estre dit scauant ne parfait. Et pour mōstrer a loeuil & trefeuידamment, que ceste noble lettre Zeta est si bien proportionnee, quelle cōtient en elle tout signe de perfection, Je lay deseignee cy pres en sorte que les dits Sept Ars liberaulx, & les Neuf Muses avec leur Apollo y sont logez par singuliere proportion & ordonnance, si bien qu'on peut cognoistre manifestemēt que la mesure que iay tenue & baillee pour faire & deseigner toutes noz precedentes lettres Attiques est plus raisonnable & meilleure, que nest celle de ceulx qui les veulent faire, de Sept, ou de Huit, ou de Neuf corps de haulteur seulement, & non pas de Dix, comme auez veu & bien entendu que iay faict tout par tout cy deuant. Le dit deseing est tel quil sensuyt.

EST SVA CUIQUE SIBI
VIRTVS PVLCHERRIMA
MERCES.

Vela le beau des-
seing de nostre
derniere lettre Zeta
qui demonstre clere-
ment l'accord tant se-
lon Larithmetique q̃
selon la Geometrie
estre les susdites Sept
Ars liberaulx, & les
Neuf Muses avec le-
ur Apollo, desquel-
les toutes iay ample-
mēt escript cy deuant
au Segōd liure quāt
ie parlois du Flageol
de Virgile, & de la
Chaine dor Homeri-
que. Je veulx cy enco-
res dire dauantage, q̃
ceste ditte lettre Ze-
ta, est si bien faicte, q̃
en son gros traict qui
est de bies, & sestant
en āgle oubligue, ya
si bonne disposition
en montant du pre-
mier āgle de mabas au
dernier de hault, quil
se y treuve en bonne
p̃spectiue racourcy
Neuf Marches des-
cheles & degres que
iay signez selon lac-
cord des petits Quar-
res & corps cōtenuz
au grāt Quarre au q̃l



Neuf mar-
ches,

est faicte la dicte lettre. Auysez les bien & prenez garde comment ilz vont di-
minuant de point en point iusques au coule de roigne, qui est au dernier angle
du hault du dict Grāt quarre, Ces marches & degres la, nous signifiēt en Sens **Sens mo**
moral, la voye, & l'ascendant a beatitude, que peuuent auoir facilement ceulx **ral,**
qui ont la cognoissance & perfection des bonnes lettres, Ars, & Sciences. A p̃-
pos de quoy iay designe au dessus de la lettre vng petit esperit diuin estāt sus ses
pieds prōptou a dōner la Corōne, le Sceptre, la Palme, ou le Chapeau de lauz-
rier, a tous ceulx qui bien & diligemment se euerturont a acquerir Science, en
mōtant de degre en degre iusques a la perfection dicelle ou gist tout a complice-
ment d'excellent prix, & glorieux honneur.


LE TIERS LIVRE.

IE porrois cy honnestement faire fin a mon Oeuure mais pource que ie voy maints escripuans en lettre Attique ne y scauoir deumét bien faire les poits & distinctions qui y sont necessaires selon le diuers sens qui y eschet en escrip uant, ien bailleray vng petit deseing des plus requis, & les descripray breuemét ainsi que les bons Peres Anciens en vsoient au temps passé.

Les points qui sont plus requis entre Lettres Attiques sont le point Triangulaire, Le Crochu, & le Quarre. Le Triangulaire, veult estre desaigne & fait de deux tours de Compas, & dune Lingne droite ioincte au dessoubz de ceulx deux tours de Cōpas. Le poit Crochu sera bié fait de deux tours de Cōpas aussi avec vne ligne trauerçant en bies quasi par la tierce partie du plus grant tour, & adherent au petit tour de Compas. Le point Quarre est iustemét fait de quatre tours de Compas equidistamment assis, & en faisant les deux de dessus vng peu plus petits que ceulx de dessoubz comme pouuez veoir en la Figure qui sensuyt.


Notez icy le Liue pour asseoir les points.

Notez bien la situation dung chacun point entre les deux extremes lignes du quarre, car les vngs veulēt estre assis plus hault que les autres. Le point quarre, veult estre assis précisément sus lextremeligne de bas, sus la quelle toutes les lettres Attiques veulēt estre assises pour estre escriptes & pceder lune apres lautre en ligne equilibree. Le point Crochu veult estre assis vne ligne plus hault que le point Quarre, cest a dire sus la deuxiesmeligne en montant. Et Le point Triangulaire veult estre escript & situe sus la troisiemeligne, comme il apert cy ioināt au deseing ou ilz sont tous trois bié faitz,



Diffinition du point. Constantin Lascaris

Pource quen lettre Attique on vse souuant dabreuiatures, Ie vous ay cy pres en ceste figure & deseing faitz trois sortes de points seulement pource quilz sont plus generaux & plus vsitez quenulz autres points ne distinctions, Et auant q ien traicte plus oultre, Ie veulx dire & diffinir, que cest que Poit en escripture. Iedis ainsi selon Constantin Lascaris qui a laisse par escript en sa Grammaire greque. ΣΤΙΓΜΗ ΕΣΤΙ ΔΙΑΝΟΙΑΣ ΤΕΛΕΙΑΣ ΣΗΜΕΙΟΝ. Punctū, est sententiæ perfectæ signum. Cest a dire. Le point est le signe dune sentence parfaite. Et celluy point veult estre quarre De ce



Point quatre sont faicts les autres points qui sont ditz & appelez Points impar- Point
 propres & imparfaicts. & ceulx sont, point Crochu, & point Triangulaire. Sē- quatre,
 tence imparfaicte, est signee du point Crochu. Sentence pendente, & qui veult Point
 quon procede en auant & oultre, est signee du point Triangulaire ayant le der crochu.
 nier angle dembas vng peu plus longuet que les deux autres. Je descrips cy & Point
 deſeigne ces trois sortes de points ſeulement, ſelon la maniere des Anciens, & Triangu
 ſelon que a lettre Attique appartient ne ignorant que les Autheurs Grammai- laire.
 riens en Lāgue Latine traictent de pluſieurs autres points. entre leſquelz Au-
 lus Antonius Orobius en allegue vnze ſortes differentes, qui ſont. Punctum Anlus
 Suſpenſium / Geminum punctum: Semipunctum, Hypoplioma, Comma: Antoni⁹
 Colon. Periodus Interrogatium / Reſponſium, Admiratium \ & Paren- Orobius
 theſis (). Ceſt a dire Point ſuſpēſif, Point double, Demypoint, Point crochu,
 Point inciſant, Point reſpirant, Point concluant, Point interrogant, Point Vnze
 reſpondant, Point admiratif, & Point interpoſant. Leſquelz tous en nombre points
 de vnze / militent pour moy ſecretement & diuinement que iay a bonne raiſon differens,
 diuiſe mon quatre a faire lettre Attique / en vnze points, qui eſt ſigne manifeſte
 que ie ny ay erre, mais ſeulement & ſtudieuſement entendu le ſecret du nom- Belle cō-
 bre Per, & Imper. Geſt a dire, de vnze points comprenans entre eulx equidi- cluſion &
 ſtamment dix corps y requis ſelon la diuine, & neaumoins quaſi par cy deuāt tres nota
 incogneue, opiniō des bons Anciens. Ie puis veritablement dire & conclure, ble. Rai-
 ſans me venter, que iay tire ce dit ſecret ancien de tenebres, & lay premier de ſon,
 tous Autheurs modernes mis en clere veue, & par eſcript, pour en faire deuot
 & cordial ſeruice au Bien public, auquel me ſuis touſiours de toute ma petite
 puiſſance dedye, & dedye encores de bon cueur, faiſant fin a mon Oeuure, &
 louant noſtre ſeigneur Dieu me y auoir inſpire & ayde ſi bien que ie ſuis parue-
 nu a la perfection de la deue Proportion de noz bonnes lettres Attiques, & au
 point dicelles.

LA FIN DE CE TROISIESME

ET DERNIER LIVRE.

DECLARATION DES Lettres Hebraïques. FEUIL. LXVII.

IL eust peu suffire, O deuots amateurs de bônes Lettres: q̃ ie vous eusse escript, & baille par Reigle la deue & vraye Proportiô des Lettres Attiques, & de les vous auoir faictes & deseignees par Nombre & Mesure de Pointz, de Lignes, & de tours de Compas. Mais voyant que ie vous porroye faire de rechef quelque honneste & humble seruice, iay pence quil seroit expedient & vtile de presentement adiouxter a la fin de nostre toutal Oeuure desdictes L̃res Attiques plusieurs sortes dautres bônes & belles Lettres. Je les vous ay faictes seulement sans les deseigner par nombre de Lignes/ne de Points, comme lessusdictes Attiques, penceant que sil vos plaist enluyure ma traditiue que ie vous ay cy deuant baillee par escript bien au long, au moins en y considerant bien la difference quil peult estre des vnes enuers les aultres, vous les porrez mettre & faire par certaine Reigle/ & assuree Mesure. Je vous en baille, disie, Diuerſes sortes & facons, afin quen puissiez vs̃er ou des vnes/ou des aultres a ṽre bon & vertueux plaisir. Au Prim temps nouueau que les fleurs & violettes sôt en leur vigueur & beaulte, ie voy que en vng Iardin les vngz cueillent pour leur plaisir, ou vne belle Rose vermeille, ou pareillement vne blanche, les Aultres cueillent vne Gyroflée, ou vng bel Oueillet, les Aultres des Pencees, ou des Marguerites, & les Aultres des Encholyes, des Soucyes, ou des Abeſoings, & ce, selon que la fleur rend bon odeur, ou q̃lle a belle couleur au plaisir de ceulx qui la cueillent & aymēt auoir a leur gre. Ainsi porrez vous les vngs hōnestemēt vs̃er des L̃res Hebraïques, ou des Grecques, ou des Latines, quon dit vulgairemēt Romaines, & q̃ iay dict en leur vray nom Attiques, ou aussi porres vs̃er des lettres Francoïſes cōme il vous plaira. Je scay quil est escript en Prouerbe Poetique. Velle suum cuiq; est, nec voto viuif vno. Chascun a son vouloir, & ne vit on pas en vne seule volunte. Parquoy doncques en prenant en gre ma petite diligence, vs̃erez de ceiles qui vous plairont le plus, ou voirement de toutes, en penceant que ce que ien faiz est pour mēployer a faire quelque bien qui soit Tesmoing que ie naye este toute ma vie inutile, & que ie serois tresaïe que ie peusse en tendre & cognoistre que prendriez plaisir a quelque chose que ie peusse auoir aulcunement faicte. Si ie puis cognoistre que ie vous aye faict chose agreable, ce me sera Reueil & Esguillon, avec la bonne aide de nostre seigneur Dieu, de me euertuer a faire myeulx, si ie puis.

Belle Cō
paraison
et Similitude,

Pource que la Saincte Escrip̃ture est en Hebreu, en Grec, & en Latin, & que ces trois Langues a cause de la dictē Saincte Escrip̃ture, sont appelees Sainctes, Et aussi que le Tiltre de la Croix de nostre seigneur Iesus, que iay veu en Romme dedans lesglise de Saincte Croix, est escript en Hebreu, en Grec, & en Latin, ie vous ay cy ensuyuant mis lesdictes Trois sortes de Lettres. Cest a scauoir. Hebreu, Grec, & Latin les Premieres, & dicelles Trois, la Lettre Hebraïque au commencement: pource quelle est la plus Ancienne se dit on: & que les Premiers hōmes, cōme tesmoignent les Historiens lont inuētee.

La Sain
cte Escri
pture est
en Trois
langues
Reiglees

Après icelles Trois, sera la Lettre Francoïſe / pour le moins en Quatre facons. Cest a scauoir en Cadeaulx, en Forme, en Bastard, & en Torneure. Oultre toutes ces diuerſes sortes & facons / seront les Lettres Chaldaïques, et consequentement les Arabiques, les Fantastiques, les Imperialles & Bulatiques, & finablement les Eutopiques, & Fleuries, avec la maniere de faire Chifres de lettres Entrelacees, cōme porrez clerement veoir cy pres les vnes après les aultres en leur ordre & situation,

DECLARATION DES LETTRES HEBRAIQUES.

Entendez bien icy. Doncques pour venir a noz Premieres Lettres qui sont Hebraiques, il vous fault auant toutes choses Noter & Scauoir quelles veulent estre leuues au contraire des Grecques, des Latines, & des Francoises. Car il les fault lire a Gau-

Beaulx notables, che/& en retrogradant. Cest a dire, Il fault commâcer a lire a la fin dune chascune ligne, & proceder iusques au commencement dicelle. Il fault cognoistre et entendre que les Hebreux ont. XXII. Lettres en Prolation, mais en Figure ilz en ont. XX. VII. Car il y en a Ciq desdictes. XXVII. qui sont Doublees Et iacoit quelles ayent & gardent vng mesme son en pronûciation, toutefois si sont elles figurees en diuers Caracteres. Par icelles Cincq, le Commancement, le Mylieu, & la Fin des dictions en est diuersement escript. En oultre, il

Poinçs en Hebreu sont Vocales, fault noter que toutes les lettres Hebraiques sont Consones, & pour signifier noz Cinq Vocales, qui sont A, E, I, O, & V, les Hebreux vsent de Douze sortes de Poinçs, quon dict en Latin Apices, siue Puncta. au moyen desquelz & desdictes. XXVII. lettres toute la Lâgue Hebraique est faicte en son entier.

Apices. Doncques en la dicte lâgue Hebraique ya Vingt & deux Lettres qui ont leur Nom & Apellation comme il sensuyt.

Puncta, Aleph, Beth, Gimal, Daleth, He, Vau, Zain, Heth, Teth, Iod, Caph, Lamed, Mem, Nun, Samach, Aain, Pe, Sadic, Coph, Res, Sin, Tau.

Aleph, est le Nom de le A. Beth, du B. Gimal, du G. Daleth, du D. He, de laspiration H. Vau, de le V. Zain, du Zeta. Heth, de Ch. Teth, du T. Iod, de le I. Caph, du C. Chaph, du Ch. Lamed, de le L. Mem, de le M. inceptiue. et lautre Mem, de le M. finale. Nun, de le N. inceptiue. & lautre Nun, de le N. finale. Samach, de le S. mediane. Aain, de le A. Pe, du P. Phe, du P. & h. Sadic, de le S. mediane. Sadic, second aussi de le S. mediane. Coph, du C. Res de le R. Sin, de le S. aulcunefois inceptiue/& aulcunefois mediane/& pareillement aulcunefois finale : selon quelle a sus la premiere ou derniere partie delle Vng des deux Poinçs nommez, lung Seboleth. & lautre Ceboleth. Côme on peult clerement veoir & Lire au commencement de la Grammaire de F. Francois Ximenez de Cisneros, Cardinal Despaigne, Arceuesque de To-

F. Francois Cisneros Cardinal

Despaig ne, Arceuesque de Tolete, et Chancelier de Castille, De cesdictes. XXVII. lres, côme iay desia dict, en ya Cinq qui sont Doubles en Figure, Cest a scauoir, Sadic, Phe, Nun, Mem, & Chaph. & par ainssi toutes les lettres Hebraiques sont Vingt & sept en Figure diuerse. Cesdictes Cinq lettres Doubles seruent pour tousiours estre mises a la fin des dictions, et les aultres Cinq qui sont semblables en Nom/& differentes en Figure, seruent pour estre mises au Commancemēt/& au Mylieu des dictions, sans pou- uoir estre mises aulcunement a la fin.

Pronun- ciation des lres Hebraïques. Quatre lres quasi seblables a aultres Quatre. Des cesdictes. XXVII. lres/en ya Quatre qui veulent estre prouferes des Lefures:& icelles sont Beth, Vau, Mem, & Pe. Il en ya Cinq qui veulent estre pronuncees des Dents:& icelles sont Zain, Samach, Sadic, Res, & Sin. Il en ya aultres Cinq qui veulent quon les proufere de la Langue : & icelles sont, Daleth, Teth, Lamed, Nun, & Tau. Oultre en ya Quatre qui veulent estre pronuncees du Palaix:& icelles sont Gimal, Iod, Caph, & Cof. Il en ya aussi Quatre aultres qui desirent quon les prononce du Gouzier : & icelles sont Aleph, He, Heth, & Aain. Notez en oultre q entre lesdictes. XXVII. lettres en ya Quatre qui sont semblables en Figure a Quatre aultres, & pource deb- ues bien prendre garde de ny estre abusez ne deceuz en leur ressemblance,

DECLARATION DES Lettres Hebraïques. FEUIL. LXVIII.

Doncques icelles Quatre sont. Beth, Gimal, Vau, & Mem, qui ressemblent a Caph, a Nun, a Res, & a Samech. Lesquelles iacoit quelles sont aulcunement diferentes en Nō & Prolation, si touteffois ont elles ceste difference entre elles pour leur dictē figure. Car les Quatre Premieres declinent & tendent a Quadrangle & Demyquadrangle, & les aultres Quatre declinēt a figure Circulaire/& Demycirculaire,

Les Noms des Points cy deuant mentionnez, qui seruēt de Vocales, sont telz quil sensuyt. Pathach, Cames, Hatheph pathach, Cere, Cegol, Seba, Hatheph segol, Hiric, Holem, Hatheph cames, Surec pmier, & Surec segōd. Ilz sont Douze en diuers Nom/& diuerse Figure, mais il y en a Trois qui seruent de le A. & ce sont. Pathach, Cames, & Hatheph pathach. Il y en a Quatre qui seruent de le E. Cest a scauoir. Cere, Cegol, Seba, & Hatheph segol. Il y en a vng seul pour le I. & celluy est Hiric. Holem, & Hatheph cames sont pour O, & les deux Surec pour V. cōme porrez veoir en la Figure cy pres ensuyuant mise/apres les. XXVII. lettres.

Nōs des
Poits ser
uās pour
Vocales,



Es Hebreux en oultre ont vne aultre maniere de Point / qui est dict en son Nom Dagues, lequel est mis au Mylieu & au Ventre de certaines Lettres. Et alors icelles Lettres ayant en elles ce dict Point, sonent si fort en pronounciation quil semble quelles soyent Doubles ou Geminees. Et quant icelles Lettres sont escriptes sans le dict Point nomme Dagues, elles sont prouferes douces & exiles. Il ya tout pareillemēt vng aultre Point nomme Raphē qui est tout semblable au Point Vocal nomme Pathach. & cestuy Raphē est inis sus semblables Lettres / dedans lesquelles Dagues peult estre assis. Icelles lettres pour tous deux sont Beth, Gimal, Daleth, Caph, Pe, & Tau. Il ya en oultre Cinq Lettres qui ne recoiuent point en elles le dict Point Dagues, & sont celles qui sensuyuent. Aleph, He, Heth, Aain, & Res. Mais touteffois ceste lettre cy Res, recoit en elle aucunes fois vng Point, & alors sonne plus fort en pronounciation: & icelluy Point nest pas nomme Dagues, mais Mapich. comme vous porrez amplement veoir en la Grammaire du susal'egue Chancelier de Castille. Tout pareillement en la Grammaire de Augustin Iustinian Euesque de Nebie, et tresabundamment en celle que le trescauant Reuclin a faicte pour le treslingulier prouffit des bons estudiens,

Dagues,

Raphē,

Res,

Mapich,

Augusti
Iustinian

Reuclin,

א ב ג ד ה

ו ז ח ט י

כ ל מ נ

ס ע פ

ק ר צ ע

ש ת .

FIGVRES ET NOMS DE POINTS FEVIL, LXIX,
SERVANS A VOCALES.

—	Pathach,	A
— —	Camez,	a
— :	Hateph pathach,	a
· ·	Cere,	e
· ·	Cegol,	e
·	Seba,	e
· · ·	Hateph segol,	e
·	Hiric,	i
·	Holem,	o
· · ·	Hateph camez,	o
· · ·	Surec,	v
·	Surec,	v

DECLARATION DE LA LETTRE HEBRAIQUE.

Et pource que des susdictes lettres, & des susdicts Points, qui seruent de Maniere Cinq Vocales, les syllabes sont faictes, vous noterez la maniere de assembler de faire lesdictes Lettres : & ce sera en mettant exemple en la Lettre Beth, & faisant syllabes discours par tous les Signes & Points seruans a Vocales.

Doncques Beth ayant soubz luy le Point nomme Pathach, vault autāt de Lres/ que ceste syllabe cy, Ba. Et aussi quant il a soubz luy Cames, tout pareillemēt & Points vault autant que Ba. Quant il a dessoubz luy Hateph pathach, il sonne encores Ba. Quant il a Cere soubz luy, il vault autant que Be. Tout ainsi est il de Cegol, de Seba, & de Hateph segol, estāz escripts dessoubz le dict Beth. Iceluy Beth ayant soubz luy lung diceulx / sonne & vault autant que Be. Quant il a Hiric soubz luy, il vault autant que Bi. Quant il a Holem / ou Hateph camez soubz luy, il vault Bo. Et quāt il a soubz luy le premier Surec, ou apres Entēdez bienicy, luy le second Surec, il vault Bu. Ce sera doncques discursiuement Ba. Ba. Bā. Be. Be. Be. Be. Bi. Bo. Bo. Bu. & Bu. Et par ainsi pouuez faire & dire des susdictz Points par toutes les aultres lettres. Si non quāt Dagues, Raphe, & Ma pich, sont en leur lieu assis: comme ie vous ay cy deuant dict. Des Syllabes on fait les Dictions, & des Dictions Loraïson, comme porres veoir amplement aux susdictz bons Autheurs que iay alleguez, & en plusieurs aultres,

Lettres
Hebraï-
ques ser-
uent de
Nōbres
en cōpte

Notez en oultre que les Hebreux font leurs Nombres en Cōpte par leurs Lettres Abecedaires. & ce, autrement que les Latins & Francois ont coustūme de faire. Car iceulx Latins & Frācois escripuēt & mettēt Vng I. pour Vng, en nombre. Ilz mettent Deux. II. pour Deux. Trois. III. pour Trois. Quatre. IIII. pour Quatre. Et le. V. qui est la Cinquiesme vocale pour Cinq. Mais lesdicts Hebreux escripuent & mettent Aleph pour Vng en Nombre. Beth pour Deux. Gimal pour Trois. Daleth pour Quatre. He pour Cinq. Vau pour Six. Zain pour Sept. Heth pour Huit. Teth pour Neuf. & Ioth pour Dix. Caph pour Vingt. Lamed pour Trente. Mem pour Quarante. Nun pour Cinquante. Samach pour Soixante. Aain pour Septante. Pe pour Huitante. Sadic pour Nonante. & Coph pour Cent. Res pour Deux Cens. Sin pour Trois Cens. & Tau pour Quatre Cens.

Aulcuns escripuent & mettent en Nōbre Cinq Cens. Six Cens. Sept Cēs. Huit Cens. & Neuf Cens par les Cinq lres Finalles. Cest a scauoir. Cinq Cēs par Chaph. Six Cens par Mem. Sept Cens par Nun. Huit Cens par Phe. & Neuf Cens par Sadic. Mais ceste maniere de nombrer par lesdictes Cinq lres Finalles n'est pas tenue ne obseruee de tous. Car le Cōmun vsage est de assembler les lettres Abecedaires les vnes avec les aultres en ceste facon. Pour Cinq Cens/ ilz mettent Tau, & Cof ensemble. Car Tau vault seul Quatre Cens, & Cof Cent. Ainsi fault faire des aultres lettres/ les adiouxant les vnes aux aultres selon le Nombre quil vous plaira faire ou escrire.

Pour Cause de breuete ie passe oultre; & viens aux Lettres Grecques. Desquelles diray superficiellement, comme iay cy deuant dict des Hebraïques.



Es Grecs ne lisent pas a Gauche ne retrogradāt cōme les Hebreux. mais a droict en procedāt de la par tie de la main Gauche / a la main Droicte. Comme font les Latins / & les Francois.

Noms
de lettres
Grecqs.

En la langue Grecque ya. XXIIII. Lettres, desquelles les Noms sensuyuent. Alpha. Vita. Gāma. Delta. Epsilon. Zita. Ita. Thita. Iota. Cap- " pa. Lambda. Mi. Gni. Xi. Omicron. Pi. Rho. Sigma. Taf. Ypsilon. Phi. Chi. " Psi. & Omega. Les Figures desdictes, XXIIII, lettres sont cōme il sensuyt en "

DECLARATION DE LA LETTRE GRECQUE. FEUILLE LXX.

Maïuscules. A. B. Γ. Δ. E. Z. H. Θ. I. K. Λ. M. N. Ξ. O. Π. P. Σ. T. Υ. Φ. X. Y. Ω.

Et en lettres Menues qu'on dict Lettre courant. α β γ. δ. ε. ζ. η. θ. ι. κ. λ. μ.

ν. ξ. ο. π. ρ. σ. τ. υ. φ. χ. ψ. Desquelles la Valeur & Declaration est cōme il sensuyt. Alpha vault autant que vng A. Vita vault vng B. & aulcunefois vng V. Consonne. Gāma vault vng G. Delta vng D. Epsilon est vng E, qui Veult estre pronūce doulx. Zita est vng Esd, Cest a dire vne telle lettre qui sensuit. Z. Ita vault vng I. long en quantite de syllabe metrique, & souuant est mue & change de Grec en Latin pour E long en quantite de syllabe metrique. Thita vault vng Th. Iota est vng I. tousiours vocale en Grec En Latin & en François la Lettre I. est aulcunefois Cōsone. Cappa. Vault vng K. aulcunefois vng C. & aulcunefois ceste lettre Q. Lambda vault la lettre L. Mi. Vault M. Gni. vault N. Xi vault la lettre. X. Omicron vault O bref en quantite de syllabe metrique. Pi vault vng P. Rho vault R. Sigma vault S. Taf vault T. Ypsilō vault le I. doulx & mol a pronūcer. Car il veult estre prononce beaucoup plus doulx & mol que I. Vocale latine. Phi vault Ph. Chi vault Ch. Psi vault Pi. & Omega vault O long en quantite de syllabe metrique.

Cōferen
ce des let
tres Grec
ques aux
Latines.

Les susdittes XXIIII. Lettres sont tout Premièrement diuisees en deux parties. en Vocales / & en Consones. Les Vocales sont Sept en nombre nom- mees & escriptes comme il sensuit. Alpha. Epsilon. Ita, Iota. Omicrō. Ypsilō. & Omega. A. E. H. I. O. Y. Ω. Les Consones sont en nombre Dix & sept. Cest a sauoir. Vita. Gamma. Delta. Zita. Thita. Cappa. Lambda. Mi. Gni. Xi. Pi. Rho. Sigma. Taf Phi. Ch. & Psi. B. Γ. Δ. Z. Θ. K. Λ. M. N. Ξ. Π. P. Σ. T. Φ. X. Y. & en lettre Menue & courant. β. γ. δ. ε. ζ. η. θ. κ. λ. μ. ν. ξ. ο. π. ρ. σ. τ. φ. χ. & ψ.

Vocales
Sept.
Cōsones
XVII.
Vocales.

Des susdittes Sept vocales en ya Deux longues de leur primitiue nature en quantite de syllabe metrique. & celles sont Ita & Omega. H. Ω. η. ω. Il y en a Deux Breues. & celles sont Epsilon Cest a dire e / tendre & sec qui nest point aipire. & Omicrō Cest a dire o bref. E. O. ε. ο. Il y en a aussi Trois Communes,

H. Ω.
E. O.
A. I. Y.

qui peuent aulcunefois estre longues en prolation de syllabe / & aulcunefois breues. & celles sont. A pha. Iota. & Ypsilon. A. I. Y. α ι υ. Desquelles Sept

Six

Vocales Six Diphthongues Propres peuent estre faictes. Car de Alpha & de Iota est faicte ceste Diphthongue Propre. AI. αι. De Alpha & Ypsilon est faicte aussi ceste Diphthongue propre AY. αυ. De Omicron & Iota est faicte. OI. οι. De Epsilon & Ypsilon. EY. ευ. De Epsilon & Iota. EI. ει. & de Omicrō & Ypsilon. OY. ου. Lesquelles Disphthongues propres sonnent en prononcia- tion. AE. AF. EF. I. & O. Oultre ces dittes Cinq Diphthongues propres en ya Quatre Impropres. & sont dittes Impropres pour ce q̄lles ne sont pas escri- ptes chascune a part soy de deux Vocales entieres. mais la deniere Vocale en icelles est aucunemēt diminuee de sa figure / ou chāgee de lieu. Ces dittes Diph- thongues Impropres sont Quatre en nombre / & sont faictes comme il sensuit.

Dipha
thōgues
Propres,
AI. αι.
AY. αυ.
OI. οι.
EI. ει.
OY. ου.
Quatre,

La premiere est faicte de le Alpha entier / & de Iota la moitie plus petit en haulteur que le dict Alpha. Et en Lettre courant elle est faicte du dict Alpha entier & de Iota conuert y en vng petit point biē petit, & assis tout au mylieu du des- soubz du dict Alpha. en ceste facon. Ai. α. & ceste Diphthongue ainsi faicte est prononcee comme. A.

EI. ει.
OY. ου.
Quatre,
Dipha
thōgues
impro-
pres.

La Seconde Diphthongue Impropre est faicte en lettre maïuscule de Ita & de Iota subsequnt la moitie plus petit en haulteur que Ita. En lettre courant Iota conuert y en vng petit point est tout droit assis soubz le mylieu du dict Ita. en ceste facon. Hi. η. & ceste Diphthongue ainsi escripte, veult estre prononcee comme I. long en quantite de syllabe metrique.

Ai. α.
Hi. η.

La Tierce Diphthongue Impropre en lettre maïuscule est faicte de Omes

DECLARATION DE LA LETTRE GRECQUE.

Ωι. ωι. ga & de Iota subsequence la moitié plus petit que le dict Omega. En lettre courrant le Iota conuertie en vng petit point veult estre assis droit soubz le mylieu de le Omega. en la facon qui sensuit. Ωι. ωι. & ceste Diphthongue Impropre veult estre prononcee comme O long en quantite de syllabe metrique.

Υι. υι. La Quatrielme & dernière Diphthongue Impropre en lettre maiuscule/ est faicte de le Ypsilon & de Iota la moitié plus petit que le dict Ypsilon. Mais en lettre courrant le Iota veult adherer a le Ypsilō par derriere, & auoir sa queue pendant & plus basse que le Ypsilon na sa pense dembas. en ceste facon. Υι. υι. Et ceste Diphthongue Impropre sonne en prononciation comme. Y. a moitié proufere doux & solide.

Cōsones fones & sont en nombre. XVII. Desquelles ya Huit Semiocales. Zita. Xi. P si. Lambda. Mi. Gni. Rho. & Sigma. qui sont ainsi figurees. Ζ. Ξ. Υ. Λ. Μ. Ν. Ρ. & Σ. Desquelles Semiocales. en ya Trois Doubles. Ζ. Ξ. & Υ. & quatre Liquides. Α. Μ. Ν. & Ρ. Les autres Consones qui restēt sont Mutes. & icelles sont Neuf en nombre total. Β. Γ. Δ. Κ. Π. Θ. Φ. & Χ. Desquelles en ya Trois nō aspirees. Κ. Π. & Τ. Trois aspirees. Θ. Φ. & Χ. Et Trois moyennes, Cest a dire, qui sont a demy non aspirees, & a demy aspirees. Β. Γ. & Δ. Desquelles toutes susdittes. XXIII. lettres cy deuant declarees & faictes en leur figure, Les Syllabes peuuent estre faictes. & des Syllabes les Dictions, & pareillement des Dictions Loraïson. comme pouuez veoir amplement en la Grammaire de Constantin Lascaris. de Chrysoloras. du docte & elegant Virban. de Theodose Gaze, & de maints autres nobles & bons Autheurs tant/ Anciens que Modernes,

Constantin Lascaris.
Chrysoloras.
Virban.
Theodose Gaze.

CY APRES SENS VIVENT LES
LETTES GRECQUES EN FIGURES
MAIUSCULES:

Α Β Γ Δ Ε Ζ

Η Θ Ι Κ Λ

Μ Ν Ξ Ο Π

Ρ Σ Τ Υ Φ

Χ Ψ Ω ;

DECLARATION DES LETTRES LATINES.

Notez
bien icy
que cest
Des Let
tres
Latines,



Pres les Lettres Grecques viennent les Latines que iay cy deuant en nostre toural Oeuure tousiours dictes & appellees Attiqs. & ce/ a bonneraison. Car la plusgrande partie des Lettres quon dit vul/ gairement Lettres Romaines sont en valleur & Figure purement Grecques. cōme pouuez veoir & entendre si vous y voulez bien prendre garde.

Les Romains ont pris des Grecqs Le Alpha, le Vita, le Gamma. du quel ilz ont fait leur Lettre. L. en tournant le summit au bas. Ilz ont pris Epsilon. Le Zeta. La vocale Longue nommee Ita. & en ont fait leur aspiration. Ilz ont pris Iota. & Cappa. Ilz ont, disie, pris Lambda, & en tornant le Chef au pied en ont fait leur Cinquiesme Vocale V. Ilz ont pris Mi, & Gni. Omicron. & Rho. du quel ilz ont fait leur Lettre. P. Ilz ont pris Taf. Ypsilon & Chi. du quel abusiuemēt ilz on fait leur Lettre. X. Desq̃lles Lettres toutes susnōmees les Figures sōt cōme il sensuit. A. B. T. aisi retorne. L. E. Z. H. I. K. A. aisi torne V. M. N. O. P. T. Y. & X. qui sont en nombre. XVI. Parquoy de Lettres pu/ remēt Latines ny a q̃. C. D. G. & La lettre F. encores nest elle pas Latine, mais Eolique/ & consecuiuemēt Grecque. Car les Eoliens qui lont inuētee sont vne Noble Nation en Grece. Ilz lont faite comme iay dit ia par plusieurs fois de Gamma assis sus yng autre Gamma. La lettre. R. tout pareillement est faite de la lettre Grecque nommee Rho, en luy adiouxāt a la pāse vne iambe a de/ my couchee. Par ainsi pouuons conclure que les Latins nont que Cinq Let/ tres propres. C. D. G. Q. & S. Noz lettres Francoises ne sont pas ainsi prises ne des Grecques ne dez Latines mais plustost sont en leur Figure icy Natiues & Domestiques. On porroit toutefois penser quelles ont quelque ressemblan/ ce en Figure/aux Hebraïques, pource que pour la plusgrande partie elles acces/ dent a Lart & Forme dicelles, comme porrez veoir cy pres ensuyuant aux Cas deaulx de Lettre Francoise, & en la Lettre de Forme. tout pareillement en la Bastarde & en la Torneure.

Mension
des Let
tres Frā
coises.
XXIII.
Lettres
VI. Vo
cales.
XVII.
Cōsones
Entēdez
bien icy.

Les Latins doncques tant en Lettres empruntees que propres en ont en total Nombre vingt & trois. A. B. C. D. E. F. G. H. I. K. L. M. N. O. P. Q. R. S. T. V. X. Y. Z. Lesquelles tout premieremēt sont diuisees des Gramma/ riens en Six Vocales. A. E. I. O. V. Y. & Dix sept Consones. B. C. D. F. G. H. K. L. M. N. P. Q. R. S. T. X. Z. Les Vocales sont diuisees en Deux nom/ bres. En Vocales Prepositiues. & en Subiūctiues. Les Prepositiues sont Trois. A. E. O. Les Subiūctiues aussi Trois. E. V. I. Le Ypsilon demore sans estre pre/ mise ne soubz mise en Diphthongue Latine, Mais en Diphthongue Francois/ se, elle est bien souuant / & en plusieurs manieres Subiūctiue, comme porrez cognoistre facilement en lisant Liures en Langage Francois.

Vocales
Prepositi
tiues &
Subiun
ctiues.
V. Diph
thōgues.
Mension
de la Lā
gue Fran
coise.

Les Vocales sont dictes Prepositiues & Subiūctiues pource quelles peu/ uent les aucunes, comme est dict, estre premises & soubz mises aux autres pour en faire Diphthongues, qui sont en nōbre Cinq. AE. OE. AV. EV. FI. pour la Langue Latine Mais pour la Langue Francoise en ya oultre & avec celsdits/ tes Cinq plus de Sept autres, comme porra veoir celluy qui y auisera bien.

VII. Se
miuoca
les.

Les. XVII. Consones sont diuisees en Sept Semiuocales. L. M. N. R. S. X. Z. & en Huit Mutes. B. C. D. F. G. P. Q. T. Les dittes Semiuocales sont di/ uisees en Quatre Liquides. L. M. N. R. & Deux Lettres Doubles. X. Z. Ces deux Lettres cy K. & S. selon Alde, & autres bons Auteurs, demorēt simples & pures Cōsones. Des Lettres on fait les Syllabes, des Syllabes les Dictiōs & des Dictiōs Loraïson. Faïctez en vostre debuoir.

VIII.
Mutes.
IIII. Li
quides.
II. Dou
bles.
K. & S.

**SENS VIENT LES DITTES LETTRES QVON
DICT LATINES ET ROMAINES.**

1
A B C D E F

G H I K L M

N O P Q R

S T V X Y

Z ; I H̄ Σ .

DECLARATION DES LETTRES FRANCOISES.

**Notez
pour
quoy s'ot
dits Ca-
deaulx,**



Nous auons en nostre vsage commun de France plusieurs manieres & facons de Lettres. Nous auons Cadeaulx qui seruent a estre mis au cōmancement des Liures escripts a la main & aux commācemant des Versetz aussi escripts a la main. Iceulx Cadeaulx veulent estre plus haultx que leur L^{re} Lineaire qui les suy^t dun quart de haulteur. & pource sont ilz dits Cadeaulx quasi cōme Quadreaulx, quilz doibuent quadrer & accorder dū quart a leur lettre Lineaire & Textuaire. Les Maistres Descripture les agencent & enrichissent de fueillages, de visages, doyseaulx, & de mille belles choses a leur plaisir pour en faire leurs monstres. Sigismunde Fante noble Ferrarien en son liure intitule, **T H E S A V R O D E S C R I T T O R I**. Les a faicts de bonne ordonnance / si non quilz sont trop meisgres & affamez. Je les vous baille cy ensuiuant en leur ordinaire ordonnance, & sans les auoir dechiquetez. Si les voulez enrichir, faictes en a vostre bon plaisir.

**Lettre de
Forme,**



Out pareillemēt nous auons Lettre de Forme. qui veult estre Cinq fois aussi haulte que large en iambe courte, comme en le **I**. & autres iambes qui sont faictes du idē **I**. Les Lettres Longues / cme sont. **b. d. f. h. k. l. p. q. s. t. x. z.** veullent estre sept fois aussi haultes que larges, La quelle chose le susdict Sigismunde Fante na pas assez bien obserue en son dict liure. Car il la faict trop longue & meisgre.

**Lettre
Bastarde**



Vltre la Lettre de Forme nous auons la Lettre Bastarde qui est quasi de mesme art que la susdite Lettre de Forme si non quelle est plus meisgre, & quelle veult estre faict quasi comme Lettre Courāt. Le susdict Sigismunde la voulu faire en son dict liure par Quarres & par honds, mais il se y est abuse, en la faisant trop afamee & meisgre, & en fendāt en deux pointes le Summit des Lettres longues, & la Queue aussi desdittes Lettres longues.

**Lettre
de Tor-
neur.**

**Diuers
Noms de
Lettres
D'impres-
sion.
Alde.
Sigismū
de
Fante.**

Nous auons dauātage Lettres de Torneur desquelles les Anciēs escriuoient Epitaphes sus les Tumbes des trespassez. Ilz en escriuoient aussi en visstres, en tapisseries, comme on peut veoir en beaucoup de vieulx Monasteres, mais auourd'hui les Imprimeurs en font Les Commācemans de leurs Liures & des Chapistres diceulx. En Impression ya maintes diuerses manieres de Lettres. Cōme Lettre de Forme, qu'on dict Canon. Lettre Bastarde de la quelle on a tousiours par cy deuant Imprimeliures en Francois. Il ya Lettre Ronde. Lettre Bourgeoise, Lettre de Sōmes. Lettre Romaine. Lettre Grecque Lettre Hebraique. & Lettre Aldine qui est ditte Aldine pource que Alde le Noble Imprimeur Romain demourant & imprimāt nagueres en Venise a mis en vsage. Elle est gratuiteuse pource quelle est meisgre comme est la lettre Grecque courant / & non Maiuscule.

**Lāgage
en vulgar
Italien.
Lettres
persienes
Arabiques.
Aphricaines.
Turques
& Tartariennes,**

Après ces Quatre susdittes L^{res} Erācoises. Cest a scauoir. Cadeaulx. Forme Bastarde. & Torneur. Je vous ay faict les Lettres que le susdict Sigismunde dict qui seruēt aux Perses. aux Arabes. aux Aphricains, aux Turchs & aux Tartares. Car il dict ainsi soubz celles que iay ensuyues apres luy. Questo Alphabet to seruē a Persi. a Arabi. Aphricani, Turchi & Tartari. Cest a dire en langage Frācois. Cest Alphabet & **A. B. C.** sert aux Perses, aux Arabes, aux Aphricains aux Turcs, & aux Tartares. Icelles l^{res} veullēt estre leuues a gaucge cōme les Hebraiqs. & leurs nōs sont cōe il sensuit en cōmanceant tousiours a la fin dune chascūe ligne. **Alph. Be. Te. The. Zim. Che. Chi. Dal. Zil. Iz. Xe. Sin. SSin. Sat. Zat. Ty. Zi. Hain. Gain. Fe. Caph. Eiep. Lam. Mim. Nim. Vau. Eliph. Lam. Ge. Nulla.** Elles sont Trēteen nombre, & y en ya qui sont nōmees comme les Hebraiques, toutesfois elles sont differentes en Figure,


ORDRE DES LETTRES ADIOVXTEES. FEUIL.LXXIII.



Ay aussi ensuyuy ledict Sigismunde Fante es Noms & figures des Lettres Caldaïques qui sont en Nombre Vingt & deux. Et veullēt aussi estre leuues a Gauche comme lessusdictes Hebraïques, & Arabiques. Desquelles les Noms sōt en la maniere qui sensuyt. Aleph, Beth, Gumel, Daleth, He, Vau, Zain, Heth, Theth, Iod, Caph, Lamed, Mem, Nun, Samech, Hain, Pe, Zadi, Cof, Kefs, Scin, Tau. Le dict Fante dit q̄ les Hebreux en vsoient au tēps de Moysē estās aux deserts. Ses propres mots sont en la forme qui sensuyt. Questo sopra scritto Alphabeto e Caldeo el quale vsauano li Hebrei nel tempo de Moysē nel deserto. Cest a dire. Cest Alphabet est Caldean, du q̄l vsoient les Hebreux au tēps de Moysē au desert.

Lettres
Caldaïques.

Nōs des
Lres Cal
daïques,
Moysē.



Vis apres les Lettres Caldaïques vien iēt en leur ordre les Lettres Goffes & Lourdes, que Sigismunde Fante appelle Lettres Imperialles & Bullariques, mais ie les appelle Goffes & Lourdes, pour ce quelles demorerent en Rōme du temps que les Goths la subuertirent & misent en cendre/avec toutes bonnes Sciēces & Lettres, tellemēt q̄ ce neussent este les volumes des Digestes/toute la langue Latine fust perie & anichilee. Doncques les miserables Romains apres leur destruction en despit des susdicts Gotz, quant ilz vouloient dire quelque chose estre lourde, ilz lappelloient Gotte : & par succession de temps en corrompant le vocable Goffe, du q̄l vocable Goffe, pour chose lourde & mal seyāte ilz vsēt encores auioirdhuy.

Lettres
Goffes.



Lettres Phantastiques viennēt apres en leur Ordre, lesq̄iles ie vous ay figurees apres vng Exemple q̄ iay aporte de Rōme. Ie scay bien quil y en aura des Mouqueurs, mais ie les lairray patientemēt dire, me contentāt prendre plaisir faire hōnestē seruice a ceulx qui aymēt bonnes choses. Sil ya quelcun qui les blasme, les bons les loueront & estimerōt tant pour lancienete dicelles /que pour ce q̄ ie les mets en veu publique.

Lettres
Phanta
stiques.

Les Egyptiēs en leurs Cerimonies escripuoiēt par Images cōme lācien Au theur nōme Orus Apollo le descript moult bien au long en Grec. On le treuve en Latin aussi, & ie lay trāslate en Frācois/pour en auoir faict vng p̄sent a vng myen bon seigneur & amy. Les dicts Egyptiens, comme iay dict escripuoient par Images: afin q̄ lerude Peup̄e ne peult entēdre leurs Cerimonies/ sās auoir cognoissauce de profonde Philosophie. Car leurs escriptures quilz faisoient/ estoiet excogitees en la nature des bestes, doyseaulx, de poissōns, de mouches, et de mille aultres choses semblables, cōme porres veoir facilement & amplemēt on dict Orus Apollo Iay veu de ces escriptures la/p Images dedās Rōme en vng Porphyre qui est en la grāde Place deuāt le front de nre Dame la rōde, et en vne Esguille & Pyramide qui est pres lesglise des Cordeliers In ara coeli: pres le Capitole, & en vne aultre Esguille qui est pres la Minerue, pareillemēt en vne maison qui est pres le Palais du Mont Iordan, ou il ya en peinture, cōme ien ay aporte le double, vne teste de Beuf / ayant pendu aux deux Cornes deux Houes, puis vne Grenoille, & au dessus delle vng Oueil, en apres vne Chauferette plaine de feu, vng Visage dhōme, vng vaisseau vuydāt de leaue, des Violettes en vng Pot, vng Oueil sus vne sole de Soulier, vne Ancre de nauire, vne Grue tenāt vne pierre de lung de ses pieds, & vng Daulphin sus vne Lampe qui est tenue dune main. En ceste facon la, cōme iay dict, les Egyptiēs escripuoient par Images: cōme le porres veoir & entēdre au susallegue Ancien

Orus
Apollo.

- » Auther Orus Apollo, qui dict tout au cōmancemēt de son Oeure. Aeuum si Aeuum, gnificātes, Solē & Lunā describūt, eo q̄ sint hi Planetæ æui elemēta. Aeuū Vreus.
- » aliter scribere volētes, Serpentē pingunt caudā reliquo corpore regentē. eū vo Basilisc⁹
- » cant Aegyptij Vreum, id est Basiliscū: quo quidē aureo formato Deos circunserpens,

ORDRE DES LETTRES ADIOVXTEES.

dant. Aeuum autē dicunt Aegyptij per hoc aīal significari, qm̄ cū sint tria genera serpentū, cætera quidē moriunt̄. Hoc solū est imortale. Hoc & quodlibet aliud aīal solo spū afflans/abfq; morſu interimit. Vnde cū vitæ & necis potestāte habere videat̄, propter hoc ipſū Deorū capiti imponūt. L'expōſition en lan

LeAage: gage Frācois est cōc il ſensuyt. Les Egyptiēſ voulans ſignifier leAage perpe-


Nature tuel, ſont en Pāinture ou deſeing vng Soleil/& vne Lune, pource que ce ſont deux Planetes qui ſont de treſlongue duree. Voulant eſcrire aultremēt icelluy


Le ſerpent Baſiliſc celluy Serpēt eſt diēt & apelle des diētſ Egyptiens Vreus. Ceſt a dire, Baſiliſc. Ilz le ſont dor, puis le mettēt entour leurs Dieux, & diſent q̄ le Aage eſt ſignif-

Baſiliſc im mortel fie par ce diēt Serpent/ pource q̄ iacoit quil y aye trois manieres de Serpens, ſi toutesſois ceſtuy ſeul eſt imortel, & eſt de telle nature / q̄ de ſon ſifflemēt ſans

Polyphile, morſure quelconque/il tue toute aultre beſte & choſe viuānt. Je reuiens doncques a noz Lettres Fantaiſtiques, & diſ que a limitation & maniere des eſcriptures Egyptiēnes/elles ſont faiētſ par Sinacles & Images, mais elles ne ſont pas faiētſ par raiſon de Philoſophie naturelle/cōc leſdiētſ Egyptiennes. La Premiere eſt vng A. ſignifie par vng Compas ouuert. La Se gōde eſt vng B. ſignifie par vng Fuſy. La Tierce vng C. ſignifie par vne Anſe Et ainſi conſequētemēt de toutes les aultres. Si vous auez deſir den veoir a la maniere des Egyptiens/ vous en trouuerez en Polyphile de belles & bien faiētſ en beaucoup de bons paſſages.

Lettres Vtopiqs. Morus Lāglois Lrēs volūtaires,

 E voulāt plaindre mes peines a vo⁹ faire grātieux ſeruiſe, ie vous ay auſſi en oultre adiouxte les Lettres Vtopiques que iapelle Vtopiques pource que Morus Lāglois les a baillees & figurees en ſon Liure quil a faiēt & intitule. Inſula Vtopia, Liſle Vtopique. Ce ſōt Lettres que pouons appeller Lettres volūtaires/& faiētſ a plaiſir: comme ſont celles que les Chyfreux & Dechyfreux ſont en telle figure & forme quilz veulēt/pour en māder nouuelles quon ne puiſſe entēdre ſans auoir le A. B. C. deſdiētſ Lettres volūtaires.

 N faiſant ſin a noſtre total Oeuure, & louant noſtre ſeigneur Dieu, pareillement en prenant humble & grātieux conge de vous, ie vous ay mis avec toutes les ſuſdiētſ diuerſes ſortes de Lettres, des lettres qui ſont Fleuries, ceſt a dire enuironēes de Fleurs & Feuilles Antiques pour en vſer a faire Lrē dor/ou de couleurs en beaulx Liures, tāt eſcriptſ a la main/que faiētſ en Impreſſion.

Maniere de faire Chyſres en Baſguez dor et aultremēt.

La maniere de faire Chyſres quon a de couſtume faire en Bagues dor, en Tapiſſerie, en Viſtres, en Pāinture, & pluſieurs autres manieres/ pour en ſignifier les Noms & Surnoms du Seigneur & de la Dame, eſt quil fault prendre les Premieres Lettres deſdiētſ Noms & Surnōs: & les entrelacer dune alliāce qui ſoit bien conuenable. Car il ya des Lettres qui accordēt myeulx les vnes avec les aultres q̄ daulcunes, & quāt laccord ſe treuue bel & plaiſant a loueil, ſachez que ſecretemēt ces diuines Lettres la/denotēt quelq̄ inſuſion de grace cōuenable entre ceulx de quitel Chyfre eſt faiēt. Mais notez q̄ les meilleurs Chyſres ne veulēt eſtre q̄ de Deux Lettres, ou de Trois, ou de Quatre au pluſ. Sil y en a dauātage/ceſt merueilles ſilz rencōtrēt bien. Car trop des Lettres enſemble/ nont grace emplus q̄ vng faiſſeau deſpines, entēdu q̄ les vnes eſtans ſus les aultres ſont vne confuſiō quon ne ſcait de tout que ceſt. On ne ſcait ſi ce ſont Lettres, ou eſpines, ou doibſie dire vng Nyd de Pie. Faiētſ les du moins de lrēs que vous porrez:& vous reiglez ſus ceulx q̄ ie vo⁹ ay cy enſuyuant bien faiētſ.

~ 25 f

8 e f 6

h i k l

m n o p

q r s t

v x y z .

LETTRE DE FORME.

A a b c d e f

g h i k l m n

o p q r s t

v w x y z r g

honneur et
service a dieu

a b c d e f g
h i k l m n o
p q r s t u
v y z . 9 . ze.

Assez demande
qui bien sert

LETTRES-TOVRNEVRES.

A B C D

E F G H

I J K L

M N O P

Q R S T

V W X

ا ب ج د ه

و ز ح ط ق

ك ص ش ص ض

ظ ف غ خ د

ذ ر ا س ع

ف ي ك ق ت

LETTRES CALDAIQUES.

Et ainsi des sequentes.

Gmel.

Beth.

Aleph.

𐤀 𐤁 𐤂 𐤃 𐤄

𐤅 𐤆 𐤇 𐤈

𐤉 𐤊 𐤋 𐤌 𐤍

𐤎 𐤏 𐤐 𐤑 𐤒

𐤓 𐤔 𐤕

A

B

C

D

E

F

G

H

I

K

L

M

N

O

P

Q

R

S

T

V

X

Y

Z

LETTRES FANTASTIQUES.

A B C D E

F G H I J

K L M N O P

Q R S T U

V W X Y Z

A

b

c

d



e

f

g

h



i

k

l

m



n

o

p

q



r

s

t



u





x

y

z



LETTRES FLEVRIES.



A E G

K M N

R S M



BREVE INSTRUCTION POVR FAIRE CHIFRES.

Diuerſi-
te de vo-
luntéz.

Lettres
ſôt ſi No-
bles &
Diuines
quelles
ne veul-
lent eſtre
mutilees.
Tresbel-
le & bon-
ne Com-
paraïſon

Autre
belle &
bonne
Compa-
raïſon.




N porroit faire Chifres auſſi des Lettres Grecques / en les alliant & entrelaceant les vnes avec les autres. Si porroit on bié faire de main-
tes autres diuerſes ſortes de Lettres ſelon que le plaïſir du Seigneur
ou de la Dame, ou de tous deux / le voudroit choïſir. Diuerſes Per-
ſonnes les veulent en diuerſes facons. Ien voy daucûs qui les ordônent & font
aſſez bien, & ce ſont ceulx, comme iay deuant dict, qui les font de Deux Let-
tres ou de Trois entieres. Ien voy dautres qui adiouxtent tant de Lettres les
vnes avec les autres, quil ny a pas vne deſdittes Lettres qui demeure en ſon en-
tier, & qui pis eſt, Ilz en font les vnes Manques / les autres Mutilees, & les au-
tres la moitié pluſpetittes, qui eſt cõtre lart de toute bonne Lettre, Il vous cõ-
uient Noter que Les Lettres ſont ſi Nobles & Diuines quelles ne veullent au-
cunemēt eſtre contrefaictes, mutilees, ne changees de leur propre Figure. Car
comme iay dict & teſmoigne trefabūdantement en pluſieurs Lieux de tout no-
ſtre Oeuure & Liure, elles reſſemblent au corps humain, ſus la Proportion du
quel ie vous ay deſeigne Les Attiques. Qui oſteroît le Bras, la Iâbe, ou la Te-
ſte dun Hõme, Il ne ſeroit plus Hõme, mais reſembleroit pluſtoſt a vne Soche,
ou a vng arbre trunque. Auſſi pareillemēt qui mutile vne Lettre de quelque fa-
con quelle ſoit, elle neſt plus Lettre, mais Grimace, ou choſe ſi meſchante quõ
ne luy ſcauroit bailler aſſez competent Nom, qui ne voudroit dire que ce fuſt
Vng Monſtre. Dautre part / mettre & aſſembler trop de Lettres emſemble, ne
peuuet eſtre cogneues ne diſcernees en plus que ſeroient cogneuz & diſcernez
Quinze ou Vingt Hõmes eſtans tous les vngz ſus les autres en vng tas. Quāt
on voit Deux Hommes ſus pieds lun pres de lautre, ou Trois, ou voyrement
Quatre, on peut bien diſcerner Lun de lautre, Mais encores au nôbre de Qua-
tre en ya il quelcun qui ne peut eſtre bien veu en ſon entier, pour lempesche
que celluy qui eſt deuant luy / luy faiet. Et pourtant mesbons Seigneurs? & de-
uots Amateurs de Bõnes Lettres? quāt il vous plaira faire Chifres en Bagues
dor / ou autrement? faietez les de Deux, de Trois, ou de Quatre Lettres, ſans en
corrompre, ne diminuer vne de ſa Figure, & vous ferez tres bien.

Ie vous en ay cy deuant faiet de Dix facons ſeuilemēt, Les vngz de Deux
Lettres, Les autres de Trois, Les aucûs de Quatre, & les autres de plus, mais
iay faiet ceulx de plus / non pas pour vous induyre & perſuader a debuoir ainſi
touſiours faire, mais pour vous monſtrer que la trop grande multitude de Let-
tres les vnes ſus les autres / ſe confundent entre elles. & nont pas ſi bonne grace
emſemble que ont. Deux ou Trois, ou Quatre au plus. Ie vous en euſſe peu fai-
re de Cinq Cens ou Mille diuerſes belles & bonnes facons, mais ſil vous agree
vous y eſbatre en ferez tant / & ſi peu quil vous plaira. Le paſſetemps eſt tres hõ-
neſte a vous y exercer, pour ceſte heure feray fin a Noſtre Liure louant Noſtre
Seigneur I E S V S me y auoir de ſa grace aide, & le priant vous donner ſon
Amour a voſtre bon deſir.

LA FIN DE LINSTRVCTION
POVR FAIRE CHIFRES.

FEVIL, LXXX,



Cy finist ce present Liure, avec Laddition de Treze diuerſes facōs de Lettres,
Et la maniere de faire Chifres pour Bagues dor, ou autrement. Qui fut acheue
dimprimer Le mercredi .xxviii. Iour du Mois Dapril. Lan Mil Cincq Cens.
XXIX. Pour Maistre Geofroy Tory de Bourges, Autheur dudiſt Liure, &
Libraire demorāt a Paris, qui le vent ſus Petit Pont a Lenſeigne du Pot Caſ-
ſe. Et pour Giles Gourmont auſſi Libraire demorant au dict Paris, qui le vent
pareillement en La Rue Saint Iaques a Lenſeigne des Trois Coronnes,

97.11.



(F)

SPECIAL 84-B
NK 7072
3615
T71
1529

21

